


Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
3505/A







Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
3505/A






Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
3505/A



Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
3505/A







Prest-Lecusen




3505


A

A x 21

16/8









SECONDE PARTIE 42550

# DES ERREURS

POPULAIRES, ET

PROPOS VULGAIRES,

touchant la Medecine & le regimine de  
santé, refutés ou expliqués.

PAR

M. LAUR. IOVBERT, CONSEIL-  
ler & Medecin ordinaire du Roy, & du Roy de  
Navarre, premier Docteur regent, chancelier &  
Juge de l'Université en Medecine de Montpellier.

AVEC DEUX CATALOGUES

DE PLUSIEURS AUTRES ERREURS

ou propos vulgaires, qui n'ont esté mētion-

nés en la premiere & seconde Edition

de la premiere partie.

ITEM

DEUX AUTRES PETITS TRAI-  
tés, concernans les Erreurs populaires, avec deux  
Paradoxes du mesme auteur.

DERNIERE EDITION.

A LYON,

PAR PIERRE RIGAUD.

M. DCI.

Pris-Locuzon









A  
MON TRES-  
HONORE SEI-  
GNEVR, MONSEI-  
gneur de Neufuille, Seigneur de  
Villeroy, Conseiller & secretaire  
d'Estat du Roy, grand Thresor-  
rier general de l'ordre de sa Ma-  
jesté, Barthelemy Cabrol, son tres-  
humble seruiteur, Salut.



Monseigneur, i'ay  
eu mon refuge à  
vous pour me sau-  
uer du mescon-

à 2 ten-



## EPISTRE

tentement que M. IOV-  
BERT a reçu de moy : à  
raison d'une seconde partie  
de ses Erreurs populaires,  
que ie faisois imprimer,  
comme à la desrobée, voyant  
sa resolution de n'en m'et-  
tre plus en lumiere. Il m'a  
surpris chez l'Imprimeur,  
fort iudigné de mon entre-  
prinse. Toutesfois quand  
il a entendu, que ie vous en  
voulois faire vn present, il  
a esté tellement satisfait,  
que sur le champ il a permis  
à Lucas Breyer, marchand  
Libraire (auquel ie m'en  
estois adressé) de passer ou-  
tre : luy donnant encor deux  
beaux



DEDICATOIRE.

beaux discours, traduits de  
ses Paradoxes Latins par  
Isaac Ioubert son fils aîné.  
En quoy i'ay cogneu par ef-  
fect, le grand respect qu'il  
vous porte, & la venerable  
auctorité que vous avez gai-  
gné sur luy, par voz bien-  
faicts & merites en son en-  
droit: ainsi qu'il proteste  
souuent & en priué & en  
public, vous estimant l'un  
des meilleurs seigneurs &  
amys qu'il ait en France.  
Pource (dit-il) que sans vo<sup>9</sup>  
auoir iamais faict aucun ser-  
uice, ne aux vostres, luy a-  
uez tousiours en tous ses af-  
faires esté si gracieux, benin

ã 3 &



## EPISTRE

& fauorable, qu'il ne pour-  
roit rien plus attendre d'un  
auquel il eust seruy toute sa  
vie. C'est vostre grandeur,  
Monseigneur, de faire ain-  
si acquisition d'un grand  
nombre des seruiteurs bien  
affectionnez, & tels que ie  
cognois ledict sieur I O V-  
BERT: lequel ne s'espar-  
gnera iamais à rendre le  
debuoir, au moindre qu'il  
ayt obligé. L'un de ses mo-  
yens est (qui n'est à mespri-  
ser) d'honorer la memoire  
de ses bien-faicteurs par ses  
escripts. Dont ie m'assu-  
re, que s'il eust de soy mis  
cest' oeuvre en auant, il la

vous



DEDICATOIRE.

vous eust donnee, plustost  
qu'à autre que ie scache.  
Elle est donc vostre de bon  
droit & mesmes veu la per-  
mission de l'auteur: qui est  
vn expres consentement  
comme s'il la vous donnoit,  
& que ie la vous presentas-  
se de sa part. En quoy vous  
plairraaussi considerer, l'ex-  
treme desir que i'ay d'estre  
cognu de vous, m'insinuant  
par ce moyẽ en voz graces,  
& me presentant à vous fai-  
re tres-hũble seruice, quãd  
il vous plaira m'honorer  
de voz cõmandemẽs. Mon-  
seigneur vous me cognoi-  
strez en cela de si ardente

ã 4 affe-



## EPISTRE

affection, que vous le pour-  
riés desirer du plus cōfidēt,  
& asseuré seruiteur que vo<sup>9</sup>  
ayez eu iamais: esmeu à ce-  
la, tant des propos de mon-  
dict sieur IOVBERT, que de  
la commune reputation de  
voz rares & excellētes ver-  
tus, qui vous ont réduit tref-  
aggreable au Roy nostre  
Sire, & aux autres Princes  
de ce Royaume, maniāt les  
plus grands & importās af-  
faires de la Couronne, au-  
tant heureusemēt que pru-  
demment, avec vne mer-  
ueilleuse dexterité, accom-  
pagnée de singuliere confi-  
dence & discretiō, loyauté,  
ron-



DEDICATOIRE.

rondeur, integrité, synce-  
tité & preud'homme, dili-  
gence, patience, vigilance,  
promptitude, honnesteté,  
gentillesse, grace, bonté, dou-  
ceur, humanité, benignité,  
courtoisie, modestie, gene-  
rosité, constance, magnani-  
mité, liberalité, excellente  
memoire, subtile inuentiō,  
profond & sain iugement,  
discours solide & graue,  
tres bon aduis & conseil: &  
& toute autre vertu requi-  
se à vostre estat, condition,  
& charge. O qu'un grand  
Roy est heureux, d'auoir  
un tel conseiller aupres de  
sa personne! O infiniment  
à s'heu-



## EPISTRE

heureux le Monarque, qui  
en auroit autant qu'il y a de  
grains en vne belle grena-  
de, cōme le grand Roy Da-  
rius souhaittoit autant de  
Zopyres! Heureuse la pa-  
trie, heureux le peuple, qui  
a telle adresse, pour obtenir  
de son Roy ce qu'il en peut  
requerir iustement, ou en  
attendre fauorablemēt, ad-  
resse autant facile, autant  
seure & veritable, qu'on ait  
iamais eu en France, d'un  
personnage tāt accostable,  
affable. sās reproche, & dig-  
ne de sa charge, qu'il en fust  
onc au monde. Monsei-  
gneur, ie serois trop proli-

xe



## DEDICATOIRE.

xe (ie le voy bien) si ie vou-  
lois raconter seulement la  
dixiesme partie des louables  
actions qu'on rapporte pu-  
bliquement de vous : outre  
ce que ie m'en sçaurois  
dignement acquitter. Auf-  
si ie pense, qu'il vous sera  
plus agreable, de ietter in-  
continent vos yeux, sur les  
beaux & plaisā discours de  
M. IOVBERT, sçachant, que  
vo<sup>9</sup> auez par cy deuāt prins  
grand plaisir à la premiere  
partie, que luy-mesme fit pu-  
blier y a vn an. le croy q<sup>e</sup> vo<sup>9</sup>  
ne l'aurez pas moindre de  
ceste-cy: mais quoy que ce  
soit, vous plaira interpreter  
en



EPISTRE

en mieux mon hardiesse, &  
aggreer le present que ie  
vous faicts en toute reue-  
rence & humilité : en vous  
baissant les mains, & priant  
Dieu que vous doient,  
Monseigneur, le comble de  
voz meilleurs desirs, en  
parfaicte santé, tref lon-  
gue & heureuse vie.

De Paris ce 3. de

Feurier,

1579.

EPI-



EPISTRE DE B. CABROL, MAISTRE IVRE  
en la faculté de Chirurgie, de  
l'Vniuersité, Cité, & Ville de  
Montpellier, Chirurgien ordi-  
naire du Roy.

*Repulsive des enuieux & venimeux  
propos tenus contre l'Autheur des  
Erreurs populaires.*

ADDRESSEE AV  
tres-vertueux, Magnifique &  
Genereux Seigneur, M. AN-  
TOINE de Clermont, Baron  
de Montoison, & gẽtilhomme  
de la chambre du Roy.



NDICT bie vray  
communement, que  
enuie ne mourra ia-  
mais. Car elle fut  
engendree de Luci-  
fer, dès le commencement du  
mon



## Epistre Apologitique.

mōde: & n'aura iamais fin, non plus que les diables d'enfer peres de calomnie & detraction, dont ils portēt le nom. Je l'ay quelquefois sentie bien picquāte, & facheuse en mon endroiēt: mais ie me suis tousiours console, & ay prins meilleur courage, de ce que ie me voyois en telle affliction, compagnon des plus gens de biē, des plus vertueux, studieux, & sçauans qui soyent au monde: Et de ce que i'ay tousiours ouy dire, qu'il n'y a personne exēpt d'Enuie, que le miserable: & qu'il vaut mieux estre subiect à Enuie, qu'à pitié. Mais ce que i'ay senty en moy de ces piqueures & morsures, n'est rien au prix des assaulx & alarmes qu'elle a donné à M. Ioubert, dès qu'il a com-  
men-



## Epistre Apologitique.

mençé de paroistre, auoir reputatiō, & estre tenu entre les plus doctes & rares personnages de sa profession. Ce fut premiere-ment, quād on eut publié la premiere Decade de ses Paradoxes sans qu'il en sçeut rien: & plus encores, apres que l'ayant reconnuë & aduouee, il l'a fist reimprimer, y adioustant la seconde. Bon Dieu, quelles detractions & calōnies luy excita Enuie, à l'ocasiō de ceste œuvre-là! Ie le sçay bien, pour l'auoir veu, au grand desplaisir de ses amis, & de tous ceux qui cognoissent sa vertu, valeur, & preud'hommie. Cela neantmoins luy succeda tres-biē, & luy donna grand bruit: tout ainsi que la palme se rehausse & releue, contre le fardeau qui la  
pres



## Epistre Apologitique.

presse, & tasche à la deprimer. Tellement que pour le iourd'huy ses Paradoxes sont en telle vogue, & en tel prix, que iusqu'au plus profond d'Alemagne on les desbat, & soustient: comme l'on void par les escripts des plus sçavants de ce temps. Toutesfois ledict Sieur Ioubert, ayant promis un grand nombre de tels Paradoxes (suyvant le roole qui est à la fin de sa premiere Decade, en la seconde & troisieme edition) n'a pas voulu poursuivre cest argument, comme desdaigné & iustement courroucé des meschancetez que l'Envie luy avoit suscité. Vray est qu'en diverses œures, comm'il luy vient à propos, il deduit ses autres Paradoxes: mais ce n'est qu'en passant, &

non



Epistre Apologitique.

non pas à plein fond: de quoy les  
studieux sont fort marris. Ain-  
si est il aduenu (de malheur) à  
l'une de ses dernières œures, qui  
sont les Erreurs populaires &  
propos vulgaires, par luy expli-  
quez & corrigez, iusques au nō-  
bre de soixante chapitres: en pro-  
mettant encor plus de trois cents,  
comme il appert du Catalogue,  
qu'il a faict quant & quant pu-  
blier. Mais ayant entendu par  
vrais rapports, qu'il en soustenoit  
grand'Enuie, detraction, & ca-  
lornie, voire que sa reputation  
en estoit aucunement diminué:  
enuers plusieurs, bien marry a  
deliberé & s'est resolu de quitter  
cest argument: jacoit qu'au iuge-  
ment des plus sensez & ver-  
tueux, qui en parlent sans aucun  
ē trans



Epistre Apologitique.

transport d'affection, l'œuvre soit  
tres-digne de loüange: & qu'on  
en doit desirer la continuation,  
pour le grand bien qui en reuen-  
dra au public. Ils excusent tressa-  
gement, & interpretent benigne-  
ment tout ce que les mesdisans y  
reprennent: & mitiguent douce-  
ment l'aigreur de leurs morsu-  
res. De sorte qu'elles ne peuuent  
nuire aucunement à la reputa-  
tion de l'auteur, ne la diminuer  
tant soit peu: ains au contraire,  
l'augmenter: comme la vertu  
verdoye de la blessure: ou comme  
les plantes qui portent des lar-  
mes (ce sont, resines ou gommes)  
de bonne odeur, ne les produisent  
pas, qu'elles ne soyent ferues &  
blecees, Les principaux chefs des  
reprehensions (pour ne dire plus  
mor



Epistre Apologitique.

morsures) de ceux qui taxēt M.  
Ioubert, de s'estre oublié en son  
œuvre des Erreurs populaires, fōt  
deux. Le premier, de ce qu'il l'a  
dedié à la Reine de Navarre, tres  
vertueuse, & genereuse princes-  
se, vray miroir & patron d'hon-  
neur, veu qu'il auoit à traicter  
au commencement de son œuvre,  
des matieres grasses (comme on  
dict) & parties honteuses, escri-  
uant de la conception, generatiō,  
grosse, & enfantement. Le secōd,  
q̄ tout cela eust mieux esté en La-  
tin, qu'en François, pour deux rai-  
sons: l'une q̄ ces propos ne sonnent  
tāt mal en lāgue estrāgere, qu'en  
vulgaire: & q̄ les fēmes & filles,  
qui en sōt pl<sup>r</sup> hōteuses, n'e eussent  
eu la cognoissāce. L'autre, qu'il ne  
est pas bō de diuulguer nostre art



Epistre Apologitique.

au peuple, & de luy faire entendre ce dōt les medecins se veulēt & doyuēt preualoir: qui est, l'intelligence du plusieurs choses que le peuple fait & dit, sans sçavoir pourquoy, ny à quelle raisō. Quāt au premier, il est suffisammē respondu & satisfaiēt en la secōde de l'œuure, tāt par Louys Berirauā, que par l'auteur mesmes, qui a bien voulu d'abondant chāger d'adresse, & presenter tout le procez à Mōseigneur de Pibrac, Chācelier de ladiēte Dame, pour choisir & trier les propos desquels sa maiesté peut auoir cognoissance & en iuger sans nul scrupule: lediēt seigneur se reseruant le reste, comme estant plus propre à sa condition. On dit, que M. Ioubert faiēt par ce moyen vne  
amen



Epistre Apologitique.

amende honorable. Vrayement  
cela est honorable & fort loüa-  
ble, de surmonter soy mesmes, &  
se commander tant, que de n'v-  
ser de la liberté commune des es-  
crivaains, en ce que le moindre  
des lecteurs pourroit estre offen-  
sé. Et quoy? en familier propos, on  
dict bien à tout coup ( pour peu  
qu'on vueille contredire à quel-  
qu'un, voire estant inferieur à  
soy) pardōnez moy. Faut-il crain-  
dre de le dire à une Princesse, ou  
à autres de tous estats, quand on  
entend qu'ils sont aucunement  
offensez? S'il y eut iamaïs occa-  
sion de dire, pardonnez moy c'est  
quand on pense faire quelque  
plaisir ou service, & il est tourné  
au rebours. Ainsi d'un propos qu'on  
aura dit pour risée facetieuse-  
ment,



Epistre Apologitique.

mēt, lequel sera prins autrement,  
on s'excuse en disant, pardonnez  
moy, ie ne pensois pas mal dire:  
ou, ie n'y pense aucun mal, ou ie  
ne l'entends pas comme vous le  
prenez. Et bien ! Voila des repa-  
rations & amendes hōnorables:  
desquelles il ne faut auoir honte,  
comme de celles qu'on faiēt pour  
absolution ou expiatiō d'un for-  
faiēt pour absolutiō ou expiation  
d'un forfaiēt: qui est vne peine  
criminelle & de cōtraincte, Mais  
le faiēt dōt il est question est tout  
autre: sçauoir est, d'un qui ayant  
bōne intention de plaire, honorer  
& servir, en reçoit pour recōpen-  
se vne detraction & calomnie  
publique, enuers les plus grands,  
iusques à la personne de la Prin-  
cesse, à laquelle son œuvre est  
de



Epistre Apologitique.

dediee, vouee & cōsacree en toute  
humilité, & deuotion. Quant  
au subiect, i'en ay ouy parler gens  
de toutes qualitez : de tous or-  
dres, rangs, degrez & estats, qui  
pour moy n'abstenoyent pas d'en  
dire librement leur aduis : mes-  
mes que la plus part ignoroyent  
l'affection que ie porte à Mon-  
sieur Ioubert. I'en ay bien peu  
rencontré, qui n'estiment infi-  
niment son œuvre, & desirent  
la continuation : disans, que  
c'est le plus bel argument qui  
ait esté proposé de long temps,  
ensemblement utile & delecta-  
ble : qui sont les deux principal-  
les conditiō d'un œuvre parfaicte  
& accomplie. Et quant à la nun-  
cupation, qu'il n'y a point eu de  
mal, ains au contraire, tout hon-



## Epistre Apologitique.

neur & respect: toutesfois que M.  
Loubert (cōme il est sage, prudēt,  
descret & aduise) a tresbiē faiēt  
de changer son adresse, pour con-  
tenter chacun: ainsi qu'il proteste  
en son Epistre à ses amis & bien  
disans. Je viens au second chef:  
qu'il eust mieux valu escrire ces  
choses en Latin, pour les deux rai-  
sons que i'ay dictes. Touchant a  
la premiere, il y a esté aussi suffi-  
samment satisfaiēt par le Sieur  
Loubert, en la susdictē Epistre, où  
il remonstre pertinemment, que  
les plus chastes femmes du mon-  
de le peuvent bien lire: & qu'elles  
n'y apprendront rien que choses  
vertueuses, & de leur deuoir en  
mariage: & leurs maris aussi.  
Quant aux filles, elles n'y peu-  
uent rien entendre, de ce qui con-  
cer



Epistre Apologitique.

cerner les œuvres de la chair. si elles  
sont bien pucelles de corps &  
d'ame par maniere de dire. Mais  
d'abondāt, pour cōtenter chacun,  
ainsi qu'ē tout le reste, il à despuis  
retrāché tout ce qui pouuoit tant  
soit peu offencer les pl<sup>r</sup> scrupuleu-  
ses consciences: sc̄achant qu'il ne  
faut pas seulement abstenir du  
mal, ains aussi de l'apparēce d'i-  
celuy: qu'il faut quitter & reiet-  
ter tout ce qui peut scandalizer  
autrui, iusques à se desmembrer  
soymesme, se couper bras & iam-  
bes, arracher son œil propre, com-  
me dit Iesus Christ, s'ils font Matt. 18.  
scandale. L'autre raison est, qu'il  
ne faut ainsi diuulguer les pro-  
pos de la Medecine ne les rendre  
tant familiers & clairs: d'autāt  
que le peuple en pourroit abuser,  
ē s̄ s̄a



Epistre Apologitique.

sçachant plus qu'il ne luy appar-  
tient: tellement qu'il vouldra de-  
ormais contester avec les mede-  
cins, presque tous les poinçts de la  
medecine: Ceux qui disent cela,  
sont gens modestes, discrets, &  
vertueux, amis de M. Ioubert, qui  
le luy ont dit familièrement, par  
maniere d'aduis. Mais il semble  
n'auoir pas bien leu son Epistre,  
Au lecteur d'esprit libre & studi-  
eux: en laquelle il remōstre, qu'il  
a entrepris ceste besongne, pour  
contenir le peuple és limites de sa  
vocatiō, & le persuader de n'at-  
tenter rien au faict de la Mede-  
cine: qu'il ne soit plus tant outre-  
cuidé & presumptueux, que de  
coustume: qu'il entēde mieux ce  
qu'il a retenu des anciens mede-  
cins, pour en vser sagement en ce  
qui



Epistre Apologitique.

qui le cōcerne, & est de sa capaci-  
té: qu'il ne dōne plus tāt de peine  
aux medecins, de luy faire entē-  
dre son deuoir quād il traicte &  
sert les malades: & generalemēt  
que le peuple sçache bien, ce qu'il  
sçait, ou pense sçauoir, & quicte  
les erreurs qui l'ont tant possedé.  
Desquelles remōstrāces & exhor-  
tatiōs l'œuure est toute pleine, sās  
entrer pl<sup>s</sup> auāt en discours, q̄ de la  
portee des idiots. M. Ioubert sçait  
tresbiē, q̄ les misteres ou secrets de  
la Medecine, & les principaux  
points de l'art (propos obscurs &  
d'importance) ne doiuent estre cō-  
muniq̄és ou descouverts aux pro-  
phanes: Ainsi nōme il enquelque  
lieu, tous ceux qui ne sont iurez  
& assermētez en l'eschole de Me-  
decine: suivant le sacré serment  
d'Hip



Epistre Apologitique.

d'Hippocras, lequel il ensuit iour-  
nellement, en faisant iurer tous  
les ans un grand nombre d'escho-  
liers, qui veulēt ouyr les leçons en  
l'Vniuersité de Montpellier, ou y  
prēdre aucūns degrez. Luy qui en  
est Chācelier & iuge, auquel l'e-  
stroictē observatiō des loix & sta-  
tuts est en singuliere reō manda-  
tion (sionques elle fust à aucun  
de ses predecesseurs) n'a garde de  
faillir en cela. Aussi n'est-ce pas  
diuulguer ou enseigner la Mede-  
cine aux prophanes, que de les in-  
struire à bien faire ce qu'ils font,  
& leur expliquer ce qu'ils sçauēt  
sans intelligence, par maniere de  
dire. Et puis? qui pourra trouuer  
mauuais, que chacun en particu-  
lier sçache entretenir sa santé,  
pour n'auoir tant souvent besoin  
du



Epistre Apologitique.

du Medecin? Dira-on, que M.  
Charles Estienne, & apres luy M.  
Iean Liebault son gendre, person-  
nes tresdoctes & humaines, ayēt  
mal faict, d'escrire en François  
leur maison Rustique, où il y a  
beaucoup de remedes familiers,  
& qu'o diēt vsuels, non seulemēt  
à conseruer la santé, ou se preser-  
uer de plusieurs maladies, ains  
aussi d'en guerir plusieurs? Ainsi  
le liure intitulé Thresor des pau-  
ures, est biē veu & receu de tous.  
Ainsi la belle œuvre de M. Simō  
de Valambert, touchant la nour-  
riture & maladies des enfans:  
& plusieurs autres semblables,  
qui ne sont qu'en langage Fran-  
çois. Au contraire, il seroit de be-  
soin, que tout ce dont le peuple est  
capable, cōcernāt sa santé, fut en  
lan



Epistre Apologitique.

langue vulgaire, pour son profit:  
sans luy enuier ce biē, qui est d'v-  
ne Enuie totalement ennemie du  
genre humain. Seroit-il bon, qu'o  
n'eust iamais diuulgué & mon-  
stré au peuple, l'usage du blé &  
du raisin, à faire du pain & du  
vin: de cuire la chair, & appre-  
ster les autres viandes: ains que  
certains hōmes eussent tenu cela  
secret entr'eux, à fin que tous les  
autres passassēt par leurs mains,  
& fussent à leur discretion, pour  
auoir du pain, du vin, & de la  
viande? Ainsi pour monter plus  
hault, des viures terrestres du  
corps, aux celestes appartenans  
à l'ame ) on se plaint d'aucuns  
Theologiens, qui ne veulent per-  
mettre qu'on traduise la sainte  
escripture en vulgaire, afin que le  
peu



## Epistre Apologitique.

peuple ne l'ayt que par leur bouche: priuans les ignorans de ceste  
pasture spirituelle: laquelle toutes  
esfois eux mesmes proposent &  
expliquēt en pleine chaire, autāt  
profōdemēt, subtilemēt, & distin-  
temēt qu'ils peuuēt. Et quelle dif-  
ferēce y a il, de lire les mesmes tex-  
tes a part dās sa maison, ou de les  
puyr souuent reciter publicquemēt  
& en vulgaire? Je ne trouue pas  
grād differēce de telles rigueurs,  
l'auēc celle qui empesche le peu-  
ple de sçauoir pour sa prouisiō, au-  
tāt qu'il peut cōprendre de l'art,  
qui enseigne à viure sainement,  
& se biē gouverner en maladie,  
sōus la conduiēte & l'ordonnāce  
des Medecins. Et (ie vous prie)  
qu'escrit Mōsieur Ioubert, sinon  
que presque tous les iours re-  
mon



Epistre Apologitique.

monstrent & inculquent les medecins aux malades, ou à leurs amis, parës, alliez, seruiteurs, gardes, & autres assistäs? Est-il plus mal faict de l'escripre, que de le dire? Ne veut on pas qu'il soit bien retenu? Et voicy le moyen, de le mettre par escript: car la voix se perd, & l'escriture demeure. Ainsi ie ne vois pas, que ceste reprehension ayt lieu, & soit mettable, ou ie ne l'ay pas bien cõprins. Voyla les principaux chefs (ce me semble) des censures que i'ay ouy parcy, par-là. Il y a bien vn autre poinct, duquel M. Ioubert est fort absurdement calomnié: c'est pour les depositions des sages femmes, qu'aucuns osent dire, auoir esté inuêtees par luy mesmes. Il refuse bien cela en l'Epistre, à ses amis

&



Epistre Apologitique.

& bien disans, nōment celuy qui  
luy a fourny celles de Paris & de  
Bearn. Quant a celle de Carcas-  
sonne, ie sçay biē qu'il l'a eue d'un  
qui estoit principal Secretaire de  
M. le Mareschal Dampville,  
qui la recitoit souuent pour plai-  
sir. Et M. Ioubert est bien empes-  
ché d'entendre seulement les ter-  
mes, desquels vsent ces sages  
femmes: pour les sçauoir accom-  
moder aux diuerses parties du  
mēbre qui distingue le sexe. Car  
il n'est pas en peine d'y trouuer  
autant de pieces, qu'en mettent  
les matrones. Nous en demōstrōs  
ēs publiques Anatomies seize, ou  
dixsept: que ie reciteray de l'or-  
dre qu'elles se presentent. 1 C'est  
l'os Bertrād ou Barré, autrement  
dict l'os Pubis ou du penil: 2 le  
poil



Epistre Apologitique.

poil qui couure la susdicte par-  
tie: 3 la motte, de quelques uns  
appellée Mont de Venus: 4 les  
deux leures ou babines, qui sont  
la bouche ou emboucheure: 5 les  
deux pterigomes ou aislerons  
grands, nommez vulgairement  
landies: 6 les deux moindres  
aislerons dessous les grands,  
qu'on appelle Nymphe d'un mot  
grec: 7 le Tentigo, ainsi nommé  
de Fallope: qui est comme une  
verruë au haut de la motte, cou-  
uert des grands aislerons. C'est  
la teste & balane ou gland du  
Clitoris, lequel rapporte au mem-  
bre viril: 8 ledict Clitoris, com-  
posé de deux nerfs cauerneux:  
9 deux muscles qui le bendent  
& font dresser: 10 l'orifice de  
la



Epistre Apologitique.

11 la vescie, qui est une valve  
charnüe: 11 cinq ou six carun-  
cules ou carnositez, semblables  
à verruës: 12 le grand canal  
respondant à la longueur du  
membre viril, ayant force rides  
circulaires: 13 le Hymen, qu'on  
nomme la Dame du milieu:  
14 la bouche ou entree de la ma-  
trice, ou amarry, aspre & com-  
me dentelee, ressemblât à la bou-  
che d'une lamproye: 15 le col de  
l'amarry: 16 l'orifice interne, qui  
est l'entree dans l'amarry: 17 le  
fond & corps de l'amarry, sans  
aucune distinction de sellules ou  
logettes. Je tais les testicules, &  
les aisles qui les soustiennent, a-  
vec les vaisseaux spermaticques:  
d'autant que ces parties là sont par  
der



Epistre Apologitique.

derriere, cachees à nostre veüe  
si on ne fend le ventre. Tout le  
demeurāt est manifeste & voya-  
ble en la femme entiere, sans luy  
faire aucune incision. Le miroir  
matricial nous les descouvre tou-  
tes. Et qui en voudra auoir le pa-  
se-temps, pour plus grande asseu-  
rance de mon dire, ie les luy mon-  
streray volontiers (qu'il me pour-  
uoy seulement d'un subiect) com-  
me ie les ay monstrees publique-  
mēt aux escholes de l'Vniuersité  
en medecine de Paris. Il ne faut  
dōc pas se mettre en fantasie, qu'il  
ce soyent choses feinctes & con-  
trouuées: mais ie confesse bien, a-  
uec M. Ioubert, que ie n'entend  
pas les termes des matrones, &  
que par consequent ie ne les sçay



Epistre Apologitique.

appliquer aux susdictes parties.  
Ainsi ce sont toutes calomnies,  
maudites impostures & detra-  
ctions, que l'Enuie pasle & tran-  
se a esclacé contre ce bon Docteur  
& maistre, voyāt la grād vogue  
& despesche qu'auoit son trai-  
té des Erreurs populaires: lequel  
esté imprimé dans six mois, en  
quatre diuers lieux: sçauoir est, à  
Bordeaux, Paris, Lyon, & Aui-  
gnon: & en chasque lieu on n'en  
tiré moins de seize cēs. Ce liure  
eu si grande reputation, quen'e-  
stāt au commencement qu'à dix  
ou douze sols, il s'est despuis ven-  
du iusques à vn escu, voire à qua-  
tre frācs: tout ainsi qu'en la cher-  
ché (espece de famine) le prix du  
blé se haulse tous les iours. Qui  
i 3 plus



## Epistre Apologitique.

plus est, chacun demande aux libraires & imprimeurs, la suite de cest œuvre: & mesmes son auteur est iournellement importuné de mettre le surplus en lumiere, au moins de cinq en cinq liures, s'il ne veut tout à un coup suiuant le despartement qu'il en a fait: outre ce qu'il promet d'auantage. Mais il est si despité, & se ressent tellement des susdictes piqueures, cōme il est homme de grand cœur, extrememēt ialous de son honneur, qu'il a souuent pensé, ie le scay bien, de brusler tout ce qu'il en a fait. O quel dommage! Tant y a qu'on ne l'a peu encor fleschir, & faire condescendre à la publication des autres parties: qu'il tient si secret.

tes



Epistre Apologitque.

tes & serrees, qu'il n'y a moyen  
de les voir, ou en auoir simple  
communication. Car ie m'assu-  
re, & il s'en doute bien, que plu-  
sieurs entreprendroyent fort vo-  
lontiers de les faire imprimer  
à la desrobee, sans luy en deman-  
der congé. Or voyant ceste sien-  
ne resolution ( pour ne dire, ob-  
stination ) ie me suis aduisé de  
faire imprimer quelques cha-  
pitres, que i'auois autres fois eu  
de luy, m'ayant faict ceste fa-  
ueur que de m'expliquer cer-  
taines propositions, desquel-  
les ie desirois l'intelligence &  
son aduis. Il n'y en a pas  
grand nombre, mais la plus-  
part des chapitres sont fort  
longs, & contiennent beaucoup



Epistre Apologitique.

de chefs: tellement que qui les  
voudroit despartir par le menu,  
il n'y en auroit guieres moins de  
trente. Monsieur IOVBERT  
les auoit trassez, long-temps a-  
uant qu'il publiast la premiere  
partie des Erreurs populaires:  
& sont de certaines matieres,  
qui ont esté despuis rangees  
par leur autheur, en la diuisi-  
on de toute l'œuure, & gene-  
rale & particuliere, pour tenir  
lieu, l'un au septiesme liure,  
l'autre à l'onzieme, dix & se-  
ptiesme, vingttiesme, vingt  
& troisieme, vingt & cingui-  
esme, vingt & siziesme, &  
ceux qui s'ensuiuent iusques au  
trentiesme. Je ne me suis pas  
autrement soucié de leur ordre,  
puis



## Epistre Apologitique.

puis qu'on ne peut avoir autre  
chose pour le present de leur au-  
theur, ainsi qu'il auoit promis.  
Il en faut user comme d'un  
mauvais payeur, duquel on  
prend ce qu'on en peut retirer.  
Je me suis contenté, de faire  
faire & observer son orthogra-  
phie, comme si l'ouvrage sortoit  
de sa main. A quoy s'est fidelle-  
ment & tres-volontiers em-  
ployé Christofle de Beau-chastel  
son nepueu: auquel i'ay faiët  
donner pour son vin, autant  
de doubles escus, qu'il a dou-  
blé de chapitres. Je sçay bien  
que Monsieur IOVBERT  
ne sera pas content de ce que  
i'en ay faiët, mais i'y ay esté  
poussé d'une bonne affection &



## Epistre Apologitique.

intention, qui me pourront faire  
trouuer grace enuers luy: mes-  
mement quand ie l'auray faict,  
de l'aduis de quelque sien grand  
amy: & que l'œuvre sera bien  
imprimee à sa façon. Car bien  
souuent la circonstance faict,  
qu'il n'y a point de mal en ce qui  
de soy est reprochable, comm'on  
dict, du bon dol. Et pource i'ay  
pensé de vous en communiquer,  
Monsieur, vous (-dis-je) qui  
auez credit, & pouuoir d'ap-  
païser ledict Sieur IOVBERT,  
quand il se plaindroit de ceste  
mienne entreprise: d'autant  
que ie voy bien qu'il vous res-  
pecte, reuere, honnore & cherist  
singulierement: vous étant si  
amy & seruiteur, qu'il n'en  
pour



Epistre Apologitique.

pourra auoir aucun desplaisir,  
s'il sçait que vous l'avez trou-  
ué bon. Ains au contraire, il me  
sçaura gré de l'auoir fait,  
quand il verra que ç'a esté apres  
vous auoir déclaré mon des-  
seing: ensemble à messieurs de la  
Roche & de Beau-fort voz tres-  
chers freres, messieurs de la  
Baume, de Montperoux la  
Verumne, de Vontais, de Par-  
dillan, du Moutet, de la Co-  
ste, de Brette, de la Bastie:  
messieurs de Sagnes, Reuol, les  
deux Girards freres, du Vau-  
re, Alian, Renier, & autres ses  
amis, qui voyent plus clair en  
cet affaire que luy, cōme ceux qui  
sont hors du ieu. Et outre ce que  
ie le descharge par tel moyen, du  
pen



Epistre Apologitique.

pensément qu'il en pourroit auoir, encor ie luy cause ce plaisir, de l'exempter & vindiquer des morsures & piqueures de la maudite enuie (qui seule arreste le cours de toute l'œuvre, promise d'un bel ordre ) en prenant sur moy toutes les indignations des malins enuieux. I'ay adiousté à ceste seconde partie des Erreurs populaires, un Catalogue de plusieurs diuers propos vulgaires, que i'ay colligé de plusieurs. Et celui qui m'en a le plus fourny, pour les communiquer à Monsieur IOVBERT, ça esté Maistre Guillaume Capel, docteur en Medecine de Paris, homme tres-docte & humain, fort curieux des choses plus genti-  
til



Epistre Apologitique.

tilles. Je ne doute pas que Monsieur IOVBERT ne reçoive de bon cœur ledict Catalogue, ayant invité tous les lecteurs à luy envoyer de toutes parts, les sentences vulgaires qui ne sont en son roolle. Ainsi ie le gratifieray au moins de cela, que le luy donne comme pour mon symbole,

Monsieur, ie vous supplie tres-humblement vous tenir prest pour ma deffence, si par fortune i'ay encourir reproche de ceste entreprise: & me parer de vostre targe, qui est la bonne grace de Monsieur IOVBERT, lequel ayme & estime infiniment la vostre. Qu'il sçache par vous, que ie ne l'ay faict sans conseil, & que i'y a esté contrainct



Epistre Apologitique.

trainet de l'utilité publique : laquelle j'ay preferee à mon plaisir particulier. Car ie le sentoy bien plus grand, me voyant seul iouyssant. & possesseur de ce fruit. Mais ie l'ay mieux aimé despartir à ceux qui en sont desireux, pour le goust qu'ils ont prins, à ce que l'autheur en a luy-mesme publié. I'y ay aussi esté inuité, pour auoir dequoy faire un present à Monseigneur de VILLEROY : auquel ne pouuant rien offrir du mien, qui fust digne de sa grandeur, j'ay emprunté des fruits d'un qui luy est tres-affectionné seruiteur, & qui n'en sera pas mal content, (ie m'en assure) quand il s'en auisera.

MON




Epistre Apologitique.

*MONSIEUR, ie vous bai-  
se les mains, priant Dieu qu'il  
vous doint l'accomplissement  
de voz meilleurs desirs, en par-  
faicte sante, longue & heuren-  
se vie. A Paris ce vingtiesme  
de Ianuier, mil cinq cents soi-  
xante dix neuf.*

L'IM











L'IMPRIMEUR  
AU LECTEUR

DE BONNE

A M E.

**A**MY Lecteur, ie  
dois bieu estre excuse  
enuers toy, attendu ma bone  
volonté, si i'ay en plusieurs  
endroits failly cōtre l'ortho-  
graphie de M. Ioubert,  
l'autant qu'elle m'a esté fort  
nouuelle à ceste fois, & dif-  
ficile à imiter. De quoy ie t'ay  
bien voulu aduertir, afin  
ô que



que tu n'imputes à l'autheur  
quelque deffaut en l'obser-  
uation de ses reigles, ou de  
n'estre par tout semblable  
soy. I'espere de faire mieux  
une autre fois, si i'ay ce  
honneur d'imprimer encore  
de ses œuvres Françoises : t  
priant cependant de corrige  
toy-mesme les fautes plus no  
tables, & qui peuuent trou  
bler le sens (lesquelles m  
sont eschappees) comme s'en  
suit.

ADVER





ADVETISSEMENT  
SVR L'ORTHOGRAP-  
HIE DE M. IOV-  
BERT.

**L** trenche tant  
qu'il peut toutes  
les lettres super-  
flues: c'est à di-  
re, celles qui ne sont pro-  
noncees au langage Fran-  
çois: entendant par *François*,  
non pas toutes les langues  
ausquelles commande le  
tres-Chrestien Roy de Frã-  
nce (à qui Dieu doyent bõne  
õ 2 vie



vie & longue) ains la Cour-  
tisane, ou des lieux esquels  
on parle mieux. Car lesdites  
lettres ne sont point super-  
flues en quelques prouin-  
ces du grand Royaume de  
France, qui les prononcent  
en leur parler vernacule.  
Exemple, le, E, superflu en  
ces mots *Lieuë* & *Eaue*, pour  
dire *lieu* ou *luë*, & *eau* est bié  
prononcé en Poiteuin. Le,  
S, qui est superflu en dix mil  
le mots François, est pro-  
noncé en Gascon, Langue-  
dgeois, & Prouensal. Ain-  
si presque de toutes lettres,  
que le François obmet &  
taise en son parler, vous les  
oyez



oyez prononcer en diuer-  
es Prouinces de ce Royau-  
me. Là où G, doit sonner  
comme I, consonante de-  
uant vn A, ou vn O il entre-  
net vn E, ou il escrit le mot  
par vn j longuet, signifiant  
consonne. De cestuy-cy, vous  
en auez l'exemple au mot  
*gens* au lieu de *gens*: afin que  
il escriuait *gens*, comme  
il est escrit *mangeans*, on  
n'entendit les grands hom-  
mes dictz *gigantes* en Latin.  
On ne trouuera pas estran-  
ge qu'il escriue *mangeoit*,  
mot dissyllabe, veu que to<sup>9</sup>  
escriuent *George*, aussi de  
deux syllabes où le E n'est  
ō 3 point



point ouy. Il escriuait bien  
*manjoit* par j long & conso-  
nant: mais on pourroit equi-  
uocquer, & prendre ce mot  
pour celuy qui signifie tenir  
en main, ou toucher de la  
main. Il escrit par *lh* les mots  
esquels on prononce *L* li-  
quide, comme s'il y auoit *li*.  
Exemple *fille galharde*, com-  
me s'il y auoit *filie, galiade*:  
mais il ne faut faire que vne  
syllabe du *ie* & *ia*. Ce quel'e-  
stranger ne comprendra si  
bien, que d'estre vne fois  
aduerty, que *lh* & vne *l* li-  
quide ou coulant, tout ainsi  
que s'il y auoit vn *I* apres.  
Il faict escrire *fou, cou, mou,*  
*fou*



ou ( au lieu de fol, col, mol,  
& conso-  
re qui-  
re ce mot  
iferent  
er de la  
les mots  
te L-  
auoit la  
de, com  
ade  
ue vne  
quel'e-  
ada  
e fois  
e y l-  
r ainfi  
apres.  
, mon,  
son

u) ainsi qu'on les pronõ-  
e. Il retrenche les N des  
ierces personnes plurielles  
ient, dirent, firent : & tant  
l'autres, comme on peut  
voir en l'Apologie de son  
orthographe composee par  
es enfans. En quoy certai-  
nement il y a grande espar-  
gne de lettres: & par conse-  
quent profit à la Republi-  
que, entant que les liures  
imprimez de ceste façon,  
seront à meilleur marché,  
aumoins de la dixieme part.  
Car il y a bien autāt de let-  
tres rabbatuës. Ce qui est  
fort considerable, attendu



la multiplicité des liures  
qu'on a pour le iourd'huy,  
par benefice de l'Imprime-  
rie : lesquelles il seroit bon  
de reduire en plus petit vo-  
lume, & imprimer en moins  
de lettres qu'on pourroit,  
voire qu'une signifiast tout  
un mot, ou une sentence : à  
l'imitation des lettres Hie-  
roglyphiques des Ægy-  
ptiens (chose bien inuëtée)  
afin qu'on en peust iouyr à  
meilleur marche. Outre ce,  
qu'un gros liure desplaist, &  
donne penſement à celui  
qui en deſire la lecture : car  
on n'a pas pluſtoſt commen-  
cé un liure, qu'on en vou-  
droit



droit voir la fin. Vous ver-  
rez bien d'autres raisons en  
la susdite Apologie ( œuvre  
non moins vtile, que genti-  
le & delectable ) & en la  
declaration des abus que  
l'on commet en escriuant,  
mise en lumiere par tres ex-  
cellent personnage, maistre  
Honorat Rambaud, hōme  
tres-digne de louange im-  
mortelle, pour l'extreme  
desir & ardente affection  
qu'il a de profiter au public,  
plus sans comparaison qu'à  
son particulier. Son liure est  
nouuellement imprimé à  
Lyon, par Ian de Tournes.  
Quand M. IOVBERT en

ō s par-



parle, il dit qu'on ne le pour-  
roit assez estimer: tant est  
de bonne grace, & preignāt  
de raison le discours de ce  
bon homme, lequel il co-  
gnoit familièrement  
& aime extreme-  
ment.

\* \*  
\*

W 2 191



**M**Aius Io captâs nostris IOBER-  
TE camœnis,

Io triumphe, fas Io.

Aut (clari soboles patris) è stige Mæo-  
na solue,

Aut monstra clauâ figere

Desine: vel fuerit tantis ingrata tro-

Nostri camœna seculi. (phæis

Monstra quidem Alcides stupido me-  
tuenda popello,

Partu deorum discidit.

Monstra sed errorum tu Coa cuspide

Turbæ timenda Delphicæ. (scindu,

Ergo tuis ut Io par sit IOBERTE triū-

Emitte Plutus è fauis (phis,

Mæonidem: patris solium vel Apolli-  
nis, aulam

Stellis coruscant scandito.

IO. EDOARDVS du Monin, Burg.



**Κ** Εκροπίδας νοσέοντας ἰδὼν ὀπι-  
δήμιον ἄλγος.

Εξεσάωσε καὶ Κόως Ἰπποκράτης.  
Ἀγνοίω νοσέοντας ἰδὼν ὀπιδήμιον ἡ-  
μᾶς.

Σῶσεν ἸΟΥΒΕΡΤΟΣ δεύτερον  
Ἰπποκράτης.

Ἰοσὴππος Ζκαλανός.

**I**lludit miseris varius mortalibus  
error :

Et nullum errores non genus artis  
habet.

Sed non quàm medica, damnasior  
error in arte :

Vnde salus doctis, mors rudibusque  
venit.

Non ducis indocti duplex datur error  
in armis :

Cui semel errāti tota caterva perit.  
Non



Non sibi coamisso medicus bis aberrat  
in agro.

Errorem cuius mors aliena luit.

Ergo magna tuis, decus ô IOBERTE  
medentum,

Gratia debetur tēpus in omne libris.

Qui non contentus præcepta docere  
medendi,

Qua schola doctorum, Regis &  
aula probet :

Errores etiam, quos ignorantia vanis.

Inuexit populis in sua dāna, doces.

Quod pietas est si qua viam monstra-  
re vaganti,

Quam pius arte tua est vita tuenda  
labor.

IO. AVRATVS Poëta Regius.

**C**Hacun monstre sa faute, vn  
monstre à faire mieux.

Infinis sont de mal, vn chemin de  
bien faire.

De



De IOVBERT & l'aduis, & l'exē-  
ple à mieux faire,  
Tance de faire mal, apprend de  
fa re mieux.  
C'est bien faire, aduertir l'esgaré  
d'aller mieux.  
Le remettre au chemin, est encore  
mieux faire.  
Aduiser l'homme cheu de sa cheu-  
re, est bien faire:  
Et luy tendre la main, est faire en-  
core mieux.  
Tant de lampes esteindre, Apollon n'a  
que faire,  
Menteuses ez couleurs, apprises de  
les faire  
Pallir aux yeux trompez, sinon  
qu'il luyse mieux.  
En vain l'homme deffend, & reprend  
de mal-faire,  
Sinon qu'en faisant mieux, il en-  
seigne à mieux faire.




*Bien faict qui bien reprend, &  
mieux faict qui faict mieux.*

DV PERRON.

LA











# LA SECONDE

PARTIE DES ER-  
REURS POPULAIRES,  
& propos vulgaires, touchant  
la Medecine, & le regime de  
santé.

## CHAPITRE I.

*Que l'on se peut & doit souuent  
passer du vin: dont il n'est tant  
necessaire, que cuide  
le vulgaire.*



AN s.doute le vin est  
tres-bon aliment, qui  
non seulement en-  
gendre de soy beau-  
coup de sang, ains aussi fait mieux  
A dige-



digerer les autres viures, reuient  
toft les esprits, fuscite la chaleur  
naturelle, & luy donne vigueur,  
entretient l'humeur radical, ex-  
purge les excremens liquides par  
sueurs & vrines, dissipant en fu-  
mee les plus subtils, qu'on nōme  
fuligineux. Bref il est infiniment  
profitable, à qui en vse modere-  
ment & à propos. Mais si on abu-  
se de sa bonté, en le prenant plus  
pour plaisir, que par necessité, il  
fait tout le contraire, engendrant  
mille maux au corps & à l'esprit:  
qui ont pour leurs causes pro-  
chaines, des crudités, phlegmes,  
froideurs, opilations, & autres in-  
dispositions totalement contrai-  
res aux qualités du vin. L'expe-  
rience le demōstre suffisammēt,  
quand nous voyons que les yurō-  
gnes sont fort suiects à catharres,  
mal caduc, apoplexie, subeh, stu-  
peur,



neur, paralysie, tremblemēt, gout-  
tes froides, hydropisies, & sem-  
blables. Il faut donc vser du vin  
avec discretion, accōmodant le  
naturel de ses propriétés, au be-  
soin que nous en auons: Et pre-  
mieremēt les enfans qui sont biē  
nés, s'en doyuent abstenir, parce  
qu'ils ont naturellement si grand  
chaleur & humidité qu'on ne leur  
peut augmenter ces qualitez, sans  
en faire preiudice de leur santé.  
Outre ce que le vin remplit fort  
la teste de vapeurs: dont eschau-  
fant leur ceruelle bouillāte, il en-  
dommage leur esprit. Passez les  
dix huiēt ans, le vin est permis  
en bien petite quantité, & plus  
aux filles qu'aux garçons, contre  
l'opinion vulgaire: & il le faut  
augmenter de peu à peu, iusques  
au quarantieme an. Je dis de  
peu à peu: car autrement il trou-



ble l'entendement, & l'elourdit  
ou rend furieux, prouoquant la  
ieunesse à cholere, luxure, & toute  
lascineté. Aux vieillards il est fort  
propre, & leur est comme le lait  
aux enfans. Mesme Platon (diuin  
philosophe) disoit, que Dieu l'a-  
uoit donné aux hommes, pour  
remede cōtre l'aspreté de la vieil-  
lesse, Medecine bien salutaire.  
Car il les fait raieunir, oublier les  
ennuis, soucis, soupçons, & cha-  
grins, les rendant plus maniables,  
en remollissant leur rude & dure  
condition: tout ainsi que le feu  
attendrit & rend maniable le fer.  
De ce propos on peut entendre  
que le vin n'est pas tant necessai-  
re, que plusieurs ne s'en puissent  
bien passer, non seulement estans  
malades, ains aussi en pleine fan-  
té. Car aux complexions chaudes  
nommemēt & aux aages de mes-  
me,



me, il est nuisant: parce qu'il augmente leur chaleur outre sa deue proportion, en danger d'y mettre le feu, qui brulera tout l'edifice. Mais laissant à art telles raisons, ie veux mōtrer par vne enqueste, que l'on vit commodement, sainement, & longuement, voire en tout aage, en tout lieu & toute saison, avec l'abstinence du vin. Le monde est d'ancienneté diuisé en trois parties (auiourd'huy on y ajoute la 4. & la 5.) desquelles l'Europe que nous habitons est selon les Cosmographes, si petite à l'egard des autres parties, que si tout le monde n'estoit qu'une cité, comme Paris, l'Europe de sa part n'y auroit qu'une maison ou deux: l'Asie, l'Afriq̃ & l'Amerique se repartirōt le reste. Or ce peu de terroir, est l'endroit où il se boit plus de vin. Car aux autres pays,

A 3    où



où il n'y croit point de vignes, où les gēs s'abstiēēt de ce breuūage (si ce n'est à cachetes) par l'ordonnance de Mahōmet: duquel la secte a prins telle estendue, que les Chresttiēs ne sont qu'une poignée de gens, comparés à si grande troupe. En sont ils pl<sup>9</sup> mal sains, foibles ou delicats? Non: ains au contraire, nous admirons leur force. Ne dit on pas, Il est fort comme vn Turc? Quant à l'agilité, adresse, viuacité, & autres vertus corporelles, ils ne cedent point aux Chresttiēs, s'ils n'en emportent le pris, outre ce qu'ils vivent sainement, & paruiennent à grand'vieillesse. Si on dit, que l'Afrique & l'Amerique sont pays trop chauds pour l'usage du vin, mais que aux lieux froids ou temperés, on ne peut bien viure sans tel breuūage: ie respondray qu'une part



part de l'Asie est egallement tem-  
perée, & sous le meilleur climat de  
l'opinion des plus renommés  
Geographes. Ce qui est vers le  
Septentrion, gele de froid: ce neant-  
moins le vin par tout est incognu,  
& par tout on vit commodement.  
Que dirons nous, si en nostre Eu-  
rope Chrestienne aussi, on trouue  
infinies personnes qui n'en beurent  
iamais? & d'autres qui n'en boy-  
uent guieres souuent, comme ez  
pays Septentrionaux & froids, où  
il ne s'ẽ recueille point: & apporté  
d'ailleurs, il est si cher, que les pau-  
vres gens n'en tastent sinon les  
bonnes festes? car leur ordinaire  
est de l'eau pure, ou de la biere, cer-  
uoise, citre, poiré, pommé, & au-  
tres breuuages artificiellemẽt pre-  
parés de grains, ou de fruiçts. Ils ne  
viuent pas moins pour cela que  
les riches: ils sont autant sains &  
gail



gaillars, sauf le plus. En noz montagnes ( i'entens de celles qui sont vn peu loin des coutaux & des pleines qui produisent le vin ) les pauvres ne boient que de l'eau pure, & si vivent plus longuement, estant moins souvent malades, que ceux du bon pays: auquel se trouvent encores plusieurs qui, ou de natiuité hayssent le vin, & l'abhorrent estrangement, ou qui l'ont depuis quitté de leur gré, ayas egard à leur santé? comme pour eiter les rheumes, catharres & gouttes. Tellement que si nous colligeons de cette diuision, le nombre des vin beueurs, nous le trouuerons si petit, que du monde party en mille, à peine les dix en seront. On n'oit pas dire pourtant, que nous viuions plus long temps, ou plus sainement à tout nostre vin, que les autres des regions plus chaudes,



les, plus froides, ou temperees.  
Ce neantmoins le vulgaire igno-  
rant, & sur tout le payian, a tel-  
le affection au vin, que sans luy il  
ne penseroit viure. Sain & malade  
il en veut tousiours, mesme estant  
malade de fieure ardente. Si on le  
luy defend, par ce qu'il augmente  
euidemment la brulante chaleur,  
& redouble l'excessiue alteration,  
la douleur de teste & des reins,  
mettant le patient au dañgier de  
frensie, il a opinion qu'on le veut  
mettre bas & affoiblir à ce que le  
mal dure plus longuement. Ces  
pauures gens cuident parfaicte-  
ment que le seul vin soutient tou-  
te la force. Dont pour chasser la  
maladie, ils cherchēt à boire du  
meilleur. Il me souuient d'auoir  
pancé y a vingt cinq ans, vn Gen-  
tilhomme pres Aubenas en Viua-  
rez, qui me vouloit prouuer, que

A 5 luy



luy ayant grand'fieure & continue, à raison d'une vraye pleuresie, ne s'en deuoit abstenir: disant que le Vin ha prins son nom de Vie, cōme s'il estoit de son essence. Et quand i'auoys refuté cela, il me repliquoit ainsi: comment est-il possible, que le vin, si bon & gracieux à toutes personnes, iusques aux plus incognus, fit mal à moy qui toute ma vie l'ay aymé & caressé extrêmement? Ne seroit-il pas bien meschant, & non pas bon, comme chacun l'estime? Voilà les beaux propos que tiennent les plus habiles d'être les idiots, qui ne suivent qu'un appetit sensuel & brutal. Les autres cuident simplement de faire leur proffit, n'estās esmeus d'aucune volupté, non pas mesmes trouuans pour lors bon gout au vin, non plus qu'à une medecine: dōt ils meritēt  
de



de leur naïue simplicité, qu'on les  
oste de cest erreur. Qu'ils sachent  
donc, que les Medecins interdisent  
le vin en deux causes, principale-  
ment en l'une, quand le malade  
ha grand'chaleur par tout le corps  
ou en quelque partie. Ne sentés  
vous pas euidentement que le vin  
eschauffe? Si vous plaignez d'estre  
comme dans vn feu, n'vsés rien de  
ce qui peut augmenter la chaleur.  
Quelqu'un me respōdra, qu'on le  
trempe, ou (comme on dit) laue si  
bien, qu'il n'ha plus gout de vin.  
Et de quoy sert il donc, si l'eau ab-  
bat totalement sa force? Vous  
direz, qu'il corrige l'eau de sa qua-  
lité, & le peu de substance qui est  
parmy, recree & maintient la ver-  
tu du patient. Il faut donc que ce  
peu de vin retiēne son naturel, en  
proportion de sa quantité: dont il  
nuira tousiours quelque peu. C'est  
par



parler à toute rigueur, non pas en  
Medecin doux, humain & amy de  
nature: lequel outre les susdites cō-  
siderations, doit auoir esgard à la  
coustume, & cupidité du malade  
& se souuenir de la sentence du bon  
vieillard, qui dit si sagement: Le  
boyre & le manger vn peu pires,  
mais plus agreables. doyuent estre  
preferés à leurs contraires. Et luy  
mesme donne ez maladies aigues,  
qui sont avec fieure continue, du  
petit vin, qu'on nōme oligopho-  
re, lequel nous pouuons contre-  
faire avec force eau & peu de vin.  
Je diray bien d'auātage, que le vin  
fort trempé desaltere mieux, raf-  
fraichit & humecte plus que l'eau  
pure, ainsi que Galen remōstre de  
l'oxycrat, en ceux qui ont grand  
soif. Car le vin, & le vinaigre fait  
plus auant penetrer l'eau, qui raf-  
fraichit & humecte: dōt il s'ensuit,  
qu'on



u'on s'en defaltere mieux. Et de  
nit, si ie ne craignois l'abus & l'im  
ortunité (car si on en permet vn  
oigt aujourdhuy, demain on en  
eut deux) & le reproche qu'on en  
eut encourir, ou pour le moins la  
suspicion d'auoir mal procedé,  
quand apres il suruiét quelque ac-  
cident de la nature ou ordinaire de  
la maladie (lequel on rapportera à  
vne goutte de vin) i'en permettrois  
quelque peu aux febricitans qui en  
ont grand desir: & ie m'asseure qu'ils  
s'en porteroient mieux. Mais nous  
craignons tât de choses, que nous  
aimons mieux que le malade en-  
dure quelque desplaisir, que si l'hō-  
neur du Medecin en estoit interes-  
sé. Car on abuse facilement de ce  
qui est plaisant: & si on permet  
quelque chose qui soit vn peu su-  
specte au vulgaire, tout est calom-  
nié. Outre ce qu'il y a beaucoup

d'au-



d'autres moyens de substantier vn  
malade fort debile, exempt de tout  
danger ou soupçon: comme sont  
potages, consumés, coulis, pressis,  
destils, eau de chair, œufs frais &  
moulets, qui nourrissent bien plus  
que du vin. Vray est que le vin cau  
se la digestion, & facile distributiō  
des autres choses qu'on prēd: il re  
cree, resioiuit, fait mieux dormir, &  
si desaltere mieux estant bien trē  
pé, que ne fait l'eau pure, ou avec  
du syrop. Seulement ie remontre,  
de ne s'y affectionner tant, qu'on  
en vueille boire comme que ce  
soit, & mesmes qu'il sente au vin,  
quand les Medecins le defendent:  
ou (que pis est d'en boire à la des  
robbee, comme pour nous trôper.  
Nous essayons par tous moyens  
de retirer le bois, qui brulle, & o  
ster les charbons, pour esteindre ce  
feu: & eux au contraire, y versent  
de



de l'huile. Ils ont esgard à la foiblesse: mais comment est-ce qu'on mettra la force au corps, si la chaleur que le vin augmēte, est ce qui affoiblit? On voit que la chaleur de l'Esté, du bain, ou de l'estuue, nous rend tous lasches, vains & abbatus. La fièvre cause semblable effect, pl<sup>us</sup> de sa simple qualité, que du fardeau des mauuais humeurs. Si en mesprisant nos raisons, ils vouloyent à tout le moins entendre aux aduertissemens que Nature leur donne, ils s'y porteroient plus sagement qu'ils ne font. Car comme l'esthomas estant plein d'humeur, le plus souuent nous perdons l'appetit (ce que denote, qu'il n'y faut plus rien mettre, que cela n'en soit hors) aussi quand le vin nous semble amer, ou d'autre mauuais gout, comme il aduiant presque en toutes fieures, il faut soup-



soupçonner, que pour lors il n'est pas profitable,, & que le corps n'a besoin. Car Nature a baillé vne rude cognoissance à l'esthmac, & à la bouche (qu'on appelle vulgairement le cœur, à l'imitation des anciens Grecs) de ce qui nous est cōuenable, avec l'appetit qui nous en aduertit, afin que nous regispar elle, si nous estions bien sages & obeïssans, d'un instinct qu'elle donne, scachions nous gouverner sains & malades. Mais l'intemperance des hommes est telle, que nonobstant ces admonitions, ils veulent suyure vn autre desir. Ie tiens cela pour ordinaire, que quiconque estant malade (sur tout ayāt fieure) sent le vin de mauuais goust, il mesprise & offence Nature, s'il entreprend d'en vser. Mais ie ne dispas au cōtraire, qu'on n'en puisse boire, si on le trouue bon.

Car



Car la seconde occasion qui nous  
contraint à le defendre, ne luy fait  
pas tousiours perdre sa friande sa-  
ueur. C'est le rheume ou catharre,  
lequel lors qu'il est loin de la bou-  
che, n'y peut imprimer mauuaise  
qualité: ce neantmoins le vin est à  
bõ droit prohibé en telle affectiõ,  
pource que les humeurs fondus,  
subtiliés & eschauffés de la chaleur  
du vin, deffluent plus aisément: &  
que la mesme qualité eslargit les  
passages en dilatant les pores &  
conduits. Outre ce que le vin est si  
fort penetrant, que nous le sentõs  
quelquefois iusques au bout des  
ongles, aussi tost qu'on l'a beu.  
Dont rencontrat par chemin des  
humeurs gros, pesans & tardifs à  
se mouuoir, il les pousse, agite &  
rend fluides. Pour ces raisons, nous  
cõseillons aux rheumatics, cathar-  
reux & goutteux, de s'en abstenir.

B

Ce



Ce n'est pas pour nostre plaisir, cōme si nous nous delectiōs à gehēner les persōnes, & à les traiter rudement. C'est le mal qui nous monstre dequoy il s'agrandit, & nous le remonstrons aux malades. N'est-ce pas vne lourde faute, de bailler au mal les armes, desquelles il vous battra? Doncques il conuient se ranger à ceste conclusion, que le vin n'est pas tant propre à l'homme, qu'il ne s'en doyeue souuent passer, en santé & en maladie: veu mesmes qu'il y a infinité de gens qui n'en burent iamais, & ils n'en viuent moins sainemēt. C'est vne grand' erreur, de l'estimer si conuenable à soustenir nos forces, que nuisant de sa qualité, on ne se vueille pas quitter. On fait des boissons delicates pour les plus delicats, au lieu de vin: cōme est l'hipocras d'eau (nommé Bouchet) & l'eau



l'eau de coriandre. La ptisane &  
l'hydromel serōt pour le commun.  
Pentens de l'hydromel aigueux, &  
non pas du vineux, ainsi nommé  
vulgairement, de ce qu'il ressemble  
à la maluoisie de saueur & forceur.  
Dont il n'excite guieres moins les  
fluxions, que le vin. L'aigueux est  
proprement dit Melicrat, & le vi-  
neux Hydromel, selō Dioscoride. li. I. c. 17.

## CHAPITRE SECOND.

*Contre ceux qui pensent, toute fieure estre  
de froid, hors mis celle qu'on nomme  
chaude. D'où procede le frisson,  
& le retour des fieures  
terminees.*

**L'**ABVS que l'on commet du  
vin és fieures, comme nous  
venons de monstrier, n'est pas seu-  
lement fondé sur l'entretien de la  
force, ains sur vn autre erreur du  
vulgaire, qui pense que la fieure

B 2 soit



soit maladie froide. Sa raison est  
(à mon aduis) que ce mal est cau-  
sé de froid, & vient avecques froid:  
sinon (parauanture) la fieure cō-  
tinue, qu'on nōme pour ce respect  
fieure chaude. Car volōtiers apres  
vn grand trauail ou exercice, qui  
a fort eschauffé le corps, si on est  
surpris de froid, il y a danger de  
fieure. Et de fait le peuple ne reçoit  
guieres autre cause que du mal,  
qu'il appelle Morfondement. Si la  
fieure est terminee, cōme la quar-  
te, tierce, ou quotidiēne, soit sim-  
ple, soit double, ou composee: par  
ce que l'accès commence par fris-  
son, rigueur, tremblement, ou ho-  
ripilation, il cuide proprement  
que le mal soit la froideur enclose  
dans le corps, laquelle il faut vain-  
cre par chaleur, nature luy ensei-  
gnant qu'un cōtraire repousse l'au-  
tre. Donques ces bonnes gens ont

opi-



opinion, que la fieure soit ce grand froid causé de froid. Tellemēt que si on leur demāde apres l'accés s'il a gueres duré, ils respondront, vne heure ou deux pour le plus : n'estimans que la chaleur qui viēt apres le froid, soit du cōpte. Voila pourquoy tout leur dessein est à se reschauffer: dont ils se couurent fort, chauffēt des pierres & tuilles pour les pieds, boyuent de bon vin pur, hument de boüillons espissés, safranés, avec du fromage fort vieux, & picquant comme poyure. Bref ils n'essayent que à surmonter le froid, & prouocquer bon gré malgré la sueur: comme si le mal estoit d'humeur gelé & glacé, qu'il fallut fondre & conuertir en eau. Ainsi quand ils commencent de sentir la chaleur: ils estiment que la fieure est passée, & ne faut plus qu'attendre la sueur. Parquoy les mieux

B 3 adui-



aduifés d'entr'eux, endurent patiemment la gehenne d'estre presque estouffés de couuertures durant la grād' chaleur, pour espraindre l'humeur, tout ainsi qu'ō presse vne esponge à deux mains. Ils pensent, que l'importune chaleur qui tant & si longuement les ennuie: apres le frisson peu durable, n'est que de leur procedure & gouiuer: ayans par tous moyens voulu subiuguer le froid, qu'ils tiennent seul pour essence du mal. Dōt depuis ils nourrissent la chaleur ardante le mieux qu'il leur est possible, iusques à la sueur. Il ne se faut donc esbahir s'ils vsent de l'espicerie, puis qu'ils ont telle opinion. Mais les pauurets sont en tresgrād' erreur, quāt à l'essence de leur mal: & de là pullulent ces fautes. Car ils ne sçauent pas, que la fieure soit l'ardente chaleur, & le froid son  
pre-



precursur, ou le trompette qui signifie la venuë: ce que ie leur feray entendre bien ayfément par ce discours, en remonstrant la cause de si diuers effects. Nostre peau est toute percee de petistrous, lesquels on ne peut appercevoir, si ce n'est par la sueur qui en sort, & du poil qui en occupe la plus grand part. Nature bien aduisee l'a fait ainsi, pour donner libre passage aux fumées excitées de nostre chaleur, lesquelles sans cela l'estoufferoyent, comme on voit mourir le feu à faute d'estre esuenté. Ces fumées sont semblables à suye, noires, grasses, de matiere bruslee, inuisibles de leur subtilité, si ce n'est par effect, qui est la saleté, noirceur & graisse qu'elles rendent à noz chemises & autres vestemens. Aussi en hyuer pource que le froid serre & cōdense, la peau des mains (qui sont plus



desconuertes pour nostre vsage, qu'autre partie du corps) est rude & noire dudit excrement retenu. Car il ne se vuide pas bien, quand le cuir est constipé. C'est donc l'vsage, & dequoy nous seruent les pertuis de la peau, sçauoir est, de donner lieu aux fumees, vapeurs & exhalatiōs continuelles de la chaleur, qui tousiours traueille au corps sur les humeurs, les apprestāt à nourriture. Si ces trous deuiennent bouchés, ou tant ferrés que la fuye y demeure, ne pouuant passer à trauers, nostre chaleur deuient aigre, picquante, forte & bruslante outre mesure, comme le feu couuert de cendres: & s'il dure lōguement ainsi, ces excremens l'estouffent & accablent. Or quand nous auōs traouillé, la chaleur augmentee eschauffant les humeurs, excite & pousse dehors beaucoup d'exhalations



atiōs: desquelles les humides sou-  
uent deuiennent eau, & font la  
sueur: les seches s'en vont en fu-  
mee. Lors il est de besoin, que les  
pores (ainsi appellōs-nous les per-  
tuis de la peau) soyent ouuerts à  
commandement. Car si le froid les  
surprend & constipe, l'eschauffe-  
ment conçu & permanent fera de  
la chaleur naturelle (qui est douce,  
benigne, & molle) vn feu corrom-  
pant les humeurs. De cela proce-  
de la fièvre continue ( que le vul-  
gaire appelle Chaude ) quand le  
desordre imprimé aux humeurs,  
perseuere quelques iours sans in-  
termission, ne cessant pas aussi tost  
que sa cause est abolie. Car les ex-  
halations suscitees à grand tas, re-  
quierent d'estre vuidees: & le sang  
trop eschauffé demande raffraî-  
chissement. Quelque fois la matie-  
re corrompue du feu allumé par



la constipation du cuir, se perd à vn accès de fieure, qui termine en sueur: mais certaine portion de chaleur estrangere (qu'on peut dire empireume, comme trace & vestige du feu) restee du premier desordre, apres vn laps de temps renouuelle semblable inflammatio & corruption d'humeurs. Ce que fait les fieures intermittentes de douze heures, d'un iour ou deux: qui ne faillent d'auoir leur retour ordinaire, iusques à tāt que la mauuaise qualité imprimée du premier eschauffement au cœur, soit entièrement esteinte & abolie. Voila comment le froid extérieur cause les fieures, d'une forte chaleur, qui embrasée dans les humeurs perseuere bien longuement. Ainsi d'un contraire nait l'autre, par accidēt. Car la froidure serrant le cuir, empesche la transpiration, qui doit  
entre-



entretenir la chaleur naturelle, en sa deuë mediocrité. Il ne faut donc penser, que la fieure soit vn mal froid, parce qu'elle peut venir de froid: veu mæsmement qu'il y a prou d'autres causes, que le peuple soupçonne à bon droit & reçoit entre les occasions de la fieure: cōme quelques viandes mauuaises, la cholere, la tristesse, les vers, la chaleur du Soleil, & semblables, qu'on ne scauroit faire aduenir au vulgaire morfondemēt. Outre lesquelles la crudité, opilation, pourriture, aposteme interne, chaleur de l'air alterante, le mouuemēt excessif, le veiller trop longuement, & autres causes incognuës au peuple, n'en font pas moins. Toutes reuiennent à ce point, d'engendrer beaucoup d'exhalations, en corrompant les humeurs: ou d'eschauffer  
par



par trop le sang, les esprits, ou parties solides, d'une chaleur pernicieuse, qui est la propre essence de la fièvre. Elle ne sera pas donc froide, comme on l'estime, de ce que le froid extérieur quelquefois en est cause, puis que nous la voyons plus souvent provenir d'un autre moyen. Mais comment seroit-il possible (dirés-vous) que la maladie étant chaude, soit avec horripilation, rigueur, frisson & tremblement, jusques à cliqueter des dents? Cécy est l'autre cause d'erreur aux idiots, qui ne voyans d'où procede un si estrange accident, qu'ils estiment plus facheux que tout le demeurant, s'y arrestent entierement, & le nomment la fièvre. Parquoy il leur faut enseigner, qu'est-ce qui meut tel accident, & qu'il signifie, pour abolir les fautes que les pauvres gens y commettent imprudemment. Le  
com-



commun des medecins (duquel ie ne me veux despartir pour maintenant, n'ayant affaire qu'au vulgaire) tient, que des fieures intermittentes, (qu'on appelle vulgairement, terminees) la chaude qualite feureuse corrompt l'humeur contenu dans les vaisseaux: & quand il est si difforme & gasté, que nature l'a en horreur, les veines le iettēt dehors d'une grand' secouffe, & le respandēt parmy la chair, les nerfs, peaux ou mēbranes, & autres parties sensibles. Ceste matiere est si cuisante, & se meut si roidement, que les endroits où elle passe en ont telle douleur, qu'il semble qu'on les picque, deschire, destranche ou escorche. Il ne faut pas trouver estrange, qu'un humeur chaud de pourriture ou autrement, cause frisson & rigueur: car l'eau bouillante iettée à l'impourueu sur un corps nud,



nud, le fait trembler aussi bien que la froide. Les scintilles du feu en font de mesme, & si on est picqué seulement d'une aiguille bien vivement, tout le corps se retire. Ainsi les parties sensibles irritées de l'humeur cuisant & brulant, secouent toute la personne, quand elles taschent en s'espraignant de rejeter ce que leur est mis sus. De là viēt le bailler, l'estirement ou pandiculatiō, & là toux, qui presignifiēt l'accez: lequel dure apres tels accidens, iusques à ce que la matiere soit consumee & dissipée en sueur ou fumee. Car le froid n'est, sinon tādīs que l'humeur est poussé d'un lieu à autre violemment, & qu'il cōmence mieux à pourrir en lieux estrois: car depuis que les membres l'ont ja accoustumé, vn peu apres sa venue qu'ils refusoient, ils n'en sont plus tant offensés. Et  
quand



quād la matiere est plus inflāmee,  
la chaleur poursuit tout le corps,  
apres auoir gaigné le cœur. Ce de-  
sordre continue tousiours en aug-  
mentant, iusques à l'extreme cor-  
ruption de l'humeur: lequel subti-  
lié de la chaleur, se perd en fin,  
partie visiblement, partie inuisi-  
blement, quand la declination ap-  
proche. Doncques le mal de fieure  
terminee, n'est sinon d'humeur  
pourri & corrompu de mauuaise  
chaleur, dont il deuient bruslant,  
& brusse si longuement qu'il soit  
aneanti. Le frisson qui precede, est  
la monstre ou arriuee des matieres  
qui font l'accès. Tellement que  
c'est grand erreur, de tenir le fris-  
son pour essence de fieure, non pas  
l'ardeur qui s'en ensuit: veu mes-  
mes que le nō denote euidēment,  
auquel des deux il la faut assigner.  
Car fieure n'est ainsi nommee de  
la



la froideur, ains de ferueur, à l'imitation des Latins, qui la deduisent d'ebullition, comme les Grecs de feu.

Je pense auoir suffisamment enseigné, que la fieure, d'où qu'elle procede, & de quelque espeece que ce soit, est toute fôdee en chaleur: tellement que les pauvres idiots abusent de l'eschauffemēt, gehennent leur corps en vain, empirent leur mal, & se tuent souuent à force d'espicerie, vin pur, & couuertures. Ils cuident tout estre de froid, & qu'il ne faut que bien suer. La fieure continue & ardente, qui n'a point de frissons, ils l'appellent fieure chaude: comme s'il y en auoit de froides, ne scachans pas ce que le mot de fieure emporte. Et si on me demande, pourquoy donc les continuës n'ont aucun tremblement? Je respondray ce que tient nostre



nostre escholle, que sa matiere est corrompue toute dedās les veines, & ne sort pas aux membres plus sensibles, sinō quelque fois à l'entiere termination, qui est aussi suivie d'une rigueur. Reste d'ētendre (cōme plusieurs sōt curieux de le scavoir) d'oū viēt que les fieures intermittētes ōt leur retour à mesme heure: l'une tous les iours, l'autre de deux en deux, & l'autre en trois iours vne fois. le suis content de leur en dire l'aduis cōmun des medecins. C'est, que nostre corps ayant besoin de quatre divers humeurs, pour nourrir tant de parties qu'il a fort dissemblables, il en engendre plus d'un que d'autre, selon qu'il leur appartient: tellement qu'il fait grand' quantite de sãg, & moins de flegme, beaucoup plus toutesfois que de chole-re, & plus de ceste cy que de melan-

C lan-



lancholie. Or s'il aduient que le phlegme pourrisse, estant corrompu de la chaleur fieureuse, tous les iours ce mal reuiendra. Car le flegme s'engendré aisement en peu de temps, dont il & fort copieux. Nous n'auons pas tant de cholere, & encor moins d'humeur melancholique, pour faire si promptement reuenir les acces: il faut plus grand seiour pour en assëbler quantité. Posons le cas (par maniere d'exemple) que tous acces requierent vn' once de matiere. Au premier, ce qui l'auoit prouoqué est deja consumé: Le second ne peut reuenir, que l'humeur ne soit de nouveau amassé, en telle portion que puisse molester nature sauoir est (comme nous supposôs) quand l'once y sera toute: car la dimye, ne les trois quarts ne peuvent exciter ce feu. Le flegme dans  
six



fix heures deuiant si abundant,  
qu'à peine le reste du iour occupé  
de l'accès quotidien, en peut venir  
à bout. Il faut plus de trente heures  
à faire l'once de cholere, requise  
aux accès de la tierce: & deux iours  
pour renouveler ce peu d'humeur  
melancholique, causant la fièvre  
quarte. Car on croit, que les hu-  
meurs se corrompent & deuiennēt  
febrifiques de peu à peu, non pas  
tout à coup: & que durant les in-  
termiſſions, il s'en vicié autant de  
l'amas qui est de long temps au  
corps, qu'il en faut pour vn accès,  
s'il ne s'engendre nouuellement  
tout despraué, pendant les traïues  
paroxymiques. Parquoy si l'once  
est tousiours preſte à meſme heu-  
re, la fièvre reuiendra tousiours à  
meſme point, & ſera de mauuais  
guerir, comme dit Hippocras. Or  
biē ſouuēt elle est retardee ou de-



uancée, parce que nostre corps endure mille changemens des choses que nous faisons, vuidons, y receuons, ou appliquons : de sorte que la simple quarte peut par vn grand desordre deuenir double, & triple : c'est si on engēdre tel amas de melancholie, que l'once y soit entiere tous les deux iours, tout ainsi qu'en la tierce : ou chasque iour, comme en la quotidienne. Car l'essence des fieures (sinon des simples) n'est pas tousiours conforme à leur appellation : & nous n'estimōs tierce, toute fieure qui reuiēt le troisiēme iour, ne quotidienne celle qui est ordinaire. Mais i'entre vn peu trop auant aux difficultés, & plus que n'a besoin le populaire : lequel se contentera bien de seauoir, que les accès des fieures terminees suyuent la quantité de l'humeur qui les cause, ainsi que  
nous



nous auons deduit. Je pourrois alleguer plusieurs autres raisons, si mon Discours estoit pour medecins. Je m'en passe fort de legier, & ne recherche les grands subtilités que meriteroit la dispute. Si ie voulois mieux sonder ces propos, il faudroit mettre en doute tout ce que nous auons dit des causes du frisson, qui preuiant la chaleur. Car c'est la commune opinion, laquelle nous refutons en nos Paradoxes: comme aussi tout ce qu'on dit de la pourriture des humeurs febrifiques. En quoy ie suis tres-bien soutenu par maistre Simon Simonee, tres-docte & subtil philosophe medecin, qui a excellemment eslabouré le subiect que i'auois seulement esbauché.

Il est temps de conclurre, qu'il ne faut plus distinguer la fièvre en froide & chaude, veu que le mot



38 Du morfondement,  
de Fieure importe esbullition.  
C'est vn ardeur & inflâmatiō, qui  
ne peut endurer le mot de froide  
pour furnō: & ce mot chaude, y est  
superflu: car il n'y en a point d'au-  
tre. La chaleur, & non pas le froid,  
est le vray mal auquel il faut reme-  
dier.

---

### CHAPITRE III.

*De Morfondement & Larfondement: &  
comment le peuple s'abuse, cuidant que  
sous les maux des travailleurs  
(ou la plus part soit de Mor-  
fondement.*

P Ource que nous auonsey des-  
sus mentionné vne cause de  
mal qu'on appelle Morfondemēt,  
auquel le vulgaire rapporte pres-  
que toutes ses maladies, & princi-  
palement la fieure: ce sera bien à  
propos de remonstrier que c'est, &  
qu'il ne le faut pas estimer si com-  
mun.



mun. A ce que ie puis comprédre  
des remedes que y fôt les payfans,  
& des propos qu'ils en tiennent.  
Le Morfondement est, quãd apres  
vn grand travail, eschauffant tout  
le corps iusqu'à suer, on est surpris  
de froid. La fièvre en prouient biẽ  
aysement à ceux qui sont replets &  
abondent en excremens, si leur  
cuir est aisé à cōstiper, par les cau-  
ses deuant dittes. Aux autres, les  
chairs en deulent iusques aux os,  
comme si on auoit tout brisé: il y a  
lassitude & pesanteur, avec peine  
de respirer. Cecy est le plus ordi-  
naire au mal de Morfondement: &  
il aduiant, de ce que les vapeurs  
esmeuës par la chaleur, ne pouuãt  
traverser la peau resserree du froid,  
demeurent parmy les nerfs, mus-  
cles, & tendons qui font le mouue-  
ment: dont remplis & empeschés,  
ils manquent à leur office. La dou-

C

leur



leur qui s'en ensuit, est comme si toute la chair estoit picquee d'espinnes, ou escorchee, ou pleine d'apostemes, enflée ou tendue, selon la qualité des exhalations, vapeurs & fumees. La difficile respiratiō prouient, de ce que le poulmon est surpris de l'air froid apres l'eschauffement: car les tuyaux s'enroidissent, de sorte qu'on ne les peut aisement dilater ainsi que de coustume: & pource les morfondus en deuiennent pouffifs. Autresfois les pores du cuir sont tant ouuerts, que le froid penetre iusques au dedans, saisit & assiege les veines: lesquelles il peut non moins boucher ou oppiler, que le petit froid constipe les trous du cuir. Et cela donne commencement aux fieures, qui sont d'obstruction interne, par la seule constriction. Quelque fois il les enroidit, de sorte que quand és violens efforts elles ne



peuvent consentir, s'entrouurent  
par le bout, ou creuent en quelque  
endroit. Ainsi le sâg verse ou cou-  
le en quelque cavit  , o   il se caille  
& deuenent noir. Ce qui aduient  
plus communement au poulmon  
& au ventricule. De l   s'ensuit,  
qu'on crache, ou vomit du sang en  
l'espece du morfondement, que le  
vulgaire craint le plus: car il pense  
que le s  g fort ainsi noir & caill    
des veines, o   le froid penetrant  
l'a congel  . Mais c'est vn erreur  
bien facile    reprouuer: premiere-  
ment, de ce qu'il ne pourroit passer  
l'estroit du bout des veines, quand  
il seroit des  a caill  : & faudroit  
vne grand' rompure aux gros lo-  
pins qu'on en vuide. D'auantage,  
il est impossible, que le sang gele  
dans les veines pour la froideur:  
autrement, quand on a les parties  
extremes, pieds & mains froids

C 5 com-



comme glace, nous pourriôs croire que le sang y est figé. Encores plus facilement se cailleroit-il au corps des trespasés, où toutesfois il demeure tousiours liquide: comme nous voyôs par les anatomies, au bout des dix ou douze iours. Ce n'est pas la tiedeur des veines (quoy que die Aristote) qui garde le sang de cailler. Car tout le corps est assés chaud, & neantmoins en nul autre lieu, que dans ses vaisseaux, le sang peut estre gardé qu'il ne soit pris. C'est vne proprieté & naturelle condition, qui rend les veines ainsi conuenables à conseruer le sang. Dés aussi tost qu'il en est hors, en quelque lieu qu'il tóbe & caille necessairement: & si c'est dedans nostre corps il se fait mille maux semblables à ceux du venin. Doncques il faut bien empescher que ce mal-heur n'aduiène: & quãd

or



on le peut soupçonner, il conuient  
faire par tous moyens que le sang  
demeure fluide, ou qu'il ne desgele,  
comme pretend le populaire. Qu'ainsi  
soit, incontinct qu'il se trouue vn  
peu mal, apres s'estre eschauffé &  
soudain raffraichi trop viste, se  
tant que son sang ne commen-  
ce à cailler, ou qu'il soit desia pris,  
l'vse de la mumie, de la pois, du  
persil, d'eau de noix, d'eau ardent,  
moutarde entiere avec du vin pur,  
du souffre, ou du saffran, de la sa-  
pette en pouldre, ou du suc de ber-  
es, & semblables choses qui peu-  
uent fondre le sang: ou d'eau de  
mate avec du mithridat, ou du char-  
bon benit, & de fleurs de geneste,  
pour exciter la sueur: les autres  
boient d'eau sel en façon d'eau  
penite, ou de l'eau sandree comme  
exiue. Il y a plusieurs autres grâds  
secrets, practiqués entre les pau-  
ures



ures gens : desquels le but n'est autre, que d'eschauffer & desgeler le sang, qu'ils soupçonnent tousiours estre caillé par leur morfondement, soit-il avec fièvre, ou sans elle : car il peut causer ces deux maux ensemble, ou separés.

De ces propos ie veux conclure, que le propre du morfondre est de refroidir le sang dedans les veines. Je dis, que c'est vne propriété donnée à ceste cause, & que peu ou point d'autres maux fût la mesme congelation : car il faut que la peau, & tout le corps soit bien ouvert, tellemēt que le froid n'y trouue aucun empeschement. Ce qui aduient proprement par l'occasion susdite. Et voila que i'estime vray morfondement, auquel peuvent profiter les remedes que fait le populaire. Car quant aux fièvres, elles ont tant d'autres moyens que les



es produisent (comme nous auons  
dit au preceder chapitre) que c'est  
un grand abus au peuple, d'alleguer  
souuours cestuy cy d'un ordinaire.  
La fièvre est plus souuēt d'ailleurs,  
que de morfondement, & luy seul  
peut causer le caillement du sang,  
dors-mis la cheute: mais c'est d'une  
autre façon. Parquoy il faut vser  
de ce mot en la plus propre signi-  
fication, & ne l'accommoder ain-  
si communemēt à toute occasion  
de fièvre. Car le morfondement  
peut causer deux sortes de maux:  
vn desquels ne prouient d'autre  
chose, & l'autre est commun à plu-  
sieurs. Doncques les gens abusent  
fort de son appellation, & se trom-  
pent lourdement, quand ils rappor-  
tent là toutes fièvres, & plusieurs  
autres maux, qui ne prouiennent  
aucunement de froid interne ou  
externe.



Il y a vn autre mal ou accident, qu'on nomme Larfondement, en quelques lieux où i'ay esté: & disent estre Larfondu, celuy qui en ses excremens (comme vrine & fiente) rend la graisse fonduë, tout ainsi que du Lard, d'où vient l'appellation. Cela est aux fieures ardentes, que les Medecins appellent colliquantes: parce que l'extreme chaleur dissipe les membres solides, & les amoindrit peu à peu, les acheminant à l'hectique. Lors que le peuple les cognoit Larfondus, il n'en espere plus de guerisons: & pense que l'occasion de ce desordre, nommé Larfondement, est excès en choses trop chauffantes, ou de matiere venimeuse: tellement qu'il y a notable differēce du Morfondement, au Larfondu, mesmēs selon le vulgaire, qui est l'inventeur de ces noms.

C'est



C'est bien assés discouru, pour  
monstrer l'erreur de ceux qui pres-  
hent tant leur Morfondement, &  
ne sçauët qu'il signifie: neâtmoins  
ils luy reterent la source de tous  
maux, ou peu s'en faut. l'ay dit, que  
c'est le froid surprenant la chaleur  
smeuë du travail, comme le vul-  
gaire l'entéd. Mais si c'estoit apres  
le bain, le courroux, ou autre es-  
chauffement, il ne chageroit pour-  
tant de nom: car nous auôs esgard  
à la seule chaleur, d'où qu'elle pro-  
cede & vienne.

---

## CHAPITRE IIII.

Surquoy ordonne-l'on de boire du vin pur à  
ceux qui sont fort eschauffes, & de pis-  
ser auant que se mettre en repos,  
quand on a fort tra-  
uailé.

**A** Ceux qui ont fort trauaillé  
on donne à boire du vin pur,  
vou-



48 Des traueillés & eschauffés,  
voulant (à mon aduis) empescher  
& destourner la cause du morfon-  
dement, laquelle on constitue en  
froid soudain surprenant la cha-  
leur, dont le sang se congele. Leur  
intention est bonne, & ils font  
mieux qu'ils ne respondent: car ils  
disent que cela rafraichit, & garde  
qu'on ne se morfonde. Premiere-  
ment, le vin eschauffe euident-  
ment: comment peut-il donc ra-  
fraichir? S'il le fait, c'est par acci-  
dent: tout ainsi que si on disoit,  
que le feu refroidit nostre corps  
parce que nous deuenons plus  
froids apres que nous y sômes es-  
chauffés, quand despuis nous sor-  
tons à l'air froid. La raison est, que  
les pores ouuerts à cause de la cha-  
leur, donnent entree à son contrai-  
re plus facile qu'au parauant. Ain-  
si le vin peut rafraischir, en estai-  
gnant de sa grande chaleur, la  
moin-



moindre qui est prouenuë du travail, & entretenant la naturelle en sa condition. Nous pouuons aussi dire, que la fraischeur est causée du vin pur, s'il empesche que le froid surprenant la chaleur, n'engendre la fièvre, qui bruleroit le corps. Tiercement, il rafraischit aussi, quand il fait que l'esmotion, & la chaleur imprimée, s'appaise petit à petit, & non pas tout à coup. Ce qu'apporterait vn grand dangier, comme fait toute mutation vite & soudaine: car nature ne la peut endurer, sans offense & desplaisir. Nous pouuons aussi dire que si on boit de l'eau quand on est fort eschauffé, il y a dangier d'hydropisie, comme dit Galen. Ce que le vin empesche de sa chaleur potentielle, qui entretient la naturelle du foye & de l'esthomas: neantmoins les rafraichissant de  
D son



50 Des trauaillés & eschauffés,  
son actuelle froideur, quand il est  
prins de mesme. D'auantage, le raf-  
fraichissement quelques fois signi-  
fie nouvelle provision de viures,  
& quelque réparation. Car on dit  
proprement raffraischir, pour a-  
uitailler, ou renouveler les muni-  
tions. Item il signifie raconter &  
auancer le vieux comme quand  
on dit, raffraischir le bord d'une  
robbe. Or telle signification con-  
vient bien à nostre propos: Car le  
travail fait grand' dissipation des  
espris & vapeurs du sang: dont les  
espris qui restent entiers, sont las  
& dessechés. Le vin pouruoit à  
tous ces maux, recreant les esprits,  
reparant leur dommage, & en en-  
gendrant de nouveaux, estant sub-  
til & vaporeux. Voila comment il  
raffaichit le corps l'auitaillant  
d'esprits esquels nostre force con-  
siste. Doncques par toutes ces rai-  
sons,



sons, le vulgaire dit bien mieux qu'il ne pense: & fait encor plus sagement, d'ordonner le vin pur aux eschauffez. Le second point de leur responce est, qu'ils pretendent d'empescher qu'on ne deuienne morfondu. Il y a double morfondement, comme i'ay dit par cy deuant: L'un, quand on est surpris de froid, constipant nostre peau, & augmentant la grand' chaleur ardente, de sorte que la fieure s'en ensuit. L'autre caille le sang, non pas dedans les veines (comme le peuple croid) ains celuy qui se verse & s'espand dans l'esthormac, les boyaux, ou ailleurs. Car il est impossible (sinon par auanture, par quelque rare & secrette occasion de mal) que le sang vienne à se congeler dans ses vaisseaux naturels. Mais hors d'iceux, tout incontinent, ou bien tost apres il se

D 2

caille.



52 Des trauaillès & eschauffés,  
caille. A ces deux especes de mor-  
fondement, conuient proprement  
le vin, estant subtil, penetrant, &  
eschauffant, comme le desordre  
requiert. Car la penetration con-  
duisant la chaleur, tient les pores  
ouuerts contre le froid, iusques à  
tant que la vapeur esmuë ait passé  
son exhalation, & que la fumee de  
sang eschauffé ne soit point rete-  
nuë. Par ce moyen la fièvre est de-  
stournee, quand il n'y a point de  
constipation, ne dedās ne dehors.  
Quāt à la cailleure du sang, le mes-  
me vin l'empesche d'une chaleur  
subtile, qui entretient l'humeur en  
son estat rouge & liquide. Car si le  
froid l'a vne fois surprins, il deuient  
noir, estant cōme amortie sa ver-  
meille viuacité: & il s'amasse tout  
en caillas, qu'on a grand' peine à  
dissouldre: lesquels sont si dange-  
reux, & causent de tels accidens,  
qu'on



qu'on les met au rang des venins. Car le corps en deviét froid & quasi mort, le poux debile & comme nul: foiblesse saisit le cœur d'esuanoüissement, accompagné de sueur froide, &c. Parquoy c'est bien fait de pourvoir, quand on preuoit que le sang peut sortir des veines (ou par leur dilatation & rarité, compagnes de l'eschauffement, ou par leur deschirement & rompure, quand le froid les a enroidies) qu'il ne soit congelé. A ce dāger le vulgaire oppose les remedes que nous auons produis au chapitre du morfondement, mais il n'en sçait pas dextrement vser. On y a recours dès aussi tost qu'on se ressent du morfondement: & le vin y est ordonné, auant que sentir aucun mal. C'est tres-bien fait d'en bail-  
ler aux personnes, lesquelles du lāg & penible traual ou exercice sont



54 Des traueillés & eschauffés,  
eschauffés, avant qu'ils se reposēt.  
Le peuple n'a pas inuenté ce bon  
remede: C'est du conseil des Medecins  
qui l'ont autresfois enseigné,  
& comme bien facile les gēs l'ont  
retenu, practiqué, & continué ius-  
ques à nostre temps. Plusieurs ne  
scauent pas à quoy cela profite: les  
autres n'entendēt point comment  
cela peut faire ce qu'ils pretendēt.  
Ils parlent de raffraischir, & du  
Morfondemēt, sans sçauoir qu'est-  
ce, ne l'un ne l'autre. Ils verront  
maintenant plus clair en leur be-  
soigne, & y seront tant assurez,  
cognoissant par raison le fruiet qui  
en reuiet, qu'ils pourront beau-  
coup mieux vser de ce preservatif.  
Mais à propos de ce mal, auquel  
tous les maux des laboureurs &  
autres traueillés sont rapportés,  
il me souuiēt d'un qui disoit, Tous  
maux sont du Morfondemēt, par-  
lant



lant de toutes maladies en general : Vn bon homme luy respondât en son patoys, Non és pas l'escaudadure : c'est à dire, la brusleure ; comme du feu, de l'eau bouillante, & semblables. Car il est bié certain, que ce mal n'est pas de Morfondure.

Voyons maintenant, pourquoy est-il ordonné de pisser avant que se mettre en repos. Quand on a trauaillé, ou de cheminer longuement, ou de courir & tracasser, les bonnes gens conseillent de pisser avant que se reposer. Ce qui est fort bien aduisé : & croy aussi qu'ils tiennent ce regime de leurs grâds peres, qui l'auoyent eu des anciens Medecins, comme tout ce qu'on fait de bien encores pour le iourd'huy à l'entretienement de santé. On l'a resceu de pere en fils, d'un si long tēps, qu'on ne sçait plus d'où



56 *Des traueillés & eschauffés,*  
ce peut estre venu : toutesfois il est  
fort vray semblable, que les vieux  
Medecins l'ont enseigné. Mais le  
vulgaire n'entend pas la raison de  
ce qu'il fait, & ensuit tousiours vne  
coustume, soit bonne, soit mau-  
uaise. Ceste-cy est des plus louä-  
bles : dont ie veux remonstrer, de-  
quoy elle peut estre profitable.  
Quand nostre corps est eschauffé,  
les humeurs deuiennent picquans  
& forts, de la chaleur qui les rend  
plus subtils. Et de là vient, qu'on  
sent comme des espines par tout le  
corps, apres vn gräd travail, pour  
peu qu'on soit de cõplexion chau-  
de. L'vrine par consequent en est  
plus cuisante : ce qu'on apperçoit  
bien en pissant. Car elle chatouille  
plus aigrement son passage, & fait  
certaine horreur cõme frisson au  
corps, mesmement sur les dernie-  
res gouttes. Estant ainsi mordicäte,  
elle



elle pourroit endormager la vescie,  
si on la retenoit plus longuement,  
& par laps de temps l'escorcher  
(mesmes és corps mollets & ten-  
dres, comme ceux des enfans) y  
causant vn vlcere. C'est donc biẽ  
fait de vuidier soudain la vescie, sãs  
attendre qu'elle en soit plus folli-  
citee. Car on ne sent pas finement  
ce que peut nuire à nostre corps,  
quand il est eschauffé. I'ay vne au-  
tre raison, qui n'est guieres de  
moindre poids: c'est qu'on doit  
craindre durant l'eschauffement,  
que l'vrine ja descēduẽ en son vais-  
seau, ne soit retiree des autres par-  
ties, & nuise au corps de sa mau-  
uaise qualité. Car les mēbres vui-  
des, & eschauffés du travail, atti-  
rent de tous costés les humeurs  
quels qu'ils soyent. Les parties  
voisines de la vescie, en peuuent  
retirer quelque portion, conuertie

D 5 en



38 Des travailles & eschauffés,  
en vapeur, laquelle traverse les po-  
res fort dilatés. Or c'est vne mes-  
me matiere, de la sueur & de l'vri-  
ne: dont quand on a fort perdu de  
la sueur, il est à craindre que pour  
remplir le vuide, l'urine n'aille de  
suite. Et si elle se respand par le  
corps, elle l'abreuue mal, comme  
estant humeur du tout inutile &  
superflu, qui absolument a titre  
d'excrement. Il la faut donc vider  
incontinent. Et ce faisant on esui-  
tera deux maux: l'un est, le dangier  
qui prouient de sa picquante for-  
teur: & l'autre, de ce qu'elle pour-  
roit estre reprise du corps. Le peu-  
ple scauoit bien, qu'il se faut ainsi  
gouuerner: maintenant qu'il en  
sçaura la cause, il le fera mieux ob-  
seruer aux siens. Outre les susdites  
raisons, nous en pouuons alleguer  
vn autre qui est de grande impor-  
tance: car ce regime preserue de la  
pier-



*Chap. quatrieme.* 50

Chap. quatrieme. 50  
Pierre. Quand le corps est bien es-  
chauffé, tous les conduits sont si  
ouverts, que la grosse matiere y  
passe: car la chaleur dilate merveil-  
leusement. Or les passages & tu-  
yaux de l'vrine estant fort eslargis,  
grande matiere espesse vient avec  
elle dans la vescie. Ce sont les  
phlegmes visqueux, & la crasse ou  
lie de la cholere, dequoy se font les  
pierres, moyennant la chaleur des-  
seichante, tout ainsi que la fange  
est endurcie par le Soleil, quand  
son humeur en est imben. Durant  
l'agitation & mouuement du corps,  
parmi l'vrine sont portés, & pene-  
trent à la vescie ces gros humeurs:  
lesquels se despartent & separent  
de la portion aigueuse, lors qu'on  
se viét à reposer, & que l'vrine aus-  
si se pose. Car la pesanteur de la  
matiere fait, que le plus espais tô-  
be au fond de peu à peu: & ainsi  
par



60 Des trauaillés & eschauffés,  
par apres la propre substance de  
l'vrine est vuidee, laissant dans la  
vescie les crasses qu'elle y a con-  
duit: lesquelles y sont retenues de  
leur viscosité, outre le poids qui  
les y arreste. Si cela reuiert souuēt,  
qu'on trauaille mal à propos (sur-  
tout bien tost apres auoir mangé)  
& qu'on laisse en repos l'vrine ainsi  
confuse en peu de temps il y a l'e-  
stosse & assés dequoy faire vne  
pierre. Car aujourd'huy il s'en a-  
masse le gros d'une lentille, de-  
main autant, & ainsi d'ordinai-  
re: de sorte que tantost y en a assez  
pour faire vn grand empeschemēt.  
Doncques il faut rendre l'vrine  
quand on est eschauffé, auant que  
le sejour dōne loisir aux gros hu-  
meurs de pouuoir estre sequestrez,  
& reduits au fond du vaisseau. Si  
on pisse incontinent, on voit l'vri-  
ne trouble de melange des susdites  
matie-



matieres. Et si on la met dans vn verre, ladicte separation faicte on verra qu'il demeure au fond vne espaisseur, semblable à celle que nous disons rester dans la vescie, si on differe d'yriuer. Par ce discours il est facile d'entendre, combien sert aux enfans de ne tenir leur vrine (mesmes quand ils ont tracassé, sur tout apres le repas) pour les preseruer de la pierre: à laquelle ils sont plus subiects que les grands (i'entens de celle qui vient à la vescie) à raison de leur insatiable voracité, & du trauail desordonné à heures desconuenables. Des trois raisons que i'ay rendu, de l'institution vulgaire à faire pisser ceux qui sont eschauffés, mesme-ment les enfans quand ils ont trauaillé, celle-cy est la plus vrgente. La seconde a quelque apparence: & la premiere encore plus. Quoy  
que



62 *Des traueillés & eschauffés,*  
que ce soit, la coustume en est fort  
louable, & doit estre bié obseruee  
de tous ceux qui sont curieux, &  
soigneux de leur santé. Je peux en-  
core adiouster vn' autre raison, qui  
ne sera des moindres, à mon aduis.  
C'est, que l'vrine contenuë dans la  
vescie, despuis qu'elle est eschauf-  
fee, rend chaleur au corps. Dont  
pour se rafraischir bien & saine-  
ment, il est bon de la vider. Et  
quoy ? nous vuidôs & versons vne  
partie du sang eschauffé par la fie-  
ure, pour rafraischir le corps : tout  
ainsi que nature d'elle-mesme sou-  
uent descharge la teste bouillante  
d'une portion de sang qui fluë par  
le nez : d'ont s'ensuit vn grād sou-  
lagement & rafraischissement. Il  
n'en faut moins penser de l'vrine,  
laquelle on ne plaint de vider &  
reietter.

CHAP.



## CHAPITRE V.

*Qu'il faut souvent changer de linge  
aux febricitans.*

**N**OSTRE chaleur naturelle  
(principal instrumēt de toutes actions requises à soustenir la vie) fondee en humidité, iamaïs ne cesse d'ouurer, preparant nourriture au corps, cuisant les humeurs, & triant le bon du mauuais. Le bon est appliqué aux membres qu'il faut alimenter: le mauuais est est reietté aux lieux ordōnés pour receuoir les excremens, desquels y en a plusieurs sortes, & diuers receptacles: Les pl<sup>r</sup> desliés & subtils excremens (qui seruent à mon propos) n'ont autre vaisseau que la peau: & ne sont que fumees ou vapeurs, esleuees des matieres que nostre chaleur eslabore: La legereté



gereté les porte du plus profond  
du cuir qui entourne le corps,  
comme toutes exhalations gaignent  
le haut. Or le cuir entre ses vsages,  
a cestuy-cy bien propre & neces-  
saire, d'admettre sans cōtredict ces  
menuës superfluités, qui luy sont  
enuoyées de toutes parts: & en les  
receuant comme rare, cler, ouuert,  
& spongieux, il leur donne passage  
tout outre parmy ses pores &  
meats inuisibles, affin qu'elles se  
dissipent en l'air: Si ce n'est la por-  
tion plus gluante & espaisse, qui  
s'empesche en ses destrois, & par  
succession de temps deuient poil.  
Tels excremēs font la sueur, & les  
fumees qui taschent nos chemises  
& autres vestemens, d'une saleté  
noire, grasse, & visqueuse. Ils sont  
fort copieux en ceux qui ont la  
chaleur picquante, pour la seche-  
resse de leur corps: à raison qu'elle  
brusle



brusle beaucoup plus que l'humide: par ce que l'ardeur seiche convertit beaucoup de matiere en sueur & en vapeur fumeuse. La chaleur moite, comme celle des enfans, en resould dauantage. Mais ce n'est qu'une exhalation douce, suauue, & tât subtile qu'elle se perd inuisiblement, comme les fumees de l'eau chaude. Le bois rend vn feu plus ardent que la chaleur de l'eau, & iette vne fumee si espaisse, qu'elle fait de la suye bien solide: & de sa substance bruslee, les charbons en fin deuiennent cendre. Telles superfluités abondent en l'aage de virilité: les femmes & les enfans, comme estans plus mols, en ont beaucoup moins: dont ils ne sentent ainsi au boucquin, ou à l'espaule de mouton, quād ils sont eschauffés. Car telle puanteur viēt de ces excremens secs, qui pour les

E susdi-



fusdites raisons) sont fort copieux en Esté, & és hommes passé l'adolescence. Si donc la chaleur seiche produit grād amas de suye (vapeur noire, grasse & puante) les fieures sont fort propres à l'augmenter en grande quantité. Aussi de fait nous voyons, que les chemises & linceuls des febricitans sont sales incontinent: parce que leur mal est de chaleur naturelle, conuertie en feu sec & ardent. Or ces fumees sont mieux pour nous, dehors que dedans nostre corps: & pourtant Nature tressoigneuse de nostre biē, voulant purifier le sang, fait que ceste infection se vuide aussi tost qu'ell' est née. Et à ces fins, ell' a donné aux arteres deux mouuemēs: l'un pour reietter & pousser hors, comme en s'espraignant, les superfluités de la brusleure: l'autre, pour receuoir de la fraischeur en s'eslargissant.



gissant. Car rien ne cōserue mieux la chaleur naturelle, que de vuides les fumees, qui la pourroyēt estouffer: & d'esuenter le sang, qui est sō domicile. Puis qu'ainsi est, & que ces excremens doyuent estre vuides pour la pureté des humeurs & esprits qui en seroyent troublés, il faut entretenir le passage du cuir net & ouuert, en gardant tressoigneusemēt qu'il ne soit empesché. A quoy seruoient proprement les frictions & bays, que les anciens Grecs & Romains vsoyent communement. Dauantage, il faut aduiser, que ce qui nous entourne, comme le linge & tout habillemēt soit bien net: afin que les ordures que le corps y a ja transmis en s'espurgeant, n'en soyent retirees par l'ouuerture des arteres, qui succent indifferemment tout ce qui se presente. Elles ont reietté ces immon-

E 2 des



des fumees, par leur contraction. Si vous endurez que la peau ait tousiours ce fumier aupres d'elle, certainemēt les arteres le reprendront: car elles tirent de tous costés l'air, soit bon, soit mauuais, suauē ou puant, net ou infect. Dōc il fait bon changer de linge apres auoir sué, de peur que l'humeur superflue ne soit embeu du corps, qui s'en est vn coup deschargé: cōme linge noir & sale nous rend ce qu'il en a pris. Puis donc qu'il est tant necessaire, que ces matieres se vuidēt pour raffraischir nostre chaleur, il est fort dōmageable qu'elles retournent au dedans. N'est-ce pas grand sottise, de sçauoir qu'il est profitable que toutes telles immondices soyent poussees dehors, & puis les laisser au lieu d'où elles y puissent aisement r'entrer? Il ne faut point douter, que cela ne corrompe



rope de sa puante qualité, l'air qui est entre nos linges & le corps. Les arteres en s'ouurant l'attirent tel qu'il s'y rencontre: & introduisent quant & luy pefle-mefle, ce qui s'y trouue mixtionné bien subtil. Qu'ainfi soit, sortant nud de l'estuue, mettés-vous en lieu plein de poussiere esmeuë. Vous sentirez tantost quelque chose vous picquer (comme espines & esguilles) par tout le corps. C'est le plus menu de la pouldre, que les arteres en succeans l'air, attirent par les pores fort ouverts. Donques il faut estre bien soigneux de la conditiõ de l'air qui nous touche, comme de ce qui a trafic avec nostre chaleur, & nourrit nos esprits. Or l'air qui adhere aux drapeaux sales, ne peut estre bien net. Et si les arteres le remettent dans le corps, c'est vn erreur pire que le premier. Il faut

E 3 donc



donc bien souvent renouveler le linge qui nous touche, pour reietter ce que y est posé : & non seulement en prendre souvent d'autre blanc & net, ains aussi qui soit bien odorant. Car cela rend l'air ambiât agreable à nos esprits, lesquels se delectent & restaurent de bonnes odeurs : tellement que si on y prend garde, vous verrés que on est tout recreé, resioüy, & renforcé d'auoir changé de linge & d'habillemens: comme si cela renouvelloit nos esprits, & la chaleur naturelle, que l'infection retenuë rendoit acroupis, estonnés, confus, brouillés, troubles & mal à leur aise. Car ils requierent vn extreme pureté, netteté, & syncerité (comme ils sont celestes & diuins) pour mieux faire leur deuoir & mōstrer leur puissance. D'où est venu donc la sotte opiniō du vulgaire, qui n'ose charger



ger de linge aux malades, & les cō-  
traint endurer bien long temps vn  
orde puanteur, comme porceaux  
se veautrans dans la bouë? Para-  
uanture qu'il fut quelque fois def-  
fendu, de les remuer fort souuent  
durant les fieures, de peur qu'ils  
n'eussent froid: despuis les bonnes  
gens entendent, que le linge blanc  
leur soit dommageable. O grand  
erreur, duquel procede la cruauté  
& barbare tyrannie qu'on vse en-  
uers les pauvres malades! Il n'y a  
rien qui les reuienne plustost, &  
qui augmente mieux la force na-  
turelle, que de les tenir nets par  
tous moyens qu'il est possible: &  
que leurs draps soyent de suaue o-  
deur, & icelle raffraichissante pour  
les fieureux, cōme de roses & sem-  
blables. Toutes les fois qu'on re-  
fait le liēt de celuy qui a fieure, il  
seroit expedient qu'on luy chan-

E 4 geat



geat de linge, linceuls & chemise. Car la fieure en seroit plus courte, & le mal plus aisé. Nous voulons purger les humeurs par medecine, afin d'estaindre la chaleur qui les brusle. Il ne faut donc estre moins curieux, d'espurger les fumees & subtils excremens qui entretiennent vn tel feu. Et quoy? sans auoir aucũ mal, il peut aduenir que de coucher dans les linceuls d'vn febricitant, on en prendra la fieure, pour peu qu'on y fut preparé. C'est à cause que noz arteres en attirant l'air, mettent dans nostre corps la qualité mauuaise des excremens imprimee aux linceuls: dõt la chaleur naturelle en deuiet febrile. Feront-ils moins de mal à celuy qui les a salis? Aumoins ils entretiendront le desordre ja aduenu. Sas donc que l'on change d'aduis, & que les malades ne soyent plus  
mo-



molestés de ceste fascherie, d'estre confis & comme ensepuelis dans leurs ordures & immondices, puis que cela ne leur profite rien, ains au contraire leur fait grand mal. Il faut souuent changer de linge aux febricitans, & autres malades, quand il est sale: & penser que les pauvres patients ne doyuēt moins estre commodement que les sains, sauf le plus: car il les faut traiter mignardement, afin qu'ils puissent mieux soustenir & supporter la fascherie de leur mal.

## CHAPITRE VI.

*Que les femmes tuent les febricitans d'abstinence de boire, abondance de viures, & ennuyeuse couuerture. Et quel regime il cōvient observer aux febricitans.*

**A**YANT descouuert & corrigé l'erreur, de ceux qui s'eschauf-



74 *Du regime des Fieures,*  
chauffent par trop ez fieures, par  
l'usage du vin, de l'espicerie, & for-  
ce couuertures pensans tout leur  
mal estre vn morfondement: & de  
ceux qui ne veulēt permettre qu'o  
leur change de linge. Pour cōclur-  
re ce propos, il sera bon de remon-  
strer aussi aux importunes fēmes,  
les trois notables fautes qu'elles y  
font, en gehennant les malades  
d'abstinence de boire, contrainte  
de manger, & grand fardeau de  
couverture. Le populaire en ge-  
neral tient cest' opinion, & vse de  
tel regime: mais sur tout les fem-  
mes viennēt à vn excès qui est in-  
supportable, & trauaillent plus les  
patients, que ne font le reste du  
peuple. Cela prouient d'vne con-  
dition, naturelle, qui les meut à ou-  
trepasser, les bornes de medioeri-  
té, & estre tousiours excessiues, pl<sup>9</sup>  
que les hommes, en leurs affectiōs  
&



& œuvres. Car si elles aimēt, c'est en perfection, comme elles hayf-  
sent mortellement. Si elles s'adon-  
nent à l'avarice, ell' est extreme: si  
à folle despenſe, c'est la meſme pro-  
digalité. En douceur, māſuetude, &  
bōne grace, ſi elles veulēt, ſont ex-  
cellentes: tout ainſi en cholere &  
en deſpit, monſtrent vne grand ra-  
ge. Je ne le diſ pas pour les blaſmer  
(comme la plus part des hommes  
ſe delecte à meſdire du ſexe femi-  
nin, qui eſt le rafraiſchiſſement &  
vraye conſolation de ce monde)  
ains pour declarer la cauſe de leur  
abus. Meſmes ie feray bien enten-  
dre à ceux qui en detractent, & a-  
meinent telles raiſons pour mon-  
ſtrer l'imperfection des femmes,  
qu'ils les vantent ignoramment.  
Car ces affections extremes, ne  
procedent que d'un eſprit ſubtil,  
penetrant & habille, enchaſſé dās

vn



76 Du regime des febricitans,  
vn corps mol, delicat, & bien pu-  
rifié. Qu'ainsi soit, nous voyons  
d'autres matieres aisement endu-  
rer diuerses qualités & mutations,  
à raison de leur syncerité. Le seul  
blanc receura toutes couleurs en  
sa perfection, comme la femme re-  
çoit indifferentes meurs. Et tout  
ainsi que l'eau est iugée tresbonne  
de sa legereté, laquelle on estime  
d'une facilité à estre soudain bouil-  
lante ou refroidie : ainsi i'affirme,  
que la complexion des personnes  
qui se changent promptement, &  
soudain, passent d'une extremité à  
l'autre, est simple, pure, & nette.  
Car le contraire viét d'une pesan-  
teur, espesseur & crasse, qui fait la  
contumace & immobilité. Les  
femmes sont d'une substance tant  
desliée, clere & syncere (tesmoi-  
gnée de leur mollesse, tendreur,  
beauté & delicateffe) qu'elles ont  
gran-



grande promptitude, & excèdent les hommes tant en soudaine apprehension, qu'en superlatiue affection. Parquoy elles ont moins d'arrest en leurs propos & deliberations, à raison de la mobilité, qui procede d'une legereté, suyuant la pure simplicité, de laquelle aussi est doué le ciel par dessus tous les autres corps. Aussi la vitesse de leur entendement à comprendre toutes difficultés & les resouldre, est telle, que les hommes n'y peuvent aduenir. Et pourtant on mesprise leur responce, si elle est premeditee: & dit on qu'il faut prendre le premier conseil d'une femme, auant qu'elle y ait pensé. Car elles ont ceste perfection, d'estre promptes & fort subtiles: dont elles peuvent incontinent resouldre vn fait. Si elles y pensent à loisir, font mille discours variables & diuers:



78 *Du regime des febricitans,*  
uers: parce que leur esprit aigu &  
penetrant, ne se contente foy-mes-  
mes, & tousiours voudroit mieux  
ageancer la besoigne, de forte qu'il  
brouille & gaste tout. Ainsi vn bõ  
peintre qui a le cerueau gaillard,  
fera vn beau portrait à sõ premier  
dessein, qui contentera les gens. Si  
on ne luy oste soudain, il y trouue-  
ra quelques traits à refaire, & ne  
cessera point qu'il n'ait empiré son  
ouurage. C'est donc grande louan-  
ge aux femmes, d'estre si promptes  
& habilles: puis que cela prouient  
de leur matiere fort subtile, qui les  
fait appeller volages. Mais ce n'est  
pas vitupere, d'auoir vne si excel-  
lente legereté. Elles ne s'arrestent  
guiere auant que d'estre aux extre-  
mités, où les hommes empeschés  
de leur pesanteur, ne paruiennent  
si aisement. Voila pourquoy nous  
trouuons les femmes tant excessi-  
ues



ues de nature, non seulement quāt  
à leurs meurs ou affectiōs, ains au  
seruice des malades, où ie m'arreste  
pour le present. Car si nous ordō-  
nons vn bain chaud, elles feront  
qu'il bruslera. Nous entendōs que  
la chaleur soit tiede, & il suffit que  
l'on n'y sente froid: Elles pensent  
puis que la chaleur y est requise,  
tant plus il y en aura, tant plus il  
profitera: & de fait vous diries, que  
c'est pour peler vn cochō Si nous  
defendons aux malades le boire  
desmesuré, s'il est serui de femmes,  
il mourra de soif. On dira, nourris-  
sés-le bien: c'est assés dit, il fera  
tout farcy de viandes. Comman-  
dés-vous qu'il soit couuert? vous  
le verrés desormais estouffé. Ainsi  
presque en toutes choses elles pas-  
sent nostre ordonnance, tirant à  
superfluité, ne pouuāt tenir le mi-  
lieu. Il leur faut remōstrer ces fau-  
tes,



30 *Du regime des Fieures,*  
tes, afin qu'elles s'en abstiennent.  
le Theologiẽ & le Philosophe mo-  
ral prescheront contre les murs, &  
diront que les extremes sont vi-  
tieuses, la vertu cõsiste au milieu.  
Le Medecin fera cognoistre les  
maux qui suyuent leur excès, com-  
me i'ay proposé de faire en ce lieu.  
Ie ne parle qu'aux ignorantes, &  
à celles qui vsent de telles proce-  
dures: dont les plus scauantes n'ẽ  
seront offencees. Il suffit que i'ay  
bien excusé le naturel de toutes: ie  
ne reprends que les erreurs, & qui  
ne s'entendra coupable n'a rien  
à voir en ce discours: Mais retour-  
nons au chemin, duquel ie me suis  
vn peu destourné, pour faire entẽ-  
dre aux femmes, que ie ne blasme,  
point leur sexe (lequel m'est tres-  
agable) ains pour le rẽdre pl<sup>s</sup> par-  
faict, ie veux essayer de luy faire  
perdre, ce qu'on y peut calomnier.

Pre-



Prenant garde à la façon de servir les malades, i'ay colligé des poirctz plus notables, où les idiots errent communement, & sur tout aux Febricitans: comme quant à changer de linge, & à vser de vin, dequoy i'ay fait deux chapitres à part. Quant au manger, boire, & couvrir, les femmes entr'autres y sont tant abusees, qu'en pensant bien soulager, substantier & guerir tost leurs patients, elles les gehennent, accablent, estouffent, & rendent souvent incurables. A leur dire, tousiours ils boient trop, ne mangent rien, & ne sont iamais prou couverts. I'espere qu'elles perdront cest erreur qui les aveugle, apres auoir leu mes raisons. Mais par ce que ie veux outre la remonstrance que i'en feray, dōner au vulgaire vn petit regime, comment il se faut conduire és fieures,

F

le



le meilleur sera de mettre tout ensemble, pour ne faire si long propos, qui pourroit ennuyer. Ioint qu'enseignant le deuoir qu'on doit aux fieureux, on pourra bien cognoistre l'ignorance du peuple: car le droit nous monstre le tort. Donc en baillant les memoires de se biē gouverner es fieures, ie m'acquitteray par mesme moyē de ma promesse, & taxeray modestement ceux qui font autrement.

Ie suppose tousiours, qu'un Medecin ordonne, ainsi que present il voit en estre de besoin, les purgations, la saignee, & autres remedes qu'il faut approprier aux maux particuliers, aux qualitez des personnes, humeurs, aages, lieux, saisons, &c. Mon intention n'est, que de discourir sur le traitement du malade, en ce que nous commettons le plus souuent aux femmes  
qui



qui les doyuent seruir. C'est ensei-  
nement leur sera profitable, si le  
eulent biē apprēdre, releuerōt les  
Medecins de la peine qu'ils ont à  
redire tous les iours, & supple-  
ont à ce que les Medecins peuuēt  
quelque fois oublier, ayant diuers  
malades à panser. La fièvre est vn  
mal chaud, comme signifie le nō,  
lequel i'ay deduit par cy deuant du  
not feu, ou ferueur. Elle tient tout  
le corps vniuersellement, apres a-  
uoir saisi le cœur, source de la cha-  
leur naturelle, qui pour lors de-  
vient si ardente, de sa qualité aug-  
mentee, qu'on en brusle estrange-  
ment. Le cœur de sa nature est es-  
chauffé plus, sans comparaison,  
que nulle autre partie du corps.  
Dont les arteres ne le peuuent ra-  
fraischir suffisamment de leur seu-  
le operation. Il a fallu que nature  
l'entourna de poulmons, à mode



84      *Du regime des Fieures,*  
d'esuantoirs ou soufflets, qui luy pour les cou-  
communiquent l'air frais, & sou- rir de leurs  
dain le vident estant elchauffé d'usage le  
avec les fumees. Or quand cest d'usage le  
ardeur est plus grande que de cou- d'usage le  
stume, il faut halener plus souuēt d'usage le  
& halaitter pour subuenir à la ne- d'usage le  
cessité du raffraischissement, & cer- d'usage le  
cher l'air plus froid: car autrement d'usage le  
on ne peut amortir l'excès de la d'usage le  
chaleur. Si donc és fieures tout le d'usage le  
corps brusle, & le feu procede du d'usage le  
cœur, on a grand besoin de frai- d'usage le  
cheur en l'air de nostre demeure, d'usage le  
tout ainsi que l'on est contraint de d'usage le  
respirer fort menu. Les ignorans d'usage le  
qui pensent tous leurs maux pro- d'usage le  
uenir de morfondement, & que la d'usage le  
fieure soit de froideur, chaufent la d'usage le  
chambre tât qu'il leur est possible, d'usage le  
fermans toutes les ouuertures, & d'usage le  
allumant gros feu, aupres duquel d'usage le  
ils logent leurs malades, comme d'usage le  
pour



pour les rotir. Tellement que l'air  
iré de leurs poulmons, eschauffe  
auantage leur cœur, augmente  
le mal, & souuent d'une fieure ter-  
minee, il en fait naistre la fieure cō-  
inue. Nous supposons icy, la sai-  
son de l'Esté, en laquelle les fieures  
sont plus frequentes: & mesmes  
que la saison soit fort ardente, cō-  
me durant les iours caniculiers: au-  
remēt il faut rabbatre en propor-  
tion, vne partie de ce que nous di-  
rons pour bien rafraischir l'air.  
Nous donques ensuyuant les rai-  
sons precedentes, ordonnons que  
le Febricitant soit en vne chambre  
spacieuse & esuentee, de sorte que  
l'air y soit fort à commandement.  
Aux cabinets & garderobbes on a  
tantost eschauffé l'air enclos, & si  
on y demeure long temps, il faut  
reprendre les fumees que nostre  
poulmon y a vuidé. Les fales sont



plus propres à nostre intention: les lieux bas & en voute (pourueu que l'estage soit sec) encore plus commodes. Le lieu estant bien choisi, il faut empescher tout ce qui le peut eschauffer. Qu'on ne permette donc y entrer multitude de gens, ne aucun chien: car leur haleine rend grand chaleur. Qu'il n'y ait point de feu, non pas mesmes de la chādelle allumee, si on s'en peut passer. Que les rayons du Soleil n'y entrent aucunement, voire que par dehors ils ne touchent pas aux vitres. Le meilleur seroit, qu'au lieu où repose nostre malade, y eust des fenestres de deux ou trois costés: afin que quand le Soleil donne à l'une, on tienne les autres ouuertes, pour auoir tousiours la fraischeur: de laquelle il faut estre soigneux, & mesmes d'en faire tousiours prouision dès le matin. Le  
soir



l'air redonne semblablement du  
frais, qu'il ne faut mespriser. S'il  
y a quelque porte d'où vienne vn  
coly vent, elle doit tousiours estre  
ouuerte, mais à demy, pour rendre  
le vent plus fort. Et si cela ne suf-  
fit, il faut vser d'esuantoirs, & agi-  
ter l'air de la chambre, comme on  
fait d'vn sac mouillé, qui tousiours  
esbranlé de secousse, rend l'air mo-  
bile & bien frais. Le mouuement  
y est requis d'ailleurs: c'est afin que  
l'air qui touche le malade, soit cō-  
tinuellement repoussé de telle agi-  
tation, & qu'vn autre plus frais luy  
succede. Outre l'esmotiō (qui raf-  
fraischit euidemment, comme il  
appert des vents) on vsera de di-  
uers artifices à mesme fin. Prenez  
de l'eau du puits biē froide, & qu'o-  
la verse continuellement d'vn seau  
à l'autre, en la renouuellāt de coup  
à coup. Cela bat l'air, l'humecte, &



refroidit : & le bruit venant aux oreilles du malade qui ne peut dormir, quelque fois l'induit à sommeiller. Il faut aussi mouiller d'eau froide le pané à toutes heures, l'arroufant par dessus de bon vinaigre. Les plus riches y resperdront du vinaigre rosat, d'eau rose, ou d'eau de violettes de Mars : car l'odeur fraîche mitigue la chaleur, & renient les esprits. Le parterre soit tout semé de roses, violettes, pampins de vigne, laitues, fœuilles, & fleurs de Nenuphar, qui auront trempé en l'eau bien froide, eau rose, & vinaigre rosat. La chambre soit garnie de ramee, mesmement des brâches de saule tousiours fraîches : car elles venât à seicher, nuisent. Le liêt ordonné au malade (posé au lieu plus frais & obscur de la chambre) soit grand & spatieux, afin qu'il s'y pourmeine à l'aïse, en  
muant



uant souuent de place, comme  
on est contraint de faire. Outre  
ce il faut vne couchette pour raf-  
raischissement, quād le liect est tout  
eschauffé d'vne longue demeure:  
aussi pour le refaire commodemēt,  
car les malades doyuent estre te-  
nus fort proprement: encor tout  
leur desplait, du mal qui les rend  
difficiles. C'est aussi pourquoy il  
leur faut vne grande netteté, qu'ils  
ne sentent rien de puant, que les  
couuertures soyent fort molles &  
douce, sans ordure & sans rudes-  
se: les linceuls bien desliés, bien  
blancs, & de suaue odeur, lesquels  
faut renouueller tous les iours, si le  
malade à grand' fièvre, ou s'il sue  
abondamment. De coucher sur la  
plume, c'est bien folie à ceux qui se  
plaignent de la chaleur, veu qu'el-  
le eschauffe euidentement. I'accor-  
de qu'il est necessaire, que les fie-

F 5 ureux



ureux ayēt quelque liēt mol, pour-  
ce qu'ils sont prou cassés & rom-  
pus de la maladie: mais il faut que  
ce soit de chose moins rechauffan-  
te, comme est le coulon, la layne  
ou bourre, dequoy on fait des ma-  
telas qui sont bien fort douillets. Il  
y a matiere plus fraische en la bal-  
le ou balouffe & poussiere d'auoy-  
ne, d'orge, millet, & autres. Le cou-  
cheroy volōtiers sur la paille frai-  
che, pour estre mieux à mon ayse.  
Quelques vns mettent sur la coë-  
tre leur mattelas, pour coucher  
plus fraichement & mollement:  
mais ie ne voudrois point de plu-  
me, en sorte que ce soit: pource  
que la chaleur penetrant iusques  
là, y est longuement entretenuë.  
Dessous le linceul il fait bon met-  
tre à l'endroit des reins du malade  
vne piece de camelot à ondes, ou  
vne peau de marroquin, ou d'en  
faeir



faire vn carreau fort plat, à demy  
plein de baloffe, pour se coucher  
dessus. Plutarque dit, qu'en Baby-  
lone les plus riches dormoyent,  
pour grand delicateffe, sur des sacs  
de cuir pleins d'eau, aux grandes  
chaleurs de l'Esté. Telle froideur  
nous est vn peu suspecte ésfieures:  
& il vaudroit mieux (par auanture)  
remplir ces sacs de vent, à mode de  
ballon, comme i'entens qu'en Ita-  
lie quelques seigneurs ont de tels  
liets. Mais ce sont choses rares,  
desquelles on se passe fort aysemēt.  
I'estime bien vn liét pendu à cor-  
des, pour deux commodités qu'on  
a d'estre branlé: l'vne est, qu'il dō-  
ne vent & raffraischit, pour les  
causes susdites: l'autre que l'agita-  
tion sert à les endormir, comme  
dans vn berceau. Le ciel du liét soit  
vn peu haut, afin qu'on ait plus  
d'air. Les liets de camp, qui ont  
leur



leur pauillon fort bas, pressent tāt vn malade, qu'il n'y peut halener. Si les fenestres ou les portes iettēt du vent droit contre le liēt, lors qu'on veut raffraischir la chābre, il faut tirer les rideaux (qui autremēt ne seruent de rien) de peur que le froid ainsi roide ne surprenne le cuir, & constipe les pores, d'oū il faut que sortent les fumees de l'ardente chaleur. Car nous ne voulōs pas refroidir par dehors: cela ne seroit qu'augmenter le feu interieur. Nous demandons l'air frais pour le poulmon, qui esuente le cœur embrasé de la fieure. Parquoy tout le corps, hors mis le visage, doit estre couuert selon la qualité de l'air, afin que la peau soit tousiours biē ouuerte. Il ne faut pas aussi accabler les patients d'vn fais de couverture: car ce tourment ne sert de rien, & les altere d'auantage. Suffit qu'ils



qu'ils soyent autant couuerts, que la constipation du cuir en soit empeschee, & soit gardé libre passage aux vapeurs & fumees: & non moins à la sueur, quand elle veut sortir. Doncques ils ont assez du linceul, à la grande ardeur: sur la declination, quand ils commencēt à sentir la moiteur (laquelle signifie la sueur estre pres) il les faut biē couvrir dauantage, pour ayder à la chaleur au vuidange de cest humeur: nonobstant la fascherie d'ēdurer ce tourment. Mais on doit estimer, q̄ c'est le reste des matieres qui ōt fait le paroxysme: & que si on en retient quelque portiō, on fera beaucoup plus long temps à estre bien net de fieure: car tāt qu'il y en demeure vne goutte, le corps en est esmeu. Donc se persuadant, que c'est la vraye termination, il faut supporter patiemment l'ēnuy,  
&



94      *Du regime des Fieures,*  
& ne se descourir point. Car si le  
cuir est constipé, la sueur retenüe,  
l'accès dure plus longuement : &  
est quelquesfois d'agereux, qu'une  
fièvre terminee deuienne cōtinüe,  
par la retention des excremens, &  
constipation de la peau. C'est dōc  
alors que les couuertures sont à  
propos, quand on est pres de la  
sueur, non pas durant l'accès &  
bruslante chaleur, comme en di-  
sposent les importunes fēmes. Car  
pourueu que le corps ne sente par  
dehors la fraischeur de la chambre,  
& qu'on soit vn peu couuert, tout  
hors mis le seul visage, on s'en doit  
contenter, sans gehenner ainsi les  
malades. Au commencement de  
l'accès, quand ils sentent frisson,  
rigueur, & horipilation, on les doit  
tant couvrir qu'ils veulent : & en  
cela faut suyure leur desir, eschauf-  
fer les pieds avec drapeaux, tuylles,  
& pier-



& pierres, faire par tous moyes de couuerture & applicarion (non pas de breuuage eschauffant, comme fait le vulgaire, car ils ne sont que trop chauds au dedans, qui les rend fort alterés) que ce fascheux tremblement passe vifte. Quand le chaud commence à regner au dehors, & que les couuertures ennuyēt, il en faut oster de peu à peu, mettant le malade à son ayse le mieux qu'il est possible, iusqu'à ne laisser que vn linceul dessus luy. Voila comment il se faut conduire es fieures terminees. Touchant aux continues, qui ont tousiours semblable chaleur, on peu s'en faut, & dure tant qu'ils soyent guairis du tout: il s'y faut gouverner selon la qualité, & couvrir si peu les malades qu'ils n'en soyent pas plus alterés, leur laissant iustement ce qui est requis pour empescher la surprinse



prinse du cuir. D'ocques si le chaud est ardent, on ne les couvrira non plus qu'au milieu des accès des fieures terminees : & il ne faut pas suyure l'aduis des femmes : car iamaïs les malades n'ont prou de couuerture à leur gré. Mais il faut bien noter les reigles qui s'ensuyuent, pour entendre quand, comment, & combien nous deuons rafraischir l'air, & moderer la couuerture : d'autant que la saison, l'heure, & l'espece du mal (où git grande varieté) font, qu'à tout propos est requise bonne discretion, parce qu'on ne peut limiter iustemēt par escrit la quantité des remedes, & il y faut vne grande obseruation, comme nous deduirons presentement.

En ce fait nostre but n'est autre, que d'entretenir l'ouuerture des pores, & permettre aux poulmons  
iouyr



iouyr de la fraischeur. Dont si c'est en hyuer, il nous faut estre plus couuerts, de peur que la peau ne se serre:& ne sommes pas en peine de raffraischir noltre air, ains taschons à le tiedir, afin que quand l'impatient malade se tourne dedans le liect, l'air qui y entre, ne surprenne le cuir, de sa froideur gelee. Il ne faut pas aussi, que le malade soit mis aupres du feu, comme en vsent les paysans:c'est assés que l'air de la chambre ne soit pas autant froid, que porte la saison. En Esté il est bien difficile de le refroidir tant, qu'il puisse constiper la peau, ( si on est couuert d'un linceul) durant la grand' chaleur. Or en cecy il faut bien considerer la grandeur du chaud qu'endure le malade, & de l'air qui l'entourne car si l'ardeur de la fieure est extreme, nous rendrōs l'air tant frais

G      qu'il



qu'il nous sera possible: & si ell'est moindre, no<sup>y</sup> y trauaillerōs moins, obseruant la deuë proportion à l'opposition des contraires. Quād la chaleur de l'air est moderee, peu de chose suffit à l'admortir si ell'est excessiue, il la faut combattre de plusieurs sortes. Donques si la chaleur de la fieure, & de l'air, sont de mesme bruslantes, il ne faut riē oublier de ce qui les peut rafraischir: si sont moindres en proportion. Car on doit comparer les choses pressantes, & esgaler les remedes aux maux, sans se tenir tousiours à certain point. Nous nese-rons donc en soucy de rafraischir nostre air, sinon l'Esté: & alors plus ou moins, selon sa qualité. En hyuer il le faut moyennement eschauffer. Le printemps & l'automne il est assés moderé: dequoy nous deuons contenter. Car tel à nostre  
esgard



esgard est nommé frais, tresconuenable à nos fieures. Ainsi est il des couuertures, qu'il faut accommoder aux conditions de l'air: c'est que en Esté il en faut moins, en hyuer dauantage: la saison temperée tient le milieu. La nuit aussi est ordinairement plus fraische que le iour, d'ot il faut estre mieux couuert, tant pour tant, la nuit que le iour. Et quand on dort, parce que les membres extérieurs se refroidissent, il faut auoir plus de couuertures quell heure que ce soit: mais bien peu dauantage, si elles ennuyent le malade fort eschauffé du mal. Pour mieux faire il faudroit attendre que le malade fut endormy, & adonc luy ietter quelque chose par dessus: car si on le couure auant qu'il entre au sommeil, quelque fois cela



ne fasche tant, qu'il en perd tout le moyen de reposer. Moyennant la discretion, dresse'e d'un bon sens, par ces limitations on pourra disposer & ordonner facilement des couuertures, & du raffraichissement, en toutes les especes de fieures, à tout' heure & toute saison. A quoy il faut adiouster la cõplexion des gens, l'aage & le sexe, qui suyuent le temperament. Car d'une mesme fieure, les vns serõt plus eschauffés, les autres moins, selon que leur chaleur auant la fieure estoit grande ou petite. Ceux qui l'ont douce, & fort suaue, comme les femmes & les enfans, ne sentent pas telle ardeur que les ieunes de trente ans, desquels le corps est de soy mesme plus ardent. Et de ceux cy les sanguins ou choleric, surpassent les autres en chaleur. Les  
vieux



vieux sont froids, dont ils ne peuvent auoir les fieures si ardentes, comme dit Hippocras. Outre ce, à raison de la seicheresse leur cuir est fort serré: aux femmes & aux enfans, la grād mollesse empesche les pores d'estre ouuerts. Les ieunes tiennent le milieu: dont il est mal aisé de cōstiper leur peau. Par ces deux raisons il ne faut pas tant craindre de raffraischir bien l'air, quand vn ieune homme de complexion fort chaude (qui en santé mesme semble tout feu) a fieure, comme s'il estoit d'autre tempere-ment: ne qu'à vn bon vieillard, ou ieune enfant, ou biē à vne femme. En cecy il y a encores plusieurs distinctions: car toutes femmes, tous vieux, & tous enfans, ne sont pas d'une condition: les vns sont plus chauds que les autres. Ainsi est-il (pour faire brief) de toutes limi-

*Hippo. 14.  
liur. 1.*



102 *Du regime des Fieures,*  
tations, où il faut auoir esgard d'ap-  
procher le plus pres qu'on peut, de  
la portee d'un chascun. Car il n'est  
pas possible de mettre en reigle ces  
particularités. Il suffit bien qu'on  
sçache en general les conditions ne-  
cessaires à bien conduire les fie-  
ureux. Quant est de l'air & cou-  
uertes, ie l'ay deduit si amplemēt  
que le discours en est prolix. Mais  
ie seray plus brief à poursuyure le  
demeurant, auquel pourront ser-  
uir les raisons dessus alleguées,  
pour peu qu'on ait d'inuention à  
les sçauoir accommoder.

*Ce chapitre n'a point esté acheué,  
mais les deux ou trois qui s'ensui-  
uent, y peuuent seruir, & estre ac-  
commodes.*

CHAP.



## CHAPITRE VII.

*Contre ceux qui ne permettent aux Febricitans de boire durant leur accès : & les autres qui veulent qu'ils boivent chaud pour suer plustost & mieux.*

**I**'Ay ailleurs remonstré commēt il se faut gouverner és fieures, pour en auoir mieux & plustost la raison, icy ie toucheray succintement l'erreur de ceux qui empeschent de boire les fieureux durant l'accès, soit par force, ou par leurs remonstrances. Nostre Hippocras *Hippoc. aphor. II. li. I.* dit bien en ses Aphorismes, que és accès il faut abstenir : mais c'est des sorbitions, & autres viandes : car il adioust, qu'il est nuisible d'administrer pour lors de la viande. Mais quant au boire, il est tres-necessaire pour amortir la fieure

G 4 quand



li. 9. de la  
meth. ch. 5.

quand ell' est en sa grand' vigueur:  
& mesmes Galen ordonne de boire  
grand' quantité d'eau froide, au  
plus haut de la fieure ardēte, & des  
fieures synoches. Or l'estat d'un ac-  
cès respond à l'estat de toute la  
fieure continuë. Et quel danger y  
a-il de boire un bon trait quand  
l'accès est en sa vigueur? Mais au  
contraire, cela profite grandemēt,  
& amortit plustost la fieure cōme  
quand on iette force eau au feu.  
Encor faut-il aduiser, que le breu-  
uage du Febricitant soit bien froid  
(non pas chaud, ainsi que plusieurs  
veulent) afin que le malade en suë  
plustost. Car ceux qui l'ordonnent  
chaud s'abusent doublement: c'est,  
que de boire chaud, on ne desalte-  
re point: & que le boire froid es-  
meut autant ou plus la sueur, que  
feroit le chaud. Ce que chascun  
peut esprouuer à part soy, s'il en  
doute:



doute : & il verra que estant bien  
e'chauffé & alteré, s'il boit bien  
frais, la sueur luy en viendra au  
front, quand bien ce seroit en hy-  
uer. Dont puis que il y a & plaisir  
& profit, nous permettons, voire  
nous ordōnons aux malades qu'ils  
boyuent le plus frais qu'ils pour-  
ront : & vn grand trait ou deux, se-  
lon que l'accès durera. Le vulgaire  
a cela de mauuais, que cōme tout  
luy est suspect, à cause de son igno-  
rance, & qu'il craind mesme és  
choses où il y a toute assurance,  
ainsi ne peut-il accorder aucun  
plaisir aux malades, craignant de  
complaire à leur volonté, comme  
si elle estoit tousiours desraisonna-  
ble.

CHAP.



## CHAPITRE VIII.

*Des bouillons & orge-mondés qu'on baille à minuit, ou le matin, fort indiscretement.*

**D**Es bouillons & orge-mondés, le plus souvent on importune les malades, qui n'y prennent aucun plaisir: & quelque fois on rompt fort indiscretement leur sommeil, par l'administration de telle nourriture, ou à minuit, ou sur le matin: laquelle ne peut tant valoir, que feroit vn bon dormir. Voila comment le vulgaire est injuste en deux sortes: l'une, quand il ne permet aux fieureux de boire raisonnablement: & l'autre, quand il le presse de viures mal à propos.

Certainement il n'y a rien de si bien ordonné, qu'on n'en abuse facilement: & sur tout, quand  
c'est



c'eſt de choſe qui plait aucune-  
ment: mais encor plus, ſi cela meſ-  
me a quelque eſpeſſe de aliment.  
Car le propos des viures eſt ſi plau-  
ſible & agreable, que le vulgaire  
l'embraille tres-volontiers. Le nô-  
des drogues luy eſt forr odieux &  
horrible, meſmes tout ce qui viêt  
de chez l'apothicaire, ſinon le ſuc-  
cre, l'hippocras, les biſcuiteaux, le  
pignolat, les tartres de Maſſepan,  
confitures, & autres friadiſes. De-  
quoy ie ne m'eſbays pas, ne le re-  
prends auſſi: car cela eſt fort natu-  
rel. Ie ſuis homme, & reſents l'in-  
firmité commune: ie ne ſuis eſtrā-  
ger ou aliene d'aucune humanité.  
Ie ſcay que les medicaments ſont  
contraires & ennemis du bon na-  
turel: & que ſ'ils eſtoient fami-  
liers ou amis de Nature, ils ne fe-  
royent tels effects, ains ſurmontés  
de noſtre corps, ſeroyēt conuertis  
en



108 *Des bouillons & orge-mondés,*  
en la substâce. Dont l'horreur que  
nous en auons, est chose fort na-  
turelle, & non reprehensible. Cè-  
que i'ay dit, est comme en passant,  
afin qu'on ne m'estime Rhabarta-  
tif & fascheux droguiste, veu mes-  
mes que i'en vse bien souuēt pour  
moy, cognoissant le besoin que  
i'en ay. I'ay voulu seulement tou-  
cher ce point, tant pour excuser le  
commun enuers quelques mede-  
cins, qui n'ont grand pitié de ceux  
qui ne se peuent accommoder  
aux medecins: que pour accuser les  
delicats outre mesure, qui ne vou-  
droient que des bouillons ou or-  
ges-mondés pour se guerir, ou pre-  
uenir le mal. Encores n'en vsent-  
ils ainsi qu'il appartient: car pour  
vn tel desieuner ils ne rabbatent  
des autres repas ordinaires. C'est  
ce que ie veux reprendre, & leur  
remonstrer cōment les medecins  
l'en-



l'entendent (au moins ceux qui l'ont premierement institué) & comment ie l'ordonne. Ces boüillons & orge-môdés de la minuiet, ou du matin, sont pour triple occasion. L'une, en faueur de ceux qui ont faute d'appetit, & ne peuvent guieres manger à disner, ou à soupper: mais sur tout à soupper auxquels pour recompence on donne quelque chose à la minuiet, ou le matin ensuyuant. La seconde est presque semblable, de ceux qui ont grand faim & sont presque insatiables, comme au releuer d'une grand' maladie. Car d'autant qu'ils ont l'estomach affoibly, & ne peuuent tant digerer, qu'ils pourroyent bien manger à vne fois, on leur conseille de partir les repas: & parce que la nuiet (à cause du dormir, qui retarde la coction de l'estomach) on ne digere si bien que le iour, nous or-



110 Des bouillons & orge-mondés,  
donnons qu'ils souppent legiere-  
ment: & pour recompense, nous  
leur dōnons sur le matin vn bouil-  
lon: comme si on gardoit le potage  
du soupper, qu'on en auroit rab-  
batu, au lendemain matin, apres  
qu'ils ont dormy. Ce que ie dis,  
que le dormir retarde la coction  
de l'estomach, & suffisammēt prou-  
ué en mes paradoxes, par viues  
*Dee. I.*  
*parad. 8.* raisons: desquelles i'en toucheray  
vne, pour autant qu'elle sert à ce  
propos. C'est, que du disner au  
soupper, communement il n'y a  
que huit heures: & du soupper  
au disnet ensuyuant, il y en a seize:  
sans qu'on ait plus de faim apres,  
qu'apres lescdites huit heures:  
supposé encores, que ces deux re-  
pas soyent de mesme en qualité,  
& quantité, du manger & du boi-  
re: bref qu'il n'y ait autre diffé-  
rence, sinon que l'un de ces repas est  
suyvi



fuyui de la nuit & du ſommeil, &  
l'autre non. La troiſieſme occaſiõ  
eſt, pour alterer ou preparer le  
corps par ce moyen delicat: ſca-  
voir eſt, le rafraichir, ou hume-  
cter, incifer & attenuer les hu-  
meurs, deſopiler, faire vuider le  
grauier & les pierretes des reins,  
prouocquer les ſueurs ou men-  
ſtrues, & autres petis menus affai-  
res, de moindre importance qu'il  
faille mettre en beſoigne les re-  
medes plus fors & mal plaiſans.  
Dequoy vous verrés vſer infinies  
perſonnes au prin-temps, meſme-  
ment és mois d'Auril & de May,  
mais avec telle indiſcretion, qu'il  
leur fait plus mal que bien. Dont  
i'ay eſté contraint de remonſtrer  
ceſte faute, ſuyuant le deuoir de  
ma charge. La faute eſt principa-  
lement en ce, qu'ils ne rabbatent  
rien



112 Des bouillons & orge-mondés,  
rien du disner & soupper ordina-  
res, pour ces bouillons & orge-  
mondés. Car s'ils disnent & soup-  
pent autant que de coustume, il  
est certain, que l'endemain matin  
l'estomach n'est pas vuide : & par  
consequant le bouillon rencontre  
des matieres cruës, qu'il recrudit  
encore d'aduantage : & les arreste  
pour se digerer aussi, iusqu'à la ve-  
nuë du disner : lequel se meslant  
parmy cela, prend le vice & con-  
tagion de crudité. Ce qui est dere-  
chef rencontré du soupper. Telle-  
ment qu'il n'y a point de fin à tel  
desordre, generatif de flegme, si  
aucun le fut iamais. Si le bouillon  
est de choses aperitiues, incisives  
& attenuantes, prouocatiues d'au-  
cune excretion, il fait bien pis. Car  
il pousse, enfonce & precipite les  
restes du soupper cru dans les vei-  
nes & arteres, où elles font des op-  
pila-



pilations, & causent des catharres, fieures, & autres mille maux: qui est bien pire, que si les humeurs crus s'esjourent ou croupissent dans l'estomach & les boyaux, où ils causent la colique, des trêchees & bruit de ventre, desdain, mal de cœur, vomissemēt, & semblables. Donc, quiconques voudra vser de ces bouillons alteratifs (comme est aussi nostre orge-mondé) pour bien faire, qu'il soupe legieremēt, à ce que l'estomac ait digéré plus tost que de coustume, & qu'il se trouue pour lors vuide. Il faut faire, comme si on gardoit vne partie de son soupper, pour lendemain matin. Et quād on disneroit apres, vn peu moins que de coustume, ce seroit le mieux fait du monde. Voila comment il se faut gouverner en ce fait, pour en sentir profit, & non dommage, comme il

H aduient



114 Des bouillons & orge-mondés,  
aduient à la plus part de ceux qui  
en abusent. Aucuns s'en trouuēt  
bient, à cause que par faute d'ap-  
petit, ils ne mangent guieres à dis-  
ner, ny à soupper : qui est la pre-  
miere occasiō cy dessus expliquée.  
Et ie ne doute point, que les pre-  
miers auteurs de ce regime ne l'a-  
yent ainsi entendu & practiqué.  
De cela mesmes on peut prendre  
lendemain quelque Iulep, Apo-  
zeme, ou Sirop (choses prepara-  
tiues, pour la plus-part) il faut a-  
uoir legieremēt souppé, afin qu'el-  
les rencontrent l'estomac vuide.  
Autrement si ce sont choses appe-  
ritiues, elles precipitent les crudi-  
tés aux veines & arteres, en aug-  
mentant la cause du mal que nous  
voulons combattre. Et quand cest  
inconuenient cesseroit (d'autant  
que toutes telles drogues ne sont  
penetratiues) il ne faut pas qu'el-  
les



les rencontrent quelque chose dās  
l'estomac. Car cela rompt la force  
du remede, le destrempant mal à  
propos. Je remonstreray ailleurs,  
combien il est requis d'auoir l'e-  
stomac vuide, lors qu'on prend  
medecine: & que plusieurs font  
mal, de manger & boire le soir au-  
parauant, de tout à leur plaisir, e-  
sperans que la medecine emporte-  
ra toutes les superfluités. Tels pro-  
pos se peuuent aisement accom-  
moder à cestuy-cy. Car quoy que  
ce soit, bouillon, orge-môdé, lait  
d'anefse, ou d'autre animal, iulep,  
ou autre droguerie, s'il ne trouue  
l'estomac vuide, & deschargé de  
la viande du soupper precedant,  
ou il ne fait guieres de bien, ou il  
il apporte grand detrimēt. Si on  
me demande, que sert-il dauanta-  
ge de prendre des bouillons alte-  
ratifs & les orge-mondés au ma-



116 Des bonillons & orge-mondés,  
tin sans autre chose, qu'à disner  
ou à soupper avec les autres vian-  
des, veu que toute est aliment, qui  
se peut accorder avec le reste? Le  
respon, comme par cy-deuant,  
que si telles choses se meslent avec  
des autres, ou leur vertu se dimi-  
nue, ou ( si elles sont aperitiues )  
conduisent la viande auât sa me-  
re concoction, hors l'estomach, &  
font plus de mal que de bien. Dôt  
il vaut mieux que chasque chose  
soit prise à part, & de ne confon-  
dre les viandes avec ce qui est me-  
decinal.

---

## CHAPITRE IX.

*Si c'est mal faict, de boire à l'heure  
du coucher.*

**C**Este coustume est en France  
(au moins ez meilleures mai-  
sons) d'auoir tousiours le vin de la  
cola-



colation, & n'estre iamais la nuit sans vin à la chambre: combien que plusieurs abstienent de ceste beuuette: les autres boient quelquefois, les autres d'un ordinaire à l'instant qu'ils se veulent mestre au list, plus par coustume, que cōtrains de la soif. Le vulgaire de Languedoc à vn commun prouerbe contraire à cela: que qui se va coucher en soif, se leue en santé. A quoy il semble que Hippocras s'accorde bien, disant en ses Aphorismes: Ceux qui la nuit ont appetit de boire, si ayans grand soif ils s'endorment la dessus, ils font bien. Mais on pourroit interpreter son dire, de ceux qui se sueillent en soif, nompas des autres qui ont soif auant que dormir. Car il y a plus d'apparence, de ne permettre de boire sur nuist, & au premier reueil, qu'auant le dormir. Et quant

H 3

à moy,



118 Du boire quand on se couche,  
à moy, ie ne trouue pas fort mau-  
uais, que ceux qui ont accoustumé  
de boire à leur coucher, le conti-  
nuent: ainsi que i'ay veu faire à feu  
mon pere, plus de vingt ans. Et  
i'ay ouy dire, qu'une des plus no-  
bles & illustres maisons de France,  
le pratique ordinairement, ayant  
cette opinion, que cela fait à la san-  
té: de sorte que les enfans y sont  
nourris. Il est vray que la coustu-  
me est vn tyran qui a grand' force,  
& bien-souuent plus de pouuoir  
sur nous, que la Nature mesme.  
Combien que ceste-cy est legiti-  
me gouuernante, & l'autre par v-  
surpation. Toutesfois il ne faut pas  
mespriser la coustume, à cause du  
piéd & aduantage qu'elle a gaigne  
sur nous. Ioint que ( comme dit  
Galien) ceux qui s'accoustument à  
quelque chose, pour la plus-part  
elisent vne coustume conuenable  
à leur

*lib. 5. de  
la cons. de  
santé.*



à leur naturel, d'autant qu'offen-  
cez coup à coup de ce qui ne leur  
conuient, ils le repudient. Toutes-  
fois quelques vns, ou vaincus de la  
volupté & douceur, ou ne sentant  
(par grand' folie) d'en estre offen-  
cez, continuent en mauuaises cou-  
stumés. Mais il y en a peu de ceux-  
cy: il y en a plus qui n'y perseue-  
rent point. Et en vn autre passage.  
Il n'y a personne si stupide (dit il)  
que estant offencé grandement de  
boire de leau froide, vueille tirer  
cela en long vsage. Car en estant  
offencé & malade euidamment, il  
en abstiendra totalemēt. On pour-  
ra bien respondre, qu'il y a fort peu  
de gens qui veulent commander à  
leurs appetits voire qui veulent  
s'abstenir de chose que se soit, si les  
Medecins ne la leur defendent ex-  
pressément & mesmes que ce soit  
par escrit. Autrement il leur sem-

*Livr. 9. de  
la meth.  
chap. 10.*



120 Du boire quand on se couche,  
ble n'y estre pas tenus. Voila la  
grand resuerie, ne vouloir sabste-  
nir de ce qu'on esprouue & con-  
fesse estre nuisant à son naturel,  
sinon que le Medecin l'ait ex-  
pressément deffendu: encor y a-il  
bien affaire de le persuader. Vne  
sage personne & temperante, luy-  
mesmes se fera aisement vn regime  
de santé, sur ces experiences & ob-  
servations, en la qualité & quan-  
tité de toutes choses, plus assuré  
que le plus scauant Medecin du  
monde, s'il y veut entendre sans  
se flatter aucunement. Mais laissons  
à part la coustume, & mesme la  
nourriture dès l'enfance: voyons  
s'il y a quelque apparence de raisõ,  
qui persuade ou permette de boire  
quand on se va coucher. Il me sem-  
ble qu'on peut defendre telle pro-  
cedure, en faueur de ceux qui y  
prennent grand plaisir & le font  
volon-



volontiers. Car, comme dit Hippocras du boire & du māger, ce qui est vn peu pire, mais plus agreable, est melleur que le contraire. D'auantage, supposé qu'il y ait grand trait depuis le soupper iusques au coucher (comme de trois heures pour le moins) la digestion est à demy faite. Dont il n'est pas mal fait, de prendre vn peu de vin. Car il s'accorde & accomode bien avec ce qui est à demy cuit, le vin n'ayāt besoin de l'ong sesiour à estre digeré: veu que c'est vne liqueur facile à transmuer, & qui parfait la digestion. Ainsi il ne retarde pas ce qui est ja fort auancé, ains sera aussi tost prest à sortir de l'estomach, que l'autre: à qui d'abondant il fera ce bien, de le conduire plus auant: de sorte que le chyle en pénétrera mieux au foye. Aussi les plus auisez, de ceux qui vsent d'vn

H 5 tel



122 Du boire quand on se couche,  
tel regime, le font (comme i'ay en-  
tendu ( pour cest esgard, que la di-  
stribution se face plus soudain, &  
le foye en soit humecté. Dequoy  
s'ensuit ( de leur aduis ) qu'on en  
repose mieux, & le dormir & plus  
plaisant. A cela faiet aussi la dou-  
ce vapeur du vin, lequel humecte  
le cerueau, endort plus fermemēt:  
par quel moyen, la seconde dige-  
stion est heureusement accomplie,  
& il s'en ensuit quantité de bon  
sang. On peut icy obiecter que la  
crudité, qui est à craindre, pour l'in-  
terruption de la coction que l'esto-  
mac a bien aduancé. Mais ce n'est  
pas du boyre ( & mesmement du  
vin ) comme d'un autre chose qui  
feroit de l'ogue cuitte, ou qui epais-  
siroit d'auantage le chyle: lequel a  
raison de ce, pourroit trop seiour-  
ner, & estre mal aysé a distribuer.  
Le vin qu'on boit, est comme l'eau  
qu'on



qu'õ adiouste à vne soupe espais-  
se, qui autrement bruleroit dans le  
pot. Et pour n'interrompre sa cuit-  
te, les bons cuisiniers la detrem-  
pent avec du bouillon chaud, ou de  
l'eau bouillante. A quoy respond  
le vin, qui de sa chaleur naturelle  
entretient, & fait mieux continuer  
la digestion, sans que telle inter-  
ruption soit de duree, ou preiudi-  
ciable. Car soudain apres, la cuiste  
recommence de plus belle, & est  
parfaicte plus aisement: l'estomach  
se vuide mieux, quand son chyle est  
plus liquide, & le foye en a meil-  
leure part. De cecy on peut colliger  
& conclurre, que telle collation ne  
peut conuenir, sinon à ceux qui  
boiuēt peu à leurs repas, & sur tout  
au souper, lesquels mangeans bien  
ne sont pas alterez. Tels ne font  
pas mal de boire quelques heures  
apres, & ie pense qu'il leur est sain.

Tou-



124 *Du boire quand on se couche,*  
Toutesfois ie n'escriis cecy, pour  
persuader à aucun de receuoir ceste  
coustume: moins voudrois ie ac-  
querir la reputation, d'auoir par  
mes raisons introduit pour vn re-  
gime de santé, le boire apres sou-  
per, comme aduocat des collations  
nocturnes (aussi vaut-il mieux de  
beaucoup, boire à ses repas com-  
petamment, & à proportion de ce  
que on mange) mais ie remonstre  
par ce discours, que ceux qui ont  
telle coustume, sont fondez en  
quelque raison: & s'il y sont nour-  
ris d'enfance, ils le peuvent saine-  
ment entretenir. Aussi, qu'il ne faut  
s'esbayr, de ce qu'ils ne s'en trou-  
uent mal. I'auois vne tante, sœur  
de mon pere, mariee à Condrieu  
en la maison des Villars, qui mou-  
rut fort aagee. Elle ne failloit ia-  
mais de boire l'allant coucher, vn  
grand trait d'eau, dans laquelle a-  
uoit



oit trempé vn gros quignon de pain, enuiron vne heure au para-  
uant. Et continua cela plus de qua-  
rente ans, tousiours se portât bien.  
On dit pourtant, qu'en fin elle  
mourut hydropique: ce que luy  
pouuoit estre aduenü d'autre occa-  
sion. Mais ie n'approuue pas ce  
boire d'eau, à l'heure du coucher: &  
moins encor ce que font plusieurs  
filles & fêmes, trop suiettes à leurs  
appetis & fantasies: qui ne font dif-  
ficulté de boire deux ou trois grans  
verres d'eau pure, simple, & froide,  
à l'heure du coucher. Elles s'en  
ventent quelque fois: mais il n'y a  
pas tousiours dequoy s'en rire,  
mesmement quand de ce desordre,  
elles ont en despuis vn mauuais  
estomach, le foye & la rate pleins  
d'oppilations: d'ou procedent les  
palles & vileines couleurs, courte  
haleine battement de cœur, suffo-  
cation



126 Du boire chaud, ou froid,  
cation de matrice, & aucunes le  
vice da sterilité.

---

## CHAPITRE X.

*S'il faut boire aussi chaud qu'on a le sang,  
mesmement en esté: & s'il est mau-  
vais de raffraischir  
le vin.*

**L**A plus-part des opiniōs vul-  
gaires, sont doctrine de vieil-  
les gēs, qui ayās vescu longuemēt,  
& veu beaucoup de choses, veulēt  
tout reformer, & ranger les autres  
à leurs appetis, sans distinguer des  
âges. Ainsi d'autant qu'ils sont to<sup>r</sup>  
morfondus & frilleux, ils vou-  
droient que chacun se vestit &  
courrit de mesme eux, & abstint  
de mille choses qu'ils sentēt nui-  
sibles à leurs personnes: comme  
le boire frais en esté, & disent, que  
chascun doit boire aussi chaud  
qu'est



qu'est son sang. Laquelle proposition i'accorde, pour leur respect seulement: car ayās le sang froid, comme aussi tout le corps, ils n'ōt besoin de grand' fraischeur. Mais le ieune hōme qui a le sang bouillant, ne seroit iamaïs de salteré s'il beuvoit ainsi chaud, non pas mesmes ainsi tiede qu'est le sang temperé en esté. Car la soif est vn appetit de froid & humide: & est causee non naturellement de tout ce qui eschauffe, ou qui dseiche. Comment donc la peut-on appaiser, sans fraischeur humectante: L'experience demonstre assez euidentement, que si on boit chaud, c'est à recommencer: parce qu'on ne se de saltere pas. Pour conclurre ce propos, ie diray encores ce mot, que s'il estoit sain de boire autant chaud qu'on a le sang, les vieilles gens auroient à boire beau-



128      *Du boire chaud, ou froid,*  
aucoup plus frais que les ieunes:  
chose partrop absurde, & ridicu-  
le. Il y a vn autre opinion plus cō-  
mune & d'apparence, de ceux qui  
approuuent bien le boire frais, tel  
qu'il sort de la caue ou du ton-  
neau, & l'eau venant du puis ou de  
la fontaine, mais non pas que l'vn  
ou l'autre soit rafraischy. Donc-  
ques on sera commandé de la dis-  
position des caues, selliers, puis, &  
fontaines: tellement que qui les  
aura fraisches, il en aura le plaisir,  
& les autres soustiendront vne  
grand fascherie pour leur santé,  
quand ils n'oseront rafraischir le  
vin, l'eau, ou tous deux. Mais (ie  
vous prie) qu'importe-il de mal,  
que le breuuage soit frais, ou de  
l'air qui le contient, ou de l'eau  
dans laquelle il trempe? Si l'eau  
n'est mal saine de sa froideur quād  
elle sort du puis, de la fontaine, ci-  
sterne,



sterne, ou riuere, elle ne rēdra pi-  
re le vin qui en sera alteré & raf-  
fraischy. Je suis content qu'il ne  
soit pas si sauoureux, mais il ne se-  
ra pas moins sain, que celuy qui  
fortira frais d'une caue bien froi-  
de : veu que le rafraischissement  
ne luy peut apporter aucune  
mauuaise qualité. Reste que ce  
soit la seule froideur, que l'on de-  
crie tant, d'où elle procede.  
Mais quoy? il y a du vin rafraischy,  
qui est moins froid qu'un autre  
sortant du tonneau, lequel on ne  
condamne pas. Et que ne crie lon  
encore plus, du boire glacé qu'on  
fait en hyuer? Est-il possible de  
boire si froid en esté, qu'il gele  
ainsi les dēts, & souuēt empesche  
de boire si long trait, qu'on vou-  
droit biē? Toutesfois vous n'oyez  
personne, qui vulgairement re-  
prouue cela : ains au contraire, la

I

plus



130 Du boire chaud, ou froid,  
plus-part trouue mauuais, qu'en  
hyuer on eschauffe le vin, ou l'eau.  
Sont ce pas des gens du tout con-  
traire à Nature, qui la veulent for-  
cer à mode de geans? Nous corps  
en esté sont bouillans, bruslez &  
asseichez: nous ne boirons pas  
frais, & abondamment pour resi-  
ster à l'intemperature & inclemé-  
ce de l'air, qui conuertit noz hu-  
meurs doux en amertume (qu'on  
appelle cholere) dequoy proce-  
dent les fieures tierces & ardêtes,  
les dysenteries, & autres diuers  
maulx qui regnent en esté? Et en  
hyuer, que nous sommes transis  
& contrains de froid, tous rheu-  
matiques & morfondus, nous boi-  
rons de la glace? Les appetits non  
recherchez, ains spontanez, sont  
pour la plus-part conduis de Na-  
ture, à laquelle ils appartiennent.  
Dont il leur fault complaire avec  
raison



raison & mesure : comme de resister au froid par la chaleur, & au chaud par son contraire. Autrement, les saisons de l'annee nous causent mille maux, par l'alteration de l'air : lesquels on peut prevenir, par le droit vsage des choses que Dieu nous dōne en temps opportun, & lors qu'elles cōuiennent. Et ce en vain, ou plustost d'une grand' prouidence de Nature, que les puis, fontaines, & caues sont plus fraisches en esté, plus chaudes en hyuer? Et qui n'a telle cōmodité de soy, ne la doit il pas contrefaire par artifice? Et ce en vain, que les fruiets humides & froids sont produits en esté, & lors qu'ils no<sup>r</sup> sont necessaires, en hyuer point : & que adonc le vin cōmence d'estre en sa force, venant bien à propos pour nous armer contre le froid? La ramee faisant



132 *Du boire chaud, ou froid,*  
ombrage nous defend du Soleil  
en esté. Elle ne seroit pas ainsi  
propre en hyuer : aussi ne l'auons  
pas naturellement. Qui n'a de l'ô-  
bre en esté, au moyen des bocca-  
ges, tonnes & treilles, faict-il mal  
de la contrefaire d'une frescade?  
Certainement comme il est prof-  
fitable d'vser en esté de ce qui raf-  
fraischit, & en hyuer de tout ce  
qui eschauffe, suyuant la raison  
naturelle, & l'aduis des plus sages  
(qui sont les plus sçauāns) aussi est-  
il bien proffitable, d'employer ce  
qui deffait les qualitez requises.  
Mais que faut-il tant s'arrester, à  
impugner des erreurs si grossieres,  
& des personnes qui n'ont propo-  
sitions certaines ou respondantes  
l'une à l'autre, ainsi qu'il appartient  
à vne vraye doctrine? Car en sem-  
blable fait, telles gens se contre-  
disent fort lourdement : comme  
des



des fruiçts qu'on mange pour se rafraischir. Y a-il personne qui ne trouue mauuais qu'on mange des cerises, prunes, figues, raisins, melons, & semblables, tandis qu'ils sont chauds du Soleil? On les fait rafraischir, les vns dans vne caue, les autres dans l'eau froide. Et pourquoy ne boira-on aussi bien du rafraischy, pour se desalterer? Il y a bien des artifices qui peuvent estre suspects, comme de mettre dans le vin ou de la glace, ou de la neige: item de tremper les bouteilles dans l'eau qui ait du salpestre combien que le salpestre ne soit tel, qu'on n'en puisse bien aualler sans dāger. Mais de tremper les bouteilles en eau simple, qui soit bonne à boire, quel mal y a-il, puis qu'on boit bien d'icelle mesme eau, & seule, & avec du vin? Ou quel dāger y peut-il a-



134 Du boire chaud, ou froid,  
uoir, que le vin & l'eau soyent ra-  
fraischis en l'air du puis? Quelcun  
pourroit icy obiecter la Colique:  
& biẽ, ceux qui y sont subiects, ou  
qui se trouuent autrement offen-  
cez de boire froid, qu'ils s'abstiẽ-  
nent non seulement du refroidy,  
ains aussi de celuy qui est frais de  
soy-mesme. Car c'est le deuoir, &  
vne grand' sagesse, de n'vser de  
chose que on ait quelquefois es-  
prouvẽ nuisante à son naturel:  
mais d'y ranger les autres, il n'y a  
point de raison. Ou il faudroit,  
que le fourmage fut du tout con-  
damné, pource qu'il nuit aux gra-  
ueleux: & que chacun s'abstiẽt du  
vin, parce qu'il fait mal aux gou-  
teux. Y a-il rien plus iniuste & ty-  
rannique, que de vouloir assuiet-  
tir à ses appetits ou sentimens, les  
autres qui sont de differente com-  
plexion? A cela viennent les bon-  
nes



nes gens, qui reprouuent le boire  
frais, & conseillent à tous de boi-  
re autant chaud qu'on a le sang.

## CHAP. ONZIESME.

*Contre ceux qui se plaignent en esté, de la  
chaleur des nuicts: & cependant ils  
couchent sur la plume, les fe-  
nestres fermées.*

**N**Ous voyons plaindre ordi-  
nairement les gens en esté,  
de l'extreme chaleur de la nuict,  
plus que du iour, en vn mesme  
lieu, comme dans la maison, &  
mesmement és chambres où lon  
couche. Lesquelles si on confide-  
re, sont comme des fours, ayans  
l'air estouffé, à faute de les esuan-  
ter souuent, & tenir tout ouuert  
aux heures que le Soleil n'y don-  
ne point: & de les raffraischir sou-  
uent d'eau bien froide, avec vn  
peu de vinaigre, & force fueilles, à



136 *Du dormir fraischem. en esté.*  
qui en a la commodité. Car de  
laisser les chambres durant l'esté,  
en mesme estat que és autres fai-  
sons, il ne se faut pas esbahyr si on  
y brusle. Que pis est, la pluspart  
des gens couchent sur la plume,  
tout ainsi qu'en hyuer: & ne  
font differéce des lits, sinõ quât  
à la couverture qu'ils prennent  
plus legiere en esté. Rien ne sert  
de m'alleguer, que tous n'ont le  
moyé d'auoir des matelats à part  
les coitres: car il vaudroit encor  
mieux coucher dessus la paille, ou  
dessus la poussiere de blé, ou de  
l'auoine (chose fort delicate) qu'õ  
nomme autrement Balouffe. On  
y est vn peu plus dur que sur la  
plume, mais la fraischeur & l'aïse  
qu'on en reçoit, recompéce bien  
cela: mesmes que le sommeil y est  
plus gracieux, suaue & paisible,  
sans comparaiſon. Et en toutes  
cho



choses, il n'y a que l'accoustumance. Que la paillasse soit bien plaine, & la paille bien remuee, on y est assez mollement : & au reste bien fraichement, avec vn plaisir nō pareil du plaisant dormir qu'on y prēd. Vn autre erreur non moindre est, de tenir les fenestres fermees toute la nuit: mesmes quād on a commodité de rideaux, ou de pauillon, qui defendent du vent, si parauēture il s'esleuoit tādīs qu'ō dort. Car quant au froid simple, il ne le faut ainsi craindre: veu qu'il n'est iamais si froid en esté, les fenestres estans ouuertes, qu'il est en hyuer tout estant bien fermé, mesmes avecques des chassīs, dās vne chambre nattee & tapissée, en laquelle tout le iour y ait eu bon feu. Qu'ainsi soit, il vous faudra encore plus de couuerture estant au liēt (sur peine de sentir froid)

I 5 qu'il



138 *Du dormir fraischem. en esté.*

qu'il ne faut en esté, les fenestres  
estât ouuertes. Si on ne craint pas  
vn tel froid de la chambre en hy-  
uer, pourquoy le craint-on en  
esté: lors mesmes qu'il ne peut  
estre dit proprement froid, ains  
tiede & temperé? De craindre le  
serain sous vn couuert, & li& en-  
courtiné, c'est abus: comme on  
peut aysement comprendre du  
discours que i'en ay fait ailleurs.  
Car il n'y a aucune qualité en l'air  
exterieur du serain, dont il le fail-  
le empescher d'entrer aux cham-  
bres. Il n'y a que la fraischeur ou  
qualité fraische, bien requise au  
repos & dormir plaisamment. Et  
qui est celuy, qui ayant à choisir  
en esté de deux chambres, l'vne  
bien chaude, l'autre bien fraische,  
estans sur vn mesme plancher, ne  
choisit plustost la fraische? Donc  
si on peut commodement rafrais-  
chir



chir celle qui est chaude, comme  
en tenant les fenestres ouuertes,  
depuis le Soleil couché, iusques  
au matin, quel mal y aura-il? sup-  
posé, que l'air libre de la ruë ne  
soit pire (sinon meilleur) que ce-  
luy de la maison enclos & estouf-  
fé. Ceux qui couchēt aux champs,  
gardans le bestail, ou les fruiçts, &  
les soldats en campagne à l'ensei-  
gne des estoilles & de la Lune, cō-  
tre vne haye, ou en des petites lo-  
ges & cabanes, pour se garantir  
seulement de la rosée & du vent,  
dorment sans comparaison plus  
sainement (outre le plaisir inesti-  
mable) que ceux qui s'enferment  
dans les maisons. I'experimente  
le semblable, avec toute ma fa-  
mille, & les habitans de ma mai-  
son: y ayant mis la coustume, de  
laisser ouuertes les fenestres de  
toutes les chambres, au gros de  
l'esté



140 *Du dormir fraisch. en esté.*

l'esté, durant la nuit : & les tenir bien closes, avec des contrefenestres, tout le iour. Si on craint d'estre surpris la nuit de quelque sentiment de froid, qu'on ait au pié du lit vn'autre conuerture de secours. Et combien de fois aduiẽt-il de mesmes en hyuer, qu'on s'esueille pour le froid que l'on sent extraordinairement suruenu ? à quoy on remedie de mesme sorte, sans faire grand cas de cela. Mais on repliquera, qu'il est pire en esté, d'autant que les pores sont plus ouuers de la chaleur du iour. Et bien, il y a remede, à se couvrir dauãtage dès l'entree du liẽt. Car il est raisonnable, que l'on se couure plus ou moins, selon la fraischeur de la chambre. Ce pendant on a ceste recreation & ce profit, que l'air qu'on inspire est frais, & non estouffant : ce qu'il faut principa



ci-palement rechercher. Car nous ne voulons pas, que le froid touche le reste du corps eschauffé: ains seulement le visage, pour la bouche & le nez, par où nous respirons. Aussi c'est le vray moyen de raffraischir tout le corps, en raffraischissant le cœur, le poulmon, & le cerueau, le tout par dedans. Car le froid surprenant par dehors la superficie du corps, en constipant les pores, redouble la chaleur, & donne plus grand malaise, alteration, inquietude, lassitude, & autres fascheux accidens, à cause de ladiete chaleur, conceuë aux entrailles & aux iointures.

CHAP.



## CHAPITRE XII.

*Que les boudins ne valent rien gardez: &  
que de là est venue la coustume d'en fai-  
re des presents.*

**L**E sang est estimé mauuaise viande, de quelque animal que ce soit, & comme qu'on l'appreste: parce que tout incontinant qu'il est hors de son lieu (ce sont les veines & arteres, qui seules ont pouuoir de le contregarder en son integrité) il commence à se corrompre & gaster. Dont qui en veut vser, il ne doit attédre longuemét: Car tousiours il deuiant pire. La friandise a mis beaucoup de viande à l'vsage de l'homme, qui font mauueise nourriture. La chicheté & paureté en a introduit d'autres, qui sont autant pernicieuses. Le sang de bœuf est bien de celles qu'on vse plus par grand' necessité  
que



que par delicateſſe, veu le peu de  
gouſt qu'il y a. Celuy du mouton  
vault bien mieux, comme ſa chair  
eſt plus friande. Mais de vray le  
meilleur n'en vault rien à manger,  
& ſeroit bon qu'on les iettaſt à la  
mode de France, où le ſang de tels  
animaux n'eſt point receu entre  
les aliments, ains reputé poiſon  
ou excrement. Des brebis il eſt pi-  
re que des moutons, tout ainſi que  
leur chair. Quāt à celuy des boucs,  
ie ne penſe pas qu'on en vſe, ſinon  
en medecine, pour diſſouldre les  
pierres de la veſcie: à quoy il eſt e-  
ſtimé propre eſtant bien préparé.  
Le ſang des cheures a eſté de re-  
queſte & priſe de l'anciēneté (cō-  
me teſmoigne Homere) eſtimé  
friandise. On y meſloit beaucoup  
de graiſſe, & de cela on rempliſſoit  
les boyaux ou le vētre de tels ani-  
maux: d'où ie penſe que noz bou-  
dins



dins ayent leur origine. Mais il ne se faut prendre en goust, & moins au iugement des gens de ce temps là, qui ne cognoissoient pas encores les viandes plus suaves, & de facile digestion, comme dit Galen. aujourd'huy on reçoit ledit sang, & meslé de percil, ou autres menues herbes, avec le gras du lard, il est estimé de bonne sorte, plus que les dessusdits, auxquels on n'estremerie rien. Le sang des agneaux & des cheureaux est appresté comme le precedant: & est d'autant plus delicat que leur chair est friande: dont celuy du cheureau precede l'autre. Mesme appareil sert au sang des poulets, poulles, & chapons: lequel est prisé sur tous autres de nostre temps. En Italie on ne saigne point la poulaille, ains on luy rompt le col, où il s'amasse beaucoup de sang, & fait  
comme



comme vn boudin, qu'on estime fort fauoureux. Et de vray il en est bien meilleur, que si l'air y auoit touché: car la peau du col le conserue, & garde de corrompre. Les anciens ont fait grand cas du sang des lieures, ou leureaux: mesmes au temps de Galen, tel sang estoit le plus recommandé, & comme viande tres-delicate, qu'on faisoit cuire avec son foye. Le sang des porceaux auiourd huy a les plus grands honneurs, veu qu'il est desparty & présenté aux plus prochains amis, en forme de boudins. Le peuple a obserué de longuemain telle coustume, ne scachant bonnement pourquoy il le faut ainsi practiquer. Il le prend cōme symbole de beneuolance & amitié: ou bien parce qu'on en a beaucoup, on en veut faire part aux autres, attendant mesme gratuité. Ce

K que



que sert d'en auoir l'ong temps de  
frais, quand chascun à son tour  
veut rendre la pareille. La premie-  
re cause est hōneste, car aussi pour  
faire presēt des boudins, qui soyēt  
plushōnorables, on y adioust vne  
penne de foye, & aux vns la ratel-  
le, aux autres vn des filets, ou bien  
des hautes coutes: les moindres  
sont, ou il y a du rognon, ou du  
poulmon. Tout cela est couuert de  
la coiffe ou crespine, laquelle on  
taille en autant de pars qu'on veut  
ordonner de presents. Toutes ces  
pieces sont l'enrichissement de  
noz boudins: lesquels principale-  
ment signifient (si on le veut ainsi  
prendre) quelque affection cordia-  
le, & cherie, comme le sang. Le-  
quel denote aussi l'amour: parce  
qu'il sort du foye, où Platon luy a  
donné siege. Donques on veut  
monstrer vn fin d'amitié, quand  
on



on enuoye du sang: mesme tel  
qu'on estime & sain & delicat.  
L'autre raisõ a lieu entre ceux qui  
prisent l'entretien de santé, & ob-  
seruant diligemmēt la qualité des  
viandes. Car le sang quel qu'il soit,  
ne peut guieres durer sans estre  
corrompu de l'air. Et pourtant on  
a aduisé de mettre celuy des pour-  
ceaux (qu'on estime si delicat) dās  
les boyaux, qui de leur espaisseur  
le contregardent mieux. Dont les  
meilleurs boudins, sont ceux qu'on  
fait le sang estant encores tiede.  
Despuis on le fait parboullir, tant  
afin qu'il se garde mieux (comme  
la viande cuitte) que pour le pou-  
uoir despartir commodement. On  
met parmy le sang, pour le preser-  
uer plus long tēps, du sel, du thym,  
& serpolet. Aucuns y adiouttent  
du fenoul, les autres vsent de mar-  
iolaine, persil, hyfop, & autres her-



bes menuës, de bõ odeur, excepté la sariette, parce que le peuple estime faussemēt, qu'elle peut empescher que le sang ne s'espaisisse quand on le cuit, veu qu'on la donne aux malades, pour dissoudre le sang caillhé. La graisse n'y est pas oubliée en bonne quantité, sinon des chiches femmes, lesquelles on taxe honnestement, en les nomment bonnes mesnageres, quand elles y ont bien espargné la graisse. Mais si les boudins ne sont gras, ils sont mal sains, d'autant qu'ils seshournent long temps à l'estomac, & sont tard digerés, à cause de leur aspreté & seicheresse. La graisse les fait mieux glisser: dont ils en sont moins dangereux: comme les autres viandes mauuaises, quand elles n'arrestent guieres au corps. Quoy qu'on y face, le meilleur est de s'en abstenir du tout, ou  
en



en vsent fort sobrement, & que les boudins n'ayent passé vn iour ou deux, pour le pl<sup>r</sup> tard. Voila pourquoy l'institution est bonne de les distribuer. Car de les garder longuement, ils deuiennent tant pernicieux, qu'on les peut bien nommer poison. Vne femme de Mōtpellier jadis en mōstra l'exemple, comme l'on dit. C'est, qu'elle mourut suffoquee pour auoir mangé des boudins gardés. Elle pensoit bien mesnager, de n'en donner à personne, & ne manger autre viande tant qu'ils pourroyent durer. A peine les eust-elle acheué, qu'elle mourut, de mesme qu'on meurt d'une poison.

K 3

CHAP.



## CHAPITRE XIII.

*Contre ceux qui craignent par trop la saignée, & ont opinion que la premiere sauue la vie.*

D'Autant que le sang est le thresor de nature, alimēt des esprits, & le subject de la chaleur naturelle ( qui gouuerne le corps en toutes ses operations ) on fait bien de l'auoir cher, & le garder soigneusement, comme estāt necessaire à l'entretien de noz forces, & conseruation de santé: dont il ne le faut laisser perdre facilement, en faisant peu de conte: mais aussi on doit obseruer deux choses principalement: l'une, qu'il soit bien pur & net de toutes immondices: l'autre, qu'il n'abonde rien trop, encor qu'il soit bon en toute perfection. Parce que s'il est depraué, immonde, & laid, il nuit plus



plus qu'il ne proffite. S'il est de-  
mesuré, il met ses vaisseaux en dā-  
ger de creuer, & la chaleur de s'e-  
staindre. Parquoy il ne faut rien  
craindre quand il est si copieux,  
d'en vuidier vne partie, pour faire  
place au nouveau qui s'engendre  
incessamment. Aussi quand il est  
eschauffé & bouillā, à cause de la  
fieure, si on ne luy faict ouuerture  
pour expirer (comme on don-  
ne vent au vin nouveau) il met la  
personne en grand danger, & la  
tourmente estrangement. Quand  
il est corrópu des mauuaises hu-  
meurs, & en grand' quantité, auāt  
qu'il soit du tout gasté, on en vui-  
de quelque portion, afin de net-  
toyer plus aysement le reste par  
medecines: lesquelles separent &  
trient de parmy le sang lesdites  
humeurs, & les chassent dehors:  
dequoy elles meritent le nom de



152 *De ne craindre la saignée,*  
purgatiues. Il ne faut donc pas de-  
crier simplement la saignée, com-  
me ennemie de nature, & l'auoir  
en telle horreur que plusieurs l'ôt  
(suyuans Erasistrate, qui appelloit  
sanguinaires, & estimoit meur-  
triers, ceux qui la conseilloyent)  
puisqu'un grand nombre de ma-  
ladies qui procedent des susdites  
causes, ne peut estre aboly, sans  
recourir à ce remede. Quand la  
fièvre est fort vehemente, le visa-  
ge enflâmé, & les veines enflées,  
la saignée n'est elle pas requise? Si  
on est estranglé d'une Squinace,  
ou suffoqué d'une inflammation  
de poulmon, ou d'une vraye pleu-  
resie, il n'y a rien qui secoure plu-  
stost, & interrompe si prompte-  
ment le mal, que la prompte sai-  
gnée: laquelle generalement con-  
uient à tous desordres fais d'abō-  
dance & surchargé de sang, quel  
qu'il



qu'il soit, bõ ou mauuais. Le m'esbahy de quelques vns, qui prendront plus volontiers vingt medecines, que d'ẽdurer vne saignee leur estant necessaire, veu sa grande commoditẽ, & non moindre facilitẽ. Car on y peut obseruer iustement la mesure, qu'il nous plaist de vider: on l'arreste quãd on veut, & elle peut estre reĩteree pour n'affoiblir le malade à vne fois. La medecine n'est pas de mesmes. Car bien souuent elle vuide plus qu'on ne voudroit, & il n'est pas à nostre puissance, de la faire cesser quand il nous plaist. Ce sont de grandes incommoditez, outre le mal de cœ̃ur, l'angoisse d'estomach, & les grandes extorsions de ventre, qu'elle donnent le plus souuent. Or quand on est phlebotomẽ si on voit sortir du mauuais sang, il se faut persuader que le

K s meil-



154 *De ne craindre la saignée,*  
meilleur demeure dās le corps : &  
se refiouyt de telle vuidange. Si le  
vuidé est beau, croyez que le de-  
meurant est encore plus louāble,  
& que cela y estoit de superflu.  
Quelqu'vn pourroit iuger, que ce  
moyen de curation est contre le  
deuoir de Nature, laquelle a soin  
de conseruer le sang comme vn  
sien thresor. Auquel nous respon-  
drons, que c'est elle mesme qui  
nous a enseigné, qu'il faut en plu-  
sieurs maux vser de ce remede.  
Car le flus de sang menstrual aux  
femelles, nous monstre euidem-  
ment, que l'abondance peut estre  
dommageable si elle n'est tantost  
euacuee. Et pourtant Nature me-  
meluy ordonne passage, non pas  
vne fois l'an, mais tous les mois.  
Et si pour quelque empeschemēt  
ce sang est retenu, la femme s'en  
trouue mal. C'est vne resuerie de  
penser



penſer qu'il doit eſtre vuidé, com-  
me eſtât du tout inutile, mauuais,  
& venimeux, veu qu'un enfant en  
eſt fort bien nourry dedans le vè-  
tre de ſa mere. Autrement, pour-  
quoy ſeroit-il ſupprimé durant la  
groiſſe, pouuant bien eſtre mis  
dèhors ſans toucher à l'enfant?  
C'eſt par les veines du cou de l'a-  
marry, par où ſe purgēt celles qui  
ont encore plus de ſang, que leur  
fruit n'en peut conſumer. Plinē  
raconte, que les herbes touchees  
de tel ſang meurent, & le fruit  
tōbe des arbres ſur leſquels mon-  
te la femme menſtrueuſe: que l'y-  
uoire en perd ſa lueur, & le fer ſon  
tranchant: que les chiens pour en  
auoir gouſté deuiennent enragés,  
& s'ils mordent quelqu'un apres,  
il n'en guerira iamais. Les autres  
diſent, que le ſang des ladres n'eſt  
pas pire que ceſtuy-là. Je ne croy  
rien

Lin. 7.  
chap. 15.



156 *De ne craindre la saignée,*  
rien de tout cela : car il faudroit  
que les femmes eussent de plus  
estranges maux, qu'elles n'endu-  
rent par la suppression de leurs  
menstrues : outre ce que l'enfant  
en seroit mal nourry. Il est donc-  
ques plus superflu de quantité que  
de mauuaise qualité, si ce n'est d'e-  
stre cru & phlegmatique. Celuy  
qui sort par les hemorrhoides est  
souuent plus mauuais, que le sang  
menstrual : car c'est de la melan-  
cholie, le pire des humeurs, & qui  
versé à terre la fait bouillir com-  
me le fort vinaigre. Mais il est ra-  
rement syncere & pur. Car tout le  
plus gros sang aborde aux veines  
hemorrhoidales, pour estre mis  
dehors, quand Nature l'a ainsi or-  
donné, au grand profit de tout le  
corps. Voila deux sortes de vui-  
dange de sang faictes par Nature,  
qui monstre bien euidentement

ce



ce que nous deuons faire, quand nous cognoissons le besoing, & que Nature n'y peut pas aduenir. Et si on dit, que és cas proposez, le sang est vuidé à raison de son vice tant seulement, on accorde par là, que la saignée est profitable, quand le sang est ensemblement vicieux & en grand abondance. Car s'il n'est que vicieux, il est retenu au corps pour la prouisiõ de sa nourriture, & n'est point reietté. Mais que direz-vous, de ce que bien souuent le sang n'estant pas corrompu, Nature en met dehors vne portion, pour soulager les veines qu'il enfle outre mesure, & alléger le corps d'une griefue pesanteur? C'est le profit que plusieurs sentent de saigner par le nez. Dõt si nous voulons empescher & des-accoustumer Nature de ce passage là, il luy faut donner autre



158      *De ne craindre la saignée,*  
tre issue par certains laps de tēps,  
ainsi que nous le voyons abon-  
der. Car autrement d'auoir clos  
le passage, s'ensuiuroient plu-  
sieurs maux: comme des veines  
qui se creueroient dās l'estomac,  
au poulmon, ou ailleurs: dequoy  
procedent le cracher & vomir de  
sang à quelques vns. Quoy? plu-  
sieurs maladies, autrement dan-  
gereuses, guerissent par grande ef-  
fusion de sang au iour critique, &  
le mal de teste souuent se perd, a-  
pres qu'on a saigné du nez. Tous  
ces exemples montrent bien, que  
suyuāt l'œuure de Nature, les me-  
decins (qui ne font que ses mini-  
stres) doyuēt quelque fois amoïn-  
drir la quantité du sang, qui me-  
nace diuers maux, ou les cause de  
faict. Serons-nous moins dociles  
que les bestes de saisonnables, les-  
quelles apries de nature cognois-  
sent



sent l'vtilité de la saignée? Pline  
escriit, que l'Hippotame se sen-  
tant fort replet, cherche des cānes  
taillees fraischement, & trouuant  
vne bonne pointe, il la presse con-  
tre sa cuisse, pour ouurir la veine:  
par ce moyen allegeant son corps,  
qui sans cela deuiendroit tost ma-  
lade. La chieure aussi ayāt la veuē  
trouble, se blesse en l'œil d'un ioc  
poinctu, voulant descharger ceste  
partie d'une portion de sang: ainsi  
que le mesme auteur recite. Il y a  
beaucoup de personnes, qui ne re-  
prennent la saignée, sinon pour  
autant qu'ils ont veu mourir des  
gēs, apres qu'on les auoit saignés.  
Mais leur argument semblera fort  
legier (ou plustost ridicule) si nous  
sommes persuadés (comme il est  
vray) que toutes maladies ne sont  
pas guerissables, pour le regard du  
subject. Et que celles qui sōt neces-  
saires



160 De ne craindre la saignée,  
fairement mortelles, mesprisent  
tous remedes : dont la saignée, biē  
qu'elle soit sagement ordonnee,  
n'y peut de rien servir, cōme l'ef-  
fect tesmoigne. Mais qui veut  
neantmoins attribuer l'occasion  
de mort à la phlebotomie, pource  
que la mort l'a suiuy, on luy pour-  
ra dire par semblable raison, que  
les gens meurēt pour auoir disné,  
souppé, ou dormy, d'autant qu'ils  
meurent quelque temps apres. Si  
on voyoit mourir vn homme ce-  
pendant qu'on la saigne, il y au-  
roit grand apparēce que tel remē-  
de n'y conuenoit pas, ou qu'on l'a  
mal administré. Toutesfois il faut  
tousiours prendre en la meillheu-  
repartie, ce que nous est incertain,  
& n'accuser legierement de faute  
le medecin qui a ordonné la sai-  
gnée, bien que le mal n'ayt prins  
fin à l'aduantage du patient: & pē-  
ser,



ser, que la malice & grandeur de la maladie, & non pas le remede anichilant ses forces, l'a precipité à la mort. I'accorde bien, que plusieurs foison saigne mal à propos, & que les medecins ignares y cōmettēt de lourdes fautes: toutes fois le vulgaire n'en peut, & n'en doit iuger. Ou il fera souuāt grand tort aux plus scauans: car de tous indifferamment, il en dira autant. I'en ay ouy d'autres qui disent, ne se vouloir accoustumer à ceste facon de remede, le reseruāt à quelque grand & extreme beloin, cōme pour l'imminent danger de mort. Car ils ont ferme opinion, que la premiere saignee sauue la vie infailliblement. Il est biē vray & il faut ainsi parler) qu'on ne meurt jamais de la premiere: car si on mouroit ceste fois là, on ne seroit plus saigné: & par consequāt

L telle



162 De ne craindre la saignée,  
telle saignée ne seroit proprement  
dicté premiere, ains vniue : d'au-  
tant que premier est relatif au se-  
cond, & aux autres ensuyuans.  
Mais que la premiere sauue la vie,  
comme ayant plus de propriété,  
c'est vn erreur desia fort descou-  
uert par longue experience, qui  
enseigne le contraire. Car on en  
voit tous les iours mourir de di-  
uers accidens, ausquels la premie-  
re saignée n'a peu remedier: & mil  
le personnes guerissent de fort e-  
stranges maladies par la phlebo-  
tomie, qui ont souuent vsé de ce  
remede. Ceste opinion est par trop  
dangereuse & preiudiciable, d'au-  
tant que les maux sont petis à leur  
commencement: & pour lors peu  
de malades se desfient de la guer-  
son. Or ceux qui suyuent telle fan-  
tasie, refusent la saignée aux pre-  
miers iours, la voulans reseruer à  
plus



plus grãde maladie, & à l'extreme  
necessité. Cependant l'occasion  
( que Hippocras à bon droit ap-  
pelle soudaine & prompte ) nous  
eschappe: & puis quand le patiēt,  
s'entant l'extremité, commence de  
s'y accorder, il n'est plus à propos.  
Touchant à l'accoustumance, tant  
s'en faut qu'elle puisse porter dô-  
mage, que plustost elle nous y sert  
de beaucoup. Car celuy qui est  
coustumier à se faire tirer du sang,  
pourueu que la force n'en soit eui-  
demment diminuee) il l'endurera  
plus gayement qu'un autre: tout  
ainsi que les maux ordinaires & ja  
accoustumés, s'ont moins fascheux:  
suyuāt l'Aphorisme d'Hippocras,  
que ceux qui n'ont accoustumé des  
trauaux, combien qu'ils soyēt fai-  
bles & vieux, ils les portent mieux  
que les robustes & ieunes. Don-  
ques il ne faut pas tant priser la



164 De saig. en tout âge, & fem. gros.  
premiere saignee, & la saignee en  
general ne doit estre ainsi suspen-  
cte au peuple, quād vn sçauant &  
sage medecin l'ordonne, puis que  
ce remede nous est enseigné de  
Nature, & est fort aysé, seur, &  
profitable à plusieurs fortes de  
maux.

---

### CHAPITRE XIII.

*Qu'on peut saigner les femmes grosses, les  
enfants, & les vieux.*

**L**E peuple a sçeu quelque fois  
des medecins, qu'il est dange-  
reux de saigner les femmes encein-  
tes, les enfans, & les vieux Mainte-  
nant si le medecin le veut faire, on  
estime que ce soit vn acte nou-  
veau, temeraire, & hazardeux: &  
s'il aduient que le malade meure,  
ce remede sera non seulement  
reprouë, ains reproché bien ai-  
gre-



grement : nonobstant que le mal,  
& non pas le remede, ait fait mourir le malade. Si on s'en trouue biē,  
c'est à leur dire) plus de cas fortuit,  
que de bonne conduite. Dequoy  
il ne se faut esbayr, puisque noz pe-  
res ont eu ceste mesme opinion, &  
l'ont persuadé au peuple. Je dis, noz  
peres, les medecins qui ont esté  
despuis deux ou trois cens ans. Ils  
entendoyent, que Hippocras & les  
autres enciens, auoyent enseigné,  
que c'estoit vne grand' faute : &  
combien que souuent la seignee  
leur sembla necessaire, ils ne  
l'osoient pas ordonner. Mais  
s'ils eussent bien leu les liures  
de ceux qui ont de plus pres suiuy  
les premiers Medecins, & sont  
presque au milieu d'Hipocras & de  
nous (quant au tamps de leur vie)  
Grecs & Latins, gens rares en sça-  
uoir, & consommés en methodi-

L 3 que



166 De saig. en tout âge, & fem. gros.  
que experience, ils eussent mieux  
entendu l'aduis de noz bons au-  
theurs, q̄ souloyēt en peu de parol-  
les creuement escrire leurs reigles.  
Car pour signifier, que la force du  
patient est sur tout requise au faict  
de la saignée, ils ont dit, que les  
viellards & les enfans en doyuent  
estre esgaux: & ont encor de plus  
pres limite l'âge qui la peut endu-  
rer, de quatorze iusques à soixante  
ans pource que ceux qui demeu-  
rent dessous ce terme, ou qui le sur-  
passent, communement n'ont pas  
conditions que y sont requises.  
L'ordonnance estant generale: de  
laquelle on peut dispenser & dis-  
poser particulièrement, sans con-  
treuenir à l'intention de ses au-  
theurs, comme si on rencontre (ce  
qui aduiēt bien souuent) vn enfant  
de bonne charnure, ferme & es-  
paisse, estant fort & vigoureux, ou

va



vn viellard robuste, lesquels ayent grand besoin de saignée, à cause de leur mal. Galen nous a fait entendre, qu'il ne se faut tant arrester au nombre des années, qu'à la vertu: laquelle on peut comprendre du port esgal vehement, & grand, cōme d'un signe tresueritable, & qui ne faut iamais de tesmoigner assurément la force. Et pourtant aux septuagenaires qui ont semblables ports, il permet la saignée, si le mal le requiert: pource (dit-il) qu'il y en a d'aucuns fort sanguins & robustes en l'aage de septante ans, comme il y en a d'autres à soixante qui ne la pourroyent supporter. Quand aux enfans, il n'a iamais permis qu'on les phlebotomast non pas craignant de leur foiblesse (car ils ont plus de force vitale & naturelle, qu'ils n'auront à vingt ou à trente ans) ains pour l'aisée

L. 4. dit



168 De saig. en tout âge, & fem. gros.  
dissipation de leur substâce, rare, &  
fort resoluble. Toutesfois on a es-  
prouué, que souuent la seignee  
leur est profitable, voire aux moin-  
dres de six ans, comme plusieurs  
tesmoignent, & nous l'auons quel-  
quesfois heureusement esprouué.  
Auēzoar escrit, auoir faict saigner  
son fils qui n'auoit pas trois ans,  
dont il se trouua biē. Et pourquoy  
en seroyent-ils du tout forclos, si  
mesmes estāt en la māmelle, quel-  
quesfois ils saignent fort du nez,  
sans qu'il leur en prenne mal? Si  
Nature de son mouuement se des-  
charge quelque fois du sang aux  
enfans, le medecin qui n'est que  
son ministre & imitateur, ne l'o-  
sera il entreprendre? Vn ieusne  
enfant saignera plus d'un coup de  
poind au nez, que nous n'en tire-  
rons du bras à vne fois: car il faut  
auoir esgard sur tout à la quantité,  
&



& aduiser de ne leur en oster beaucoup. Dont à bon droit on pourra excuser nostre Galen, qui ne leur permet la saignée: pource que de son temps ils la faisoient fort grande: car pour vn iour on eust tiré quatre liures de sang, & il dit en auoir veu fortir iusques à six liures, au profit du malade. Au iourd'huy c'est beaucoup d'en auoir trois ou quatre paletes (qui sont dix ou douze onces) d'un ieune homme qui soit robuste: & des enfans, en proportion. Encor entendōs nous, que tels enfans soyēt habitués de la charnure dessus mentionnee: outre ce que leur mal en doit faire instance. Touchant aux femmes grosses, Hippocras à escrit, que la saignée les met en danger, nonpas de leur personne, ains d'auortissement, mesmes si l'enfant est grandet, pource qu'il

L 5 est



170 De saig. en tout âge, & fem. gros.

Aph. 61.  
lin. 5.

est frustré de sa nourriture. Ainsi dit-il estre impossible, que le fruit soit bien sain, quand la mere a ses fleurs en bonne quantité, durant la groisse. Mais quand on voit que la repletiō outree, causee de grād' oisiveté, avec abondāce de viures, & bonté de nature, menace d'estouffer l'enfant, ou le contraindre à desplacer ( comme il aduiant à quelques vnes, qu'à faute d'estre saignees, passēt les trois ou quatre premiers mois, s'affoulent de leur ventree ) pourquoy n'ostera lon du sang qui est trop abondant & dommageable? Si la mesme abondance, ou bien moindre, par vne fièvre ardente est eschauffee outre mesure, & cōmence à bouillir, faisant presque rōpre les veines, n'oserōs-nous (pour respect de la groisse) vuidet vn peu de sang, & esuēter la veine, quād la femme groisse  
bresse



brusle de fieure? Hippocras dit, *Aph. 20. liur. 5.*  
qu'un mal aigu, tel que i'ay pro-  
posé, est mortel en la femme en-  
ceinte. La raison est qu'il y con-  
vient faire grand' abstinence, la-  
quelle tuera l'enfant: ou si on luy  
permet grand' nourriture, la fieure  
s'augmentera, pour les faire tous  
deux mourir. La saignée ne fait  
pas plus de mal, que la grand' ab-  
stinence: & ne peut causer que l'a-  
uortissement, comme dessus est  
dit. Or il est moins mal d'en perdre  
vn que deux: mais le plus souuent  
tout est preserué, Dieu mercy. Et  
comment pourroit estre sain l'en-  
fant, dans le brasier de sa mere?  
Quel aliment luy donnera le sang  
qui bouil? Il faut par tous moyens  
estaindre ce grand feu, pour sou-  
lager la mere & l'enfant. Hippo- *Aph. li. 4. Aph. 29. liur. 5.*  
cras nous permet de purger vne  
femme grosse, depuis le quart mois  
iuf.



172 De saig. en tout âge, & fem. gros.  
iusqu'au septieme: à quoy tous nos  
docteurs consentent. Si donc la  
femme enceinte peut sans aucun  
dommage, endurer la purgation,  
laquelle agite, trouble, & esbran-  
le le corps sans comparaison plus  
que la phlebotomie (mesmement  
les fortes medecines, desquelles  
vsoit Hippo.) pourquoy n'oserōs-  
nous vser de la saignee, quand il en  
sere de besoin: mesmes consideré,  
que c'est vn des remedes le plus  
seur & aisé? Car on sort tant de  
sang qu'on veut, & nō plus: com-  
me estant en nostre puissance de  
l'arrester à chasque goutte, ce que  
ne pouuons pas des medecines,  
quand elles vident plus que nous  
ne voulons. Mais que respondrez-  
vous à ce, que plusieurs femmes  
continuent d'auoir leurs fleurs,  
durant toute la groisse, sans qu'el-  
les ou leur fruct en vaille moins?  
Outre



Outre ce nous voyons souuent  
qu'une femme grosse, saignera  
beaucoup du nez, ou d'une playe,  
sans aduorter ou rapporter aucun  
mal. Ce sont experiences qui ad-  
uiennent iournellement, desquel-  
les on pourroit meshuy conclur-  
re, que la saignee n'est pas si dom-  
mageable aux femmes grosses,  
qu'on a par cy deuant cuidé. Tou-  
tesfois afin qu'on ne pense, que  
cette opinion soit nouuelle, & des  
gens d'auourd'huy, Celle (qui fut  
du temps d'Auguste, il y a plus de  
mille & cinq cens ans) a fort bien  
remonstré, qu'il ne faut rien plus  
considerer, que la vertu de ceux  
qu'on doit saigner, disant: De ti-  
rer du sang aux femmes qui ne  
sont pas enceintes, & aux ieunes  
personnes, cela est vieux: d'esprou-  
uer le mesme aux enfans, aux  
vieillards & aux femmes grosses,

*Li. 2. c.*

10.

“

“

“

“

“

“

“

il



174 De saig. en tout âge, & fem. gros.  
,, il est nouveau. Car les anciens ont  
,, estimé, que le premier & dernier  
,, âge ne pouuoit endurer tel reme-  
,, de: & s'estoyent persuadez, que la  
,, femme auorteroit d'estre ainsi  
,, traictée durant sa grosse. Depuis  
,, l'vsage a demonstré, que ces rei-  
,, gles ne sont generales & sans ex-  
,, ception, ains qu'il y faut adiouster  
,, quelques meilleures obseruations,  
,, auxquelles soit adressé le iuge-  
,, mēt du guerisseur. Car il ne se faut  
,, pas arrester à l'aage, n'à ce qu'on  
,, porte, mais aux forces tant seule-  
,, ment. Dōques si la personne ieu-  
,, ne se treuve foible, ou la femme  
,, qui n'est pas grosse a peu de for-  
,, ce, on faict mal de leur tirer du  
,, sang: parce que la vertu qui reste,  
,, en languit & se meurt. Mais vn en-  
,, fant bien ferme, vn vieillard fort  
,, robuste, & la gaillarde femme en-  
,, ceinte, en peuuent seurement  
gue



guerir. Toutesfois en ce cas, l'i-  
gnorant Medecin peut aysement  
faillir, d'autant qu'il y a volōtiers  
moins de force en ces aages-là: &  
que la femme grosse a besoing de  
sa force, apres la guerison, nō seu-  
lement pour soy, ains aussi pour  
l'enfant. Parquoy le principal de  
l'artifice, requerant discours &  
prudence, gist en cela, de ne con-  
ter point les anneés, & de ne re-  
garder à la seule conception, ains  
estimer la force, & d'icelle com-  
prēdre s'il en pourra souurer pour  
soustēnir l'enfant, le vieux, où en-  
semble deux corps en vne femme.  
Par ces doctes propos on peut en-  
tendre facilement, en quel erreur  
ont versé noz peres depuis enui-  
ron trois cens ans, iusques à no-  
stre temps, que les sciences ont  
repris leur ancienne dignité, par  
l'ouuerture des bons liures, que  
l'igno



176 De saig. avec grand discretion,  
l'ignorance auoit tenu cachez.  
Et pouuons dire comme Celse,  
que nos ancestres ont frustré de la  
saignée les femmes grosses, les en-  
fans, & les vieux, sans aucune di-  
stinction: depuis l'experience gui-  
dee de raison, a faict cognoistre  
aux plus suffisans de cest âge, qu'o  
les peut bien saigner, quād le mal  
le requiert, & on le peut suppor-  
ter. Donc, que le populaire, qui a  
esté mal instruiet, cesse meshuy de  
fauslement calomnier les bons &  
sages Medecins, qui avec grand  
respect & meure deliberation,  
employent ce remede, quand il  
en est besoin.

---

## CHAPITRE XV.

*Contre ceux qui temerairement & trop  
souuent vsent de la saignée.*

**C**E que ie viens de remonstrier  
au precedent chapitre, pour-  
roit



roit entretenir l'erreur de ceux qui trop volontiers vsent de la saignée, sans aucune discretion. l'en voy plusieurs, qui pour peu de mal qu'ils se sentent, soudain veulent être saignez: & il y a des barbiers outre cuidez, qui sans aduis de Medecin, vsurpant ce remede à tout propos. Il est fort singulier, quand on le sçait accommoder: mais le seul Medecin (compreñat sous ce nom, le docteur Chirurgien) en doit auoir la charge. Car il faut estimer la force du malade, & la grandeur du mal, present ou aduenir: qui sont les deux conditions concludantes à la saignée. Or c'est vn grand dommage, de saigner indiscrettement & sans besoing: parce qu'à la necessité on n'y peut recourir, le corps estant plus espuisé qu'il ne deuroit, & affoibly par le gast des esprits: lesquels se

M per



*du lin.  
de la sca-  
rif.  
L'An. 1. c. 1.*

178. De saig. avec grand' discretion,  
perdent & versent en quātité no-  
table, quand on vuide beaucoup  
de sang. Dont il aduient, que le  
corps estant refroidy, les opera-  
tions naturelles sont mal execu-  
tees. Parquoy Galen disoit bien,  
qu'il n'est expedient de saigner  
plusieurs fois l'annee. Celse par-  
lant en general, donne ce conseil,  
qu'on doit estre aduisé, de ne con-  
sumer en santé les remedes qui  
appartiennent aux maladies. Ainsi  
en temps de paix il ne faut gaster  
les provisions & munitions de  
guerre, de peur d'en auoir faute  
au besoing. Le sang est thresor de  
Nature, lequel on ne doit ietter  
hors, que pour sauuer le demeu-  
rant : comme quand le mal est si  
grand & impetueux, qu'il peut  
tout faire perdre. Ainsi les mar-  
chands en l'extreme fureur de la  
tempeste, & des orages sumer-  
geant,



geant, ne font pas difficulté de perdre leurs richesses, pour alléger la nef, & sauuer leurs personnes. Il n'est pas permis de saigner, que la grandeur du mal present ou aduenir (comme nous auons dit) ne le suade: & que la force y consente, estant suffisante à soustenir le corps apres la phlebotomie. Si l'un des deux y manque, c'est mal faict de saigner: veu mesmement que la seule repletion & abondance de sang (sinon qu'elle menassast de quelque fascheux accident) ne suffit à persuader ce remede. Car à vn corps autrement sain, l'abstinence, le flux de ventre, le bain souuent reitere, la grande friction, ou le seul exercice, y peut assez remedier, comme Galen a bien deduit. De saigner vne personne, pour la seule chaleur excessive du foye, ce n'est pas tousiours

Meth. lin.  
2. ch. 6.

M. 2 l'vsa



180 De saig. avec grand' discret.

à propos: veu qu'il y a prou des  
maulx causez de chaleur, esquels  
l'usage des choses froides conviēt  
trop mieux, que la phlebotomie.  
Outre les deux susdictes condi-  
tions ( qui seules indiquent la sai-  
gnee ) il y a plusieurs esgards par-  
ticuliers, qui nous seruent de cir-  
constances, & sont comprins sous  
la force de celuy qu'on veut sai-  
gner: lesquels il faut diligemment  
observer, & ne tirer du sang indis-  
crettement à toutes personnes, en  
toutes régions, & en toute saison:  
ce que le peuple n'entend pas. Les  
gens maigres à grosses veines, ont  
beaucoup plus de sang que les  
gras, qui par consequent ne sup-  
portent si aysement la saignee. Es  
pays froids les gens sont grands  
mangeurs & beuveurs ( mesme-  
ment de chair & de vin ) abondent  
en nourriture : dont il aduient,  
qu'ils



qu'ils engendrent beaucoup de sang, & peuvent supporter la saignée, plus que ceux des regions contraires. Car la chaleur dissout l'union de noz forces, & alanguit le corps: outre ce qu'elle dissipe nostre substance, & ne permet faire provision de beaucoup d'humeur. Voila pourquoy les gens sont fort petits & grasses és regions plus chaudes, & ne peuvent (sans preiudice de leur santé) endurer la saignée, ny beaucoup, ny souvent. Touchant à la saison, si c'est pour preuenir les maux. Hip-

*Aph. 55.  
liur. 7.*

M 3 sur



182 De saig. avec grand' discretion,  
sur tout en esté. Enquoy se faillent  
lourdement les Empiriques, qui  
sans discretion saignent prodiga-  
lement és fieures ardentes, qui  
regnent sous la Canicule. Je diray  
encor cela pour conclusion, qu'il  
ne faut moins de iugement & suf-  
fisance à bien ordōner la seignee,  
que la purgation: veu mesmement  
que la purgation affoiblit moins  
le corps, quand la vertu de la me-  
decine, & la force du patient, sont  
cognues, & les humeurs bien pre-  
parez. Car les fautes qui en peu-  
vent aduenir, ne sont de telle im-  
portance, que celles dela saignee.  
Aussi faut-il qu'elle soit diligem-  
ment obseruee, & prudemment  
dispentee, comme plus grand re-  
mede que la purgation. Car Galē  
en priue les enfans, ausquels tou-  
tesfois il permet les medecines.  
Donques il n'en faut vser si fa-  
mi



milieremēt, comme i'en voy plusieurs, qui se font saigner comme par gayeté de cœur: & le Magistrat deueroit interdire aux barbiers d'executer cela sans l'ordonnance des Medecins.

---

CHAPITRE XVI.

*Que la purgation peut conuenir à toute saison, voire darant les iours Caniculaires.*

**L**E peuple ayant ouy souuent mentionner aux Medecins, les iours Caniculiers, pour suspects fascheux & ineptes à la purgatiō, suyuant l'opinion des anciens, cui-de parfaictement que c'est mal entrepris, de donner aucune medecine durant telle saison, nonobstant qu'elle soit autrement necessaire. Nos predecesseurs ont mal fait, de leur alleguer telles rai-

M 4 sons



184 De purger en toute saison,  
sons, qui meritent grande distin-  
ction. Car les idiots, ayans retenu  
la reigle ainsi pure & simple, com-  
me leur a esté prononcée, sans la  
scauoir limiter, auioird'huy veu-  
lent debatre contre les Medecins,  
de ne purger durant la Canicule,  
au moins ils trouuent fort estran-  
ge, & en murmurent, si quelqu'un  
l'entteprend. Pour les oster de cest  
erreur, nous serons contrains de  
leur interpreter l'aphorisme d'Hip-  
pocras, où est le fondement de ce  
propos. Il dit, que l'usage des me-  
dicamens laxatifs est moleste &  
difficile, dessous & enuiron le Ca-  
nicule: signifiant, qu'il y a des au-  
tres temps plus conuenables, &  
que cestuy cy est le pire. Qui sai-  
nement entendra ces paroles, il ne  
conclurra pas tout soudain, que le  
purger soit condamné & banni de  
telle saison, tellement qu'on ne le  
puisse

*Aph. 3.  
liur. 4.*



puisse quelque fois introduire,  
quand il est de besoin : ains qu'il  
apporte plus d'incommodités, &  
fâche davantage, que deuant ou  
apres le Canicule : & c'est à cause  
de l'air inflammé. Car durant la  
Canicule, nostre corps brusle, &  
fond tout de chaleur. Les medeci-  
nes purgatiues ont certaine horreur  
(mesmement celle des anciens,  
violentes extrememēt) qu'il n'est  
possible d'endurer sans desplaisir  
& grand' peine, outre le danger  
qu'il y a de allumer vn plus aspre  
feu. Dont il aduient que pour  
estre ingez inconsiderammēt du-  
rant telle saison, plusieurs tombēt  
en fièvre, comme dit Galen. Outre  
ce, nostre force desia foible & ab-  
batuë par la chaleur de l'air, deuiēt  
encor plus lasche par les medica-  
mens. De sorte que nous pouuons  
dire, tel temps estre peu conuenable

*At com.  
du susd.  
Aphor.*



186 De purger en toute saison,  
ble à purger nostre corps : & qu'il  
ne le faut entreprendre, sans que  
le mal nous y contraigne. Car qui  
auroit à prendre medecine vne  
fois l'an ( comme doyuent faire  
faire ceux, qui ordinaiement apres  
vn grand amas d'humeur perni-  
cieux, tombent en quelque mala-  
die ) il feroit mal de choisir ou at-  
tendre les iours Caniculaires. Le  
prin temps y est plus propre, ou  
bien l'autōne, selon que ces maux  
coustumiers sont familiers au tēps  
d'hyuer, ou à l'esté. Quant c'est  
pour la precaution ( c'est à dire,  
pour preuenir aux maladies ) &  
nō pas pour guerir le mal present,  
nous vuidons la matiere long-  
temps auparauant, & elisons le  
mois, le iour, & l'heure qui mieux  
s'accordent à nostre intention:  
c'est que le ciel se trouue clair &  
serain, l'air temperé, & le temps  
frais.



frais. Mais quand on est de faict  
malade, & la purgation y est re-  
quise, il ne faut rien differer, ne  
regarder à autre chose, qu'à la for-  
ce du patient & à la sorte des me-  
decines. La vertu est plus forte,  
aux premiers iours du mal: l'occa-  
sion qui se presente à nos reme-  
des, est fort soudaine, & il la faut  
prendre par le front (comme on  
dit en commun proverbe) où elle  
a des cheueux. Ceux qui attendēt  
l'ēdemain en toutes deliberatiōs,  
viennent souuent mal à propos,  
augmentent par accident le de-  
fordre, & causent vne grāde ruine.  
Doncques si la necessité requiert  
& desire instamment vne purga-  
tion, nous ne deuons auoir esgard  
au temps, sinon pour y approprier  
la medecine. Car si c'est en temps  
d'esté, il la faut plus benigne, &  
sur tout quand l'air brulle dessous



188 De purger en toute saison,  
la Canicule. L'hyuer supporte  
mieux les fortes, le temps moyen  
demande les moyēnes. Avec ceste  
limitatiō, no<sup>r</sup> faisons aduenir nos  
drogues à toutes les saisons de l'ā,  
au profit des malades. Parquoy il  
ne faut plus abuser de la sentence  
d'Hippocras, laquelle sera tous-  
iours veritable: c'est, que durant  
les iours Caniculiers, nos corps  
supportent moins facilement d'e-  
stre purgez, qu'en autre temps:&  
pource les medicamens doyuent  
estre fort benigns, quand l'espece  
du mal en requiert l'vsage. Er  
quoy? si i'ay besoin de vuidier la  
cholere, qui fait la fieure tierce, ou  
l'ardente fort dangereuse, voyant  
que nous sommes deffous la Ca-  
nicule, faudra-il que i'attēde meil-  
leure saison? Si on ne purge l'hu-  
meur, la maladie fera rage de tour-  
menter le corps, elle abbatra de  
forte



forte les forces de nature (assez affoiblie de la saison) qu'elle ne pourra rien vider de la matiere, qui en fin l'accablera. Lairrons-nous mourir le malade, à faute d'un peu d'ayde, alleguans l'incômodité des iours Caniculiers: Encores si c'estoit vn mal qu'on peut trainer hors de ce temps là, il y auroit quelque couleur d'impetrer vn delay. Mais quand il faut, ou guerir, ou mourir dedans ceterme, si on void que la purgation soit à propos, il n'en faut faire difficulté? & si le malade meurt, c'est du mal violent, & non pas du remede. Qui ordonneroit la medecine autant forte, qu'aux saisons les plus propres à supporter les laxatifs, lesquels arrachent de tous coustez & desracinent la matiere qu'ils ont choisie, il se trouueroit frustré de son intétion, & le dom-

ma



290 De purger en toute saison,  
mage qu'il causeroit, passeroit de  
bien loin la commodité pretendue.  
Car Hippocras tient pour suspec-  
tes les medecines, durant la Ca-  
nicule, à raison de leur vehemen-  
ce, n'ayant eu le bon homme en  
usage, que celles dont nous faisons  
aujourd'huy doute d'vser, mesmes  
en hyuer, & en personnes fort ro-  
bustes. Qui voudroit interpreter  
son aphorisme, des medecines  
qu'il vsoit nous pourriôs bien te-  
nir encores ceste conclusion, qu'il  
ne faut du tout rië purger dessous  
la Canicule. Car noz corps sont  
deuenus de peu à peu si delicats &  
foibles, que nous ne sommes que  
d'enfans, aupres des hommes du  
temps passé. Qui de nous pourroit  
endurer la saignée iusqu'à six li-  
ures, pour vne fois, comme à veu  
Galen en ceux de son aage? qui  
toutefois n'estoyët pas robustes.

Que



Que du temps d'Hippocras leurs medecines en proportion estoient si violentes, qu'ils nous font presque horreur d'en ouyr parler, tant s'en faut que nous les accommodions aux iours Caniculiers. Encore ne les defendent-ils pas totalement: car ils disent seulement, que la purgation est pour lors mal aisée. S'ils eussent eu l'usage de nostre casse, du sené, rhubarbe, manne, syrop rosat, & autres legieres medecines, qui ne font point de violence, ils n'eussent pas trouué mauvais, de purger durant les grands chaleurs, quand les maux nous en sollicitent & importunent. Il faut donc ainsi dire, concludant à la verité que pour double raison la sentence donnée par Hippocras, ne fait point contre ceux qui purgent au iourd'huy regnant la Canicule: veu qu'il ne defend pas  
absol-



192 De ne purger en toute saison,  
absolument la medecine laxati-  
ue, ains se monstre feulemēt, qu'il  
en faut sobremēt vser:& que nous  
nous nous abstenions des siennes,  
confessans que ce feroit mal fait  
de les exhiber à noz malades, es  
iours Caniculiers.

P'adiousteray icy pour le plaisir  
des femmes, qui cōtrerollent plus  
cela, que les hommes (entrepre-  
nant de remonstrier aux medecins,  
qu'ils ne doyuent purger durant  
la Canicule) vn conseil tres-pro-  
fitable à la santé de leurs maris.  
C'est, que la copulation charnelle  
n'est moins suspecte dorāt la cha-  
leur de l'esté, que la purgation.  
Qui plus est, le ieu d'amours doi  
estre suspendu entierement, où la  
medecine a souuent lieu. Car on  
purge pour recouurer santé, & da-

me Venus la ruine. Celse dit, qu'en  
esté (s'il est possible) il en faut du

tout



tout abstenir, & le commun proverbe ensuit telle opinion, disant qu'en esté on doit mouiller le bec, & auoir le membre sec. Les autres disent, tous les mois qui n'ôt point de R, laisse la femme & prens le verre. Mais ie ne suis pas tant rigoureux: ie n'ordonne que certains iours suspects à la besoigne. Ce sont lesdicts Caniculiers, qui consument assez le corps, le lassent & eneruent prou, sans qu'on travaille d'auantage à l'appetit des femmes. Ils commencent enuiron le vingtième de Iuillet, & durent quarante iours. C'est le caresme ou quaranteine des mariez, qui doyuent lors abstenir totalement de l'œuure de la chair. Et voila ce que les femmes ont principalement à soigner (faisant refus de leurs personnes, si elles s'en peuvent deffendre) & non pas cōtre-

N dire



174 De purger en toute saison,  
dire aux Medecins touchant la  
purgation, ou autres remedes que  
sçauent bien s'accommoder à la  
saison, pour peu qu'ils ayent de  
iugement.

---

## CHAPITRE XVII.

*Comment il se faut gouverner le iour qu'on  
prend medecine. Si on peut dormir apres:  
De l'heure du bouillon lauatif: Des repas  
qui conuiennent à ce iour-là: & pourquoy  
on ne doit sortir de la chambre.*

**I**L me semble que ce sera bien  
fait d'instruire le vulgaire, com-  
ment il se doit gouverner le iour  
qu'il prend medecine, sur tout en  
estat neutre, quand il n'est pas ma-  
lade au liect, & en plein pouuoir du  
Medecin: lequel en ce cas le doit  
conduire de pas en pas, comme il  
cognoit estre de besoin, selon la  
nature du mal, & la condition du  
mala



malade. Car ie ne veux mettre ma faucille en la moisson d'autrui, ie n'entens parler qu'à ceux qui n'ont auprès d'eux que leurs seruans ordinaires, & qui ne sçauent comment il se faut traicter ou gouverner, quand il leur conuient prendre, ou qu'ils ont pris medecine. Or tels soyent aduertis, qu'il faut auoir legierement souppé le soir auparauant, afin que sur le matin, apres auoir bien dormy, l'estomach se trouue vuide. Autremēt, la vertu de la medecine, detrempee de la viāde encores indigeste, se rompt & affoiblit. Ainsi l'on dit vulgairemēt, que le iour de la medecine est vne grand' feste: parce qu'il faut ieusner la veille. Pour la prendre plus aysement, & sans guieres apperceuoir sa mauuaise saueur, il est bon de mascher auparavant vn peu d'escorce de ci-

N 2 tron,



195 *Regime pour vn iour de med.*

tron, ou d'orage, ou vn peu de girofle : dequoy la bouche estant preoccupee & eschauffee, n'aperçoit tant le goust du médicament. Et pour ne sentir l'orrible odeur, il faut bien couvrir le verre ou le gobelet, d'un linge trempé en bon vinaigre rosat : lequel sera meilleur estant musqué, si on a le dequoy, & que ce ne soit vne femme subiecte à la matrice. Pour empescher le vomissement, il n'y a rien de meilleur, que soudain apres auoir bien rincé la bouche de vin trempé ou autre liqueur agreable, humer vne gorgée du dit vin, ou de l'orge mondé, ou de la tisane, du bouchet, ou quelque bouillon. Car par ce moyen on lave le gosier & l'œsophage (c'est le canal de la viande & du breuuaige, depuis la bouche iusques à l'estomach) où la trace & impression de



de la medecine s'arreste fort long  
temps, & se represente à la bou-  
che. Dont est causé vn desdain, &  
le vomissement : nommément si  
l'orifice superieur de l'estomach  
(qu'on appelle le cœur) n'est lavé  
& nettoyé de la qualité odieuse  
du medicamēt. Car de là il se ren-  
uerse à vomir. C'est ainsi que ie le  
pratique, enuers ceux qui craignēt  
de reiecter la medecine, comme  
ils ont de coustume : & peux bien  
asseurer, qu'à peine en ay-je veu  
de cent vn, qui ce faisant, l'ait vo-  
mie. Il ne me chaut quelle liqueur  
ce soit, pourueu qu'elle s'accorde  
avec la medecine, comme les sus-  
nommees, esquelles on ne fe-  
roit difficulté de tremper vn laxa-  
tif, quand il seroit ainsi plus ag-  
greable à la personne. Il y a d'au-  
tres remedes pour empescher le  
vomir : comme de mascher vne

N 3 pom



198 *Regime pour vn iour de med.*

me, poire ou autre fruit, & en aualler vn peu du suc: flairer du vinaigre, tremper les mains dans l'eau froide en vn bassin, ou les couvrir d'un drap mouillé de vinaigre trempé, qu'on appelle oxy-crati: ne parler, ne cracher, ou toussir, n'autrement agiter le corps: & se tenir en son seant quelque temps, & puis se promener. Vn des meilleurs remedes est aussi, d'envelopper le col d'un linge bien chaud. Et voila comment on peut euitier le vomissement: qui est trop odieux, tant parce qu'on a double peine, l'une à prendre la medecine, l'autre à la rendre: & de ce qu'on n'a rien aduancé: car il faudra recommencer, si on ne la retient au moins vne heure, ou enuiron. Ce terme passé, il ne se faut autremēt contraindre à ne vomir point: d'autant que la medecine ne fera pas



pas guieres moins, que si on la gar-  
doit plus long-temps: & par le vo-  
missement on reiecte quant &  
quant beaucoup d'excremens, qui  
se vident ainsi plus aysement, au  
profit de la personne: & de se con-  
traindre dauantage à retenir cela,  
apporte souuent de grands incon-  
ueniens, foiblesse de cœur, eua-  
nouissement, sucur froide, grand  
passion d'estomach, comme s'il  
deuoit creuer. Puis que la matiere  
incline en haut estant assemblee  
dans l'estomach, permettez qu'elle  
uide par là: c'est vn beau des-  
chargement. Et quand la medeci-  
ne qu'on reiecte ensemblement,  
ne feroit autre chose, ce n'est peu  
de profit. Mais (comme i'ay dit)  
elle ne lailra pas de chasser les au-  
tres humeurs par le bas. Car la  
qualité & vapeur se versant bien-  
tost par tout le corps, fait la prin-



200 *Regime pour vn iour de med.*  
cipale (sinon totale) operation.  
Quant à dormir apres, ie ne le de-  
fens iamais, en estant persuadé tât  
de la raison, que de l'experience.  
De ceux qui la defendent, les vns  
craignent que la medecine agitee  
de la chaleur naturelle (qui se ren-  
force au dedans par le sommeil)  
en deuienne plus forte & furieuse.  
Et que ne l'ordonnent-ils si foi-  
ble, qu'avec le sommeil (fort ag-  
greable aux preneurs de medeci-  
ne, & sur tout du rhubarbe) icelle  
devenant plus gaillarde, face le  
devoir qu'on en pretend? Les au-  
tres au contraire, ont peur que le  
medicament diminuë de sa vertu,  
estant affoibly de ladicte chaleur.  
Et que ne l'ordonnent-ils d'autât  
plus fort, qu'ils pensent qu'il per-  
dra de sa vertu par le dormir? Ou  
pourquoy tous d'un accord le  
permettent-ils, voire l'ordonnēt,  
sur



sur les pillules ? On dit, qu'icelles estant fonduës, & leur vertu excitee par la chaleur naturelle, operent plustost & mieux. Et n'est-il pas aussi bõ, que la vertu d'un potus, d'un bolus, ou d'une tablette laxative, soit tantost excitee, afin qu'ils besoignent sans grand delay, ennuyant l'estomach & tout le corps de sa presence? Quelques uns craignent, que les vapeurs de la medecine ne montent au cerueau: qui est ce qui les invite ainsi à dormir quelque fois de si grand' force, qu'il y a extreme peine de s'égarder: & les personnes en sont infiniment ennuyees, d'estre contrains de s'ē abstenir. Et que peut nuire ceste vapeur? Mais au contraire, elle est fort profitable, quād nous voulons purger le cerueau. Car telle vapeur y entrant, elle en retire ou chasse les humeurs que

N 5 nous



*Aph. 15.  
l. m. 4.*

nous voulons euacuer. l'accorde bien, que quād la medecine commence à operer, il ne faut plus dormir: sinon qu'on voulut arrester son operation ainsi qu'il est quelquefois de besoin: car le dormir fait cesser toute euacuation, exceptee la sueur. Dont Hippocras dit tresbien, Quand tu voudras que l'Hellebore purge davantage, remue le corps: & quand tu voudras que la purgation cesse, fais dormir & non mouuoir. Il y en a qui osent biē dire, que la medecine par le dormir se convertit en nourriture (dont nous sommes frustrez de nostre intention) mesmes si elle est debile: comme de la casse, manne, tamaris, sené, rhubarbe, & semblables. O la grand' viande pour desieuner! Est-il possible que le medicament deuienne aliment, veu qu'il est estranger

à no



à nostre nature, & non familier en substance, pour endurer telle metamorphose ? Ils ne s'auissent pas que ç'a esté par bonne astuce, que nos ancestres ont persuadé au peuple, que les medecines, quelque-fois se conuertissent en nourriture : afin que si elles ne produissent l'effect pretendu , le patient n'en soit marry, fasché & despité, comme si elle deuoit apporter quelque dommage. Car c'est la plus belle & fauorable excuse du monde de dire, que la medecine (qui n'a eu assez de force à operer) se soit conuertie en aliment. Outre ce, ie n'accorde pas, quel'estomach ait plus de force à digerer par le dormir, ainsi que ie pense auoir suffisamment prouué en mes Paradoxes. Mais ie m'oublie: il semble que i'en vueille aux medecins, ausquels ie n'entends parler

Dec. 1.  
Parad. 8.



ler en ce traicté, ains à tout autre  
 forte de gens, iusques aux Apoti-  
 caires: qui nonobstant nos aduer-  
 tiffemens, osent bien dire quel-  
 quesfois aux malades que nous  
 traictons, qu'il ne faut dormir a-  
 pres la medecine. Parquoy souuēt  
 ie suis cōtrainct d'escrire au bout  
 de mes ordonnances, & *superdor-*  
*miat*, c'est à dire, qu'il dorme a-  
 pres. Quelqu'un pourroit bien re-  
 pliquer à ce que ie viens de dire,  
 & soustenir contre moy, que l'on  
 peut estre nourry de poison: com-  
 me il est escrit d'une vieille d'A-  
 thenes, nourrie dès son enfance à  
 la Ciguë: & de la ieune Indienne,  
 enuoyee au Roy Alexandre le  
 grand, nourrie de Napel. Com-  
 bien plus aysement pourra se cō-  
 uertir en nourriture vn medica-  
 ment purgatif, lequel n'est tenu  
 que moyen entre le venin & le  
 corps

*Obiectiō.*



corps humain, ainsi que Galen remonstre au cinquiesme de la vertu des simples medicamens? Il est *Responce.* aysé de respondre à telle obiection: c'est, que la poison ne pent iamaïs estre aliment, de sorte qu'elle soit conuertie en la substance de nostre corps: Mais que le corps se peut bien accoustumer à sa qualité, qui s'imprime de peu à peu aux esprits, humeurs & parties solides. Ainsi se peut on accoustumer au froid, à l'ardeur du Soleil, à la mouillieure, au vent, au travail à tout desordre, y procedant de petit à petit, de sorte qu'on n'en fera point offencé. Ainsi plusieurs sont tant accoustumez au malaise, & à quelques maladies, qu'ils n'en sentēt rien, si l'object ou subject n'est excessif. Ainsi quelques vns s'accoustument tellement aux clysteres, medecines, & autres dro



206 *Regime pour vn iour de med.*  
drogueries, qu'à la fin ils n'en sont  
aucunement esmeus, ou fort peu,  
sinon qu'on les rende plus fortes.  
Car la qualité de long temps ac-  
coustumee n'excite aucune passiõ,  
mouuemēt, ou alteratiõ au corps.  
Mais que les choses ainsi quali-  
fices, se cōuertissent en nostre sub-  
stance (qui est autant comme dire,  
qu'elles nourrissent) il ne le faut  
pas croire. Touchant au bouillon  
qu'on prend avant disner, il est  
nommé lauatif, signifiant son vsa-  
ge: qui est de nettoyer & laver l'e-  
stomac & les boyaux des restes de  
la medecine. Parquoy il ne doit e-  
stre prins, tandis que la medecine  
sejourne en l'estomac. Car en la  
destrempant, il luy feroit perdre sa  
force, comme si on mettoit beau-  
coup d'eau sur vn peu de vin: dont  
elle ne pourroit aduenir à l'opera-  
tion pretēduë. Or de limiter le ter-  
me



me du seiour que la medecine fera d'as l'estomach, c'est chose impossible: veu que la mesme chose en mesme personne, quelquefois ira plus vite, & quelquefois plus tard, selon qu'elle r'encontrera diuerses occasiōs. Combien plus grand' diuersité en effect, doit on attendre des diuers medicamens en diuers corps? Pourtant on ne peut dire iustement, qu'il faille humer le bouillon à tant d'heures apres la medecine, comme l'on fait vulgairement: ains le terme doit estre presis par ceste coniecture, laquelle signifie que la medecine (aumoins pour la pluspart) a passé outre l'estomach. C'est, quand elle ne reuient plus à la bouche par sa vapeur, & qu'on sent l'estomach delchargé, apres quelque remuement au ventre: qu'on a bien vuidé outre son ordina



208 *Regime pour vn iour de med.*

dinaire, comme de la medecine: & qu'il y a notable temps qu'on l'a prise. Adonc, quell'heure que ce soit, & non plustost, il faut humer le bouillon. Depuis ce bouillon (qui est plus pour lauer, comme dit est, & faire descendre les restes de la medecine, que pour nourrir, combien qu'il y serue aucunement) iusques au disner, il faut interposer le terme du sejour, que le bouillon peut faire dans l'estomach: car on le veut lauer & rincer principalemēt, à ce q̄ la viande suruenant rencontre l'estomach net, & nō infect de la medecine: d'autant que les viures en seroyent corrompus. Doncques il faut differer, iusques à tant que ceste reingceure & lauaille en soit dehors, & que le disner ne rencontre ledit bouillon: Autrement il en aduiendroit, comme qui rinceroit

vne



vne pinte, & y laissant la reinceure  
y mettroit de bõ vin. Or ce bouil-  
lon, soit en grande ou petite quan-  
tité ne seiourne iamais dans l'esto-  
mac plus de deux heures, comme  
fait bien la moindre chose qu'on  
aualle. Dont ie ne puis approuuer  
ce qu'on ordonne communemēt,  
de dire demy heure, ou vne heure  
apres le lauatif. Vray est, qu'il  
n'est possible de limiter iuste-  
ment le terme du disner, non  
plus que celuy dudit bouillon,  
mais par coniecture, & à peu pres,  
on rencõtrera l'heure. C'est, quād  
il y a ja long temps qu'on a prins  
le bouillon, & on sent l'estomac  
vuide, comme ayant appetit. Pour  
lors il faut disner, quelle heure que  
ce soit: & c'est volõtiers bien tard.  
Car vne medecine prinse à cinq  
ou six heures du matin, à peine est  
elle hors de l'estomac à neuf ou à

O

dix



dix. Lors il faut prendre le boüillon : lequel s'esjounera dans l'estomac deux ou trois heures, tellement que le disner escherra sur le midy ou vne heure. Et il ne faut pas craindre, que cependant celuy qui se purge en endure quelque foiblesse. Car si le corps auoit besoin de nourriture, il en aura prins du boüillon assés pour attendre son repas. D'ailleurs, il faut dōner loisir à la medecine de faire son deuoir: & ne destourner pas Nature, qui coopere (voire fait le principal) en toute purgation. Car si on mange auant que la plus part soit executee, Nature s'amusant à digerer la viande, ne fauorise plus tant la medecine: laquelle se trouuant presque seule, n'a pas grande force. Aussi c'est l'vn des moyens que Mesuë nous enseigne, pour arrester le cours d'vne medecine, quand



quand elle est trop farouche. On attribue cela au Mechoacan particulièrement, & comme d'un privilege: mais cela est cōmun à tout laxatif, que son operation est affoiblie ou rompuë, si on mange ou boit quelque chose qui le puisse rencontrer. J'adiousteray encores ceste raison, que l'estomac abhorre & desdaigne la viande, tant qu'il y a du reliqua de la medecine: & si on le contraint de recepuoir le disner, plustost que d'estre bien lavé, remis, & reposé, il ne fera son profit de la viande, ains en sera plus trauaillé que substanté. Pour ceste mesme cause le disner doit estre fort legier, d'autant que l'estomac n'est pas bien à soy, tout ennuyé du passage de la medecine. Et parce que elle eschauffe & desseiche aucunement (dont il aduiet communement qu'on en est alte-



212 *Regime pour vn iour de med.*  
ré) il faut vser de choses humectā-  
tes & raffraichissantes, à peu pres  
comme si on auoit la fieure. Par-  
quoy le bouilly sera plus conuenā-  
ble que le rosty, & vn potage de  
laituës, pourpie, ozeille, bortages,  
& semblables Il faut aussi tremper  
fort son vin, qui soit rouge vn peu  
couuert, & bien meur: & s'abste-  
nir de tout fruiet mol & fuyard, de  
peur qu'vn flux de ventre ne suc-  
cede à la purgatiō. Mais pour des-  
sert est permis vne poire de faueur  
brusque, cuitte & couuerte de fe-  
noul doux, & encor plus le coin  
ou codignac, pour resserer & ren-  
forcer de leur astrictiō, les parties  
que la medecine & les humeurs en  
passant ont desbauché. De souper,  
ie ne luy trouue pas grād lieu à tel  
iour, qui est fort rompu, & l'esto-  
mac detracqué: de sorte qu'on ne  
le peut renger aux heures ordinai-  
res



res de ses repas: sinon qu'on eust  
 prins la medecine à deux ou trois  
 heures apres minuiet: qui n'est pas  
 inconuenient, si on n'a rien soup-  
 pé, ou fort peu, le soir auparauant.  
 Car ainsi pourroit bien aduenir,  
 qu'on seroit prest de disner à dix  
 ou onze heures, & soupper entre  
 six & sept. Il y auroit aussi plus de  
 lieu, de dormir sur la medecine,  
 comme on fait volontiers iusques  
 au iour. Mais d'autant que la plus  
 part des malades, & autres qui ont  
 à prendre medecine, veulent que  
 l'Apoticaire mesme leur baille: &  
 qu'il est trop incommode à l'Apo-  
 ticaire de sortir auant. l'aube ou  
 pointe du iour, sans autre neces-  
 sité, l'on a prins ceste heure pour  
 la plus commune. Dont c'est en-  
 uiron les iours Equinoctials les-  
 quels nous supposons, parlans ab-  
 solument du iour: & aussi que  
 O 3 c'est



214 *Regime pour vn iour de med.*

c'est le temps plus propre aux purgations choisies, & non contraintes) la pointe du iour est à cinq heures: & on ne peut dîner auant onze heures, ou midy: suyuant le cōte que i'ay fait. Dont ie conseille volontiers, que ce iour là on ne soupe pas autrement que d'un coulis, ou orge-mondé, fait du bouillon de chair, ou de laiēt d'amandres: ou bien de manger vne rostie au sucre. Ce qu'on peut prēdre six ou sept heures apres dîner: puis se coucher de là à vne heure, ou deux, pour dormir en plus grand repos, que si on auoit fort souppé, & si on est alteré, on peut boire vn peu de vin fort trēpé. Voila comment i'ordonne le regime à ceux qui sōt en ma charge, pour vn iour de medecine, s'ils me veulent croire: & comme i'en vse en mon endroit, & des miens:

&



& c'est le vray *regimen artu*, que nous entendons à la fin de noz receptes. Quant à l'autre mot, qui est *custodia*, ie l'expliqueray maintenant.

Le vulgaire pense, que nous ordonnons l'arrest dans la chambre, seulement à cause que l'air extérieur peut offēcer celuy qui a prins medecine. C'est bien vne de noz raisons: mais il y en a d'autres que ie desduiray cy apres. Et quant à l'air, il y faut vser de ceste distinction, s'il est diuers ou semblable.

Car s'il est de mesme temperature, & dedans & dehors la chambre (comme il est volontiers en saison temperee) cōment peut nuire l'exterieur, plus que celuy de la maisō

Quand l'air des ruēs est venteux, pluuieux, plus froid ou plus chaud que celuy de la chambre, lequel nous requerons temperé, ou de



soy ou par artifice, vrayement il y a bien grand' raison, de condamner celuy qui a prins medecine, à ne sortir de la maison. Car le froid, le vent, ou la pluye, surprenant les pores, & penetrât au corps esmeu, ouuert, & lasche au moyen de la medecine, l'offence grandement. Le chaud aussi, rencontrant vn corps plus ouuert & eschauffé de la medecine, peut causer fieure, grãde alteration, lassitude, foiblesse, & autres fascheux accidens. Il faut se cōtenir dans vn air temperé, tel qu'on peut faire en tout tēps, pour ceux qui ont des commoditez. Mais si l'air est de soy bien moderé par tout, & tant dehors que dedans la maison, il ne peut nuire au patient: & peut on pour ce respect, tenir les fenestres ouuertes. Mais il y a autre chose qui le defend: c'est, que l'obscurité  
fert



sert à la purgation, entant que les humeurs se rendent plus aisément au dedās, & vers le cētre du corps, en tenebres: estans au cōtraire inuités de la clarté & lumiere, de se presenter au dehors. Parquoy si on a grande clarté, & mesmes que les fenestres estant ouuertes, on ait l'aspect d'un lieu plaisant, ou qu'on voye dans la chambre quelques belles couleurs, tableaux, peintures, & autres ouvrages, cela peut destourner secrettement l'operatiō de la medecine. Et ainsi il vaut mieux que tout soit fermé, iusques aux vitres, & qu'on allume de la chandelle, se contentant ainsi tout le iour à l'obscur: & n'auoir point de visite, pour ne se contraindre rien, ne se resiouir extraordinairement. Car cela aussi destourne l'operation, ou la rend bien gaillarde. Les autres raisons, pourquoy

I.

O 5 il



il ne faut sortir de la chambre, sont premierement, que si on va par ville, en tel endroit on peut auoir besoin de vuidier le ventre, qu'on n'en aura la cōmodité:& les excemens agités, quand ils sont retenus par force, causent beaucoup d'inconueniens, outre le mal de ventre & les fascheuses trenchees.

2. Secondement, l'aller par la ville & tracasser, eschauffe le corps mal à propos, en danger d'exciter vne fieure: veu que d'ailleurs le corps est communement eschauffé & alteré de la medecine.
3. Tiercement, si on negotie quelque chose (dequoy on ne se peut bonnement abstenir, si on a liberté de sortir) on trauaille l'esprit, qui a plus besoin de repos, quand le corps est en peine. Ce sont des poincts, qu'il faut bien obseruer. Encor ne suffit-il pas, de se reposer & se contenir  
le



le iour qu'on a prins medecine: il le faut continuer iusques au l'endemain apres disner: & se retirer de bonne heure dans la maison: c'est a dire, auant soleil couché.

I'ay esté vn peu prolixé à discourir le regime de l'art, que nous disons deuoir estre obserué, quand on prend medecine: d'autant que l'on commet cela volontiers aux Apoticairez, ausquels s'adressent noz ordonnances pour les executer: & la plus-part d'iceux entendent mal ces poincts: dont il s'ensuit, que le peuple en est plus mal seruy. Les femmes qui traittent ou gouuernent ceux qui prennēt medecine, sont encor plus ignorātes. Dont il m'a fallu instruire le vulgaire, afin que chascun pour soy entende comment il s'y faut gouuerner. Car la medecine n'est chose de petite importance, ains qui  
peut



peut nuire ou profiter grandemēt,  
selon que on en vsé bien ou mal.  
Il ne faut oublier les trenchées, que  
donne souuant la medecine: aus-  
quelles nous remedierōs avec des  
draps chauds, qu'on applique sur  
le ventre. Ce sont des ventosités,  
ou gros flegmes, qui causent ces  
douleurs: scauoir est, les ventositez  
excitees de la matiere esmeuë, les-  
quelles enflent & tendent les bo-  
yaux, tout ainsi qu'en la colique.  
Les gros flegmes ne peuuent en-  
trer des orifices, ou extremittez, des  
veines mesaraïques, dans les bo-  
yaux (ainsi qu'il faut, s'ils viennent  
de plus loin) sans donner quelques  
extorsions. Nous voyons souuant  
des flegmes fort espais, rendus par  
les dernieres selles, qui n'estoyent  
pas dans l'estomac, ne dans les bo-  
yaux. Car ils n'eussent tant sejour-  
né là, sans que la medecine les eust  
rauis



rauis & emportés. Ils viennent dō-  
ques de plus haut: & faut qu'ils  
passent par les bouts des petites  
veines meseraïques, non sans fai-  
re grand' douleur: iacoit qu'ils n'y  
passent autāt gros, que nous les  
voyōs au bassin. Car ils filent prin  
au sortir, & despuis se ramassent.  
Les draps chauds fondēt & lique-  
fient ces gros humeurs, & les font  
couler plus doucement: la chaleur  
aussi consume & dissipe les ven-  
tuosités. Ainsi les trenchées ces-  
sent de tourmenter le patient.

## CHAPITRE XVIII.

*D'où vient communement, que les plus  
cheris meurent le plus  
souuent.*

**O**N voit souuent aduenir, que  
le mary fort chery de sa fem-  
me, & mignarde à toute outrance,  
mour-



222 *Que les plus chers meur. le plus*  
mourra plustost (le reste demeurât  
semblable, quāt à la maladie, aage,  
condition & force du patient, la  
saison, le lieu, les commodités re-  
quises, & autres particularités)  
que celuy duquel la femme vou-  
droit bien estre vefue. Cōme aussi  
la femme, de qui le mary sera tant  
amoureux, qu'il semblera en estre  
affotté, mourra plustost, que telle  
que son mary aimeroit mieux en  
terre qu'ē pré. On voit de mesmes  
au faict des peres, & des meres  
à l'endroit de leurs enfans. Car ils  
perdent le plus souuēt ceux qu'ils  
aiment le plus. Je ne dis pas que  
cela soit d'ordinaire, mais qu'il ad-  
uient fort souuent: de sorte que le  
vulgaire s'en plaind, cōme si l'ex-  
cessiue (& quelque fois desordon-  
nee) amitié, estoit cause de la  
mort. Ce que ie ne veux pas re-  
prouuer, scachant que Dieu peut  
estre



estre offencé, & se courroucer de l'extreme affection, qui transporte les personnes ainsi passionnees, & les destourne de son seruice (qu'il requiert de tout le cœur, de toute la pensee, & de tout l'entendement) & les empesche de s'accorder humblement à sa sainte volonté. Dont souuent il oste, ce que nous auons de plus cher en ce monde, comme vn fils vnique, bien né & de grand' esperâce, afin que nous nous plaissions moins en ceste vallee des miseres, & desirions la fruïtion de l'object digne de l'excellence de nos ames. Toutefois parlât encores humainemēt, & comme il nous appert au sens, i'ose biē dire, que l'excessiue amitié que l'on porte aux siens, jointe à indiscretion & ignorance, est souuent cause de la mort de ceux qu'on cherit le plus tendrement.

Car



224 *Que les plus cher. meur. le plus*  
Car de ceux qu'on n'ayme pas tât,  
on en laisse volontiers le pense-  
ment & la charge totale aux me-  
decins, & aux personnes soigneu-  
ses de leur service: lesquels sou-  
uent on appelle & employe par  
maniere d'acquit, plus que d'affe-  
ction, pour euter ce reproche,  
d'auoir laissé mourir sans secours,  
son mary, sa femme, son enfant, ou  
autre parent sien. Or à ceux-cy le  
medecin fait librement ce qu'il  
cognoist estre requis, sans que  
personne luy contredise, ou con-  
treroolle ses actions, & il practi-  
que bien à son ayse: dequoy il re-  
çoit plus d'honneur, que de gré.  
Mais quand c'est pour vn qu'on  
ayme fort, quelque fois trop in-  
discrettement, le vulgaire des pa-  
rens, alliez, ou amis (desquels la  
plupart sont presomptueux, ou-  
treuidez, & pensent sçauoir plus  
que



que maistr Mousche ) veut entendre & sçauoir tout ce qu'on ordonne au patient : il conteste, debat & marchande presque en toutes choses, ignorant de ce qu'il conuient faire: tient en peine & en crainte le medecin, l'arguāt à tout propos, ou de l'excez, ou du defaut. Il se veut faire à croire de la quantité, & mesmes de la qualité des viures, des heures & du nombre des repas, ou des prises du portage, de l'ordre, de l'air, de la couuerture, & autres appartenances du regime. Il attribue tous accidens qui suruiennent, iusques à ceux qui sont ordinaires, & la procedure du pauvre Medecin: & aux remedes il fait tant de scrupule, que le medecin craintif, n'ose ordonner la moytié de ce qu'il feroit autrement, pour bien tost guerir le malade. Car si nonobstant

P son



226 *Que les plus cher. meur le plus*  
son deuoir, & sa bonne procedu-  
re, il suruient quelque grief sym-  
ptome inopiné & nō predict (cō-  
me il y en a plusieurs, qu'il n'est  
possible de preuoir) ou bien la  
mort, on attribuera tout le desor-  
dre au medecin: & il sera grande-  
ment blasmé ou calomnié, s'il a  
faict quelque chose contre l'aduis  
du vulgaire, & des assistans. Car le  
peuple a vsurpé ceste tyrannie sur  
les medecins: auxquels il deuroit  
totalement s'accorder, accom-  
moder, obeyr & soumettre, pour  
le seruice du patient: non pas les  
tenir aucunement en crainte &  
desfiance, ains les laisser en pleine  
liberté & autorité souueraine. Au-  
trement, le plus suffisant du mon-  
de n'est pas demy medecin, & ne  
peut rien faire d'excellent, ayant  
perdu la hardiesse, tresrequise à  
combattre le mal. Dont contraint  
de



de fleshir, complaire & assuictir  
à ceux qui contreroollent tout,  
ou qui iectent des mots picquās à  
la traaverse, il n'ose presser (moins  
contraindre ou conuaincre) par  
raison, ce qu'il estime estre meil-  
leur. Ainsi plusieurs meuren bien  
pauurement, & d'un mauvais  
mesnage, à l'appetit de ceux qui  
les aiment desordonnément. Ne  
est ce pas grand pitié, que le vul-  
gaire ignorant tiennne le medecin  
( qui ayme son honneur & sa re-  
putation, plus que chose du mon-  
de, ou il est indigne de cest estat )  
en telle subiection & seruitude,  
qu'il n'ose & est craintif, mesmes  
à l'endroit des siens, pour peu  
qu'il y ait de doute & difficulté?  
Car si sa femme, son enfant, ou  
autre parent, est pensé & traicté  
de luy, autrement que les idiots  
presument sçauoir & entendre, il



228 *Que les plus cher. meur. le plus*  
sera soupçonné, ou de n'aymer  
pas beaucoup, ou d'estre mal ad-  
uisé, hazardeux & temeraire. De  
sorte que non pas à soy-mesme,  
s'il croyoit le vulgaire, il ne seroit  
bon Medecin. Ne voila pas vn  
grand desordre, & horrible con-  
fusion, que celuy qui doit estre  
obey, voire admiré, sans aucune  
desfiance, ou de sa preud'hom-  
mie, ou de sa capacité, soit con-  
trainct de s'assubiectir au plaisir  
des plus ignorans du monde: &  
que cela redonde au detriment &  
preiudice des pauvres malades,  
lesquels seroyent beaucoup mieux  
secourus, & plus artificiellement  
traictez, si les assistans en estoyēt  
mieux soucieux: ie dis non plus,  
ne autrement, que le Medecin  
l'ordonne.

CHAP.



## CHAPITRE XIX.

*Contre ceux qui diſent, que mort ne fut  
iamais ſans regret.*

**C**E propos eſt trop general, & faux pour la plus part. Car ceux qui meurēt d'extreme vieilleſſe, & comme vne chandelle qui s'eſteind, la meſche n'ayant plus de ſuiſ, ou de cire, meurent ſans regret d'aucune procedure tenuë en leur regime ou traitement. Car il faut ainſi entendre le regret, en ce propos icy. De meſmes, ceux qui ſont bleſſés à mort ineuitable, & que chaſcun tient pour morts dès leur bleſſure. Car comme on n'eſpere qu'ils puiſſent guerir, auſſi n'a-on aucun regret à ce qu'on y a fait. Reſtent ceux qu'on iuge guerriſſables dès le commencement, leſquels en fin mourans ( quelque fois cōme à la deſtrobbee ) laiſſent



230 *Que mort n'est sans regret,*  
vn grād regret à leurs amis, qui ne  
s'en peuuent contenter. Or le re-  
gret peut estre de deux sortes, & la  
chascune raisounable, mais non  
pas ordinaire, ou tousiours verita-  
ble, en ce qui touche les Medecins:  
comme veulent entēdre ceux, qui  
vsent volontiers de ce langage à  
tout propos. L'vne est, des grands  
fautes que commettent les mala-  
des, ou leurs amis, quand ils ne  
pouroyent bien & soudain au  
commencemēt des maladies, d'vn  
bon & fidelle Medecin, ensemble  
de toutes choses requises au recou-  
urement de la santé. Quelque fois  
on aura le secours pres, & on le  
mesprisera, comme on mesprise la  
maladie: laquelle empirant, & en  
fin cōduisant à la mort sans qu'on  
y puisse remedier, cause vn extre-  
me regret. On fait aussi mille nul-  
lités par ignorance, on pour com-  
plaire



plaire au patient, qui coustent biē  
cher, & laissent vn grand regret,  
quand on cognoit despuis à veuē  
d'œil, que cela a causé la mort. On  
ne sçauroit expliquer, la grāde di-  
uersité des fautes que commettēt  
les malades, ou ceux qui les gou-  
uernent: dont il s'en suit finalement,  
le regret de la mort suruenue. C'est  
assez d'auoir remōstré par ces trois  
conditions, de l'extreme vieillesse,  
des naurez à mort subite, & des  
fautes que comment le vulgaire,  
qu'il n'y a tousiours regret fondé  
sur la procedure qu'aura tenu le  
Medecin: qui est l'autre sorte de re-  
gret, des personnes qu'on pensoit  
guerissables. Je ne veux icy main-  
tenir, que nul meure de la faute  
des Medecins. Car ie ferois tort  
aux plus suffisans, doctes, & bien  
adamez, si i'estimois tous ceux qui  
se meslent de nostre estat, d'une



232 *Que mort n'est sans regret,*  
mesme façon irreprehensibles.  
Aussi ie sçay bien, que les ignorās,  
& les nonchalans Medecins, font  
de si lourdes fautes, que les cime-  
tieres en sont bossus: & comme dit  
l'ancien autheur, la terre couure  
les erreurs des Medecins. Mais  
pour certain les plus scauans, pru-  
dens & diligens, sont fort souuent  
calomniés, & à grand tort soup-  
çonnés ou accusés, de la mort des  
personnes qu'ils ont pensé. Car,  
combien que ie confesse, qu'au-  
cuns meurent d'un mal qui n'estoit,  
ou ne sembloit, premieremēt mor-  
tel, si est-ce que le Medecin en doit  
estre excusé, s'il n'y a rien oublié,  
& s'y est porté diligemment, avec  
toute curiosité & deuë obseruatiō:  
d'autant qu'il y a si grande diuersi-  
té de corps, & de maux, que l'im-  
becillité humaine ne peut tou-  
siours aduenir, à comprendre ius-  
te-



stemment, ou leur nature, ou la grā-  
 deur d'iceux. Et quand Dieu veut  
 appeler quelqu'un à soy, il oste to-  
 moyens d'empeschement: de sorte  
 qu'on n'aura pas mesme l'aduis  
 d'appeler au secours le Medecin à  
 temps opportun: ou le Medecin ne  
 pourra bien iuger du mal, & de la  
 portee du patient: ou les remedes  
 n'aurōt point d'efficace en cestuy-  
 cy, comme ils ont d'ordinaire. Il  
 ne faut donques reietter la coulpe  
 sur le Medecin, quand quelqu'un  
 vient à mourir, duquel il auoit biē  
 esperé dès le commencement: ny  
 auoir regret à sa procedure (pour-  
 ueu qu'il soit sçauant & expert,  
 homme de bien & diligent, affe-  
 ctionné au malade, comme il doit)  
 ains se resoudre chrestienement,  
 que Dieu en a ainsi disposé à sa vo-  
 lonté, laquelle seule est raisonna-  
 ble. Ou qu'on a regret de quelque

P 5 cho-



134 *Comment on se fera bon ventre,*  
chose, qu'on la supporte humaine-  
ment, comme cas fortuit, & qu'o-  
n'a peu preuoir pour l'esuiter. Car  
ainsi aduient-il en tous affaires,  
aux plus accords & prudens, aus-  
quels succedent mal plusieurs bõ-  
nes entreprises, sans qu'il y ait  
de leur faute de deuiner: ce que l'e-  
sprit humain ne peut comprẽdre,  
par moyens ordinaires & legiti-  
mes.

## CHAPITRE XX.

*Contre ceux, qui pour auoir le ventre lasche,*  
*marchent pieds nuds sur vn lieu froid:*  
*ou boyuent de l'huile en quantité:*  
*& qu'est-ce qu'auoir bon*  
*ventre.*

**I**L est euident & certain, que le  
froid des pieds cause flux de vē-  
tre. La source est, que le cerueau,  
source de tous les nerfs, se mor-  
fond



fond & refroidit, quand les extre-  
mités du corps (parties fort ner-  
ueuses) sont refroidies. Et c'est, à  
raison de la continuation qui est  
entr'elles, & le cerueau, au moyen  
desdits nerfs. Or le cerueau fait  
part de son morfondement à l'e-  
stomac, & a tout le vêtre inferieur,  
ausquels il est fort allié par la fix-  
iesme couple des nerfs. Dont il ad-  
vient, que les entrailles de mesme  
refroidies, ne retiennent assez l'og  
temps la viande, pour la cuire &  
digerer. Parquoy il s'en ensuit in-  
digestion & desuoyement d'esto-  
mac, qui cause vn flux de ventre.  
Et cela est-il sain? Non vrayemēt.  
Il vaudroit beaucoup mieux gar-  
der sa constipation: ou bien de raf-  
fraischir tant seulement les reins,  
& le foye par dehors, afin que la  
matiere ne fut ainsi recuite: de-  
quoy procede, qu'on ne la peut biē  
libre-



236 *Comment on se fera bon ventre,*  
librement vuider. Et à cela suffiroit  
l'onguent rosat commun, & encor  
plus le violat, que i'ay mis en mō  
Dispensaire. Mais de se faire venir  
vn desuoyemēt de ventre par froi-  
dure de pieds, c'est tres-mal adui-  
se, d'autant que l'estomac, les bo-  
yaux, & autres parties du ventre,  
s'en affoiblissent. Et de fait, c'est  
vt traict de poste ou frippō de col-  
lege, qui afin d'auoir occasion d'e-  
stre renuoyé à sa mere pour quel-  
ques iours, essaye de se faire mala-  
de. Tel flux de ventre, quand on  
en scait la vraye cause, se guerit à  
force de verges. Et si on craint de  
descouurir les fesses, pour ne mor-  
fondre dauantage le cu, ou pour  
n'attirer encor plus les matieres à  
l'endroit qu'elles ont prins leurs  
cours, il faut tres-bien fouetter le  
dos: & cela seruira d'vne bōne re-  
uultion. Toutesfois le fouiet sur les  
fesses,



fesses, reschauffe tellemēt ces parties-là, qu'il fait bien passer tel morfondement.

Il y en a d'autres, qui boyuent vne escuele d'huile d'oliue bien douce à desieuner: les autres prennent vn bouillon fort gras, ou mangēt force beurre. Cela offence l'estomac, de trop grande laxité: dont il deuient plus foible, & ne digere pas si bien. Car sa force cōsiste en restriction, pour se bien ferrer cōtre la viande, qu'il doit embrasser & toucher de tous costés: autrement il y a fluctuation, qui fait ouyr vn cloc, cloc, dans l'estomac: dont la digestion ou concoction en est moins asseuree. La mediocre laxité est plus seante aux boyaux, qui font mal leur deuoir quand ils retiennent long temps les excremēs. dequoy il s'ensuit desgoutement, pesanteur de teste, chagrin, & ennuuy



238 *Comment on se fera bon ventre,*  
nuy sans autre occasion. Dequoy  
il vaudroit mieux, que c'est huile,  
ce bouillon gras, ou ce beurre co-  
pieux, fut ietté dans les boyaux par  
vn clystere, sans passer par l'esto-  
mac, à ceux qui se plaignent de la  
constipation du ventre. Car (côme  
nous auons dit) l'adstriction est  
bône à l'estomac, & la mediocre  
laxité aux boyaux. Ce qu'on peút  
heureusement practiquer par di-  
uers moyens, comme en prenant à  
la fin des repas quelque fruiët ad-  
stringent, & se faisant dōner quel-  
que fois la sepmaine vn clystere  
fort remollissant. Tel sera d'vne e-  
scuele de bouillon de moutō fort  
gras, avec demy escuele d'huile biē  
doux, ou vn quarteron de beurre  
frais: deux ou trois moyeux d'œufs  
& vne dragme de sel. Ce clystere  
est aisé à retenir, & si on a vn peu  
de patience, il pourra demeurer au  
ventre



ventre plus d'une heure: pourueu  
qu'on l'ait prins estant couché sur  
le costé gauche (ainsi qu'il faut  
toufiours) & que de là à vn demy  
quart d'heure on se couche sur l'e-  
stomac, & puis sur le costé droit, &  
finalement sur le dos, le tout de  
demy en demy quart d'heure: &  
ainsi faisant la reuolution des bo-  
yaux, le clystere se logera bien au  
large, dans l'intestin colon, où il  
fera tel sejour qu'il conuiendra à  
destremper les excremens gros &  
recuits. Outre ce, il humectera, ra-  
mollira, & tendra glissant ledit  
boyau, tellement qu'il n'y aura  
plus aucune constipation de trois  
ou quatre iours.

Reste à sçauoir, qu'est-ce qu'on  
appelle bon ventre: si c'est le plus  
mol, ou le plus dur. On dit mol,  
pour lasche, destrempé, & qui  
vuide souuent matieres peu liees:

&amp;



240 *Comment on se fera bon ventre,*  
& au contraire, dur. Si cela est en  
mediocrité, on le dit *benefice de*  
*ventre*, & ie pense que tel propre-  
ment est appellé bon ventre, com-  
me toute chose bonne consiste en  
mediocrité. Mais tout ainsi que  
des vices qui tiennent les extre-  
mités, l'un retire plus à la vertu  
que l'autre (comme la prodigalité  
semble plus approcher de la libe-  
ralité, que ne fait l'auarice) sem-  
blablement le ventre plus lasche  
est dict meilleur que le constipé:  
& sur tout est naturel, conuenable  
& bien seant aux enfans, & à tous  
ceux qui mangent beaucoup. Voi-  
la pourquoy les nourrices disent,  
l'enfant auoir bon ventre, quand  
il fait la matiere fort molle, & les  
enfans qui ont le ventre lasche,  
sont plus sains beaucoup que les  
autres. Ceux qui sont constipés,  
ne viuent pas longuement, & sont  
fort



fort subjects à plusieurs maladies: sinon qu'ils changent de conditiō, ou d'eux-mesmes, ou par art. Et souuent il aduient, que (suyuant la sentence d'Hippocras) ceux qui en ieunesse ont le ventre humide, *Aph. 20. lin. 2.* ils l'ont sec en vieillesse, & au contraire. Mais le plus ordinaire, est le ventre dur aux personnes d'aage: qui les rend bien souuent subiects aux hemorroides: comme aussi les femmes enceintes. Le susdit clystere servira à esuiter telle indisposition, fort desplaisante & nuisante à plusieurs: mais il ne faut pas que les femmes grosses en vsent, pour peu qu'elles soyēt subiettes à s'af-fouler, sinon en fort petite quantité. Car en remollissāt les boyaux, il pourroit aussi remollir la matrice, & lascher ses ligamens, au preiudice de l'enfant.

Q CHAP.



## CHAPITRE XXI.

*Sçauoir mon si les huitres, & les truffes, rendent l'homme plus gaillard à l'acte Venerien.*

**E**S huitres en escaille, qui sont les plus estimees, & desquelles principalement on entend ce propos il faut considerer l'eau cōtenuë dans leur escaille, & l'huitre qu'on mange. La susdicte eau & de la marine, attiree de l'animal pour sa refection, ou certaine fruition: laquelle entant que salee, dōne quelque esguillon à l'amour, comme le sel mesme, & toute salure. Dont les bergiers font manger quelque fois du sel à leurs ouailles, non seulement pour leur donner appetit de manger, ains aussi pour les rēdre fecondes. Aussi les Poëtes feignent pour ceste  
occa



occasion, que Venus fut engēdree  
de l'escume de la mer. D'ailleurs  
il faut entendre, que la chair de  
l'huitre a vn suc salé, comme Ga-  
len tesmoigne : à raison duquel  
aussy, elle peut esguillonner. Mais  
tout cela est peu à rendre vn hom-  
me gaillard, & moins (s'il n'y a au-  
tre chose) que les anchoyes, ou  
sardes salees, ou vn jābō. Et ie pē-  
se, qu'il n'y a autre chose de la part  
des huitres, qui excitē à l'acte ve-  
neriē, sinon (par auāture) les ven-  
tofitiez qu'elles produisent, & qui  
naissent de la pituité, en laquelle  
tel aliment se conuertit pour la  
plupart, ainsi elles ne peuuent cau-  
ser grand effect au ieu d'amours,  
comme si des huitres s'ēgendroit  
beaucoup de semence: ce que le  
vulgaire pense, & croid parfaicte-  
ment. Mais c'est vn abus trop eu-  
ident. Car rien ne faict beaucoup

Q 2 de



244 Des huitres & des truffes,  
de semēce, que l'alimēt fort nour-  
rissant, & qui deuiant sang loüa-  
ble. Ce que ne font pas les huitres,  
ains plustost vn bon chappon, &  
autres chairs delicates, le ieune  
mouton, le veau, les pigeonneaux,  
les œufs mollets, les pigeons frais,  
bon pain, bon vin, & semblables,  
en mediocre quantité. I'entens  
qu'à Venise on mange les huitres  
à l'heure du coucher, pour deue-  
nir plus gaillards à faire l'amour:  
enquoy ils s'abusent ouuertemēt.  
Car il faudroit aumoins, que telle  
viande fut digeree & conuertie en  
semence, auant que venir au ieu:  
ce que ne peuuēt estre les huitres  
mangees apres souper, de trois ou  
quatre iours. Car il faut premie-  
rement, qu'elles soyent conuer-  
en sang: & que les vaisseaux spe-  
matiques l'attirent du foye, ou de  
la veine caue, apres auoir trauer-  
sé



se beaucoup de chemins. Puis il faut qu'il sejourne quelque temps aux testicules, ou pres d'iceux, dās lesdits vaisseaux spermatiques, lesquels on nomme aussi præparans. Ce n'est dōc pas pour ceste nuit là, que pourront servir les huitres, à rendre plus gaillard le compagnon. Car elles n'ont pas la vertu picquante des cantharides, & autres tels medicaments, esguillons de Venus. Et si elles doyent servir de là à quelque iours, apres auoir de soy produit beaucoup de sperme (ainsi que cuide le vulgaire) il vaudroit mieux les prendre parmy les autres viādes: & encor mieux à desieuner, cōme font la pluspart des gens en nos quartiers. Car les viandes prises à part, & mises dans l'estomach vuidē, retiennent mieux leurs qualitez, vertus & facultez, comme il

Q 3 est



246 *Des huitres & des truffes,*  
est ayisé à entendre. Mais tant s'en  
faut, que les huitres engendrent  
beaucoup de semence (qui est vne  
condition propre aux alimens de  
grand substance) qu'elles n'engen-  
drent que phlegme gros & vis-  
queux, comme Galen remonstre  
par tous ses liures, où il traicte des  
viandes: & particulièrement au  
troisieme, de la faculté des ali-  
mens, où il dit, que les huitres las-  
chent plus le ventre, qu'elles ne  
nourrissent. Je scay bien qu'on  
m'obieçtera l'experience, & le cō-  
mun vsage à cest effect-là: à quoy  
ie responds, que si on est plus in-  
uité au coit & cōgrez pour auoir  
mangé des huitres, ce n'est que  
des grosses vapeurs & ventositez  
qui font tendre la verge, sans grād  
exploict, à faute de munition qui  
y responde. Autant en feront bien  
les herbes vsuelles, à ceux qui en  
man



mangent quantité: & plus encor  
les legumes, pois, febues, fauerols  
ou phaseoles, & semblables, qui  
oultre la ventosité, conferent plus  
de nourriture au corps, que ne  
font pas les huitres. Encor plus  
les chataignes, qui rendent fort  
salaces tant hommes que femmes:  
dont il vient plus de nourrices des  
montaignes, que d'autre part, à  
cause de telle nourriture. Le vul-  
gaire pense, que les huitres sont  
chaudes, & que cela suffit à la gail-  
lardise d'amour. Mais il s'abuse  
grandement: car elles sont mani-  
festement froides, & on les sent  
telles dans l'estomach, mesmes  
quand on les a mangees cruës, &  
sans poyure, qui est leur vraye cō-  
diture ou assaisonnement: tout ain-  
si que les truffes, lesquelles sont  
aussi fort ignoramment estimees  
chaudes, & par ce conuenables à

Q 4 l'acte



248 *Des huitres & des truffes,*  
l'acte Venerien. Si on ne veut que  
s'y eschauffer, que ne prend-on  
plustost de bonne espicerie, ou de  
l'hypocras, de la moutarde, ou  
des aux, qui eschauffent si euidé-  
ment que rien plus (comme aussi  
le vin fort vapoureux, subtil, &  
penetrant) sans s'amuser aux hui-  
tres & aux truffes, qui ont besoin  
d'estre eschauffees par l'addition  
du poyure? Le ne m'arreste pas icy  
à la plus grande ignorance (ose-  
rois je bien dire stupidité, à faute  
de sens naturel ou animal? de ceux  
qui tiennent, que le poyure refroi-  
dit: ouy, comme le feu. Et ne sen-  
tez-vous pas, vne grande ardeur  
à la bouche & au gosier, si vous en  
auez prins vn peu largemēt? L'ar-  
deur est elle de froid? S'il faut ain-  
si parler, & changer les appella-  
tions des choses, nous dirons que  
le froid brulle proprement. Car  
ic



ie ſçay bien , qu'on le dit impro-  
mēt, d'autāt qu'il produict que!  
que fois vn tel effect que le feu, en  
apparence de ſon veſtige. Si donc  
le poyure eſt le vray correctif des  
huitres & des truffes (cōme cha-  
cun m'accordera facilement) & le  
poyure eſt fort chaud au iugemēt  
du ſens, auquel il ſ'en faut entiere-  
ment rapporter: il ſ'enſuit ne-  
ceſſairement, que les huitres &  
les truffes ſont froides. I'ay dit  
des huitres ſelon Galen: Voicy  
qu'il dit des truffes. Elles n'ont  
aucune qualité notable: & pour-  
tāt ceux qui en vſent, en vſēt pour  
leur faire prendre & receuoir les  
aſſaiſonnemens, comme l'on vſe  
des autres choſes inſipides & fa-  
des, qu'on nomme aigueuſes. Auf-  
quelles toutes eſt commun, que la  
nourriture qui en eſt departie au  
corps, n'a aucune vertu notable,

*Lin. 2. de  
la facul.  
des alim.  
chap. 68.*

ains



150 Dds huictres & des truffes,  
ains est froidelette, & crasse à leur  
mode : scauoir est, plus crasse de  
truffes, plus humide & liquide des  
courges, & des autres en propor-  
tion selon leur naturel. C'est bien  
loin de produire beaucoup de sper-  
me, ou d'exciter à l'acte venerien  
de sa propre chaleur, quād la truf-  
fe est comparee à vne courge. Il  
me souuient de ce que dit le Para-  
site, en la comedie Italienne, inti-  
tulee Calandra : *L'amore è simile à  
le tartuffe, lequal fanno à i giouani  
rizzar quella cosa : & à i vecchi ti-  
rar corregie.* Et de fait, ce ne sont  
que vantositez & grosses vapeurs,  
qu'elles peuuent engēdrer & pro-  
duire, tout ainsi que les huictres.  
Ce que peut bien rendre les per-  
sonnes salaces, mais non pas fœ-  
condes, ny pres de là. I'en crain-  
drois plustost la sterilité : comme  
aussi de vray, les plus salaces sont  
moins



moins d'enfans. Je pourrois discourir plus amplement, sur la vertu des huictres & des truffes, mais ie reserve cela à mes MATINES DE L'IL'ADAM, où ie traite bien au long de la qualité & vertu de tous les alimens vsitez en Ftance, & la maniere d'en vser sainement: ceuvre autant requise à l'entretien de la santé, & guerison de plusieurs maux, qu'autre qui soit encor divulguee. Je l'intitule ainsi, pour l'auoir commencee & fort aduancee à L'Il'adam, cheus monseigneur le Duc de Montmorancy, Pair & premier Mareschal de France. Dieu me face la grace de pouoir bien tost paracheuer, ce peu que m'en reste, afin de contenter plusieurs, qui ne cessent d'interroguer les Medecins quand ils sont à table, ceey est il mauuais, ou mal sain? que fait ceey, que fait cela?



252 *Des huières & des truffes,*  
la ? de sorte que le pauvre Medec-  
cin, qui souuent a bon appetit, est  
coup à coup interrōpu & destour-  
né, pour satisfaire à ces demādes,  
& se leue de table à demy repeu.  
On pourra desormais rēuoyer ces  
interrogateurs (i'excepte les Sei-  
gneurs, & autres qui ont les Me-  
decins pres d'eux pour leur santé)  
à la lecture des MATINEES DE  
L'IL'ADAM, où ils seront satis-  
faits de toutes ces curiositez. Je les  
nōme ainsi: car la pluspart de ceux  
qui en demandent, ne se soucient  
pas d'observer ce que le Medecin  
en dira, mais ils prennent plaisir à  
ce deuis, & d'estre ainsi entreten<sup>s</sup>,  
ou d'entretenir le Medecin: qui s'ē  
passeroit aussi biē, que le moyne,  
auquel on auoit dressé vne telle  
partie. Mais il en sortit autāt à son  
profit qu'hōnestement, ne respō-  
dant iamais que par monosylla-  
bis,



bes: ouy, non, blâc, noir, verd, gris,  
bis, lôg, court, bon, trop, sec, mol,  
froid, chaud, rien, bien, tard, loin,  
& semblables. Vn gentilhomme  
s'y despaistra aussi biē d'un autre,  
qui le vouloit entretenir sur la cō-  
dition des huitres. Ce gentilhom-  
me s'estoit amusé à seruir la com-  
pagnie, à laquelle il donnoit à dis-  
ner. En fin, quand il commençoit  
à manger, ayant bon appetit, vn  
autre se met à s'informer de luy,  
sur le propos des huitres ( qu'ils  
auoyent en main ) comment leur  
coquille se ferment si iustement  
& ont si iuste prise, neantmoins  
elles s'ouurent bien aysement au  
feu: si l'huitre est vn poisson vraye-  
ment animal: comment & de-  
quoy elle vit: où est sa bouche: si  
ell' est viuante tant que sa coquil-  
le est fermee, & par consequent si  
nous la mangeons viue, & dessent  
tout



254 Des huitres & des truffes,  
toute viue en l'estomach, quand  
on l'aualle entiere: que deuient-  
elle puis apres, &c. Le seul gentil-  
homme luy respondoit, comme  
ayant le principal soin d'entrete-  
nir ses conuiez. Mais quand il  
s'aduifa que cela duroit trop, &  
que d'une question cestuy-là (qui  
estoit des-ja saou) venoit à l'au-  
tre, de sorte qu'il ne pouuoit man-  
ger, il luy dit, Par ma foy, Mon-  
sieur mon amy, ie ne sçay rien  
de tout cela: ie ne fus  
iamais huitre.

\* \* \*

A. M.



A M. FRANC. IOV-  
BERT, CHEVALIER DV  
S. Sepulchre de Hierusalem,  
Conseiller & maistre des Re-  
questes ordinaire de l'Hostel  
du Roy de Nauarre, Iuge maje  
de Valence. Christofle de Beau  
chastel, son tres-humble neveu,  
Salut.



MONSIEVR, voyant que  
M. Bartelemy Cabrol, a  
bien osé publier & faire  
imprimer quelques chapi-  
tres des Erreurs populaires & propos  
vulgaires, discours par M. IOV-  
BERT (vostre tres-cher Frere, &  
mon tres-honoré Oncle) comme à la  
desrobee: me l'ayant communiqué  
toutesfois, & de mon consentement:  
i'ay pensé de luy en fournir encores  
quatre (pour faire vn quarteron) les-  
quels i'ay trouué parmy les broüillars  
de



de l'Autheur. Ce sont quatre propos,  
discourus aurement qu'ils ne sont au  
premier liure de la premiere partie. Je  
ne sçay s'ils ont esté composez pre-  
miers ou derniers : mais il me semble  
qu'on les trouuera aussi bons, ou meil-  
leurs, que ceux q̃ leur autheur a fait-  
luy-mesmes imprimer: ont-re-ce, que la  
diuersité est agreable. Ainsi on ap-  
preste vne viande en plusieurs façons,  
& en la chacune elle est trouuee bien  
sauoureuse. Dauantage, ayant veu le  
Catalogue que ledit M. Cabrol, fai-  
soit imprimer des propos vulgaires &  
Erreurs populaires, qu'on a enuoyé à  
M. IOVBERT, ie me suis aduisé  
de faire le semblable, & publier vn  
ramas des autres que i'auois en main:  
desquels la pluspart ont esté fournis  
par M. Ieā Momin, Docteur en Mede-  
cine de l'Vniuersité de Montpellier:  
homme fort studieux. Je sçay bien  
qu'il y en a beaucoup de discours par  
M.



M. IOVBERT: qui outre ce a toutes prestes les cinq autres parties promises de son œuvre, diuisee en trente liures: mais ie ne sçay quand on les pourra auoir. Cependant on passera le temps à voir ce qu'on luy adresse de toutes pars, & chascun sera inuité à faire de mesme, suyuant son exhortation promise à la premiere partie, Au Lecteur d'esprit libre & studieux. Et si par fortune quelqu'un vouloit traiter vn tel subiect, il est prié d'abstenir au moins des propos qui luy sont ia voüez. M. Cabrol s'est adressé à Monseigneur de ville-Roy: pour faire que mondit sieur & oncle ne fut marry & courroucé de son entreprinse: à mesme fin ie m'adresse à vous, qu'il respecte & honnore singulierement, comme son fraire aisné, & pour les rares vertus qui vous illustrent, & font tres-digne successeur des principaux biens de voz maisons paternelle &

R

ma-



maternelle, des IOVBERS ET GENAS.  
 Prenez donc (s'il vous plait) & sou-  
 stenez la deffence de ceste mienne en-  
 treprinse: & s'il y a du mescontente-  
 ment, ie vous supplie de faire mon ap-  
 pointement, comme il vous sera tres-  
 aisé, ie m'en assure: & ie prieray Dieu  
 que vous augmente ses graces, en tou-  
 te prosperité. De Paris ce 15. iour de  
 Feurier . 1579.

## CHAPITRE XXII.

*Contre ceux qui iugent de la suffisance des  
 Medecins par le succès, qui est deu son-  
 nent à l'heur, plus qu'au  
 sçavoir.*

**I**L n'y a estat plus subject à ca-  
 lomnie que celuy du Medecin,  
 pour la dignité de la vie & santé,  
 que l'on prise & cherit sur toutes  
 choses du monde. Ainsi n'y a-il  
 estat



*Chap. vingt & deuxieme.* 259

estat de qui plus de gens se veulēt  
mesler, qui ait plus de contrerool-  
leurs, & duquel chascun veut co-  
gnoistre pour iuger de la suffisan-  
ce de ses professeurs. Or le plus in-  
iuste iugement est du succès, qui  
souvent est d'un bon heur & ren-  
contre, non pas de la suffisance ou  
bonne procedure du Medecin. Car  
on voit quelque fois guerir le ma-  
lade, auquel on aura ordonné tout  
au rebours de ce qu'il failloit. De  
sorte que la force du patient aura  
resisté, & au mal, & au desor-  
dre du Medecin. Come quel-  
que fois les malades eschappent,  
ayans fait quelque grande faute,  
qui ne les a peu accabler. D'ail-  
leurs, il y a des medecins tant heu-  
reux, que cummunement, ils ren-  
cōtrent des malades guerissables,  
& ne sont appellés pour ceux qui  
ont à mourir: qui est un grād heur,

R 2 mais



260 *Iugement de la suffis. des Med.*  
mais non pas ordinaire, & pour y  
fonder iugement. Donques il en  
faut venir au soir, & à la diligence,  
accompagnez de preud'hommeie,  
prudence & fidelité. Car les succès  
bōs & mauuais, ne font distincti-  
on du scauāt Medecin à l'igno-  
rant veu qu'au meilleur du mon-  
de, il peut mal succeder, apres auoir  
fait tout deuoir. Mais s'il est autre-  
ment heureux (qui est de n'estre  
communement appellé pour les  
mortel.) on en verra de si beaux &  
frequents effects, qu'on pourra  
iuger de sa suffisance. A ce propos  
ie dis volontiers, quand on me-  
sprise quelque scauant Medecin,  
pour auoir failly à son iugement  
ou dessein, & qu'on vāte vn igno-  
rant ou peu de valeur, pour auoir  
mieux rencontré au mesme faict,  
ou semblable, que les fautes du  
scauant sont de bon compter, tout  
ainsi que les beaux faicts de l'igno.



rant. Et pourtant cestuy-cy les  
presche ordinairement, car on les  
peut aysement reciter, & ses fau-  
tes sont innombrables. Du sça-  
uant, tout au contraire: les calom-  
niateurs repeteront souuent les  
fautes, ou vrayes (car le bon Ho-  
mere sommeille quelques fois)  
ou pretenduës. Aussi ses braues  
cures sont infinies. Le peuple in-  
grat met facilement en oubly les  
benefices, qu'il aura souuent re-  
çeu, & donne lieu en sa memoire  
aux plus legieres fautes. Mais  
pour monstrier euidentement l'a-  
bus, de iuger par les succez, de la  
suffisance des medecins, ie ne veux  
autre argument, sinon qu'un mes-  
me personnage sera dict bon &  
mauuais medecin (chose contrai-  
re, & partant impossible) a ceste  
preuue-là. Car de semblable mal,  
en mesme temps, & toutes circō-



stances pareilles, de deux malades l'un guerira, & l'autre mourra, estans traictez de mesme medecin: d'autant que le mal sera plus vehement, & la vertu moindre en l'un, qu'en l'autre: ou que l'on n'aura employé semblable deuoir à tous deux. On ne peut donc iuger de la suffisance du medecin par le succez, qui bien souuent est deu plus à l'heur, qu'au sçauoir.

---

## CHAPITRE XXIII.

*Que le vulgaire n'estime rien, si on ne guerit contre son opinion: que les derniers remedes ont tout l'honneur: & bien-heureux le medecin, qui vient à la declination du mal.*

**C**omme il n'y a plus iniuste & de raisonnable que l'ignorant, aussi n'y a il rien de plus ingrat ou mesconnoissant. Car l'igno

gi.o



ignorance aueugle tāt, qu'on sçait  
mauuais gré du bien receu : & on  
se tient pour obligé du contraire.  
En la curation des maladies, le  
vulgaire (iuge incompetant) esti-  
me peu ou rien, si on ne guerit cō-  
tre toute esperance: ou plustost &  
plus aysement qu'il n'auoit com-  
prins. Autrement il dict, que c'est  
tout de l'effort de nature, que la  
ieunesse luy a bien seruy, que les  
bons potages, coulis & autres ali-  
mens, ou le bon seruice des gar-  
des l'ont guery brief le medecin  
n'y aura part ne quart, ains aura  
fait plus de mal que de bien:& di-  
ra-on bien souuent, que s'on n'y  
eut rien fait, le malade fut plustost  
guery:& autres semblables absur-  
ditez, que le peuple ignorant de-  
bagoule. Mais si on tient le mala-  
de pour mort, & puis il viēt à gue-  
rir, quand bien ce ne seroit du bon

R 4 ordre



264 *Jugement des remedes,*  
ordre qu'aura donné le medecin  
(pourueu qu'il aye continué à le  
visiter, & faire tousiours quelque  
chose, ou bien ou mal, sans l'aban-  
donner aucunement) on estime  
qu'il a tresbien faict, & que c'est  
vne belle cure, voire miracle, ne  
plus ne moins que s'il l'auoit re-  
fusité, ou absout de la mort, à la-  
quelle on l'auoit condamné. Sem-  
blablement aux douleurs vehe-  
mêtes de teste, des yeux, des oreil-  
les, de la colique, nephritique,  
goute, & semblables, si les reme-  
des ne les ostent ou diminuent  
soudain, ils ne sont rien prisez: &  
dit-on, qu'il failloit bien qu'à la  
fin le mal s'en alla ainsi qu'ainsi, &  
les medicamens n'y ont de rien  
feruy: combien qu'ils soyent cau-  
se que la douleur s'est appaisée,  
mais nō si tost qu'on eut bien dé-  
siré. Car les remedes, cōme toute  
autre



autre chose naturelle, requierent  
 tēps à produire leur effect. Y a il  
 rien au monde plus actif que le  
 feu? toutesfois si vous luy voulez  
 faire consumer & mettre en cen-  
 dres vn gros bois verd, ou fondre  
 du cuiure à vn instant, vous serez  
 desraisonnable. Et qui dira, que ce  
 pendant il ne fait rien? C'est pour-  
 quoy le peuple veut, qu'on chan-  
 ge d'heure en heure de remedes,  
 comme si celuy qu'on a ordonné  
 & appliqué ne faisoit rien. A quoy  
 le prudent Medecin ne se doit ac-  
 corder, si le medicament est pro-  
 pre & bien institué: suivant l'A-  
 phorisme d'Hippocras, que s'il ne  
 succede selon raison, à celuy qui  
 fait tout par raison, il ne faut pas-  
 ser à autre remede, tant que per-  
 seuerer ce qui a semblé dès le cō-  
 mencement. Ce neantmoins, afin  
 de contenter & amuser le patient,

R 5 on



on peut bien de mesme matiere  
ordonner vn autre forme de reme-  
de, & continuant en la qualite ou  
genre des medicamens, changer  
souuent de forme & composition.  
Et voicy vn autre erreur, qui se de-  
scouure: c'est qu'on attribue la  
guerison au dernier appliqué, ia-  
çoit qu'il ne fut differant des au-  
tres en vertu, & que tous les pre-  
cedés y ayēt leur bōne part. Ainsi  
quant au centiesme coup de hache  
vn arbre tombe, ce n'est pas le cen-  
tiesme qui a tout fait, ains le chas-  
cun des nonante & neuf y a fait sa  
rate portion. Le peuple voudroit  
( & il n'a pas tort de le vouloir, ou  
desirer, comme il a bien tort d'en  
importuner le Medecin ) que com-  
me on rompt vn rayffort, & que  
l'on coupe vn filet, ainsi on tren-  
che le mal: qui est quelque fois au-  
si roide & enraciné qu'un vieux  
chesne,



chesne, lequel resistera à mille coups avant que de tomber. Mais de peu à peu tout se fait, & plus seurement, que par grand violence: comme l'eau, qui est molle, use & rompt la pierre par frequence de gouttes. A ce propos reuiet, ce qu'on dit communement, Heureux le Medecin qui vient à la declination du mal. Car il est impossible, que le patient meure de la maladie qui diminuë, puis qu'il a eu la force de resister à l'effort de la vigueur du mal, comme Galen nous enseigne. Dont ceux qui donnent sus la queue du mal, où il n'y a gueres de resistance, n'ont pas grand besoigne à faire. Et cependant ils acquierēt (mais à mauuais titre) reputation d'auoir sauué la vie au patient, & que les autres Medecins n'y ont rien fait que vaille. C'est pour reuenir tousiours à no-



à nostre proposition, que le vulgair en estime pas beaucoup, si on ne guerit contre son opinion. Car en la vigueur du mal tout est si débordé, par inquietudes, veilles, refueries, soif insatiables, & autres tels accidens, que le vulgaire n'en attend que la mort. Si vn Medecin arriue là dessus, & le malade meurt, les premiers en sont accusez ou soupçonnez. S'il guerit (côme apres vne tintamarre d'accidens, le mal va en declinant, s'il est guerissable) le dernier l'aura sauué. Et voila comment on recõpence d'ingratitude, ceux qui ont eu la plus grand' peine. Dequoy i'excuse encores le peuple ignorãt, nõ pas les Medecins presumtueux & vains, qui arrogamment & impudemment l'attribuẽt l'honneur de la guerison: combien que (s'ils ne sont ignorans & frasqueux) ils  
scãt



*Chap. vingt & quatrieme. 269*  
scachent bien, que cela ne leur appartient pas de droit. Car estans venus sur la fin, ils n'ont fait que voir le fruiet du labeur d'autrui, ou quelque effort inopiné de Nature.

### CHAPITRE XXIIII.

*Des importuns & soupçonneux, qui calomnient les procédures du Medecin. Des outrecuidés & presumptueux, dangereux auprès d'un malade.*

**L**E Medecin n'a faute de besoigne, quand outre le mal qu'il doit combattre, il trouue resistance du costé du malade, des assistâs, ou de ces deux ensemble. Car cōme il combat l'ēnemy, qui se met & propose au deuant, il est assailly ou destourné par derriere, & de toutes pars, de l'importunité de ceux qui interpretent tout en mal,  
&



270 *Des importuns & outrecuidés,*  
& rapportent les accidens, avec la  
longueur de la maladie, aux pro-  
cedures du Medecin. Car s'il ad-  
vient, que les acces de la fièvre  
soyent plus grâds apres la saignée,  
ou la purgation, ils murmurent ou  
reprochent que lesdits remedes en  
sont cause. Ils ne l'aduisét pas, que  
tout mal va en augmentant ius-  
qu'à vn certain estat: apres lequel,  
si le mal est guerissable, il commē-  
ce à decliner: & n'entendent pas,  
que les accès seroyent encor plus  
vehemens, & auroyent plus long  
accroissement, si telles euacuatiōs  
eussent esté obmises. Ils ne s'adui-  
sent pas aussi, que souuēt les maux  
recidiuent par diuerses occasions:  
que quelque fois ils donnent des  
traïues, puis font plus forte guer-  
re quau parauant, selon que les  
humeurs se remuent & rebellent,  
faisans sedition les vns apres les  
autres



autres. Quelquefois il aduiendra par vn mal heureux rencontre, que la medecine sera suyvie d'vn flux de ventre iusqu'es au sang. Ce flux estoit à la porte, & on l'attribuera à la medecine, qui n'en peut mai. Souuent aduient de soy-mesme quelque douleur de teste, vomissement, alteration, trenchees de vètre, inquietude, faute de dormir, & autres fascheux accidens, qui n'estoyent dès le commencement de la maladie: cōme le plus souuent les maux commencent de peu, simples & legiers. Que dirōt ceux à qui tout est suspect, & causent mal les accidens? Cecy est adueni depuis le clystere, ou depuis l'epitheme, l'onctiō, la poul-dre, le potus, & autres remedes qu'on aura employés. Il sera bien ay que c'est depuis, mais non pas que le precedent en soit cause.

Ou.



272 *Des importuns & outreuidés,*  
Ou ie diray semblablement, cela  
est aduenu despuis qu'il a prins du  
bouillon, ou qu'il a dormy, ou par-  
lé à quelqu'un, &c. Donques ces  
choses en sont cause. Il n'y a que le  
Medecin expert, & subtil à l'inue-  
stigation des causes, & diligēt ob-  
seruateur des effects suruenans  
aux maladies, qui puisse vrayemēt  
dire d'où partent ces accidens: &  
si c'est de la nature & essence du  
mal, ou de l'erreur du malade &  
des assistans, ou des choses exter-  
nes. Cependant le Medecin est  
chargé de tout: & si on ne luy en  
fait plainte ou reproche, c'est par  
crainte de l'ennuyer, voyant qu'on  
a besoin de luy. Mais on ne laisse  
pas d'en murmurer, & d'auoir re-  
gret à tout. C'est grandissime pei-  
ne au Medecin, de se voir ordipai-  
rement interroguer & ergotiser  
d'où vient cecy, d'où vient cela? il

né



ne l'auoit pas hier: c'est despuis  
telle chose. Je disois bien, que cela  
luy ameneroit quelque accident:  
& autres tels reproches picquans  
& aigres, tres-difficiles à supporter  
ou dissimuler au Medecin qui a bõ  
cœur, & s'employe si bellement au  
secours du malade: qui a tous ses  
esprits bandés & tendus comme  
les cordes d'une espinette, à inuen-  
ter & accorder les moyens de sur-  
mōter le mal: & ce le plustost que  
luy sera possible, le plus seuremēt,  
& auēc la moindre fascherie que  
faire se pourra. Et qu'est-ce (ie  
vō<sup>r</sup> prie) ainsi l'importuner a tout  
moment, & mettre toutes choses  
en doute & soupçon, sinon que  
par vne opinion de desfiarce, ou  
de sa volōté, ou de sa suffisance,  
luy faire perdre courage, & la har-  
diesse qu'il doit auoir à bien faire  
sa charge, estant fauori & accou-

S                      ragé



274 Des importuns & outrecuidés,  
rage de tous les assistans : lesquels  
ne se doyent estonner d'aucun  
accident, tât que le Medecin plus  
clair-voyât les en asseure. I'accor-  
de bien toutesfois, que luy-mes-  
me y est souuent trompé, comme  
1. Aph 1.  
li. 2. ch. 6. le iugement des maladies est diffi-  
cile & incertain, suyuant la prote-  
station du grand pere Hippocras.  
Car (ainsi que celle a tresbien re-  
monstré) la Medecine est art con-  
iecturel : & la raison de la conie-  
cture est telle, que quand elle aura  
souuent respondu, quelque fois  
nous abuse. Mais si aucunesfois  
& à peine, au millesieme corps  
nous y sommes trompes, cela n'est  
pas notable, veu quelle respond  
bien & rencontre en infinies per-  
sonnes. Ce que ie dis, non seule-  
ment en ce qui est dangereux, ains  
aussi en ce qui est salutaire. Car  
souuent on est frustré de son espe-  
ran-



rance : & tel meurt, duquel le Me-  
decin en premier s'asseuroit : & les  
choses inuētees, à guerir, quelque  
fois font empirer le mal, ce que  
l'imbecillité humaine ne peut es-  
uiter, en si grād diuersité de corps.  
Il y a toutesfois creance à la Me-  
decine, veu qu'elle proffite le plus  
souuant, & à beaucoup plus de  
personnes. Il faut tenir cela pour  
resolu, que tant qu'il plait à Dieu  
(auquel il faut tousiours remettre  
le principal, voire le tout) nous  
preuoyons à peu pres l'aduenir,  
par ce qui est present, & ce qui est  
passé : dequoy nous asseurons, ou  
nous deffions de la guairison des  
malades. Mais il y furiuent des cas  
si inopinés & fortuis, que les plus  
aduisez du monde ne s'en pour-  
royent douter. Et que feriés-  
vous là. Il n'y a personne qui  
puisse respondre, de cent mil-



276 Des importuns & outrecuidez,  
le succez que nous obseruons en  
diuerses maladies. Car nature a  
interieurement des secrets mou-  
uemēs, & quelque fois des etreurs  
de son impuissance: desquels ne se  
presentent à nous aucuns indices  
qu'on puisse remarquer, iusques à  
tant que l'on void le desordre ad-  
uenu, & au descouuert. Lors le  
vulgaire ignorant, & plein de sou-  
pçon, le rapporte à quelque chose  
de celles qui ont esté faictes pour  
le meilleur. Et voila vn blasme au  
medecin. Il le faut bien prendre  
autrement, & iuger sainemēt, que  
nonobstant la procedure, infinis  
accidens peuuent aduenir: & que  
c'est du naturel de la maladie, qui  
continuellemēt fait nouuelles sor-  
ties, & assaut du costé qu'on se  
doute le moins. Quelque fois on  
pense auoir acheué, & c'est à re-  
commencer. La maladie n'est pas

vn



vn ennemy qu'on voye à l'œil, & duquel on puisse comprēdre tous les desseins, pour les rompre ou preuenir. C'est bien beaucoup de reparer tousiours les ruines qu'elle faict, & finalement la contraindre à quitter la place. En ces entrefaictes suruiennēt mille & mille accidens ou inconueniens, qui troublent & peruertissent la curation. Il faut prendre le tout en bōne part, & sans molester les medecins (qui en sont autāt faschez que personne qui soit) estimer, qu'on n'y sçauroit donner autre remede, que celuy qu'on pratique.

Nous auons taxé les importūns & soupçonneux, qui ne cessent de contrerooller les actions des Medecins, & les troubler de mille disputes. A present nous parlerons des outreuidez, temeraires & presomptueux, qui ont opinion



278 Des importuns & outreuidez,  
de ſçauoir quelque choſe au faiſt  
de la Medecine & des maladies,  
ou par obſeruation, ou par vſage:  
& aucuns pour y auoir eſtudié  
quelque peu. Ce ſont perſonnes  
fort dangereuſes, & qui trauaillet  
infiniment vn bon Medecin. Les  
ſimples ignorans & non outreui-  
dez, n'entreprennent que ce qu'on  
leur commande pour le ſeruiſe  
patient, ſans y adiouſter ou dimi-  
nuer, eſmeux d'vne ſage crainte  
de mal faire. Au cōtraire, ceux qui  
cuident ſçauoir, & n'en ont aucun  
fondement, gloſent touſiours ſur  
le *Magnificat*, & n'eſtiment rien  
que ce qu'ils ſ'imaginent, iugeans  
le medecin fort ſuffiſant, ſ'il ſ'ac-  
corde à leur propos, autrement, il  
eſt rheubarbatif, hazardeux, rude,  
& non amy de nature. De telles  
gens parle Terence bien au vray,  
diſant, qu'il n'y a rien plus inique  
ou



ou iniuste, que l'homme ignare: car il n'estime rien bien fait, que ce qu'il fait. Doncques il ne faut aupres des malades, pour les servir, traicter & gouverner, ou aduifer de leur affaire, que les Medecins bien sçauans, & les seruaus ou seruantes qui ne sçachēt rien, sinon executer propremēt ce que leur sera commādē, & qu'ils peuvent comprendre. Car ceux qui sçauent à demy, ou pensent sçauoir sans raison, sont merueilleusement dangereux. Ils ne sont ne chauds, ne froids, ains tiedes: parquoy on les doit vomir, c'est à dire, iecter hors de la chambre des malades. Or i'approuue les ignorans, pour assister aux malades, non pas qu'ils soyent lourdaux & bestials, ains qui entendent seulement le seruice requis: comme de bien faire porages tels qu'ordon-



ne le Medecin, cuire les viandes, façonner le liét, leuer & coucher le malade, vser discrettement de toutes choses ordonnees, comme leur fera dit, mesmes de l'Apoticaire, ensuyuant l'ordonnance du Medecin: Lesquels scachent bien raconter ce qui est passé, ou de iour ou de nuét, obseruans toutes choses fort curieusement. Le trouue bõ aussi, qu'ils proposent quelques doutes au Medecin, comme l'aduertissant de ce qu'il peut moins s'aduiser, n'estât tousiours present & d'ordinaire. Car cela le met en chemin bien souuent, de tenir autre procedure.

CHAP.



## CHAPITRE XXV.

*Que ce n'est le proffit des malades, d'a-  
voir plusieurs Medecins d'un  
ordinaire.*

**L**E vulgaire s'abuse grande-  
ment, en ce qu'il cuide avoir  
plus de secours, tant plus il a des  
Medecins : comme à la guerre, le  
grand nombre de gens, fait plus  
de force. Il est vray, que plusieurs  
de bõ accord, ne font qu'un : mais  
comme il est tres-difficile, de ren-  
contrer personnes qui ayent mes-  
me aduis en toutes particularitez,  
bien souuent la multitude est dô-  
mageable : comme esprouua le  
bon Empereur, qui dit en mou-  
rant, *L'entree de plusieurs medecins  
m'a perdu.* Le trouue fort bon, qu'à  
la moindre difficulté d'importan-  
ce, on appelle en conseil quelque

S 5

nom



nombre de personnes doctes & expertes : mais à executer la resolution, & regir le malade ordinairement, il n'en faut qu'un superintendât à toutes les particularitez, lequel de sa prudence & discretiō adioustee, diminuë, change, aduançe, retarde, dispence, inuëte & ordonne chaque chose par le menu. Autrement, on n'aduançe pas grand' besoigne, l'un se reposant sur l'autre, ou bien cōtredisant de chose qui ne vaudra presque le parler. Cependant mille belles occasions se passent & perdent: de quoy le patient en souffre, lequel s'attend à la discretiō de ses gouverneurs. Un'autre incommodité bien grande est, quand les Medecins ne sont expres chez un malade & d'ordinaire, ains le visitent par ville, c'est qu'estans plusieurs en part, il ne se rencontre pas de pou



pouuoir tousiours y trouuer à  
mesme heure: & si l'un attend l'autre,  
il perd temps, qui fait biē be-  
soin à d'autres malades. S'il ne  
l'attend pas, il n'y aura communi-  
cation avec discours, ainsi que le  
malade ou ses parens desirēt. Ce-  
la est merueilleusemēt incommo-  
de aux patiēs, & mesmes aux Me-  
decins. Dont ie dis volōtiers, que  
qui veut estre mal secouru, ayt  
plusieurs medecines. Voicy com-  
ment il faudroit faire: dès le com-  
mencement en appeller quelque  
nombre, afin de consulter & con-  
clurre ce qui est à faire, pour met-  
tre le malade en bō train de gue-  
rison. Puis retenir celuy de tous  
qui sera plus agreable, auquel  
seul on remette la discretion de  
tout. Et quand il suruient quelque  
accident nouueau, ou que le mal  
est opiniastre, ou qu'il se presente

occa



occasion de penser à autres reme-  
des, r'appeller le conseil, lequel  
sera despuis executé par le mede-  
cin ordinaire.

---

RAMAS DES PROPOS VV L-  
gaires, & Erreurs populaires, avec  
quelques probleſmes, en-  
uoyees de plusieurs à  
M. IOBERT.



Es Barbiers de village  
ne veulent point de che-  
mises de femme, pour  
faire de la charpie, des  
plumaceaux, tentes, compresses  
& bandages: ne aussi du lin, ou e-  
stoupes de lin, à pēser les playes,  
vlcères, contusions, & fractures.  
2. On aduertit ceux qui ont le  
carboucle, de ne passer l'eau, srt.  
pont, ou sur batteau, ne en sorte  
que ce soit.

3. Pour



3. Pourquoy deuient on enroué,  
d'estre veu premierement du  
loup?

4. D'où vient, que si on trempe  
du salé, chair ou poisson, dans  
l'eau de mer, il se dessale mieux &  
plustost, que s'il trempe en eau  
douce?

5. La graisse de poisson offence el-  
le plus l'estomac, que toute autre  
graisse?

6. Le poisson, puisque il est vn  
coup hors de l'eau, il ne la doit  
iamais toucher.

7. Les chiens enragent de ieuf-  
ner.

8. Comment est-ce, que de veil-  
ler on deuient fol, si on y a quelque  
inclination?

9. D'où vient, que tant plus on  
dort, tant plus on veut dormir, &  
au contraire?

10. Apres le boire & le repas, le  
dor



dormir sain ne trouueras.

11. Comment peut-on auoir le foye chaud, & l'estomac froid?

12. Est-il vray, que les couchons & les agneaux, tant plus ieunes font, tant moins bons à manger: & au cōtraire les cheureaux & les veaux?

13. La laine de la brebis, arrachée de la gueulle du Loup, engendre force poux.

14. D'où vient, qu'on a plus de froid, ou de douleur au bout des doigts, que és autres parties?

15. Que la chair de la beste, qui est morte d'un seul coup, est plus tendre qu'autrement.

16. Cōtre ceux qui disent, que les malddes guerissent plustost, si on les laisse viure & faire à leur appetit.

17. D'où vient qu'un corps bien sain, ne peut par son attouchemēt  
guérir



guérir le malade, comme le malade peut infecter celui qui est sain?

18. Pourquoi dit-on que ceux qui sont frais en Esté, sont bien sains: & au contraire, ceux qui sont chauds en hyuer?

19. Faut-il que les maladies facēt leur cours?

40. Pourquoi est plus dangereux, le changement du chaud au froid, que du froid au chaud?

21. Pourquoi n'est-il pas bon, que les petis enfans regardent la clarté fort attentiuement?

22. Pourquoi dit-on, Il iase, il a les pieds chauds?

23. On dit, que la petite oreille est marque de bon esprit, & de malice aussi, sur tout aux femmes.

24. Ceux qui ont la veine du front grosse & apparête, fort aisee à s'élever, sont malicieux.

25. S'il faut boire le plus grād trait.

au



au commencement du repas : & qu'il soit plus ou moins trempé, que les autres d'après.

26. D'où vient que les chappons sont plus & plustost goutteux que les coqs, si la castration est remède à la goutte?

27. Comment peut la paille conserver la neige, & la glace, veu qu'elle fait meurir les fruiets, & le fromage?

28. Que les premiers & derniers froids, sont les plus dangereux,

29. D'où vient, que le Soleil de Mars est plus catarrheux, qu'en autre saison: & qu'on esterneue plus au Soleil, qu'on ne fait auprès du feu?

30. Que le malade doit dormir quand il peult, s'il ne peut dormir autrement à propos.

31. Qu'il faut croire au malade, du dormir, de la soif, & de la douleur.



leur.

32. Est-ce bien dict, ce dont cou-  
uert en hyuer as esté, ne le de-  
spoüille en Esté?

33. Quatre sont les mauuais boc-  
cons, pesches, figues, melons, &  
champignons.

34. Pourquoi dit on, qui a la fieure  
au mois de May, tout l'an demeu-  
re sain & gay?

35. Qui naist le Dimâche, iamais  
ne meurt de peste, quoy qu'il en  
soit attaind.

36. On dit, que la plus part des ge-  
lines, & des lieures, sont ladres.

37. Il est sain comme vn poisson,  
& a l'estomac chaud comme vne  
caille. Il pourroit manger des  
charrettes ferre, que ne luy feroiyét  
point de mal.

38. Si l'haleine du punais peut suf-  
foquer vn enfant dans le ventre  
de la mere, & si la punaisie peut

T

cau-



aufer diuorce en mariage.

39. S'il est possible, que le poil croisse aux personnes mortes, & les ongles aussi.

40. Est-il vray, que l'on croit toujours, tant que on a des recidiues?

41. Male sepmaine, mal an, mal tousiours.

42. Fat vn iour, fat vn an, fat tousiours.

43. Oeuf d'une heure, pain d'un iour, chair d'un an, poisson de dix.

44. Est-il possible de prendre la verolle, pour aller à ses affaires sus la chaire percee d'un verollé, qui n'en fait que partir?

45. S'il est plus sain, de chauffer le linge des malades au feu de sermés & le parfumer de son.

46. Si le persil nuict à la veüe, & si le ius des raisins verds l'esclarcit.

47. Comment on peut estre nour-

ry



ry de clystere.

48. L'hipocras beu au soir cause enrouëure, & quelque fois lasquiance.

49. La Hyacinthe fait resuer plaisamment: & l'Emeraude donnee du mary à la femme, se rompt aussi tost qu'elle rompt son mariage.

50. De nouveau tout est beau, de saison tout est bon.

51. Un mal ne vient iamais seul, & mal sur mal n'est pas santé.

52. Tard medecine est apprestee, à maladie enracinee.

53. D'où vient, que le vin nuict aux parties nerveuses prins par dedās, & leur profite appliqué par dehors?

54. Comment toute beste venimeuse porte son contreuénin: & si la beste morte est mort le venin.

55. Pourquoi dit on, que depuis l'inuention du tondre, & de porter

T 2

des



des mules, les medecins ne vont plus tant sur mules?

56. Dequoy sert prendre de l'acier pour les pales couleurs, & si les poules qui boyuent de l'eau des forges se trouuent sans ratelle: cōme les brebis qui brotent le ramaris pres d'une certaine riuere?

57. Est-il vray, qu'il faut tousiours boire quand on a soif, & manger quand on a faim, & dormir quand on a sommeil: & qu'on ne se doit garder de manger, sinon de charretes ferrees?

58. Pourquoi dit-on, que si l'enfant peut passer neuf iours, il est hors de dāger: & à cela on cognoit qu'il est de terme legitime, & par temps?

59. Y a-il quelques maladies, desquelles passez certains iours, le patient ne peut mourir?

60 Si le porage froid, ou pris apres

le



le repas, engraisse plus qu'autrement.

61. A vn corps bien temperé, l'appetit de mâger, & de dormir, viêt-il toujours à mesme heure: cōme on se resueille volontiers à mesme heure?

62. D'où vient, que quelques vns se leuans fort matin, ont tout le reste du iour mal de teste?

63. Pourquoy apres vn grād exercice, il ne faut boire ne manger incontinent, ny quand il sue?

64. Qu'on attribue souuent la cōualeescence au changemēt de l'air, qui n'est pas moins deuë au changement de l'eau.

65. Pourquoy dit-on, que les cendres sont medecine: & que le pain moisi esclarcit la veuë?

66. Si le manger des aux fait engendrer des enfans massles: & s'ils sont bons à la peste, dont on les

T, nom-



nomme, *la theriaque des rustiques.*

67. Si les fleurs blâches ou rouges des femmes augmentent, quand prennent chemise blanche: & si au cōtraire, en la rogne & en la peste il faut changer souuēt d'habits.

68. Si les fleurs blanches sont contagieuses, de sorte que l'homme en puisse prendre la pisse chaude.

69. Pourquoy enueloppe-on celuy qui est tombé d'en haut, d'une peau de mouton escorché sur le champ: & si la mumie empesche le sang de se cailler en l'estomac: ce qu'on dit aussi de la presure.

70. Pourquoy sont les hōmes plus eschauffez à l'amour durant l'hiver, & les femmes durant l'Esté?

71. Si coucher avec vne vieille, rend vn ieune homme sterile.

72. D'où vient que l'homme s'ennuie tost à la luitte amoureuse, jamais la femme: & qu'un coq suffira



à treize poules, mais vne femme à quatorze hommes?

73. Vne rostie apres le past, ou vne crouste de pain, ou boire vn peu d'eau fraische, sont-ils bons contre le mal de teste?

74. Que la viande bien maschee, est demy digeree.

75. Pourquoy dit-on, ieune bar- bier, & vieil medecin?

76. Beau à vingt ans, fort à trente, sage à quarante, riche à cinquan- te, vieux à soixante.

77. Est-il bon, que les enfans mā- gent beaucoup de pain sans viande?

78. Que l'eau mielee, dite hydro- mel, nourrit autant ou plus que le vin.

79. Que toute nostre vie, n'est qu'une maladie.

80. Que l'acte venerien n'est pas necessaire à la cōseruation de sātē.

81. Que la langue noire au com-

T 4 men-



mencement d'une maladie, n'est pas toujours mauvais signe.

82. Contre ceux qui disent, q' les enfans de 7. mois n'ont point d'ogles.

83. Que l'eau extremement froide, & claire, & pl<sup>o</sup> vicieuse q' louable.

84. Si la gelee est bonne & saine, tant aux sains, qu'aux malades.

85. Apres la figue, vn verre d'eau: apres le melon, vn verre de vin.

86. Vn pan, se garde vn an.

87. Est-il vray, que si la fême conçoit au croissant de la Lune, ce sera vn fils: & si au décroissant vne fille?

88. Qu'il ne faut pas craindre tout ce qui peut aduenir, combien que puisse à tous aduenir, ce qui aduiet à quelqu'un.

89. Est-il vray, qu'il n'y a rien de sain, qui ne soit sain toute l'annee?

90. De ceux qu'on enterre vifs, pensant qu'ils soyent morts.

91. Est-il vray, que la langue du chien



chien soit medecinale, guerissant  
les vlceres ?

92. Catholicon, eau benite de me-  
decine, & de tauerne.

93. Qui retient plus longuement  
son vrine, l'homme ou la femme,  
& pourquoy ?

94. D'où vient, que les dents bas-  
ses croissent plustost aux enfans,  
que celles d'en haut ?

95. Qu'est-ce que, faire aller la me-  
decine à cloche-pied ?

96. Si c'est bien dit, lauer souuant  
les mains, rarement les pieds, & la  
teste iamaïs.

97. En la peste il ne faut pas souf-  
fler sa soupe : & il conuient par-  
ler plus souuent à Dieu, qu'aux  
hommes.

98. Qui n'est pas sain, n'est guie-  
res sage : car le mal cōtraint à beau-  
coup d'imperfections.

99. Pourquoy dit-on, de ceux auf-  
Tels



auxquels le ventre groule, qu'ils ont des grenouilles dedans?

100. Est-il mauvais de se chauffer le ventre apres le repas, cōme si cela pouuoit empescher la digestion.

101. S'il est meilleur d'estudier le soir apres souper, ou le matin: & à quelle sorte de gens.

102. Si vn homme ne veut māger qu'une fois le iour, à quelle heure doit-il prendre son repas?

103. Si boire de l'eau fait bien au foye & aux yeux: & s'il nuict à l'estomac & à l'amarry.

104. Est-il vray, que la fieure quarte s'en va par excez, ou yurongnerie: & qu'elle ne fait iamais sonner campane: & qu'un homme en est plus sain tout le reste de sa vie?

105. D'où vient, que si l'on passe l'heure accoustumee de son repas, on en perd l'appetit?

106. Si de trop boire, on peut pifser le vin: & de trop embrasser, le



sang. 107. Que le vin immodéré accourtit la vie, comme la chaux mise au pied d'un arbre.

108. Si la lumière de l'huile est meilleure pour l'estude, que celle de la chandelle.

109. S'il est bon à un rogneux de se lever matin, pour s'aller promener.

110. Si en temps de pluye il faut peu manger, peu boire, & faire grand exercice dans la maison.

111. Est-il vray que ceux qui ne mangent beaucoup, ne sont pas robustes au travail?

112. Si le pain de froment opile, le pain de seigle lasche, & guerit les hemorrhoides: celui d'avoine ou de mil, constipe: & le pain de maison est plus sain, que celui du fournier: & si un peu de son parmi le pain, lasche le ventre.

113. Ceux qui ont les poulmōs, ou le foye gastez, aiment fort le vin



pur: & d'où vient que quelques vns pissent au liect, s'ils mettent de l'eau en leur vin?

114. D'où vient, que le vin mufquat enyure plustost, & plus longuement, si on y met de l'eau?

115. Est-il bon, de boire dès l'entree de table vn trait de vin pur, avant māger, pour auoir le vêtre lasche?

116. Pourquoi est-ce, que plus de gens meurent la nuict que le iour?

117. D'où vient, que le serain de la Lune est plus catarrheux, que celui du Soleil: & que le matin est plus frais que la nuict, encor qu'elle soit plus esloignée du Soleil?

118. Pourquoi dit-on la goutte & la maladie des riches, & la rongne des gueux: & neātmoins qu'il n'appartiēt pas aux belistres, d'auoir si grand plaisir qu'on a de se gratter?

119. Pourquoi sont les ladres plus paillards que sains, & moins sujets aux poux, aux fieures, à la



peste, & autre contagion?

120. Si ceux qu'on appelle en Gascogne Capots sont vrayement ladres: & quelle est leur originē.

121. Si quelqu'un peut estre ladre, sans en auoir les marques au visage, où l'on constitue les signes vniuocques.

122. Pourquoi la grosse verolle va en declinant, & maintenāt se guerit mieux que du commencement?

123. D'où vient que les goutteux, verollez, & ceux qui ont eu quelque os rompu, sentent le changement de temps?

124. D'où vient, qu'és lieux où croissent les bons vins, il s'y en boit moins qu'ailleurs?

125. Pourquoi dit-on, l'Espagnol mange, l'Allemand boit, & le François s'accommode à tout: & on le nomme le singe des nations

126. Que le dormir sur le calhé est poi-



poison, & sur l'yurōgnerie & médecine: mesmement si l'yurongne a vommy, ou si on luy a ietté vn leau d'eau aux parties honteuses.

127. Est-il au pouuoir d'une femme, d'estre malade & guerrie quād elle veut, suyuant les vieux dicōs?

128. Pourquoi dit-on, aux & oignons pour les Gascons, tripes & boudins pour les Limosins? Et qu'un Limosin est grād mägeur de pain, vn Bourdelois de chair, l'Espagnol de salade, l'Italiē de sauses, & vn Seuenaut de chastagues.

129. D'où vient cela, qu'il y a tant de gouteux à Bordeaux, tāt de bernieux à Montpellier, de goitreux en Saouye, de fous en Bearn, de fats aux environs de Montpellier, (où ils les appellēt hauchs) d'epileptiques en Toscane, mesmēt à Florēce, d'escrouëlleux en Espagne, phthisiques en Portugal, &

tant



tant de ladres en Limosin?

130. D'où vient que de tenir la teste trop couuerte, fait venir le poil chenu: & si le froid de la reste nuit à la memoire?

131. Est-il vray que le frequent conioinct, & l'usage des medemens, auieillit les personnes?

132. Comment est bonne contre le rheume, l'vrine des petisenfans?

133. Se peut-il engendre vn venin dans nostre corps: & si l'Incube est quelque esprit?

134. Ceux qu'on saigne vne fois l'an pour precaution, faut il qu'ils continuent cela toutes les annees, à peine de s'en trouuer mal?

135. Est-il bon à gens gras, replets, & endormis de se courroucer fort souuent. & aux impudens d'estre contristez: & si l'accointance des femmes & vtile aux melācoliques?

136. D'où vient qu'une maladie contagieuse se prend plustost d'un



vieux à vn ieune, qu'au contraire?

137. Vaut-il mieux laisser viure vn homme suyuant sa coustume, encor qu'elle soit mauuaise, que la changer tout à coup?

138. Est-il vray que les eaux des puits sont plus chaudes en hyuer, & froides en Esté: ou si elles le semblent estre tant seulement?

139. Est-il bõ de laisser aller les enfans teste nuë: & si on faisoit bien iadis en Angleterre, qu'on les plõgeat dans l'eau glacee?

140. Est-il vray que ce qui plaist à la bouche, est bon à l'estomac?

141. D'où vient, que les femmes parlent plus que les hommes, & sont communement plus belles?

142. Est-il vray que les femme sont moins ingenieuses, & moins vitales que les hõmes, plus auare & testoes?

143. Est-ce biẽ dit, aïsse de perdrix



cuisse de chappon, queue de poisson, teste de saumon?

144. Pourquoi disoit vn grand Medecin, que les perdris engendrent des pous?

145. Que la chair aupres les os, est la meilleure: & le roty est communement plus dur que le bouly.

146. Que le sucre aux enfans garde d'engendrer vers: mais s'ils sont engendrez, il les esmeut.

147. Iamais sucre ne gasta sauce.

148. Pourquoi craind-on, que de trop crier les enfans se creuent, mesmement s'ils sont males?

149. Si c'est bon signe, que l'enfant tette bien, quand il pisse beaucoup.

150. Est il vray, que les sages femmes puissent faconner les membres des enfans, quand ils naissent:



& les rēdre stupides, en leur pressant la crane : ou les faire souuent choir en syncope & vomissemēt, en leur comprimant la bouche de l'estomach?

151. Est-il vray, que les abillemēs qui pressent, empeschent les enfans de croistre : & qu'à ceux qui baissent fort la teste , il faut bien enfōcer le chappeau sur les yeux, pour accoustumer de la hausser?

152. Est-il vray, que la chair froide met en appetit : & le potage chaud au commencement du repas le diminuē? Que le vin pur espargne de manger : & l'eau au contraire, rend les gens affamez.

153. Pourquoi dit-on, il a vn Almanach en la teste, de celuy qui sent le changement des temps?

144. Est-il vray, que de serrer fort les iarretieres le sang monte au visage, & qu'on en deuient rouge?

155. Que



155. Que les phlegmatiques vivent long-temps, mais ils sont subjects à maintes maladies: & au contraire, les bilieux.

156. Faut-il manger pour entree de table les viandes plus faciles à digerer, excepté quand l'estomach est bilieux?

157. Est-il vray, qu'un homme bilieux sera plustost empoisonné, qu'un autre?

158. D'où vient, que les enfans de huit mois ne vivent point.

159. D'où vient, qu'un homme en sa cholere, ou estant en frenesie, est plus robuste qu'estant appaisé, & en bonsens?

160. Pourquoi dit-on, vin de pourceau, vin de lyon, & vin de singe?

161. Le poisson est-il meilleur cuit au beurre, ou à l'huile?

162. Pourquoi se couure-on tant

V 2 en



en dormant? & pourquoy dit-on, robe de velours, ventre de bureau?

163. Pourquoy ayme-on changer de viande, & du pain on ne s'en faiche point?

164. Pourquoy dit-on, pain changé, & vin accoustumé?

165. Pourquoy dit-on, pain d'un jour, vin d'un an, & farine d'un mois?

166. D'où vient, que le coin pris au commencement de table, serre & pris à la fin, lasche le ventre?

167. Pourquoy dit-on, entre deux petits un glorieux, & entre deux grands un lourdaut?

168. Pourquoy dit-on, que ceux qui m'agēt debout, ou en se pourmenant, mangent d'avantage: & si la coustume des anciens estoit louable, qui mangeoyēt sur le liect, ou à terre?

169.



169. Comment est ce, que la graine de laitue prise dans vn œuf durant trois matins, fait auoir du lait en abondance?

170. D'où vient, que la rechute est plus d'agereuse que la premiere maladie?

171. D'où viēt qu'aux fieures tierces, le ventre est coustumieremēt constipé?

172. D'où vient que le premier & le dernier âge, sont plus subiects à maladies que les âges moyens?

173. Pourquoy les oyseaux boyuent tant peu, & loup mange tant.

174. Pourquoy tous les enfans naissent la teste grosse, & cadmus.

175. Pourquoy ceux qui vont fort serrez de ceinture, sont plus enclins à paillardise.

176. Si les os sont insensibles, d'où vient que les dents sentent si

V 3 grand



grand douleur?

177. D'où vient que les animaux procreez de diverse espece, cōme la mule, sont steriles?

178. Dequoy peuvent servir les frondeaux au mal de teste?

179. Pourquoi les masses croissēt phistost dans la matrice, & les femelles hors de là.

180. Pourquoi tout animal fuit le coit en sa grossesse, & en certain temps, fors que la femme.

181. Pourquoi n'est-il bō de parler beaucoup en mangeant?

182. Comment sert la panade au flux de ventre.

183. L'homme est-il inferieur aux bestes, de ce qu'il ne fait naturellement aucun remede à ses maux, comme sçauent les autres animaux?

184. D'où vient, qu'on appelle le vin doux, vin de commeres?

185.



185. Pourquoy dit-on, desieuner de clerks, disner d'Aduocats, gouter de cōmeres, soupper de marchands, & reueillon de nourrices?

186. Pourquoy dit-on, que le melancholique mäge, le bilieux boit, & le pituiteux dort?

187. D'où vient, que les enfans mangent beaucoup, boient peu, & ne cessent de trotter?

188. D'où vient, qu'ayant beu du vin, soudain on le sent à la playe, ou à la gousse, combien qu'il soit encor dans l'estomach?

189. Que ce n'est pas grand merueille de voir que l'Autruche digere le fer, veu que les poulles n'en font pas moins.

190. Que le rire, & estre ioyeux, empesche de deuenir vieux.

191. D'où vient, que les dents font mal, si on fait grincer avec vn cousteau, yne assiette, ou autre chose?



192. D'où viēt, que de se baigner aux riuieres, on deuient affamé?

193. Pourquoy dit-on de celuy à qui put les pieds, qu'il est bien sain?

194. Pourquoy ceux qui ont grād foye mangent beaucoup, & ceux qui ont le cœur grand sont timides, & ont le poux petit?

195. Boire de l'eau quand on se va coucher fait-il dormir?

196. Pourquoy sont les veufues & les nonnains plus subiectes à suffocation de matrice, que les mariées: & sert il de flairer les mauuaises senteurs, pour reuenir de ce mal?

197. D'où viēt que les enfans sont plus subiects à la rogne, aux vers, & à l'epilepsie: les ieunes aux fieures & hemorrhagies, les vieux à la toux & à la goulte: les femmes à mal d'estomach & de teste?

198.



198. Est-il vray, que ceux qui se mouschēt fort sont plus sains, que ceux qui crachent beaucoup?

199. Est-il vray, que la meilleure chair est pres des os, & du poisson la queue, de la perdrie l'aïlle, & du chapon la cuisse, de la becaffe la merde?

200. Cuisses sont bonnes, quand aïlles sont mangees.

201. Les gemeaux se font-ils d'un mesme coït, ou de diuers (suyuant Hippocras) par superfection: & si vn enfant peut estre de cinq mois, cōme le grain iecté en terre croit plustost l'un que l'autre?

202. En temps de peste, vaut-il mieux qu'il vente, que s'il fait calme?

203. Pourquoi est tant mauuais le dormir sur iour, ou au serain, ou incontinent apres le repas?

204. Pourquoi les gens gras, &

V 5 les



les maigres, sentent plus au bouquin, que les autres?

205. D'où viét, que ceux qui boient de l'eau, & ceux qui veillent ou trauaillent, māgent plus : ceux qui boient beaucoup de vin, ne mangent guieres?

206. Pourquoy se passera on plustost de manger, que de boire?

207. Pourquoy dit-on, de la panse vient la dance?

208. Le Medecin peut ilguerir les passions de l'esprit, veu qu'il est seulement pour le corps?

209. D'où viét, que quelques vns en dormant parlent & cheminēt : & pourquoy s'effrayent souuent les enfans en dormant?

210. Pourquoy dit-on, de celuy qui est magnanime & genereux, il a grand cœur : veu que ceux qui ont le cœur petit, sont les plus hardis?

211.



211. Pourquoi dit-on à quelques vns, qu'ils ont les yeux plus grâds que le ventre?

212. Pourquoi dit-on, les poires sôt pierres, la nois gaste la voix, le vin fait sang, l'eau amaigrit, contentemēt engraisse, & le sommeil nourrit?

213. Ne faut-il point guerir la rōgne, qui vient à la teste des enfans?

214. S'il faut laisser faire son cours au heume.

215. Est-il vray, que les femmes pâles sont plus affectionnées au coit, que les rouges, & les maigres que les grasses : & que les petites sont plus fecondes que les grandes, les maigres que les grasses?

216. D'où vient ce qu'on dit Parisien foireux, Champenois peteux, fille pisseuse, vieux chassieux, enfant breneux?

217. Pourquoi sont tant difficiles les



les gens vieux, & ne louënt que le temps passé?

218. D'où vient, que les poissons commencent à se corrompre par la teste, & les autres animaux par le ventre.

219. Faut-il manger beaucoup au temps de peste, ou faut il s'extenuër.

220. Pourquoi vne mie de pain mise dans le laiët, le fait deuenir aygre.

221. S'il est vray, qu'un des vers qui luisent de nuict en esté, empesche le laiët de se cailler, s'il est dans la maison.

222. Est-il vray, que l'homme boit plus que tout autre animal, & que sa fiente est la plus puante, pour la diuersité de ses viandes?

223. Est-il vray, que les animaux qui mangent de la chair de leur espeece, deuiennent ladres: & qu'il  
en



en aduiedroit de mesme à l'homme?

224. Pour ne sentir tant de faim, est-il bon d'estre ceint estroietement: & pour estancher la soif, de macher du papier?

225. Pourquoi dit-on, qu'en tēps de guerre il ne faut manger, ne semer, de la mente?

226. Pourquoi parlent les oyseaux, plustost que les autres bestes?

227. Pourquoi la bise est contraire à la poitrine, & le vent austral au cerueau.

228. Pourquoi le vin nouveau enyure tant, & comment la fumee peut suffoquer vne personne, tandis qu'il bouil.

229. Est-il vray, que l'huile est meilleur au commencement, le vin au millieu, & le miel à la fin?

230. Est-il meilleur signe aux fieures,



ures, que les vers sortent vifs, que mors?

231. Pourquoi l'homme est plus subiect aux maladies, que les autres animaux: & qu'il vit moins que le courbeau, la corneille, le cerf, &c.

232. D'où vient, que les bestes sentent plustost le changement du temps, que les hommes: & les plantes, que les bestes?

233. Pourquoi est-ce, que l'urine tant plus elle est retenue, plus elle put: & au contraire de la fiante?

234. D'où vient, que les ladres ne sont point tant subiects à fièvre, ne prennent si tost la peste, & n'ont point tant de poux que les autres?

235. Les autres animaux songent-ils comme l'homme?

236. Les songes viennent-ils, de ce que nous auons autresfois veu & ouy, ou de ce que nous desirons.



ou de la condition de noz humeurs, ou par diuine inspiration?

237. Est il vray, que le vin pur altere d'auantage?

238. Pourquoy ceux qui sont mutiliez de quelque membre, deuiennent plus gras au reste du corps.

239. Vaut il mieux manger peu, & souuent, quautrement?

240. Est-il meilleur de boire peu, & souuent, comme font les Allemans, ou à grans traicts comme font les François? & vaut-il mieux tremper le vin, ou boire le vin à part, & l'eau apres, à la mode des Grecs?

241. Le feu, l'amour, & la toux, se cognoissent par dessus tous.

242. Pourquoy dit-on, qui me veut mal, me fait blanchir & qui me veut bien, me fait rougir?

243. Est-ce biē dit, vestez chaudement, mangez escharsement?

Que



244. Que le sepulchre, la vulue, la terre seiche, la mer, & le feu, ne disent iamais c'est assez?

245. Que veut dire, pour vn plaisir mille douleurs? & si la consolation des mal-heureux est, d'auoir compagnie?

246. Pourquoi dit-on, menteur comme vn arracheur des dents?

247. Pourquoi dit-on, au confesseur, au Medecin, & à l'Aduocat, il ne faut rien celer?

248. Pourquoi dit-on, sain comme vn poisson?

246. Pourquoi est-ce que les enfans, les vieillards, & les malades, ne peuvent eugendrer?

250. Est-il vray, que l'homme soit vn petit monde & que toutes les bestes son en luy, quât à la forme, & aux meurs, ainsi que monstre la physionomie?

251. Est-il vray, que les hommes  
ensuy



ensuyuent le naturel des cheuaux  
de leur pays?

252. Pourquoi dit-on, q̄ force en-  
fâs est la richesse des pauvres gēs?

253. Pourquoi les femmes sont  
plus grosses de la ceincture en bas  
& les hommes de la ceincture en  
haut: & presque toutes les fēmes  
sont sans iaretieres?

254. D'où viēt, q̄ de retenir le sou-  
fle on oit mieux, & que de fermer  
vn œil, on void mieux de l'autre?

255. Est-il vray, que le vin trempé  
cause vomissement?

256. D'où viēt, que les masles sont  
plus grāds que les femelles, & ont  
plus grand voix, fors que la vache?

257. Que les bestes ne perdēt leur  
semence en dormant.

258. Que les gemeaux commune-  
ment ne sont point tant fors que  
les autres.

259. Pourquoi est-ce, q̄ les vieil-  
les

X

les



les gens vou ſas regarder quelque  
choſe, l'eſloignent de leurs yeux?

250. Pourquoi dit-on, femme  
barbuë de loin la ſaluë, avec trois  
pierres à la main?

261. D'où vient, que l'amour rend  
vn couïard hardy, vn melancholi-  
que ioyeux, vn lourdaut bië diſant?

262. Pourquoi eſt ce, que le vin  
blanc faiſt piſſer, plus que l'autre?

263. Pourquoi eſt-ce, qu'apres a-  
uoir mangé de la ſalade, ou du  
fruiſt mol, on trouue le vin de  
mauuais gouſt?

264. Eſt il vray, que ceux qui ay-  
ment fort le vinaigre, & le ſel, ſont  
mal ſains, & ont le foye brulé?

265. Eſt-il vray, que pour auoir  
mâgé des pigeons ont parle gros?

266. Pourquoi dit-on, qui parle  
du loup il en voit la queue?

267. Si le boire auant manger, eſt  
fort mal ſain.

Qu'il



268. Qu'il n'y a plus beau fard,  
que l'embon point.

269. Que le vinaigre est la mort  
de la cholere, & la vie de la melan-  
cholie.

270. Que l'eau d'un puis souvent  
tirée, devient meilleure.

271. D'où vient, que le plus sou-  
uent les bastards sont de meilleur  
esprit, que les legitimes: & m plus  
fors, plus meschans, & gauchiers  
pour la plus part?

272. Pourquoi dit on, que les fē-  
mes ont visage d'Ange, teste de  
diable, & œil de basilic?

273. La nourriture trop delicate,  
corrompt elle le bon esprit?

274. Le sang de taureau est-il veni-  
meux?

275. Que la seule odeur d'une Me-  
decine peut purger suffisamment.

276. D'où viēt, que les enfans ap-  
prennent bien tost par cœur, mais



ne retiennent pas longuement: & les vieux au contraire?

277. Pourquoi est-ce, que les enfans aiment fort les lardons, & ne font pas les vieux?

278. D'où vient, que ceux qui ont bon iugement, n'ont pas grande memoire: & au contraire?

279. Est-il vray, que la morsure de tous animaux, voire de l'homme, est venimeuse: & pourquoy celuy qui est mordu du chien enragé, semble voir le chien dans l'eau?

280. Dequoy sert de mettre du beurre à la semelle du pié des enfans, avec des estoupes contre le rheume: & de leur mettre des patenostres de corail au bras & au col, encontre le venin?

281. Comment l'Aconite chasse le venin hors du corps: mais s'il n'y en a point, il empoisonne.

282. Pourquoi oit-on mieux la nuit, que le iour? Pour



283. Pourquoi les animaux de mer sont pl<sup>s</sup> sains, q̄ ceux de terre.

284. Que les animaux sont tous Medecins.

285. Que veut dire, le ventre n'a point d'oreilles?

286. Est-il vray, qu'il ne faut point mettre de sel au potage des malades, s'ils ont fièvre: ny des herbes, s'ils ont flux de ventre: & s'il est permis d'y mesler vn peu de lard, ou de bœuf, pour oster la saueur?

287. D'où viēt, que les bestes chassrees ont la chair plus tendre & sauoureuse?

288. Pourquoi les femmes sont plus choleres que les hommes: & les malades que les sains.

289. D'où vient, que la ciguë ne peut faire mal, si on boit du vin apres: & si on la mesle avec du vin, elle est plus venimeuse?

290. D'où vien que les corps tuez

X ; de



de la foudre se gardēt long temps  
sans corrompre?

191. Pourquoi change on de cou-  
leur, plustost au visage, qu'aux au-  
tres parties?

192. Se faut-il contraindre de ma-  
ger, si on n'a point de faim?

193. Pourquoi les femmes s'en-  
yurent malaysément, & les vieil-  
lards facilement.

194. Si les raisins sont meilleurs,  
apres avoir esté pendus, que frais.

195. D où vient, que quelques vns  
ne vont à selle, qu'apres le repas?

196. Qui est plus necessaire pour  
la vie humaine le feu ou l'eau?

197. Pourquoi est meilleure l'eau  
des fontaines, qui regardent le le-  
uant?

198. Comment l'urine des chau-  
ve-souris, & la fiente des Arôdel-  
les, peuvent faire perdre la veuë.

199. Si les fructs nouveaux sont  
res



refner, & les febues auffi.

300. Comment les habillemens refroidiffent en esté, & eschauffent en hyuer? Et comment le soufflé refroidit, & eschauffe de mesme?

301. Si vn homme sain a besoin de Medecin.

302. Pourquoy mange-on plus en Automne qu'en autre saison?

303. D'où vient, que ceux qui nauigent vomissent?

304. Comment l'odeur des roses peut oster le mal de teste: & la senteur des fleurs garde d'enyurer.

305. Apres le repas, qui est le meilleur, ls pourmener, ou reposer?

306. L'enfant respire-il dâs le ventre de sa mere?

307. Est-il vray, que la tristesse empesche les femmes de conceuoir?

308. Est-il pl<sup>s</sup> sain, d'habiter hors la ville, que dedans?

309. Si le vin doit estre chassé par



le vin.

310. Est-ce bien dit, viure faut selon raison, non selon l'appetit?

311. Pourquoy se lasse-on plus, en cheminant par vn lieu plain & droit, que s'il est inegal?

312. D'où vient, que les bestes ne sont subiectes qu'à certaines maladies ( comme le chien à la rage, la brebis à la rongne, le pourceau à la lepre) & que l'homme est subiect à mille sortes de maux?

313. Pourquoy est-ce, que les femmes craignent tant l'eau froide au visage?

314. Est-il possible, de rendre par le bas quelque chose à l'instant qu'on l'a prise, & de pisser à mesure qu'on boit?

315. Quand on s'est brulé, il est bõ d'aprocher du feu la partie brulee?

316. Pourquoy est-ce, que l'eau du puits dõne la colique, plustost que celle



celle de fontaine?

117. Pourquoy l'homme a il plus de ceruelle que tout autre animal?

318. Est il vray, que la femme est en plus grād dāger, quād elle a auorté, que quand elle a porté à tēps?

319. Pourquoy dit-on, il est alteré comm'vn trespaslé, & il boit comme vn templier?

320. D'où vient, que les chiēs ont tousiours le nez froid?

321. Est-il vray que de manger des croutes de pain, & des nerfs ou parties nerueuses, on deuient fort?

322. Est-il vray, que vin faiēt le bon sang, & le bon sang faiēt le bon entendement?

323. Pourquoy dit-on, viande bien departie ne fit iamais mal?

324. Pourquoy dit-on, les febues sont en fleur, il doit auoir belle peur?

325. D'où vient ce qu'on dit, il ia-

X 5 se



se, il a les pieds chauds?

229. Est-il vray, que les chastaignes cruës engendrent des poux?

327. Pourquoy dit-on, iamaïs on ne mange fourmage, que l'on n'y ayt honte, ou dommage?

328. Pourquoy dit-on, Medecin d'eau douce?

329. S'il est bon de dormir sur le lait, l'orge modé, bouillon, consumé ou preparatif, & autres choses que l'on prend au matin.

330. Est-ce bien dit, plus rheubarbe, & moins de regime?

331. Pourquoy dit-on, que la merde soustient?

332. Pourquoy dit-on, de ceux qui ont les yeux verts, que toutes bonnes choses leur sont contraires?

333. Est-il plus sain de se lever matin, que de dormir la grasse matinee?

A T R E S





A TRES-VERTVEUX  
ET VENERABLE SEI-  
GNEUR, M. Estienne de Rate,  
Conseiller du Roy, & General en  
la souveraine Cour des aydes à  
Montpellier, Jean Imbert compa-  
gnon Apoticaire, S.



MONSIEUR, j'ay fait  
comme le Singe du Me-  
decin de Montpellier, du-  
quel M. Ioubert fait le  
côte en son traicté du Ris. Ce fin-  
ge voyant que tous les seruiteurs  
du Medecin, estant à l'article de  
la mort, desroboyent l'argent &  
autres meubles, il se va saisir du  
chapperon doctoral. Ainsi quand  
j'ay veu q M. Cabrol d'yn costé,

Liv. 3.  
chap. 14.

&



& Beauchastel de l'autre, faisoient  
 imprimer quelques chapitres &  
 roolles des Erreurs populaires du-  
 dit S. I O V B E R T, à la desrobbee  
 (comme ils cōfessent eux mesmes  
 libremēt) i'ay pensé d'en faire au-  
 tant de quelques petits cayers que  
 i'ay peu crocheter, cōcernants les  
 remedes translatez ou metapho-  
 riques, & ceux qu'il nōme extra-  
 uagans. Desquels i'auois tousiours  
 esté fort curieux, & il m'auoit fait  
 cet honneur de les me communi-  
 quer autrefois. I'ay trouué parmy  
 cela vne liasse de certaines Phrases  
 & locutions vulgaires, touchant  
 les maladies, & autres propos de  
 la Medecine : où il recherche les  
 sources de ces termes. Item, quel-  
 ques propos fabuleux, desquels le  
 peuple est en erreur. Je mets tout  
 en lumiere, sçachant qu'autāt crie  
 mal batu que bien batu. Aussi tost  
 aura



aura-il pardonné à trois qu'à deux.  
 Nous passerons tous sous vne  
 mesme grace. Pour mon regard, ie  
 n'en fais aucune doubte, scachant  
 le credit que vous auez enuers M.  
 IOBERT, vostre singulier amy,  
 & affectionné seruiteur: comme il  
 se dit par tout, & en public & en  
 priué. Doncques ie vous donne &  
 dedie ma part du butin: vous sup-  
 pliant, Mōsieur, l'accepter de bon  
 cœur, & de croire que ie pèse m'e-  
 stre adressé à celuy, qui me pour-  
 ra bien remettre en bonne grace,  
 si besoin est: me recommandant  
 treshumblement à la vostre.

De Paris, ce 20. de Feurier. 1579.

EXPLICATION DE QUEL-  
 ques Phrases & mots vulgaires, touchant  
 les maladies principalement,

*Fleurs, Flux, Flux menstrual,*

*Mois, Menstrues, Perdement,*

*Rhodaï, Chemise, Dois auoir,*

**SON**



Son cas, Malade, Male semaine, - STUS

Temps, Cardinal, Marquis.

Fleurs.

**L**es Fleurs d'une femme, sont dictes à la similitude des plantes qui fleurissent communément, avant que produire leur fruit. Car les femmes qui sont pour avoir fruit (ainsi appellons nous vulgairement l'enfant, qui est dans la matrice, cōme d'une grosse) doivent tant abōder en sang, qu'il verse par fois, tesmoignant qu'un autre corps en pourroit bien estre nourry. Quand on voit ce flux, on dict que la femme a ses fleurs, & elle promet fruit, si elle vient à la conionction. Et au contraire on dict, de celles qui n'ont ce perdemēt (& par consequent sont steriles) *qui non flouit, non grane.* Car aussi les plantes qui ne fleurissent jamais, comme la feugiere, & les herbes capillaires, jamais ne portent



tent graine ou semence: dont elles  
sont nommees des Grecs *Agones*.

Peut-estre aussi qu'on dict fleurs,  
d'un mot corrompu pour dire *Flus*. *Flus.*

Car le sang fluë & se verse en de-  
hors. Mais aussi on dit, le *flus* de  
la femme, & le *Flus menstrual*: par *Flus me-  
strual.*

ce qu'il fluë tous les mois, si la  
femme est bien disposée, Par mes-  
me raison on l'appelle aussi absol-  
ument, les *Mois* de la femme, ou *Mois.*

les *Menstrues*, en suppleât ce mot,  
des purgatiōs. Il y en a qui appel-  
lent cela *Perdement*, d'autant que *Perdement.*

c'est vn sang qui se perd, & ne  
profite à rien. La populasse de

Languedoc dict en jaserie, *Elle*  
*est de Rhodais* (qui est la principa- *Rhodais.*

le ville du pais de Rouërgue) pour  
signifier, que la femme a ce per-  
dement. Et ie pense, que c'est vn  
mot retenu du Grec, *Rhein*, qui  
veut dire fluër. Duquel aussi la  
rose



rose est dicte *Rhodon*, à cause de la grand odeur qui en defluë & sort.

Ou parauenture on dit, estre de *Rhodais*, parce que le terroir d'alentour de ladicte ville est communement rouge. On dit plus

*Chemise.* honnestement, ell' a sa *Chemise*,

*Doit a-* en suppleant ces mots, *tachee de*  
*noir.* *sang*. Item, elle a ce que *Doit auoir*

yne femme. Car cela est naturel à

la femme, & ne se peut bien por-

ter, ne porter des enfans, qu'elle

n'ait ceste purgation naturelle &

spontanee. Les autres disent,

*Son cas* auoir *Son cas*. D'autres disent, elle  
*Malade.* est *Malade* :

combien que ce flux

ordinaire, quand il est moderé, ne

soit au nombre des maladies, non

pas mesmes des affections contre

nature : mais parce que les fem-

mes se sentent plus faschees du-

rant ceste purgation, que deuant



ou apres, elles se disent honnestement (pour couvrir ceste infirmité, ou necessité naturelle) estre malades. Pour cela mesme on dit, auoir sa *Male sepmaine*: d'autant *Male sepmaine.* que cela va par sepmaines, comme la Lune: & à plusieurs femmes telle purgation ne demeure guieres moins d'une sepmaine. A cela mesme reuient ce qu'on dit, elle a son *Temps*: comme si on disoit, Elle *Temps.* est au terme de sa purgation. Les autres disent, auoir son *Cardinal*, *Cardinal.* pour la couleur rouge: & les autres son *Marquis*, d'autant que cela *Marquis.* marque les chemises & linceuls.

*Auorter, Affouler, Bleffer, Dessarrier, Gaster.*

**A***uorter*, est du mot latin *Abor-* *Auorter.*  
*tus*, qui signifie preuenir la naissance, ou maturité limitee de  
Y *Natu-*



Nature: ou priuer l'enfant de son  
*Ortus*, & legitime naissance. No-  
 stre vulgaire dit, *Fouler*, & *Affouler*,  
 le mal qui est de contusion: cōme  
 par cheute, coup de bastō, de pier-  
 re, ou autre coup orbe. Et d'autant  
 que telle est la plus cōmune cause

*Affouler.* de l'aduortissement, on dit *s'affou-*  
*ler*, pour aduorter. De mesme est

*Blessier.* ce qu'on dit en France, *Blessier*: car  
 il semble qu'une femme est bles-  
 see & nauree, quand aduortée: d'au-  
 tant qu'elle a beaucoup de mal, &  
 perd beaucoup de sang, par vn  
 moyen contre nature. En autres

*Dessarrier* país on dit, *Dessarrier*, quasi dissar-  
 rer le ventre, qui estoit serré, clos  
 & tendu: maintenant il lasche &  
 se desbande mal à propos. Les au-  
*Gaster.* tres disent *gaster*, comme de toute  
 autre chose qui ne vient à aucun  
 proffit.

*Desuer*



*Desuerdiar, Desantourat, Desou-  
rat, Desflorer.*

**O**N dit cela des plâtes, & me-  
taphoriquement des filles  
qu'on depucelle trop ieunes. Aux  
plantes *Desuerdiar*, & quand on <sup>*Desuer-*</sup>  
cueil leurs fleurs ou fruiçts mal à <sup>*diar.*</sup>  
propos: ou quand on les contraint  
par fumier, chauds, ou eau chau-  
de, de porter auant leur saison. Dõt  
elles acheuent bien tost leur vie, &  
ne gardent longuement leur ver-  
deur, vigueur, & gaillardise. Cela  
est proprement *desuerdiar*: comme  
on diroit, *Desuerdir*, ou priuer de  
sa verdure. Semblablement *De-* <sup>*Desanto-*</sup>  
*santorat*, est dict d'un mot grec, <sup>*rat.*</sup>  
*Anthos*, qui signifie fleur: comme  
si on vouloit dire, *Desanthorat*, pri-  
ué de sa fleur, & tel qui ne portera  
point de fruiçt. Ainsi on dit *Des-* <sup>*Desflorer.*</sup>

Y 2 *florer*



*florer* une fille : c'est luy oster son pucelage, & sur tout quand l'aage n'y est competant. Dont elle n'est depuis si vtile en mariage: cōme i'ay remonstrie à la fin du second chapitre du secōd liure des Erreurs populaires. Ainsi les fruiets cueillis avant leur maturité, ne sont de si longue duree, & se flettrissent plus que les autres. Quelques vns *Desfourat*. appellent cela *Desfourat*, qui est comme preuenir *L'ouure*: c'est à dire, cueillir avant heure,

*Retalbat.*

*Retalbat*. C'EST vn Iuif, ou vn Turc, qui a quitté sa religion: que les siens nomment depuis *Retalbat*, comme nous disons *Reuolté*: mais c'est en autre sens, & pour autre occasion. Sçauoir est, que le Iuif & le Turc, ayant esté circoncis, quit-  
tant



tant despuis ce party-là, & desirāt  
n'en auoir plus la marque, il se fait  
recourir la teste du membre viril.  
C'est vne chirurgie enseignee de  
Paul Aeginete, & autres bons au-  
theurs Grecs & Arabes, pour con-  
trefaire vn prepuce. Il faut inciser  
la peau du membre viril, contre sa  
racine, tout à l'entour. Quand elle  
a ainsi perdu sa continuité, on la  
tire de peu à peu en bas (comme  
on despoüille vn baston de saule,  
pour faire vne trompe) iusques à  
tant que la teste en est couuerte.  
Puis vers la racine, là où manque  
autant de peau, on fait vne cicatri-  
ce qui tient sa place. Voila com-  
ment il est *Retalhé*: c'est à dire, vne  
autre fois, ou derechef taillhé. Car  
on le tallia premierement quand  
on le circoncit: & despuis on le re-  
taille, pour couvrir le defaut du  
prepuce. Le Latin l'appelle *Recutit*, *Recutit*.



342      *Explication des phrases*  
comme ayant recouuert la peau,  
qu'on nomme *avant-peau*.

*Mel de Maire.*

**C'**Est que les Medecins appel-  
lent Suffocation de matrice:  
quand l'amarry ou matrice ( qu'on  
appelle aussi maire, d'autant qu'elle  
produit les enfans: comme la terre  
est nommee, la maire commune  
de tous) s'enfle de quelque vent  
ou vapeur, & presse tât les parties  
voisines, que si les boyaux cōpri-  
ment de mesme le diaphragme &  
la poictrine, il s'ensuit vne suffoca-  
tion. Dont le col de la femme  
quelquefois engrossit, & s'enfle  
euidemment: autresfois sans ap-  
parence externe, elle suffoque &  
perd la respiration pour quelque  
temps, avecques la parolle. Aucu-  
nesfois tous les sentimens & mou-  
uemens



uemens luy defaillent, comme en l'Apoplexie. Mais il y en a au contraire, qui crient, & rient, & ne fôt que parler.

*Dysanterie, Eprensas, Seintegne, Cague-sangue.*

**L**A Dysanterie, est vne douleur <sup>Dysanterie.</sup> de ventre, à raison des boyaux escorechez par dedans, tellement qu'il en sort des racleures, & du sang, quelquefois de la bouë, ou puts. C'est vne douleur tref-cruelle, qui inuite souuēt d'aller à selle, & on n'y peut rien faire, ou bien peu. Dôt le malade s'espraint fort: & de là on appelle ce mal en Dauphiné, *Eprensas*, & en Gascogne, *Esprema-son*. En Languedoc est nommé *Seintegne*, du mot grec *Dysenterie*: qui signifie proprement, difficulté de boyaux: c'est à dire, que les

Y 4 boyaux:



344 Explication des phrases.

boyaux: c'est à dire, que les boyaux ont difficulté, peine & travail en leur action. L'Italien appelle ce mal, *Cagasangua*: & en fait imprecation, comme du *Cancaro*, & della *Ghiandozza*: c'est à dire du Chancre & de la peste: comme le François, de la fièvre quartaine.

*Nephritique, Phrenetique, Colique venteuse, nephritique, & pierreuse.*

*Nephritique.*

**N**ephritique & douleur renale. Car en grec le rognon est dit *Nephros*. Quelques uns equivoquent, disans *Phrenetique* (qui signifie resuerie & folie, à cause de l'inflammation du cerueau) pour *Nephritique*. Ceste douleur de reins procede communement des pierres (dictes calculs) ou gros sablon & grauiier engendré aux ro-



rognôs. Plusieurs abusans du mot  
de *Colique*, font ceste distinction *Colique*  
que l'une est venteuse, & l'autre  
renale. C'est bien proprement  
dit, *colique venteuse* (encor que *Colique* v<sup>e</sup>  
tousiours elle ne soit de pur vent) *teuse*.  
mais non pas *Nephritique*. Car ce *Colique* ne  
font appellations prinſes des par- *phritique*  
ties, & non de la cause du mal. Dôt  
*colique* est mal de boyau, & ne-  
phritique, c'est autant que si on di-  
soit, mal de boyau au rognon. Les  
autres disent, *Colique pierreuse*: *Colique*  
voulans par ce mot de *Colique*, *pierreuse*.  
entendre toute douleur de ventre,  
en quelque endroit que ce soit. Il  
(est biē vray, qu'il y a des douleurs  
*coliques* (c'est à dire, du boyau  
nommé *Colon*) prouenant de  
pierre, engendree dans le boyau:  
comme les anciens tesmoignent,  
& nous l'auons veu de nostre tēps.  
Mais ceux qui parlent de la facon



346 Explication des phrases  
sufdite, l'entendent autrement.  
Car ils veulent, que Colique pier-  
reuse, soit douleur à cause de la  
pierre, qui est au rognon.

Colique, Masclon, Colique d'e-  
stomac.

**I**L y a vn des plus grāds boyaux,  
qui se nomme Colon: & parce  
qu'il est plus subject à douleurs,  
qu'autre boyau qui soit, on appel-  
*Colique.* le vulgairemēt Colique, toute dou-  
leur de ventre, encor qu'elle ne  
soit à l'intestin Colō. En quelques  
*Masclon.* pays on l'appelle Masclon: d'autāt  
que les males ( qu'on dit mascles )  
y sont plus subjects, que les femel-  
les: lesquelles ont par cōtre, la sub-  
iectiō au mal de maire, qui est leur  
Colique selō le vulgaire. Car tout  
mal de ventre aux femmes, est de  
la maire, & aux hommes du mas-  
clon.



clon, selon leur aduis. On dit aussi  
improprement, *Colique d'estomac*, <sup>Colique  
d'estomac.</sup>  
parce que la douleur est en l'esto-  
mac, semblable à celle du Co-  
lon, son prochain voisin.

*Goutte, Descente, Rheume, Ca-  
rarrhe, Goutte natu-  
relle.*

**G**outte est le mal des ioinctu-  
res, avec inflammation, que  
les Grecs nomment *Arthritu*, du  
mot *Athron*, qui signifie article ou  
iointure, c'est à dire, conionction  
de deux os pour le moins. La tu-  
meur ou inflammation douloureu-  
se, se fait par fluxion des humeurs,  
qui descoulēt à ces parties là gout-  
te à goutte: & pourtant le mal a e-  
sté nommé *Goutte*. Il y en a qui l'ap-  
pellent *Descente* pour le commen- <sup>Goutte.</sup>  
cement,



Descente.  
Rheume.  
Catarrhe.  
Goutte naturelle.  
cement, ou Rheume, ou Catarrhe:  
d'autant que le nom de Goutte &  
fort odieux, sur tout à ieunes gens.

Quelque fois on dit, *Goutte naturelle*, pour faire entendre la cōmune, & qui est le plus souuent hereditaire: à la difference des Gouttes de la grosse verolle, que chascun acquiert pour soy: combien qu'elles puissent venir aux heritiers.

### *Sciaticque.*

C'Est vn mot corrompu, pour dire *Ischiaticque*: qui signifie la goutte en la hanche dictée en Grec *Ischion*, là où la cuisse s'emboëte, & a son mouuement de la partie superieure. De là est dictée *Ischias*, en Grec, la goutte de ceste ioincture: des vulgaires medecins *Ischiaticque*, passio: du peuple ignorant *Sciaticque*.

*Squi-*



*Squinance, morceau d'Adam.*

**S**quinance est vne inflammatio  
 au gosier, enuiron le larynx  
 (qu'on dit vulgairement le mor-  
 ceau d'Adam) laquelle estrangle &  
 suffoque le patient. Les Grecs la  
 nomment *Cynanche*, & *Synanche*, *Cynanche*  
 qui signifie lasset ou licol, à estran- *Synanche*  
 gler vn chien, ou autre animal. De- *Squinance*  
 quoy on a prins ce mot corrompu  
 de *Squinance*, pour dire *Synanche*.

Quant au *morceau d'Adam*, c'est la *Morceau*  
 teste de la gargamelle, composee *d'Adam*  
 de trois cartilages ou tendrons: la-  
 quelle est fort prominante à quel-  
 ques vns. A tous elle est bien ma-  
 niable, & parce qu'on la trouue  
 dure & ronde, les bonnes gens di-  
 sent, que c'est le morceau de la  
 pomme, qu'Adam ne voulut aua-  
 ler, se repentant dès aussi tost qu'il  
 l'eust



l'eust au gosier, & la retenant avec la main, dont elle s'arresta là : & depuis en est demeurée la marque au mesme endroit à ses successeurs. Mais si cela estoit vray, les femmes n'auroient cela mesmes comme elles ont toutes : & quelques vnes plus apparēt, qu'il n'est à plusieurs hommes.

*Noli me tangere.*

**O**N appelle ainsi le chancre au visage, d'autant qu'il ne le faut traiter tant soit peu rudement, parce qu'on l'empireroit. Il en est de mesme du chancre des autres parties : mais au visage on l'estime dangereux, à cause de la beauté qui en diminue : & pour le dangier imminent, à cause du cerneau qui en est fort voisin, de quoy la mort s'en peut ensuyure.

*Sai-*



*Saigner du nez.*

**O**N dit volontiers cela, de ce-  
 luy qui est failli du cœur:  
 comme ayāt entrepris ou promis  
 quelque chose, laquelle il n'a cou-  
 rage de tenir ou executer. On dit,  
*il saigne du nez, ou il a saigné du*  
*nez.* C'est que la saignée affoib'it  
 le cœur, quand elle est copieuse.  
 Car les forces consistent au sang  
 & aux esprits, qui se perdent en-  
 semblement: & de ceste perte, le  
 cœur estant refroidy, deviēt crain-  
 tif, & on n'ose entreprendre ou  
 executer, ce où l'on voit quelque  
 peu de dangier?

*Migraine.*

**C'**Est la douleur d'une moitié  
 de la teste: mot corrompu  
 du



352      *Explication des phrases*  
du Grec *Hemicranie*, qui signifie  
demy test. On a dit premieremēt,  
en corrompant le mot, *Micranie*,  
puis *Migranie*, & puis *Migraine*: qui  
signifie vne grenade en Langue-  
doc: fruct ainsi nommé, pour la  
pluralité des grains, excellēs à raf-  
fraischir & desalterer. Il y a vn des  
Royaumes d'Espagne qui en por-  
te le nom: ou bien, ce fruct a prins  
son nom de là.

*Lunatic, & tenir de la Lune.*

**L**Es Grecs nomment *Selenia-*  
*ques* (c'est de mot à mot, *Lun-*  
*natics*) ceux qui au defaut de la Lu-  
ne sont esgarez de leur sens. Et  
mesmes tous maux qui suyuent  
fort euidemment le cours, & les  
faces de la Lune, sont dits, *Selenia-*  
*ques*. Comme le mal caduc, dit en  
Grec *Epilepsie*, & quelque espece  
de



de folie, dictée Melancholie. Ainsi dict-on cōmunemēt, que les femmes tiennent de la Lune, d'autāt que la Lune deffinit les mois: & les fēmes se purgent tous les mois. Dont leur purgation est dictée *Mois*, & *Menstrue*. Puis donc qu'elles sōt regies & conduites de la Lune, on dit quelles *en tiennent*, supplēez (afin de sauuer leur honneur) le principal point de leur santé, & de la fecondité. Autrement on dit, *Tenir de la Lune*, pour dire estre in-

*Tenir de  
la Lune.*

constant & variable, comme la Lune, qui change tous les iours de face. Ce qu'on attribue volontiers au sexe feminin: toutesfois c'est vn reproche d'honneur, entant que cela procede d'une grande pureté & simplicité de matiere, qui rend les femmes legieres & muables, comme le ciel. Dequoy ie loüe leur condition, contre l'opinion

Z vul-



Au chap.  
6. part. 2.

vulgaire, en mes Erreurs populaires.

*Mal caduc, Mau de terre, Mal S. Ian,  
Mau de las passeras, Haut-  
mal.*

**C'**Est le mal qu'on dit en Grec *Epilepsie* : lequel signifie, surprise ou retention de tous les sentimens. Dont il aduiet que l'homme chet à terre, s'il n'est soustenu. Car il perd tout à vn coup la veuë, l'ouye, & autres sentimens, comme par vne syncope, vulgairement dicte *Esuanoïssement*: ou comme par vn *Apoplexie*. Mais il y a grand difference: en ce que par l'apoplexie, & par la syncope, il n'y a non plus de mouuement, que de sentiment: & en l'epilepsie, le corps se demene fort roidement, trauaillé de  
con-



convulsion, en Grec dit *Spasme*.  
 On l'appelle *Mal caduc*, de tomber *Mal ca-*  
 & choir à terre : comme vn hōme *duc.*  
 fort vieux, & dit caduc, quand il  
 est courbé inclinant vers la terre,  
 & qu'il a (comme dit vulgaire-  
 ment) vn piéd dans la fosse. Pour  
 mesmeraisou (à mon aduis) on  
 appelle ce mal en Lāguedoc, *Mau* *Mau de*  
*de terre*, à cause qu'il iette par ter- *terre.*  
 re celuy qui en est atteint pour ro-  
 buste qu'il soit : comme si on luy  
 auoit donné vn coup de masse sur  
 la teste. On le nomme aussi  
*Mal de S. Ian*, pource (parauē- *Mal de S.*  
 ture) que la teste de S. Ian Bap- *Ian.*  
 tiste cheut à terre, quand il fut de-  
 capité : puis mise dans vn plat,  
 à l'appetit d'Herodias. En Gas-  
 cogne on l'appelle *lou mau de las* *Mau de*  
*passeras*, c'est à dire, des passe- *las passe-*  
 reaux : d'autant que les moineaux *ras.*  
 y sont fort subiects. Le com-



Haut-  
mal.

mun des François l'appelle *Haut-mal*, pour sa grandeur & vehemence: ou pour les susdites raisons, qu'il fait tomber l'homme de son haut.

*Mau loubet.*

**C'**Est vne des imprecations du vulgaire de Languedoc, comme le susdit *Mau de terre*. Je pense qu'ils signifient le loup, qui est vn chancre vlcéré aux cuisses & aux iambes ( mal incurable de vraye cure, sinon par extirpation) comme celuy du visage est dit, *Noli me tangere*. Et en diminutif ils l'appellent *loubet*, qui signifie petit loup. Car ils disent *loub*, *loube* & *loubet*, pour loup, louue, & louueton.

*La*



*La male bosse, la Ghiandozza.*

**C**'est vne troisieme imprecation du mesme pays, qui signifie la peste: sçauoir est, la tumeur ou bosse pestilentielle, laquelle (sans doute) est male & mortelle. Ainsi les Italiens (comme dessus auons noté) disent *La ghiandozza*, par imprecation. Car <sup>Ghiandozza.</sup> la peste proprement dicte, est vne bosse ou tumeur & enfleure en quelque glâde (*ghiande* en Italien) de celles qui sont au col, aux aisselles, & aux aines.

*Escannar.*

**C***anne* est la gargamelle, ou le sifflet par où nous respirons. Ceux qu'on estouffe & estrang-  
gle, sont priuez de leur canne: &

Z ; par



358      *Explication des phrases*  
par consequāt ils font *Esquannez*,  
que le Languedogeoir ( amy des  
SS.) prononce *Escannats*.

*Analisque, Esuanouyr, Spasme, Pas-*  
*maison.*

**A** *Valir* en Languedogeois, est  
se perdre & disparoir, de sor-  
te qu'on ne le voit plus, comme si  
le diable l'auoit emporté, ou qu'il  
fut abismé. Nostre vulgaire de  
Montpellier, a ce mot fort fre-  
quant en la bouche, & le dict  
quelque fois en risée & familiere-  
ment. On le peut dire en François  
*Esuanouyr*, signifiant se perdre en  
l'air, & au vent: comme quand on  
dit, cela *s'esuanouyt*, & ne sçait-  
on qu'il deuiant. Mais autre cho-  
se est *Esuanouyr*, qu'on dit autre-  
ment tomber en *Pasmaison*. C'est  
quand soudain toutes forces de-  
fail-



faillent, que nous disons en terme  
Grec *Syncopter*. Spasme est un au-  
tre mal, duquel l'epilepsie est e-  
specie: mais on abuse vulgairement  
dudit mot, pour desnoter l'esua-  
noüissement & foiblesse de cœur.

*Spasme.*

*Desieuner, Boire, resiner, Gouster,*  
*Souper, Desmentir.*

**D***Esieuner*, est proprement *ro. Desieuner.*  
pre le ieusne. Car on est à  
iun iusques au premier morceau  
que'on mange: & la syllabe *De*,  
est icy priuative, comme en *Desdi-*  
*re Desmordre, Desfaire, Desdier, Des-*  
*noüer, Desalterer, Desopiler, Desany-*  
*urer, Desployer, Desannuyer, Desmē-*  
*brier, Desmeubler, Despriser, Desobeyr,*  
*Desbrider, Desangager, Deshonnorer,*  
*Deschausser, Desbander, destendre*  
*Descourier, Descrouiller, Desserrer,*  
*Descoudre, Descourir, & sembla-*  
*bles.*

Z 4



bles. Ainsi *Desmentir*, est oster la  
 menterie: comme quand quel-  
 qu'un ment, & vous luy dites qu'il  
*Desmentir.* a menty, c'est *Desmentir*, qui signi-  
 fie oster ou se priuer, exempter &  
 vindiquer de la menterie. Ainsi  
 est *Desieuner*, priuation de ieusne.  
 Dont ceux-là abusent fort du mot,  
 qui disent, i'ay desieuné aujour-  
 d'huy deux fois, trois fois, &c. Car  
 on ne peut desieuner (qui est à di-  
 re, rompre le ieusne) qu'une fois le  
 iour: & c'est au premier morceau.  
 Car on n'est pas à ieun, pour peu  
 qu'on ait mangé. Que les autres  
 repas soyent appelez comme on  
 voudra, le premier sera tou-  
 siours le desieuner, quand ce se-  
 roit bien à midy, voire au soir: &  
 lors on dira, l'ay ieusné iusques au  
 soir. Et si on ne fait que deux  
 repas, qu'on appelle *Disner* &  
*Souper*, le disner est vraiment  
 desieu-



desieuner. Si on en faict trois, le  
second, Disner. Mais si le premier  
est assez tard, on le nommera Dis-  
ner, le second sera le Gouster, ou  
Ressiner, & le tiers, Souper. Le-  
quel semble estre dit de la Soup-  
pe, que l'on mangeoit au soir,  
plus qu'à autre heure. Gouster est  
dict de sa petitesse: d'autant que  
c'est comme vne collation, en la-  
quelle on gouste & taste quelque  
fruct, ou l'on ne fait que boire, a-  
uec vn morceau de pain. Le boi-  
re absolument est dict pour le  
Desieuner, à cause que les An-  
ciens, auteurs de ce repas, ne  
faisoyent que tremper du pain  
au vin pur, & beuuoyent cela,  
qu'on disoit *Acratisma*. Ainsi  
en Languedoc, on n'vse que du  
mot Boire, pour le premier re-  
pas, que les François appellent  
Desieuner: & le mot Desieuner

*Souper.*

*Gouster.*

*Boire.*



352 *Explication des phrases,*  
est prins tout au contraire, pour  
dire, leusner & abstenir. Ainsi  
l'Italien dit, *Io son digiuno*, pour  
dire, le suis à ieun.

*Grasse matinee.*

**L**E matin, n'est ne gras, ne  
maigre : toutesfois on dit  
communement, Dormir *La gras-*  
*se matinee*, parce que le dormir  
du matin engraisse fort. Car,  
comme ainsi soit, que la pre-  
miere coction (action du ven-  
tricule) est plus tardive la nuit  
& en dormant, que n'est pas le  
iour & en veillant : & que le dor-  
mir fauorise plus la seconde con-  
coction, qui est generatiue du  
sang, duquel (estant plus co-  
pieux & doux) prouient la grais-  
se : il est certain, que le dormir  
tard, comme la matinee, engrais-  
se



se & faict l'en-bon-poinct. De-  
quoy sont communement priuez  
les grands estudians, qui sont fort  
matiniers: parce que l'aube est a-  
mie des Muses.

*Penser vn malade.*

**C'**Est vne phrase & façon de  
parler vulgaire, pour dire,  
aduiser, pouruoir, & instituer ce  
qu'il faut au malade, & de fait y  
y mettre la main, si la Chyrurgie  
y a lieu. Ainsi dit-on, penser les  
cheuaux: qui n'est pas les imagi-  
ner, & auoir en pensee ou cogi-  
tation, ains les estriller, frotter,  
bouchonner, nettoyer leurs pieds,  
donner à manger & à boire, leur  
faire bonne litiere, &c. C'est  
donc vn soin & pansement a-  
uec effect, de ce qui est ne-  
cessaire au malade, quand les  
me-



364 *Explication des phrases*  
medecins ou chirurgiens le pen-  
sent : comme si on disoit , pense  
au malade , & pourvoir à ce qui  
luy faut.

---

R E M E D E S  
M E T A P H O R I Q U E S  
E T E X T R A V A -  
G A N S .

*Pour la multiplication de semen-  
ce, & la fecondité*



N tient, que l'vsage du  
poisson engendre beau-  
coup de semence. Il  
faudroit d'óc, qu'il nour-  
rit mieux que la chair : car la se-  
mence n'est que superfluité de  
bonne nourriture. Il est bien  
vray



vray, que l'usage du poisson excite plus au coït, d'autant que la semence qui en provient, est plus fereuse ou aigueuse, & picquante: dont elle sollicite la vertu expultrice. Et de cela on peut estre abusé, comme si le poisson faisoit à la multiplication de la semence, telle qui ne pescha sinon en quantité. Peut estre aussi, que l'abus vient, de ce qu'on voit les poissons plus feconds sans comparaison qu'autre sorte d'animaux: tesmoin l'infinité des œufs qu'ils produisent. D'ont quelqu'un s'est peu persuader, que le manger du poisson, faict en nous semblable habilité, ou aptitude. Pour ceste raison aucuns recommandent fort la Carpe (mais sur tout la langue, comme partie plus friande) pour devenir plus gaillard à l'acte venerien.



366 *Explication des phrases*  
nerien, & faire beaucoup d'en-  
fans : d'autant que la Carpe faict  
des œufs cinq ou six fois l'annee,  
& tousiours vne infinité. Mais  
il faut entēdre l'abus de la transla-  
tion : C'est qu'il ne s'ensuit pas,  
si vn animal est fort fœcond,  
que pour en manger l'homme  
deuienne tel : ains pour cest  
effect il conuient vser des vian-  
des qui nourrissent beaucoup,  
pour engendrer quantité de  
louable semence. Ainsi (par ad-  
uanture) est-il de ce qu'on e-  
scrit, que de manger des moy-  
neaux ou passereaux l'homme est  
plus gailliard à l'amour, parce  
que le moyneau est fort pail-  
lard. Mais il faut (à mon ad-  
uis) que ce soit des ieunes, qui  
n'ont encor faict la folie de leur  
corps. Autrement, comme les pas-  
sereaux viuent fort peu, il fau-  
droit



droit aussi dire, que l'homme  
vsant de moyneaux abregeroit sa  
vie, d'autant que le moyneau  
l'a fort courte. Et au contraire,  
qui mangeroit des corbeaux,  
des corneilles, & des cerfs, vi-  
uroit infiniment. Car on dit,  
que le corbeau peut viure trois  
cens ans, la corneille neuf eages  
d'homme: & qu'on a veu Cerf  
qui auoit vescu cinq ou six cens  
ans. Par semblable raison, qui  
voudroit deuenir fort agile &  
dispos, il deuroit manger des  
Cinges. A ce propos, il me  
souuient d'une Dame, qui repli-  
qua de fort bonne grace, à un  
medecin, lequel auoit ordon-  
né à son mary l'usage du laiët  
de chieure, pour deux ou trois  
mois: & quoy, MONSIEUR?  
on dit que ceux qui en vsent lon-  
gue-



guement, deuiennent si remuans, qu'ils ne font que sauter, danser, monter & courir, tellement qu'on ne les peut tenir en vn lieu. Mon mary n'a pas faute de cela: & ie ne voudrois pas qu'il eust plus de gaillardise. On dit aussi, qu'il y auoit vne fille à Paris, laquelle pour auoir tousiours esté nourrie d'une chieure, tousiours vouloit grimper, & sauteler.

*Pour enfanter plus aysement &  
pour empescher l'auor-  
issement.*

**N**Oz femmes appliquēt à l'v-  
ue des cuisses (selon qu'el-  
les pensent l'enfant estre, masse  
ou femelle) ou à toutes deux,  
pour ne faillir point, vn ay-  
mant, quant la femme est au tra-  
uail de l'enfāt, pour en auoir meil-

Heur



leure deliurance. Et durāt la groisse, si on craind l'auortissement, on l'attache à l'vn des bras, ou à tous deux, pour la susdictē raison. Car l'aymant ( qui est dit *Calamita* en Italiē, & *Azimāt* en Lāguedoc) tire à soy le fer: & de là on transporte le remede à l'enfantemēr: comme s'il pouuoit encor mieux tirer à soy l'enfant. Voire mais, l'enfant n'est pas de fer: & l'Aimant n'attire pas la chair, ne les os. Ce n'est pas à dire, que s'il tire le fer, il tirera bien autre chose. Car cela est de sa propriété, & non pas d'une force animale: Comme on diroit de l'homme, ou de quelque beste, que s'il peut tirer ou porter vn quintal de fer, il portera biē trente liures de chair. Encor la comparaison ne reuiert pas du tout: car il s'en faut beaucoup que le petit Aimant qu'on applique au

A a bras,



bras, ou aux cuisses, puisse tirer autant gros de fer que l'enfant est. A peine tireroit il vne grosse esgueille, ou feroit hausser vn poinçon. Mais il y a du mystere & secret en ceste façon de faire, que les anciens Medecins ont ordonné (car ce n'est pas de l'inuention des femmes) pour quelque bon respect, qu'il n'est licite d'expliquer au vulgaire. I'étens que plusieurs femmes vsent aussi de l'Aimant, à prouoquer ou arrester le flux menstrual: à quoy leur seruira la mesme remonstration.

*Pour rompre la pierre dans le corps.*

**P**Arce que la poullaile digere les pierres, & le grauiier, de là on a prins opiniõ, que la peau interne du gousier ou perrier (ainsi dict, des pierres qu'on y trouue souvent) peut rompre & fondre les pierres de l'homme. Mais on

ne



ne comprend pas, que c'est la forte chaleur (avec propriété routes-fois, de l'estomach bien charnu de la volaille) qui faict que la volaille digere les choses dures. Ce qui est commun à tout oyseau. Dont il ne se faut autrement esbahir, de ce que l'Autruche digere le fer. Item, parce que le ius de limon fond les perles, qui sont biē dures, on a pensé, qu'il romproit aussi bien les pierres de la vescie & des reins. Et d'autāt que le sang de bouc taille le Diamant, qui est plus fort & dur qu'aucū autre rocher, de cela on infere qu'il romproit encor mieux la pierre du corps humain. Mais il faut voir, si c'est point d'une antipathie, & singuliere propriété, que le sang de boucrompt le Diamant, & non autre espece de pierre. Il n'est pas routesfois à mespriser, quand il

A a 2 est



est preparé cōme il faut : car nous  
en vsons bien heureusemēt, à dis-  
soudre & mettre en pieces le calcul  
de l'hōme. C'est, quād on a nour-  
ry le bouc, âgé de trois à quatre  
ans, durant les iours Caniculiers,  
de toutes les herbes saxifages  
(c'est à dire, rompantes la pierre)  
qu'on luy peut faire manger, l'a-  
breuant de bon vin blanc, & le  
faisant tous les iours fort courir.  
Son sang empūe, acquiert, & re-  
tient la vertu desdictes herbes,  
tout ainsi que le moust vineux,  
qu'o prepare à mesme effect. Mais  
il y a plus de vertu audict sang,  
comme souvent nous auons es-  
prouvé. Du jus de limons y a au-  
tre rai on, par laquelle il peut aus-  
si rompre ou dissouldre les pierres  
du corps humain : ou pour le  
moins les remollir, comme le vin-  
aygre rend molle la coquille d'un  
œuf.



ceuf. Mais sa qualicé ainsi tranchée, nuiet grandemēt à l'estomach & aux boyaux, si on en vse quantité: cōm'il faudroit pour dissoudre la pierre. D'ailleurs, le faiet n'est pas semblable, entant qu'on met la perle dans le jus de lymon, ayāt son entiere force: & le jus de lymon pris par la bouche, est fort affoibly & rompu du sejour qu'il faiet dans l'estomach, & plusieurs autres parties, par où il luy conuient passer: esquelles il rencontre tousiours quelques humiditez, qui detrempent & debilitent sa force.

*Contraire à la memoire.*

**O**N tient pour suspect à la memoire, lvsage du cerueau de Connil: parce que cet animal a la memoire (qui consiste au cerueau) si courte, que ne se souuenant du danger qu'il vient de passer,

Aa 3 ser,



fer, il ne laisse de retourner au gite  
d'où il s'est levé vn peu aupara-  
uant. Mais on peut auoir autāt su-  
spect tout autre cerueau: d'autant  
qu'il engendre sang pituiteux, le-  
quel offence grandement la me-  
moire: comme on void par le mal  
dict *Letarge*, qui signifie oubliance  
& nonchaloir.

DES REMEDES SUPER-  
stitieux ou vains, & ceremonieux.

**I**L y a mille superstitieux reme-  
des, quin'ont aucun fondement  
en raison, ny en experience: jaçoit  
que plusieurs s'abusent, en croyāt  
qu'ils soyēt bien esprouez. Leur  
erreur procede, de ce qu'il aduiēt  
quelquefois, qu'on guerist pour  
lors, & durant qu'on en vse: tout  
ainsi qu'il aduient de guerir apres  
plusieurs choses prises, appli-  
quees,



quees, faictes, ou dictes, ausquel-  
les on attribuë toute la guerison.  
De tels remedes vains, & ineptes  
moyens, i'en reciteray quelques  
vns, qui m'ont esté communiqués  
de diuerfes personnes, pour grāds  
secrets. Il est bien vray, qu'en au-  
cuns il ya quelque mystere, & que  
ils guerissent, non pas de foy, ains  
par accident : comme ie pourray  
expliquer apres les auoir propo-  
sez. Toutesfois le peuple est en  
erreur, de ce qu'il ne sçait la vraye  
cause, & attribuë tout l'euenemēt,  
à ce qui luy appert, soit faict, soit  
dict, ou appliqué.

*Pour arrester tout flux de sang.*

**I**L faut auoir vne esguillette rou-  
ge, qu'un marié ait doné le iour  
de ses nopces. Serrés-en fort le pe-  
tit doit de celuy qui saigne: & que  
ce soit de la main qui respond à la  
partie saignante. Le sang tantost

Aa 4 s'ar



s'arreſtera, de quelque part qu'il verſe, & fut ce d'une playe.

Item, la pierre du cerueau d'une carpe, miſe contre le ply du petit doit, reſpondant à la partie qui ſaigne, arreſte le flux de ſang, le plus impetueux qui puiſſe eſtre.

Item, mettre vne paille en croix ſur le doz de celuy qui ſaigne, eſtât veſtu, & qu'il n'en ſçache rien. Ou le faire ſaigner ſus vne paille en croix.

*Contre la iauniſſe.*

**T**Rouuez du plâtain qui naiſſe ſus vne maiſon. Que celuy qui a la jauniſſe, piſſe deſſus par pluſieurs fois, tant que la plante en meure. A meſure qu'elle mourra, la jauniſſe ſe paſſera.

*Contre la goutte grampe.*

**F**Aut porter toute la nuit aux pieds, contre les cheuilles, vn jazerât, côme des braſſelets, faiât  
de



delecton vierge.

*Pour faire sortir plustost les dents  
aux petits enfans.*

**P**renez le tuyau d'une plume,  
remplissez-le d'Alun, soit bien  
bouché des deux bouts: & que l'en-  
fant le porte pendu au col.

*Pour ne vomir point sur mer.*

**M**ettez du sel sur vostre teste,  
quand vous entrerez au  
vaisseau.

*A faire perdre le laiçt.*

**Q**ue la fême aille sauter trois  
fois, ou durât trois matins,  
sur la sauge du iardin d'un prestre.

*Contre toute fieure.*

**P**ortez vne araigne viue dans  
vne noix, pendue au col.

*Contre la fieure quarte.*

**Q**u'un frere mendiant la vous  
demande pour l'amour de  
Dieu: vous la perdrez, & il la prê-  
dra.

Aa 5

Pour



Pour faire perdre ses verruës.

**T**Ouchez en la robbe d'un que vous sçachiez bien estre coqu: en quelque endroit de s<sup>on</sup> habillement que vous le touchiez, sans qu'il s'ẽ aduise, voz verruës se perdront. On dit aussi, que si voulant trancher vn leuraut, cõnik, perdris, volaille, &c. vous estes empesché à trouuer les ioinctures, pensez à coqu, & vous les trouuerez.

Item, pour perdre les verruës, faictes les conter à vne personne qui soit plus ieune que vous: elle les prendra, & les pourra aussi donner à vn'autre plus ieune, par semblable moyen.

Item, faictes les toucher avec autant de poix, à qui que ce soit, & il les vous prendra.

Itẽ, prenez vne poignee de sel, & allez tout courant le iecter dãs vn four, & les verruës s'esuanouiront.

Pour



*Pour guerir l'hydropisie.*

**I**L faut pisser durant neuf matins  
sur le marrube, auant que le So-  
leil l'ait touché: & à mesure que la  
plante mourra, le ventre se desen-  
flera.

*Contre le masclon.*

**P**Ortez vn anneau de lecton au  
petit doit. On dit que ce reme-  
de est bon aussi cōtre le haut mal.

*Contre le mal de maire.*

**I**L faut porter au doit vn an-  
neau, qui soit de trois filets en-  
tortillez: l'vn d'argent, l'autre de  
lecton, & le tiers de fer.

Coniuratiō de l'amarry desloüee,  
en langue Agenoise.

*Maire, mairis, que as cinquāto dos ra-  
fits;*

*Et vno maïs que l'on non dits:*

*Tiro te das coustas.*

*Aqui non son pas tous estas.*

*Tiro te de las esquinas.*



380 Remede superſtitieux

A qui non ſon pas ras eſinas.

Tiro te del ſon del ventre:

A qui no te podes eſtendre.

Mais boute te a l'ambounil,

Là on la vierge ( Mario ) portet ſon  
( car ) fil.

Cric, croc, Mairo torno te al loc.

Pater noſter. Aue Maria. Faut  
reitere cela par trois fois.

C'eſt à dire en François.

Amarry meraffe, qui as cinquante  
& deux racines.

Et vne plus que l'on ne dict,

Tire toy aux couſtez:

Ce ne ſont pas là tes eſtres, ou pla-  
ces.

Tire toy vers l'eſchine:

Ycy ne ſont pas tes ayſes.

Tire toy au fond du ventre:

Ycy tu ne te peux eſtendre.

Mais boute toy au nombril,

Là où la vierge ( Marie ) porta ſon  
( cher ) fils.

Cric,



Cric, croc, mere retourne à ton  
lieu. *Pater noster, &c.*

## PROPOS FABVLEUX.

**L**E peuple erre en plusieurs  
propos des animaux, lesquels  
il n'a pas inventé, ains les tient des  
anciens: qui ne les ont pas bien en-  
tendus, ou expliquez, ou (parauentu-  
re) ont expressement feind telles  
choses, pour quelque bonne rai-  
son: comme les sages & diuins  
poëtes ont enseigné la vertu aux  
hommes bestials, par fables & in-  
ventions plaisantes. Ce que leur a  
esté & sera tousiours permis, non  
moins qu'aux Peintres: ainsi que  
tesmoigne le gentil Horace, di-  
sant:

*Tousiours esgal pouuoir & har-  
diessé ont eu,*

*Le poëte & le peintre, en ce que  
ils ont voulu.*

Quant



Quant aux peintres, voyez comment ils representent vn Ange en forme de iouuenceau, reuestu d'une estoille blanche ceincturee, la teste nuë, ayant des ailles comm'un oyseau: Et l'Ame de l'homme comm'un petit enfant tout nu: Le diable avec des cornes, & vne queue. Toutesfois ce ne sont qu'espris sans corps, lesquels ne ressemblent à aucune creature visible. Ainsi l'enfer, qui n'est qu'un lieu, est figuré comme vne grand gorge. La mort, qui n'est sinon priuation de vie, comme l'ossement d'un trespassee, tenant vne faux en sa main. Ainsi l'amour, qui n'est que passion & accident, ne subsistent aucunement de soy mesme, est peint & representé comm'un enfant nu, & aveugle, ayant des ailles, vn arc, & vn carquois garny de flesches. Les vents qui ne sont que



que l'air esmeu & agité, sont peins  
comme testes d'homme ayans les  
ioües fort enflées, ainsi qu'un son-  
neur de trompette. Et quand les  
Astrologiens se sont voulu seruir  
des peintres, pour instruire les  
ignorans, ils ont faict représenter  
les douze signes du Zodiaque) qui  
ne sont que certaines estoilles, dis-  
posées en diuerses figures) l'un de  
la forme du Belier, l'autre du Tau-  
reau, le tiers de deux enfans ge-  
meaux, &c. Ainsi les images du  
ciel qui sont hors du Zodiaque,  
l'une en Ourse, l'autre en Aigle,  
les autres en riuiera, en Harpe,  
en chien, dragon, &c. Puis les  
les planettes, qui ne sont que  
estoilles ou astres, Saturne, Iuppi-  
ter, Mars, Mercure & Venus, en  
personnages de diuers habits & cō-  
tenances. Le Soleil autrement, &  
autrement la Lune. Les peintres  
ont



ont tousiours retenu, la figure des estoilles à cinq rayons, denotans leur brillante lueur: jaçoit q̄ toutes n'estincellent pas ainsi: & on sçait bien, que toutes sont de figure ronde, sans pointes, ne rayōs corporels. Quant aux elemens, ils peignent le feu (qui est inuisible) cōme nostre feu artificiel: ce que n'est trop mal à propos. L'air ne peut estre peinct, non plus que le ciel, corps diaphanes & transparents: mais on les represente de couleur bleuë. L'eau est figuree à ondes, & la terre en globe, comme vne boule. Des animaux, ils en cōtrefont quelques vns fabuleusement: comme la Salamandre, qui n'est pas telle qu'on la peinct, ny le Dauphin aussi, comme on le met en deuises & armoiries. Non pas mesme la fleur delys, qui est assez vulgaire. Et le cœur, soit de l'hom



l'homme, ou d'autre animal, n'est pas de la figure que les peintres le font. On peint le Pelican, ayant le bec aigu tourné cōtre sa poitrine, qu'il bequette pour en sortir du sang à nourrir ses petits, tant qu'il en meurt: & toutesfois nous voyons, que le Pelican a le bec moufse, plat & large, iustement à la façon des spatules d'Apoticaire: tellement qu'il n'en peut blesser sa poitrine. Aussi le nom Grec Pelican, signifiāt vne hache ou doloire, monstre bien que son bec doit estre plat. Ioinct qu'on dit, que le pere bat les petits comme à coup de soufflets, tant qu'ils sont presque morts: & que la mere se blesse pour les restaurer de son sang. Or les soufflets se donnēt de quelque chose plate, & non d'un bec pointu. Le Phœnix, qu'on represente, se bruslāt au feu qu'il s'est prepa-

B b

ré,



ré, est encor plus fabuleux. Mais tout celà est permis aux peintres & aux poëtes (comme nous auons dit) pour quelque bon respect & secrete raison, qu'il n'est besoin d'expliquer en ce lieu: où ie veux seulement faire mention de certains propos fabuleux, que le vulgaire tient pour tres-certains & veritables. En quoy il est fort excusable: car plusieurs grands philosophes & Medecins anciēs, ont soustenu telles opinions.

*De la Vipere.*

**C'**Est vne fort ancienne opinion, que la Vipere se conjoinct à son masse, en receuant dās sa bouche la teste d'iceluy, à faute d'autres parties genitales: & que la femelle, du plaisir qu'elle en prend, ferre si fort ses dents, qu'elle trence la teste à son mary, de quoy elle



le deuient enceinte. Puis quād ce  
vient à la deliurance les petits n'a-  
yant autre yssuë, & comme pour  
venger la mort de leur pere, rōgēt  
le ventre & les flācs de leur mere,  
laquelle en meurt. Et voila pour-  
quoy on dit du posthume, duquel  
la mere meurt en le faisant, *Il est*  
*cōme la Vipere, qui ne vit onc pere ne*  
*mere.* Et il y a vn Emblefme, que  
Jean de Tournes, imprimeur (des  
meilleurs de la France) a pour en-  
seigne, avec ceste deuise, *Quod tibi*  
*fieri nō vis, alteri ne feceris.* Tout ce-  
la est faux, & mal aduancé, à faute  
d'auoir bien entendu ce que dit  
Aristote. C'est, que la Vipere con-  
çoit des œufs, lesquels s'escloüent  
dans son ventre, & deuiennent pe-  
tits viperōs. Ils n'aissent tous for-  
mez, s'estāt despoüillez de la mē-  
brane ou taye qui les contenoit  
dans l'amarry. Et c'est leur arriere



fais. Mais les derniers, meu d'im-  
 patience, rongent ceste mēbrane,  
 pour sortir plus hastiuement. Car  
 la mere en porte plus de vingt, &  
 n'ē faiēt qu'un tous les iours. Cela  
 rend les derniers impatiens, & les  
 contrainēt de ronger leur tunique  
 ou membrane, mais non pas les  
 coustez, ou le ventre de leur me-  
 re. On se peut estre failly sur l'ori-  
 gine & etymologie du mot, com-  
 me si Vipere estoit dictē, *quasi vi*  
*pariens*. Mais c'est de, *uiuum paries*.  
 Car il n'y a aucun serpent qui fa-  
 ce les petits en vie, que la Vipere.  
 Les autres font des œufs, qui hors  
 du ventre sont conuertis en ser-  
 pens.

*Du Bieure, dit Castor.*

**O**N tient vulgairement, que  
 ceste beste arrache ses testi-  
 cules à belles dents, quand elle se  
 sent poursuyue des chasseurs:  
 ayant



ayant naturellement cognoissance, qu'on le recherche pour cela. Dont on pèse, que ce nom *Castor*, luy a esté donné, parce qu'il se chastre, & par consequent devient chaste. Cela est faux: car, comme iadis a escrit Dioscoride, il ne peut toucher ses testicules. Ce ne sont pas les deux tumeurs qu'il a aux aînes, cōme apostemes pleines de matiere graisseuse, dicte *Castorium*: lesquelles aussi il ne s'arrache pas. Et n'est point dict *Castor*, du chastrier ou de la chasteté, ains du mot Grec, *Gaster*, qui signifie ventre, parce qu'il est fort ventru: & il n'y a eu que changement de la lettre G, en C. Voyez la dessus la tres-docte histoire de M. Rondelet, au dernier chapitre du second tome.

*Lin. 3.  
ch. 23.*

*De la Salamandre.*

B b 3

Il



*Liv. 2. ch.  
56.*

*Liv. 3. des  
temper.*

*Liv. 5. de  
l'hist. des  
ani. l. 19.*

**I**L y a aussi grand erreur sur le naturel de cest animal. qu'on dit viure dans le feu, & l'estaindre. Dont fut prise la devise du grand Roy François, premier de ce nô, pere des arts & sciences, *Nutrisco & extinguo*. Dioscoride auoit bien remontré le contraire, & Galen aussi, disant: que la Salamandre resiste quelque temps au feu, mais elle se brulle y demeurant long temps. Toutesfois on a mieux aimé se tenir avec Aristote, disant, que la Salamandre n'est pas brulée du feu, ains s'y pourmene dessus, estaignant flamme & charbons. L'experience ( qui est plus forte que toutes les autoritez des pluz sçauans du monde) nous enseigne, qu'il n'en faut rien croire. Quant à la figure, la Salamandre qu'on peind est fabuleuse, & controuuée des peintres, qui se la sont ima



imaginee telle : faisans aussi mon-  
trer la beste plus grande qu'elle  
n'est. Elle ressemble assez aux pe-  
tits lizardeaux , qui hantent les  
murailles en Lâguedoc, nommez  
*Langroles*, en Dauphiné, *Larmuses*.  
La Salamandre est vn peu plus  
grande , marquee de plusieurs ta-  
ches. Son corps est farcy d'un suc  
blanc, & espais comme lait, qu'on  
fait sortir par les pores du cuir,  
en le pressant. Ce lait est tant  
froid , que la Salamandre peut re-  
sister quelque temps au feu, mais  
non pas guieres sans se bruler, ro-  
tir , & en mourir : comme nous a-  
uons veu plus d'une fois. C'est biẽ  
loin de l'estaindre , & encor plus  
d'y viure, ou d'en viure, comme le  
Camæleon vit de l'air, s'il est vray  
ce qu'on en dit. Je n'en ay point  
encores veu de vif, pour le veri-  
fier.



**O**N dit que l'Ours n'enfante qu'une piece de chair, sans forme d'animal : & que despuis il leische tant cela, qu'il le façonne & luy donne sa forme. C'est vne maniere de parler hyperbolique: pour dire, que le faon est fort lourd de premiere naissance, tout couuert de baue, en telle quantité, qu'il ne semble qu'un loupin de chair, sans aucune distinction des parties. La mere le nettoye incontinent de cela, en leichant ces moruës longuement. Dont le faon paroît despuis en forme d'animal. Ainsi qui verroit sortir un chien (ou autre beste parfaite) de la bourbe fort gluante, il ne scauroit cognoistre que c'est d'un premier rencontre. Apres qu'il en est nettoyé, on recognoit toutes les parties distinctement.

**A MON**





A MONSIEVR MON-  
SIEVR IOVBERT CON-  
feiller & Medecin ordinaire du  
Roy, & du Roy de Nauarre,  
Chancelier de l'Vniuersité en  
Medecine de Montpellier, à  
Paris.



*Leſt bien raifonnable, Mō-  
ſieur & tres-honoré pere,  
que ie vous rende raiſon de  
mes eſtudes, rāt pour obeyr  
à voſtre commandement, que pour  
demonſtrer par quelque bon effect (cō-  
me ie deſire touſiours ) le progres de  
mon petit ſçauoir, deſpuis voſtre de-  
part. Monsieur Giraud, mon bon mai-  
ſtre & tresmethodiq. precepteur, m'a  
baillé ces iours paffez à traduire pour  
mō exercice, deux de voz Paradoxes:*

Bb 5 &



& ayant approuué ma version (apres  
 l'auoir vn peu corrigee) il a bien vou-  
 lu, que i'entreprinse de la vous en-  
 uoyer: comme pour monstre de ce que  
 ie scay faire. Ma-damoiselle, & tres-  
 honoree mere, continué avec nous tous  
 voz enfans, le meilleur portement qui  
 se peut en vostre absence: laquelle nous  
 estant griesue, nous diminuë autre-  
 ment la bonne chere. Mais nous espe-  
 rons vous reuoir en brief, ayant ache-  
 ué de seruir ce quartir chez le Roy,  
 ainsi que promettez par toutes voz  
 lettres. Dieu nous en face la grace, &  
 vous maintienne tousiours en bonne  
 prosperité. Nous vous baisons tous les  
 mains, salüans tres-humblement voz  
 graces. De vostre maison, ce premier  
 iour de Ianuier (pour estraines) 1579.

Vostre tres-humble, tres-affec-  
 tionné, & tres-obeïssant  
 fils, ISAAC.



SI ON PEUT LIMITER

QUE LES POISONS

ne peuvent estre baillees à certain

iour, ne faire mourir à certain

temps: au tres-renommé Docteur

en Medecine, M. PIERRE

PERREAU, le ieune.

*C'est le  
dernier  
Parad. de  
la 2. De-  
cade.*



Ombien que vous puis-  
siez beaucoup plus pro-  
prement & plus exacte-  
ment expliquer ce dou-  
te, tres-docte PERREAU, tou-  
tesfois puis qu'il vous plaist d'en  
ouyr aussi mon aduis, sur la limi-  
tation & efficace des venins à iour  
presis, ie vo<sup>o</sup> diray en brief ce que  
i'en pèse. I'ay bien tousiours esti-  
mé absurde & ridicule, ce qu'on  
affirme vulgairement, que les ve-  
nins soyent limitez des empoi-  
sonneurs à certain temps. Car cō-  
me



me ainsi soit, que des medicamēts, voire qui sont vtils, la vertu ) de la notice de laquelle on limite à chacun sa quanté & dose) ne peut estre apprise, que par longue & frequēte experiēce, & icelle estāt cognuë, ne no<sup>r</sup> laisse encor vn art certain, ains coniectural: ie ne voy point par quelle raison, les empoisonneurs ayent vn temps prescript à l'efficace de leurs venins. Car il n'est pas loisible de les esproouuer sans danger, ne mesme sans punition, tout ainsi qu'on experimente l'action des medicamens salubres. l'ay opinion qu'ils essayent les leurs sur des bestes, chiens, porceaux, & oyseaux: & que de là ils se constituent des reigles, ayant obserué diuers temps de mourir, selon la nature des venins. Cōme si les natures, de l'hōme (le plus temperé des animaux)

&amp;



*pour certain temps aux pois. 377*  
& des autres, n'estoyent fort diffé-  
rētes. Outre ce, qu'il est beaucoup  
plus facile, qu'une heure certaine  
& précise de l'evenement, aduien-  
ne aux bestes, qu'aux hommes. Car  
les animaux priuez de raison, ont  
fort peu de diuersité chacū en son  
espece, paissans le mesme pastura-  
ge, & n'estans adonnez à diuers  
estudes (ou occupations.) Dont il  
s'ensuit, que des mesmes choses les  
bestes endurent presque sembla-  
ble passion. Mais les hommes, jaçoit  
qu'ils conuiennēt en vne espece,  
toutes fois ils sont tant differens, q̃  
iamais vous n'en trouuerez deux  
sēblables (de face.) Et de diuerses  
complexions, conditiōs, & occu-  
patiōs, cōbiē de milliers en trou-  
ue l'on? Certainemēt ie pēse, qu'ē  
la seule espece des hommes, il y a  
autant de difference entre les par-  
ticuliers, qu'il y a d'especes diuer-  
ses



les au reste du genre des animaux.  
Et pourtant il faut estimer totale-  
ment abusive & nō ferme, la con-  
iecture des empoisonneurs: com-  
me il est ayse à entēdre, de ce que  
j'ay à dire incontinent. Commen-  
çons donc nostre besoigne.

Plusieurs cuident & tiennent,  
que Theophraste ( tres-graue &  
aprouné Philosophe) soit autheur  
de ceste opinion, parce qu'il escrit  
" ainsi de l'Aconit. On dit, qu'on le  
" compose de telle sorte, qu'il peut  
" faire mourir à certain temps: sça-  
" uoir est, dās deux mois, trois mois,  
" six mois, vn an entier, & quelque  
" fois en deux ans. Et dit-on, que  
" ceux-là meurent plus miserable-  
" ment, qui y peuuent plus long-  
" temps resister. Car il faut que leur  
" corps transisse petit à petit, peris-  
" sant d'vne langueur diurne: &  
" ceux qui meurent soudain, on la  
mort



*certain temps aux poisons.* 379

mort plus facile. Mais l'autorité  
de Theophraste ne nous doit rien  
esmouuoir, veu qu'il escrit cela,  
plus de l'opinion d'autrui que de  
la sienne, comme les mots recitez  
declare tres euidemment. Et si  
quelqu'un requiert la cause de ce-  
ste persuation, il la trouuera dou-  
ble. La premiere est l'astuce des  
hommes, qui se flent trop, & mi-  
gnardēt leurs vices. Car combien  
en trouuera l'on, qui ne portent  
plus patiemment, qu'on leur re-  
proche vn mal adueni de cause  
externe, que si on le disoit auoir  
eu source de la mauuaise tempera-  
ture de leurs corps (ou de leur in-  
temperance.) Car jacoit que nul  
puisse estre dit cause de sa premie-  
re constitution, & que par conse-  
quēt le reproche de son imperfe-  
ction ne touche pas à luy, toutes-  
fois parce qu'elle est nostre, nous  
la



la couurons, & luy fauorisons ou-  
 tre mesure: tellement que s'il arri-  
 ue quelque faute de la part de no-  
 stre imperfection, nous craignōs  
 qu'elle nous soit reprochee. Dont  
 il aduient, que nous accordons  
 plus volontiers, la cause du mal  
 proceder de quelque chose ex-  
 terne, que de l'interieur. Les exē-  
 ples en sont plus manifestes, en  
 ceux qui ont moins de sçauoir,  
 ignorans les bons arts & sciences,  
 transportez du simple iugement  
 de l'amour de soy-mesme. Com-  
 me sont les vieux, & le surplus des  
 idiots: ausquels on ne peut riē dire  
 de rāt receuable, que si on rappor-  
 te la cause de leur mal, ou à vn  
 fainct, ou à la poison secretemēt  
 dōnee, ou à l'aspect forceleux d'v-  
 ne vieille. De la procedent les  
 plainctes, desquelles Virgile en-  
 diet vne:

*L'ignorā-  
 ce des can-  
 ses intro-  
 puit fort  
 souuent,  
 le faux  
 soupçon le  
 poison, &  
 forcelezie.*

*Je m*



*certain temps aux poisons. 381*

*Je ne sçay pas quel regard mal-  
vueillant*

*Va mes agneaux tendrez enfor-  
celant.*

Car ne pouuans mentir proba-  
blement, que presentement, ou vn  
peu auparauant on ait donné de la  
poison, on controuue plus seure-  
ment, qu'on l'a baillee long temps  
y a. L'autre cause de ceste opiniõ  
est, la desprauce interpretation  
des theoremes astronomiques cõ-  
stituant ( ce qui est vray ) les di-  
uerfes manieres des affections ou  
passions des corps inferieurs, estre  
de la diuerse conionction, opposi-  
tion, & aspect reschangé des su-  
perieurs, le vulgaire ignorant a  
pris de là occasion, d'establiir &  
fonder la varieté des effects, sur  
les moindres differences qu'il peut  
observer aux corps celestes. Cõme

Cc quand



quand il constitue, quelque plante  
auoir efficace à l'encontre des fie-  
ures, pourueu qu'elle soit cueillie  
auant Soleil leué. Or cest erreur

*Ainsi est-  
il des her-  
bes cueil-  
lies la veil-  
le de la S.  
Iam.*

est allé fort auant. Car non seule-  
ment de ces differences (certaine-  
ment fort legieres) les hommes  
construisent communement la di-  
uersité des effects en espee, ain-  
aussi veulent que les accidens de  
ces effects soyent diuers, pour la  
mesme raison: comme est, le tēps  
de manifester l'efficace des poisōs  
» La resuerie desquels escriuāt Theo-  
» phraсте dit, que la mort suruient  
en autant de temps, que la plante  
a esté cueillie. Recherchons donc la  
vraye solution de ce probleme par  
raison, plustost que par la rela-  
tion ou tesmoignage d'aucun. Ce  
que nous ferons tres-commode-  
ment (si ie ne m'abuse) commen-  
çans par la definition du venin ou

poi-



poison : à celle fin qu'on entende  
plus aisement, qu'est-ce dequoy  
nous entretenons la dispute.

Nous disons proprement estre  
venin, tout ce que prins dans le  
corps, repugne tellement à la na-  
ture du corps, qu'il n'en peut estre  
surmonté : ains au contraire, il  
change le corps, ainsi que le corps  
change coustumierement ses vian-  
des. De tous venins il y a deux sou-  
ueraines differences. Car ou ils  
sont ennemis de la nature humai-  
ne, à raison de leur qualité mani-  
feste, ou ils luy sont aduersaires de  
toute leur substance. D'auantage,  
les vns peuuent tuer plustost, les  
autres plus tard, de leur propre na-  
turel. Ceux tuent soudain & en peu  
de iours, ou dans peu d'heures, qui  
sont incontinent portez au pro-  
fond du cœur. Tels venins sont ex-  
tremement chauts, & pour la pluf-



part corrosifs, ou putrefactifs, des Grecs nommez *Septiques*, doüez de parties tres subtiles. Car les froids & grossiers sont paresseux, & s'insinuent tard aux veines & arteres. Il y en a qui infectēt & destruisent nos corps de leur seule vapeur, ou exhalatiō inuisible: autres lesquels tiennent le principal lieu d'atrocité & malice, certains venins artificiels, qui ont la vertu tant subtile, qu'en ayant oinct ou frotté les estrieux, ils penetrens les bottes de l'homme à cheual, iusques à paruenir aux plantes des pieds nues: & de là entrans au corps, par les souspirals de la peau, corrompent tous les membres. On en infecte aussi les selles & brides des cheuaux: & sont despuis introduicts de la chaleur naturelle, aux veines & arteres de celuy qui est à cheual, par les potes des mains & des cuisses.



*certain temps aux poisons.* 385

es. Finalement on en empoisonne  
les habillemens, liets, & couuertes.  
A ce genre peuent estre rap-  
portez ceux qui tuent par la seule  
veüe, ou par l'odorat, & qui seule-  
ment goustez (sans estre aualez)  
soudain precipitent l'homme en  
ruine, sans aucun retardement.  
Tous ces venins apportent avec-  
ques eux vne mort presente : de  
sorte qu'il ne reste aucun temps de  
secours aux miserables qui tirent à  
la mort. I'entéds que telles poisons  
sont en frequent vsage aux Turcs,  
& autres natiōs sauvages. De ceux  
cy different les venins grossiers,  
qui sont plus paresseux & tardifs à  
faire leur action : mais en fin ils  
bruslent bien fort, rongent, man-  
gent, tourmentent, & du seiour ac-  
quierent plus grandes forces, &  
plus de malefice. Or il n'y a pas  
seulement differente efficace ez

C c 3 poi-



poisons de diuers genre, mais aussi il leur aduient grande varieté du terme de nuire, selon la constitution & temperement de ceux qui en ont pris. C'est que les vns sentent plustost ou plus tard la nuisance, que les autres, accablez de la poison: quelques vns aussi en eschapent. Car il aduient aucunes fois, que la force venimeuse est mitiguee & vaincue de la complexion de celuy qui a prins le venin, ou qu'elle soit de soy assez robuste, ou qu'elle soit renforcee par le moyen de la contrepoison. Ainsi de ceux qui habitent en vn mesme air pestilent, il y en a qui ne sont atteints de peste: & de ceux qui en sont malades, les vns meurent soudain, les autres plus tard, les autres en fin en rechappent. S'il est ainsi, il semble totalement ridicule ce qu'on affirme, qu'il soit possible de  
bailler



bailler de la poison, laquelle à iour  
prefix & en certain temps fasse  
mourir: & que ce soit de la condi-  
tion du venin. Auquel erreur sem-  
ble fauorir vn autre, que nous  
auons renuersé dez long temps:  
sçauoir est, que les medicamens  
prennent de nostre chaleur, le  
commencemēt de leur mutation,  
comme Galen enseigne. Dont il  
s'ensuyt, qu'estant pressez grossie-  
rement, ils produysent plus tard  
leur effect. Mais encor que ie leur  
accordasse cela, toutes fois ils n'ad-  
uiendrōt pas à ce qu'ils afferment  
icy, si ce n'est captieusement. Car  
si quelqu'un argumēte ainsi: Ceste  
drogue desploye ses forces plus  
tard que ceste là, donques il le fera  
à certain temps: l'argumentation  
sera fausse, & est nommee d'Ari-  
stote, *Eslanche au consequent*. Ne  
plus ne moins que si quelqu'un



d. soit, La chieure est vne beste,  
donques la chieure est vn Asne.  
Car faire tard & faire à certain tēps,  
sont especes diuerses de ce qui fait  
ses actions en certain temps. Or  
que telles gens ne regardent qu'à  
la seule cōdition des poisons, cecy  
le preuue assez, que vous ne les  
oyez faire aucune distinction des  
corps, ains seulement feindre l'es-  
pece de la poison, à laquelle ils  
mettent la limitation du temps, &  
nō pas de la complexion des hom-  
mes. Mais on a veu souuent, qu'a-  
yāt baillé d'une poison au mesme  
poids, & à mesme heure, à plu-  
sieurs qui bāquetoyent ensemble,  
les vns moururent soudain, les au-  
tres apres quelques iours, & qu'à  
aucuns elle ne fit guieres de mal.  
Nous voyons tous les iours adue-  
nir le semblable des medicamens  
purgatifs, lesquels estant donnez  
en



*certain temps aux poisons.* 389

en mesme temps, mesme mesure,  
& pareille preparation, à diuerses  
personnes, ils vident les vns fort  
vite, les autres tard : & les vns biē  
fort, les autres peu ou rien : & ou-  
tre ce, les vns vident sans fasche-  
rie, les autres avec grande difficul-  
té, grieues trenchees, & frequente  
foiblesse de cœur. Et qu'est-il de  
besoin alleguer diuers hommes,  
quand à vn mesme le mesme me-  
dicamēt ne produittousiours mes-  
mes effects? Puis dōc que en la di-  
uerse & nonpareille complexion  
& conformation des corps, nous  
voyons telles choses aduenir pour  
la pluspart : & d'ailleurs qu'on  
ne peut iustement comprendre  
la propre temperature de chas-  
que homme : comment scau-  
ra quelqu'un, combien de temps  
pourra la chaleur naturelle resister  
au venin? Quand i'accorderois

Cc 5 bien



bien, que quelqu'un fut si expert  
empoisonneur, qu'il pesât d'un  
certain iugement le pouuoir de son  
poison, autant exquisément qu'on  
pese le musc à la balance: toutes-  
fois ie n'admettray iamais, qu'on  
la puisse tant exactement limiter  
au naturel de celuy qui la doit pré-  
dre, qu'elle ne faille aucunement  
de la fin, ou terme qui luy est pro-  
posé. Car la Medecine mesmes est  
tenuë pour science fondee en con-  
iectures, quant est de prescrire à  
chascun homme la quantité & la  
propre qualité de ses remedes.  
D'autant que on ne scauroit aucu-  
nement escrire ou dire le iustement  
propre, comme dit Galen, au troi-  
sieme chapitre. Et vn peu apres:  
„ En l'art de Medecine, il n'y a chose  
„ se, ou remede (dit-il) qu'on ne  
„ puisse nommer en espee: mais



*certain temps aux poisons.* 391

ce qu'on ne peut dire, n'escri-  
re, ne ordonner entièrement,  
c'est la quantité pour vn chascun.  
Il repete cela bien souuent aux  
propos qui s'ensuyuent, ensei-  
gnant que chasque homme a sa  
propre euacuation, & que la  
propriété naturelle est indicible,  
& incomprehensible d'une exa-  
cte science. Le vulgaire des  
medecins appelle *Idiosynerasie*,  
la propriété naturelle, comme  
Galen remonstre. Et parce que  
nous confessent, qu'on ne la  
peut comprendre, on attribue  
le vray art de Medecine à *Æ-*  
*sculape* & *Apollon*. Car le prin-  
cipe, & comme fondement,  
de la Medecine parfaicte ou ac-  
complie, & infailible (laquel-  
le Galen nomme, *l'art de vra-*  
*ye medecine*) est la particuliere  
cognoissance des naturels. Dont  
il



„ il adioute : Si ie sçauois reconnoistre iustement la nature de chascun en particulier, ie pensois vraiment estre tel, que ie conçois en mon entêtement auoir esté Æsculape. Mais d'autant qu'on ne se peut faire, i'ay deliberé d'exercer tant, que i'en approcher le plus pres que peut l'homme : i'exhorte les autres de faire comme moy. Donques si la medecine est conjecturelle, & non certaine, la partie qui ordonne à chascun ses remedes, & que cela ne peut estre aperçeu, sinon finalement par une longue obseruation & experience, qui le pourra persuader de la des venins ? Car si en l'art de medecine l'experience est dangereuse, comme sagement nous advertit Hippocras : il est aisé à penser combien est incertaine la preue des poisôs: parce qu'il n'est pas

*Aph. 1. l. 1.*



*aucun temps aux poisons.* 393

ridicule d'experiméter leur vertu,  
sans danger & sans punition, ainsi  
des medicamens salubres, en  
verses personnes Et ce que peut  
quelqu'un avoir obserué aux be-  
brutes, i'ay dit par cy deuant,  
qu'il est inepte de le vouloir accõ-  
oder à l'homme: d'autant que les  
naturels des hommes & des bestes  
sont grandement differens, mes-  
mes par ceste preuve, que les e-  
ourneaux viuent seurement de la  
guë, & les cailles de l'ellebore,  
qui nous sont medicamens & poi-  
sons. Nous pouuons en fin colli-  
er de ces raisons, qu'il faut esti-  
mer fort erronee & peu ferme,  
art (si art se peut dire) & la con-  
ecture des empoisonneurs: veu  
maintenant qu'un venin produit  
son action, autrésfois tardive: & ce  
non tant à raison de soy, que pour  
la nature & complexion du corps,  
lasche-



lascheté ou estroitesse des passages, force ou foiblesse de la chaleur naturelle, & le beaucoup ou le peu des excremens semblables, ou diuers. Car la force du venin demeure quelquesfois vaine, ou fort rabbatuë: comme ez corps de ceux qui ont les facultez de l'ame robustes, à raison d'une tresbonne téperâce. Aussi Galen pense, que le bastiment & la composition du corps, est cause que la ciguë tue l'homme, & nourrit les estourneaux. A quoy il adioust, la force de la chaleur menuisante & subtiliante: à raison de laquelle il pense, qu'il aduient aussi, que les venins froids demonstrent plustost & mieux leur force, à l'endroit des natures chaudes. Ce qui pourra sembler paradoxe à plusieurs: mais ayant esté tres-ouuertement demonstté par ledict autheur, i'en

ob



*certain temps aux poisons. 495*

Je mets la preuve à mon esciant.  
Quant au naturel des excremens,  
ils affoiblissent les actions des ve-  
nins, repugnantes à leurs qualités.  
Car s'il y a aux entrailles de la pi-  
tuite en abondance, la force du  
venin chaud en fera grandement  
abbatuë : & au contraire, l'hu-  
neur chaud hastera l'action de  
un tel venin. Ainsi la cholere co-  
pieuse, rebouche & rompt le nar-  
cotique qu'on a prins : & la pituite  
le fauorite. Ce que peuvent sca-  
voir ces meschans empoison-  
neurs, n'est guere autre chose,  
sinon qu'ils cognoissent, quels  
venins font mourir seulement de  
l'evidente condition de leurs qua-  
litez, & qu'ils nuisent de toute  
leur substance. Tels sont ceux  
qui tuent par pourriture ou  
corrosion, auxquels il aduient  
de se renforcer avec le temps,  
com-



comme dit Galen : en lieu que les autres s'affoiblissent par leur retardement. Car tous ceux-là pourrissent avec le téps, & de tāt plus, que le lieu sera plus humide & plus chaud. Donques ceux qui agissent en pourrissant le temps augmente leur action : parce qu'il augmente la pourriture : veu qu'ils ne cessent de se pourrir, reciproquement ils pourrissent (le corps.) De là procede, qu'ils font mourir long téps apres, principalement les venins qui sont de substance grossiere & terrestre. Voila (dis-je) que les empoisonneurs peuvent avoir appris par longue observation : de sorte qu'ils scachent distinguer les venins qui tuent de leurs insignes qualités d'avec les autres qui font mourir de toute leur substance. Item, que ceux-cy apportent de leur nature à quel homme que ce soit.



*certain temps aux poisons.* 357

mal plus soudain:& que ceux là  
desployent leurs forces , sinon  
plus long temps. Et outre ce,  
de toutes les deux sortes , ils  
sont plustost ou plus tard ( sans  
avoir aucun esgard aux corps ) se-  
lon qu'il y en a plus grande , ou  
moindre quantité. Ils peuuent bien  
aussi faire, que tous venins soyent  
temperez à leur plaisir , & rendus  
plus doux , ou plus aspres , à ce  
qu'ils tuent plus viste , ou plus  
tard : ce qui est sans aucun secret  
ou miracle de nature. Car nous  
aussi coustumierement vsons de  
cel artifice aux drogues purgati-  
ues, aiguisans les plus paresseuses,  
& leur donnans comme des espe-  
rons : & au contraire , retenans la  
trop hastine penetration des au-  
tres, en y meslant de ceux qui sont  
naturellement plus tardifs , &  
grossiers. Mais qu'on limite les  
D d      effects



effects des poisons à certain iour  
& à poinct nommé, nous penson  
estre absurde & du tout ridicule  
d'autant que la nature de chascun  
homme ne peut estre parfaicte-  
ment cogneuë (ainsi que nous a-  
uons cy dessus suffisamment demō-  
stré) d'où procedé le tres-incertain  
terme de chascun venin, à faire  
mourir l'homme. Car toute ac-  
tion naturelle rencontre diuers  
effects, selon la diuerse disposi-  
tion, tant de ce qui agit, que de  
ce qui endure. Et cela aduient, nō  
seulement à raison des qualités e-  
uidentes, ains aussi des occultes &  
propres: dequoy procedé aussi,  
que à vne autre nuict beaucoup,  
ce que profite à cestuy-cy. Pierre  
de Abano (lequel on nomme  
Conciliateur) là où il explique  
ceste question, propose qu'il se  
peut faire, que ayant cogneu  
cer-



*certain temps aux poisons.* 359

ertainement la duree de la vie  
vn homme, par la quantité me-  
ree de son humeur radical, on  
aille vne poison, qui le consume  
a dix ans. Dont il collige, quel-  
ues vns estre empoisonnés, qui  
ont tousiours en desseignant (on  
es appelle en vulgaire, [Italien]  
*erbati & strigati*) & qu'on peut  
aire aucunesfois, que la poison  
oit limitee. Mais ce qu'il presup-  
ose de l'Astrologie, a peine peut  
estre bien deuiné. Je confesse que  
ous ceux qu'on void transir de  
eu à peu, estans empoisonnés,  
ls ont vn mal long, mais il est  
pour emporter l'homme en temps  
à nous incertain. Pline ne dit  
pas vn terme plus certain, de la  
mort, qu'apporte l'vsage du lie-  
ure marin (poisson venimeux)  
quand il dit: Les hommes qui  
en mangent sentent au poisson:

D d 2 &



& de ce premier signe on apperçoit ce venin. Au reste, on en meurt en autant d'heures, que le lièvre a vescu. Car qui deuinerà l'aage de ce lièvre, à fin de pouuoir predire l'heure ordonnée à mourir? Et quand bien ie donnerois cela, qu'on peut sçauoir combien de iours a vescu le lièvre, toutesfois ie n'accorderay pas, que tous hommes en meurent à mesme temps, veu qu'une mesme poison agit fort diuersement, selon la diuersité des corps, ainsi qu'il a esté plus que assez prouué. Tellement qu'il a esté dict plus veritablement (ce que le mesme Plinē adjoust) ledict venin estre à temps incertain, comme disoit Licinie Macer.

C'est (P E R R E A V) tres amy  
& tresdocte, ce que me semble  
deuoir estre tenu de la verité de  
ce



*certain temps aux poisons.* 361

e Probleme. Pardonnez moy, si  
ay esté vn peu prolix à l'expli-  
uer : & sçachez que ie l'ay faict,  
pour l'amour de quelques escho-  
liers en Medecine, qui par fortune  
ont suruenus quand ie le pour-  
uensois. Car ils m'ont prié de le ur  
donner la copie de ce Discours.  
Ce que ne pouuant refuser hon-  
nestement, il m'a fallu traicter la  
question plus au long, à fin de  
n'accommoder à leur capacité.  
Vous, excellent en sçauoir & en-  
endemēt, eussiez facilement com-  
pris en beaucoup moindre  
propos, mon aduis là  
dessus, cōme vous  
l'avez desiré.

Dd

3

QV'IL





QV'IL Y A RAISON  
 QVE QVELQVES VN  
 puissent viure sans manger, d  
 rant plusieurs iours & annee  
 au tres-renommé Iuriconsult  
 M. IAN PAPON, conseil  
 du Roy, Iuge & lieutenant gen  
 ral au Bailliage de Forest.



A Religion chrestienne  
 nous enseigne, qu  
 faut soudain adioust  
 foy aux proposition  
 Theologales qu'on oit recite  
 & que ez choses nullement sub  
 iectes à preuue, la fiance &  
 ferme consentement, est tres-a  
 greable à Dieu: veu que c'e

lu)



ny qui peut rompre les loix de  
nature. Mais aux disciplines,  
qui meritent d'estre appellees Ma-  
themates, & vrayement sciences,  
autant qu'elles expliquent tout  
par les causes, d'affirmer quelque  
chose sans demonstration, & en  
ordonner comme fait vn legisla-  
teur, nous estimons cela ridicule.  
Car il n'y a rien qui semble plus  
absurde, que le consentement  
precipité, sans conseil, & teme-  
raire: enuers ceux mesmement,  
qui cognoissent l'esprit humain  
tres-auide & tres-aspre à recer-  
cher la verité. Toutesfois vous  
en voyez beaucoup, qui si plu-  
sieurs autres ont dit de mesme,  
ils n'y contredisent pas: & ne  
pensent point à cecy, s'il est  
plus licite de dire vray, ou au  
contraire de mentir, d'une cau-  
se commune. O qu'il vaudroit

D d 4 bien



bien mieuz s'arrester là, & doubter  
des choses que l'esprit ne peut  
comprendre! Ce que i'ay accoustu-  
mé de faire: & à raison de cela,  
plusieurs qui sont de temeraire  
consentement, m'appellent incre-  
dule. Car ie me suis proposé de-  
long temps, n'admettre aucune  
chose comme vraye, de celles  
qu'on peut comprendre par rai-  
son & discours, pour grande que  
soit l'autorité de celuy qui la pro-  
pose. Ie confesse bien, que la cau-  
se de tout ce que l'expetience nous  
tesmoigne, n'est pas encores trou-  
uee & cognüe de nous: comme  
aussi ie tiens pour tresvrayes plu-  
sieurs opinions, qui sont Parado-  
xes au commun, n'estant encores  
persuadees. Mais comme ie ne  
veux pas, que l'on croye aux mien-  
nes sans raison, ainsi me soit il  
permis de n'accorder les autres,  
auant



auant que i'aye apprins de leurs  
auteurs les causes de tels effects,  
ou que ie les puisse comprendre  
en raisonnant moy mesme. Qu'il  
soit libre à tous, de n'adjouster  
foy aux propos sans demonstra-  
tion. Car ceux là semblent peu  
aduisez, & ( que plus est ) fort  
lourdaux, qui reçoient les admi-  
rables affirmations, esmeus de  
quelque vaine opinion du diseur.  
Telle est celle que ie proposois  
hier, tresrenommé President: que  
quelques vns peuvent viure sans  
manger, non seulement plusieurs  
iours, ains plusieurs mois & an-  
nees. Vous auez prudemment  
dict, que vous ne la receuriez pas,  
ains que ie l'eusse prouuee: d'au-  
tant qu'elle vous semble la plus  
paradoxe, de toutes celles qu'a-  
uez ouy de moy. Toutesfois elle  
est tres-veritable, comme les

Dd s au-



366      *De viure sans manger.*  
autres, & deormais vous n'y cō-  
tredirés pas. Car vous ne dou-  
terés point de venir en mon opi-  
nion, veu qu'elle a pour fonde-  
ment des raisons tres-euidentes,  
prises des choses naturelles. Je  
ne diray pas de l'auoir obserué,  
mais ie confirmeray qu'il se peut  
faire. S'il failloit prouuer le faict  
par tesmoins, nous en produi-  
rions quelques vns, irreprocha-  
bles & de grande autorité. Hip-  
pocras limite à vne sepmaine, le  
ieune mortel de l'homme. Mais  
Pline dit, qu'il n'est pas mor-  
tel d'une sepmaine, veu que plu-  
sieurs ont duré plus d'onze iours.  
L'entens qu'il y a pour le present  
en Auignon, vn homme de  
soixante ans, qui mange fort  
peu souuent, & par longs inter-  
ualles, de cinq, six, dix, & plu-  
sieurs iours. Ce que Albert escrit,  
est



*De viure sans manger.* 367

est semblable : qu'il y auoit vne femme, laquelle passoit quelque fois vingt iours sans manger, & bien souuent trente. Il dit aussi, auoir veu homme melancholique, lequel vesquit trois semaines sans manger, ne beuuant que de l'eau vn iour & autre non. Athenæe raconte, que la tante paternelle de Timon, se cachoit toutes les annees dans vne cauerne, comme les Ourses, l'espace de deux mois, vivant sans aucun aliment que de l'air, à demy-morte, de sorte qu'à peine la pouuoit-on recognoistre. Personnes graues rapportent, auoir esté veüe en Espagne vne fille, qui ne mangeoit rien, & entretenoit sa vie ne beuuant que de l'eau, & auoit desia vingt & deux ans. Plusieurs ont veu en Languedoc vne garce, qui demoura trois ans,

&



368      *De viure sans manger.*  
& nous scauons parce qu'en ont  
escrit quelques bōs & doctes per-  
sonnages, qu'il y en a eu vn' autre  
à spire en Allemagne, qui vesquit  
autant d'annees sainement, sans  
autre viande ou breuuage que de  
l'air. Guillaume Rondelet atte-  
ste, d'en auoir veu vne autre,  
qui de pareille maniere de vi-  
ure, paruint insqu'à dix ans:  
puis quand elle fut grande se ma-  
ria, & eust de beaux enfans. Ian  
Bocace escrit d'une Allemande,  
laquelle vesquit trente ans, sans  
manger aucunement. Pierre d'A-  
bano ( qu'on nomme Concilia-  
teur ) raconte d'une Normande,  
qui ne mangea rien de dix huit  
ans : & d'un autre qui dura trente  
& six ans sans manger. On tient  
pour certain, qu'à Romme vn  
prestre vesquit quarante ans de  
la seule inspiration de l'air : cela  
estant



69 *De viure sans manger.*

estant bien obserué, sous la garde  
du Pape Leon (dixieme) & de  
plusieurs Princes, & fidellement  
esmoigné par Hermolao Barba-  
ro. Mais pourquoy m'arreste-  
e tant à reciter ces miracles, qui  
peuvent sembler pures fadaizes,  
usqu'à tant que ie les aye ex-  
pliqués par raison? Certaine-  
ment l'autorité & l'observation  
des autres est de tresgrand poids:  
mais ce ne doit pas estre assés, là  
où il n'y a faute de raison à con-  
firmer son dire. Je suis bien aise,  
que vous n'ayez voulu receuoir  
sans cela ma proposition, afin  
que ie puisse commodement exer-  
cer mon esprit, à rechercher sa  
cause, ainsi que i'ay dés l'og temps  
desiré.

C'est vne sentence ferme & ra-  
tiffee, que tous corps viuans, so-  
ient plantes, soyēt animaux, viuēt  
à rai-



à raison de la chaleur qu'ils ont enclose en eux: au moyen de laquelle ils attirent l'aliment, le cuisent, s'en nourrissent & soustien-  
nent, croissent & engendrent: outre ce que les animaux sentent & se meuvent: & tant plus parfaites sont telles œuvres, tant plus & abondante la vertu & la substance de la chaleur. Pource Aristote, qui a definy la mort par l'extinctiō de la chaleur a laissé pour memoire (comme chose fort remuée & diuulguée) que la vie est contenuë de la seule chaleur & que sans la ne peuuēt viure, ne animaux, ne plantes. A son imitation tous les philosophes d'un consentement, definissent la vie par chaleur, & la mort par extinction de chaleur. Car pour petite que soit la chaleur, le corps qui en a, iouit de la vie, & produit lesdites actions



ctions de soy, encor quelles soyēt  
obscures. Ceste chaleur est nour-  
rie & entretenüe d'un humeur  
gras & aéré, qui inferé dans la  
substance des parties similaires,  
est du tout inuisible. C'est le  
premier (ou principal) humeur,  
commun à tous viuans, auquel  
sied premierement & par soy l'e-  
sprit, muni de chaleur: telle-  
ment que ne l'esprit, ne la cha-  
leur peuuent estre, ou durer  
longuement, sans l'ayde dudit  
humeur. Donques la vie, & la  
duree des choses animees, gist  
au consentement & accotd de  
ces deux, chaleur & humidité.  
Ceste-là est tenuë pour ou-  
uriere de toutes actions: ce-  
ste-cy luy est soubmise, afin que  
ladite chaleur dure plus lon-  
guement. Et tant que ceste  
humidité ytile & agreable,  
peut



372 *De viure sans manger.*

peut nourrir la chaleur vitale, au-  
tant vit l'animal ou la plante.  
Dont il aduient, que ceux ont  
plus longue vie, qui ont plus d'hu-  
meur naturel, ou iceluy plus e-  
spais & plus resistant à dissipatiō.  
Car il est de nature gras, huileux  
& gluant, afin que la chaleur (qui  
en estant enuelopee, en gaste &  
consume tout bellement de peti-  
tes portions) l'esboiue & absorbe  
plus tard. Toutesfois auant que  
cela aduienne, l'animal rend l'a-  
me à Nature, luy estant ostee sa  
propre matiere, languissans l'e-  
sprit & la chaleur. Or puis que le  
corps des viuans s'escoule & di-  
minuë ainsi tousiours, si vne sub-  
stance semblable à l'escoulee  
n'est restituee, certainement il  
s'esuaporera & dissipera tout.  
Mais il n'y a dequoy remettre,  
en lieu de l'humide substantific  
(com-



*{De viure sans manger. 373*

comme on l'appelle ). consumé,  
ne dis pas entât qu'il s'en dimi-  
nuë incessamment, ains seulement  
un petit brin de tel. Car il a toute  
son origine de la semence, & des  
principes de nostre generation: &  
nous ne voyôs pas, qu'on puisse  
adiouster à noz corps aucune tel-  
le chose. De là procede la mort  
inevitable: parce qu'il n'y a aucun  
artifice de reparer, ce que seul re-  
tient la chaleur. On restituë bien  
la substance charnuë, espuisee du  
transfusement: l'humide primitif,  
jamais. Et veu que la pasture estât  
consumee, la chaleur quand &  
quand, si elle est cause consuman-  
te la pasture (comme certainemēt  
elle est) il s'ensuit incontînēt, que  
la chaleur mesme est cause de sa  
mort. Il nous reste seulement, que  
puis qu'on ne peut totalement de-  
stourner la cause de nostre mort,

E c      à



à tout le moins nous la retardion  
& rebouchions, estant trop haste  
est precipitante (s'acheminant vi  
ste de son naturel à l'yssue de la  
vie) afin que l'animal ne s'estaign  
si tost. Ce que peut estre faict, au  
moyen des alimēs : quand par ad  
dition de quelque plaisante hu  
midité, on arrouse la naturelle, a  
fin qu'elle resiste d'avantage à la  
voracité de sa chaleur. Car ell' est  
ainsi plus long temps conseruee,  
quād la chaleur naturelle ne peut  
librement exercer sa force sur le  
subject humide : parce qu'elle est  
aucunement rebouschee, quand  
elle agit en la masse charnuë, &  
aux humeurs nourrissans, donc ce  
pendant elle consume moins de  
l'humeur radical. Toutesfois il s'ē  
consume tousiours quelque petite  
portion, mais moins quand il y a  
de l'autre en quantité suffisante.  
Et



*De viure sans manger.* 375

à ces fins Nature, non seulement aux animaux, ains aux plantes aussi, a donné dès le commencement certaines vertus, d'appeler continuellement ce qui leur faut & manque, afin que tout se preserua de mort, le plus longuement que faire se pourroit. Car tout ce qui est engendré, & tient de la Nature, desire extrêmement estre prorogé tres-longuement, & subsister au monde. Pour ce les animaux n'ont jamais appris d'autre chose à manger, boire, & respirer: mais dès le commencement ils ont ces facultez, qui parfont cela sans recepteur. Dequoy il appert, conformément à ce que ie pense, que l'usage des alimens est nécessaire à tout ce qui a vie, non pour autre chose, que pour entretenir cet humeur interne (faculté naturelle, & vrayement vniue, par la chaleur naturelle) afin

Ee 2 qu'il



375 *De viure sans manger.*

afin qu'il ne soit si tost esbeu. Et  
tant que nous le pouuons faire, &  
que l'humidité primitiue est d  
reste, en suffisante quantité pou  
conseruer la chaleur vitale, nous  
sommes autant de temps en vie.

2. De cecy on peut colliger  
(pour la seconde proposition, que  
nous auons à expliquer) qu'il n  
faut beaucoup de nourriture,  
ceux qui ont la chaleur moindre  
& plus languide: parce qu'elle n  
semble auoir grand' efficace à cō  
sumer son humidité. Tout ain  
que le petit feu, ne peut port  
beaucoup de boys, ains est de pe  
entretenu: mais le grand feu s'  
steind incontinent à faute de p  
sture, si vous n'y adioustez vn grāt  
amas de boys. Et pource les vieu  
endurent facilement le ieusne, cō  
me dit Hippocras: en second lie  
ceux qui sont au plus fort de leur

*Aphr. 13.  
lin. 1.*

ag



*De viure sans manger.* 377

ge: moins les adolescēs: le moins “  
e tous, les enfans, & entre autres “  
eux qui ont l'esprit plus vif, & “  
nt plus vigoureux. Car ceux qui *Aph. 14.*  
oissent, ont beaucoup de chaleur *lin. 1.* “  
naturelle: dont ils ont besoing de “  
beaucoup d'aliment: autrement “  
ur corps se consume. Les vieux “  
nt peu de chaleur: pourtant ils “  
ont besoin de grands viandes, “  
autant qu'ils en suffoqueroient. “  
ar comme la flamme des lampes  
dit Galē) jaçoit qu'elle ayt l'hui-  
pour alimēt, toutesfois si on l'y  
met tout à vn coup, ell'en fera plu-  
ost esteinte, que nourrie, sembla-  
lement aux vieilles gens, & au-  
res qui ont la chaleur plus remi-  
e, l'abondance des alimens leur  
uiēt, en suffoquant la chaleur, &  
accablent de sa multitude. Ceux  
ui ont beaucoup de chaleur (cō-  
ne les enfans & les adolescens) se

E e 3      plai



378 *De viure sans manger.*

plaisent à l'abondance des viures: parce que la masse de leur corps se consume fort, & leur chaleur vorace dissipe entierement la naturelle humidité, si elle n'est bridee & retenuë par addition d'un familier suc. Doncques la proportion & mesure des alimens est ordonnee, à raison de la chaleur, sans autre enseignement que de Nature. Car la faim ou l'appetit, qui suit la necessité naturelle des alimens, est la reigle certaine: tellemēt que ceux ont besoin de copieux & plus frequent alimēt, qui ont plus souvent & (plus) grand appetit: ceux qui n'ē ont point, ou peu, & moins souvent, n'ont pas affaire qu'on leur donne alimēt, sinon fort peu, & par lōgs interuales. Les laboureurs, artisans, & autres qui travaillent tout le iour aux fortes besongnes, sont contraincts d'vser  
gran



*De viure sans manger.* 379

grand' quantité de viandes, & de repas coup à coup reïterés, pour la faim qui les presse: d'autant que la qualité de la chaleur naturelle, deuït plus acré, & consume plus, par l'exercice: de sorte que ceux qui s'adonnent totallemēt au travail, ne peuvent ieusner, sans tres-grand' perte de leur santé & force. Ainsi Galē remonstre, qu'aux *picrocholes*. C'est à dire, bilieux, l'abstinēce est tres-nuisante: & que de ieusner longuement, ils tombent en tres-piquantes & tres-ayguës fieures, desquelles il est ayse de venir aux hectiques, & en outre de celles-cy au marasme roty. Les sanguins endurent plus facilement le ieusne, parce que l'humide substantifique redonde en eux, & l'alimentaire aussi. D'auantage, leur chaleur est plus remise & moins ayguē, comm' estant

Ee 4 grom



380 *De viure sans manget.*

grommee de l'humidité. S'ils ne prennent aucun plaisir à l'exercice, ains sont tousiours en repos, paresseux & endormis comme glirons, ils ont peu d'appetit, & tard: ils deuiennent phlegmatics, & le plus souuent se mettent à manger sans necessité, seulement par coustume, aux heures ordonnees. Ceux-cy ont vrayemēt la chaleur plus remise & comme engourdie, laquelle il seroit meilleur d'exciter & aguiser par trauaux: afin qu'estant dissipée, la grand' quantité de l'humeur superflu, elle approchant de la moderee, fit sentir l'appetit: lequel n'est autre chose, que naturel desir de ce qui defaut & manque à chasque particule, est l'aliment, qui soit substitué au lieu de la substance, qui s'escoule perpetuellemēt par la vertu de la chaleur. Quand donc il n'y a point  
d'ap



d'appetit, il est vray-semblable, que la chaleur agit en autre humidité, laquelle est excrementeuse & non naturelle: la consommation de laquelle n'estant point dommageable, qu'est-il de merueille, si sans nuisance ou douleur le desappetit perseuere, tandis que cet humeur superflu amassé resiste à sa dissipation: mesment veu que la chaleur languissante d'oyssueté, ne peut guieres consumer? C'est la seconde raison, pourquoy les vieillards portent le ieusne plus aysement, & sans incommodité: sçauoir est, d'autant, qu'outre la petitesse & foiblesse de la chaleur, ils ont à raison de cecy vn grand amas d'excremens pituiteux: & que leur corps lourd, pigre, & tardif, est tres-inepte à tous mouuemens & exercices. Pourtant il leur aduiēt, de n'auoir besoin de beau-

E e 5 coup



382 *De viure sans manger.*  
coup d'alimens: veu que leur chaleur, par beaucoup de raisons, dissipe fort peu de la masse du corps. Or ce que nous auons enseigné estre aux vieux, cela mesme conuient iustement aux naturels semblables: car si quelcun est, ou de complexiō naturelle, ou de sa maniere de viure, pl<sup>o</sup> humide & plus froid, il aura peu d'appetit, & se souflera aysement de peu de viande: parce qu'il luy manque de la chaleur, qui puisse consumer grād substance. De là vient, que les bestes exangues ( des Grecs dictes *anaimés* ) auxquels le foid est tres-offensif, à cause de leur petite chaleur, se cachent tout l'hyuer, & viuent sous terre és lieux plus tièdes, sans aliment. Cela est apprins de l'experience, à laquelle consent bien la raison. Car si le besoin des alimens est, pour reparer ce que  
pe s



*De viure sans manger.* 383

perpetuellement s'escoule, afin que l'humeur primitif (pasture de la chaleur naturelle) ne soit si tost consumé: ceux auxquels rien ne s'escoule, & il n'y a presque point de chaleur (aumoins par quelque tēps) n'ont aucun besoin ou profit de la viande. Or les serpens, & lezards, & leurs semblables, sont froids de nature. La chaleur qu'ils ont fort petite, ne dissipe guieres, & durāt l'hyuer encor moins que d'ordinaire: parce qu'adonc elle deuient plus languissante, de la violence du froid. Pource il n'y a comme point deffluxion ou dissipation, la peau estant espaisie & exactement constipee de la force du froid hyuernal. Et tout ce qu'il y a de fuligineus excrement, suscitē de leur amette languissante, il s'amasse au cuir: lequel en fin deuenāt plus sec & plus rude, se despouil



384 *De viure sans manger.*

poüille & separe de la peau subje-  
cte, sans faire mal au corps. C'est-  
ce qu'on appelle, la despoüille du  
serpent, de laquelle il se deuestit  
au milieu ou à la fin du printēps.  
Puis quand le Soleil reuenant à  
nous, excite leur chaleur, ayant  
chassé l'engourdissemēt, lesdictes  
bestes deuiennent plus remuan-  
tes, & reprennent leur premiere  
agilité: car la chaleur conduict &  
faict les mouuemens. Dont Vi-  
truve disoit: Les serpens se remuēt  
“terriblement, quand la chaleur a  
“espuisé le froid de leur humeur.  
“Durant les petits iours en temps  
“d'hyuer, ils sont sans aucun mou-  
“uement, engourdis du froid, qui  
“prouient du changement de l'air.  
Que les glirōs, & les rats de mon-  
tagne (dits marmotans) non seu-  
lement s'abstiennent tout l'hyuer  
de māger, & ne font que dormir,  
ains

*Lin. 6. de  
l'Archi-  
tect. ch. 1.*



*De viure sans manger.* 385

ains aussi qu'ils en deuiennēt plus gras, il est autant merueilleux, que confirmé de vraye experience. De là est sorty, ce que dit Martial du Gliron, en ses Distiques:

*Durant l'hyuer ie dors,  
Et suis plus gras alors,  
Que nourry suis de rien,  
Sinon de dormir bien.*

Vous respondrez, que les petits animaux se peuvent passer quelque temps de la viande, mais non pas les plus grands. Surquoy ie produiray le Crocodil (beste sauvage, de fort grand' taille) duquel seul on a opinion, qu'il croit tant qu'il vit: & il vit longuement. Or Plinē escrit, qu'il passe tousiours quatre mois de l'hyuer à ieun, dās sa cauerne. On affirme aussi, que l'Ours peut viure tout l'hyuer sās  
man



386 *De viure sans manger.*

manger. Donques cōme les vieillards, à raison de leur froideur, n'ont pas grand appetit, & n'ont besoin de grande nourriture: ainsi toutes les complexions, qui ont plus de froid que de chaud, durent long temps sans viande. Et ont besoing de nouvelle pasture, ceux auxquels la naturelle, ou l'appliquee ne se consume point? Et que consumera la chaleur languissante? Si elle consume quelque chose, & il y a abondance de ce qui luy resiste, on ne sentira pas ce besoin incontinent, ains apres vn long temps. A la dissipation del'humeur naturel, resiste quelque fois l'alimentaire humidité, quelque fois l'excrementeuse: sur laquelle s'exerceant la chaleur naturelle, & la dissipant, faict cependant moins de dom-  
ma



image à l'humeur naturel.

On peut tirer d'icy la troiesme III.

me proposition, qui seruira de  
preuue à la conclusion proposée:  
Çauoir est, que la seule petite cha-  
leur, ne rend pas l'abstinence plus  
facile, ains aussi l'abondance de  
l'humeur superflu, qui amuse la  
chaleur naturelle. Car ce que faict  
l'aliment tousiours espars, arro-  
uant les parties, & abreuuant l'hu-  
meur naturel, cela mesme faict  
quelque fois le copieux humeur  
excrementeux accumulé en noz  
corps: quand il rebousche l'acri-  
monie & force de la chaleur, &  
l'empesche de consumer vne meil-  
leure substance, iceluy se presen-  
tant à estre consumé. Pource le  
ventricule estant plein de pituite  
(sinon qu'elle fut aygre) nous n'a-  
uons point d'appetit, & dedai-  
gnons les viandes: & (à mon iu-  
ge



gement) nous n'auons grand besoin d'aliment, iusques à tant que le ventre ayt digeré ceste matiere-là, ou qu'il l'ait iecté autre part. Il peut bien estre, que tandis que l'estomach refuse les viandes (parce qu'il n'a besoin de nouuelle pasture) les autres membres endurent leur faim naturelle: laquelle n'est pas sensible, dont ils languissent & s'amaigrissent, si on ne leur oïtroye de la nourriture. Parquoy souuentes fois il vaut mieux, presenter de la viande à l'estomach, sans attēdre qu'il soit venu à bout du reste. Toutesfois il faudroit au prealable (si faire se peut) artificiellement auoir purgé le ventre, afin que la viande ne s'y corrompe. Si tout le corps vniuersellement estoit plein de mesme humeur que l'estomach, chaque partie n'appeteroit non plus que luy.

&amp;



*De viure sans manger.* 389

& n'auroit besoin d'autre alimēt,  
tandis que tel humeur suffiroit à  
la chaleur. Mais l'estomach le plus  
souuēt est saou, parce qu'il reçoit  
premier tout, & sa cavitē est plus  
ample. Il aduient moins souuent,  
que tout ce genre d'excremēt s'e-  
pande par tout le corps. Ce qui ar-  
riue toutesfois aux vieillards, &  
aux autres froids de nature: parce  
que la petite chaleur ne peut di-  
gerer l'aliment ordonnē à chaque  
partie, ains laisse par tout beau-  
coup de crudité. Ces humeurs  
sont pituiteux & doux, conuena-  
bles à nourrir la chaleur, s'ils sont  
plus eslaborez. Car les Medecins  
enseignēt, que la pituite se parfaict  
de la chaleur dedans les veines, où  
elle se cuiēt à loisir, & se conuertit  
en sang loüable. Car (comm'ils  
parlent) le phlegme n'est que sang  
moins cuiēt: lequel seruira à nour-

Ff      ,rir



rir les parties, apres qu'il aura esté  
soigneusement eslaboré. Il faut  
donc permettre, que la chaleur  
s'exerce à vne si loüable oeuvre:  
ce que la viande continuellement  
aualee detourne. A cela profitent  
les ieunes, fort sains à ceux qui  
ont abondance d'humeur pitui-  
teux, ou doux, ou insipide, accu-  
mulé en tout le corps. Dont Hip-  
pocras conseille bien la faim, à  
ceux qui ont les chairs humides:  
parce que la chaleur vse plus plai-  
samment des humeurs, encor que  
ils soyent crus, que de la viande  
nouuellement receüe. Car la vian-  
de est beaucoup plus esloignée de  
la forme du sang, & de la nature  
des parties, que n'est la pituite:&  
la chaleur aura plustost appresté  
l'humeur ja faict, que de la viande.  
Et s'il ne le faict, d'autant qu'on  
ny fournit tousiours nouvelle  
ma

*Apb. 61.  
liu. 7.*



*De viure sans manger.* 391

matiere, il est force que tout se corrompe, & que tout deuienne excrement. Lequel estant retenu au corps, par tout pullulent des maladies familiares à tel humeur, edemes, vitiliges, alphas, scirrhes, oupes, neux, & autres infinis maux dela classe des phlegmatics: lesquels celuy eutera, qui permettra à la chaleur, de parfaire & exactement eslaborer cet humeur froid, en ne prenant aucune viande, ou pour le moins en prenant plus tard & rarement. Car comme ainsi soit, que la chaleur se doise toute occuper en cet affaire, elle en est destournée par la nouvelle matiere, laquelle est inutile, & encor dommageable. Mais quand la chaleur a consumé, ce qu'elle a trouué plus commode, pour l'usage des parties qu'il failloit nourrir, delors chacune d'elles com-

Ff 2      men



392 *De viure sans manger.*

mence d'auoir bon appetit, & de faire entendre leur indigence, par mutuelle communication iusques au ventricule. Toutesfois, comme nous disions par cy-deuant, quelques fois l'estomach n'appete rien (à cause qu'il est plain d'humeur) jaçoit que les autres parties ieussent: & au contraire, l'estomach estant vuide & affamé, les autres parties peuvent estre rassasies. Adonc, estās contraincts de la fasteuse faim, de prendre de la viande, nous taschōs par autre moyē, de descharger les autres parties de leurs humeurs, afin que la chaleur ne soit accablée de leur trop grande quantité. Mais si la repletion est commune à tout le corps, de sorte que l'on sente le ventricule, ensemble toutes les autres parties, pleines d'humeur pituiteux, lors qu'il n'y a aucun appetit, la

cha



chaleur temperée estant occupee  
en beaucoup de matiere, pendant  
qu'elle faict ceste autre besogne, il  
n'y a pas necessité de viande. Car la  
chaleur a prou besoigne, & peu de  
force: dont elle ne faict pas euidē-  
te consommation de l'humidité na-  
turelle des parties, tandis qu'elle  
iouyt d'un autre qui luy est tres-  
plaisante, comme est la douce pi-  
tuite. Cecy fait bien pour ceux,  
qui demeurerēt à ieun trois ou qua-  
tre iours, & plus long temps. Car  
que faut-il presenter des viures,  
quand tout le corps verse d'hu-  
meur, froid, & malaisé à dissiper, si  
nous auons appetit de manger,  
seulement lors que la premiere  
viande est despeschée? Quoy? si  
quelqu'un desdaigne les viandes,  
& luy font mal de cœur à les voir,  
n'est ce pas vn certain indice, qu'il  
n'a grand besoin de viande: de la-



quelle c'est Nature mesme qui nous en a donné l'appetit, sans en-  
seignemēt de personne? Et de qui pourrions-nous entendre l'heure  
du manger, & la quantité, voire la  
qualité? En ces choses nous suy-  
uons de nous-mesmes, l'inclinatiō  
naturelle, & le desir exēpt de tou-  
te raison. Parquoy celuy qui ab-  
horre totalement la viande, il n'e-  
a pas grād besoin: veu que c'est vn  
appetit naturel, & non pas volon-  
taire, ne qui obeysse à la raison. Il  
est donc ja plus qu'assez confirmé  
par nos raisons, ce que l'experien-  
ce atteste: qu'aucūs ont vescu par  
plusieurs iours sans manger, & ce  
sans aucun dōmage de leurs for-  
ces & santé: ains (qui plus est) on  
croid, qu'ils ont preueni des ma-  
ladies qui les menaçoient, ou que  
ils sont eschappez des presentes.  
Car les maux menacent, ceux qui  
sont



*De viure sans manger.* 395

ont ainsi saouls, & ont grande re-  
lection de tout le corps, si vous  
mettez tousiours de la viande:  
parce qu'il est force, que le tout se  
corrompe. Dont Hippocras dit,  
tant plus tu nourriras les corps  
mal nets, tant plus tu les offense-  
ras. Du mal present excité de ca-  
ochymie eschappa la fille Alle-  
mande, qui ieusna trois ans. Car  
on raconte, qu'elle estoit douce  
& benigne, taciturne, oyfue, &  
endormie, pleine de pustules &  
rognes, à raison de l'abondance  
de l'humeur pituiteux gros vis-  
queux. Elle ayant soustenu, de son  
propre mouuement, vn si lon ieus-  
né, en fin les humeurs estans con-  
sumez, & la matiere de son mal o-  
tee, elle remise en santé, commē-  
ça d'auoir appetit. Cecy ne doit  
sembler absurde, veu que l'esprit  
comprend facilement, que non

*Aph. 19.  
lin. 2.*



seulement il peut ainsi aduenir, ains aussi qu'il se faiet tres-sainement. Peut estre que cela est dur, d'admettre que l'action de la chaleur naturelle, perseuere deux ans ou plus, à la consommation des humeurs vne fois assemblez. Vous accorderiez bien, que le plus long terme de ieusner, soit limité à vne sepmaine ou deux, ainsi qu'ont dit Hippocras & Pline. Mais ie feray, que la lōgueur du tēps ne vous retiēdra pas, de venir de pieds & de mains à ma sentence. Moy certainemēt, qui suis moins à condamner du vice de credulité, que d'aucun autre, ne me suis persuadé telles choses sans raison. Et vous cōsidererez (s'il vous plaist) d'où ie collige que cecy peut-estre faiet, apres que vous aurez acheué de lire, ce peu qui nous reste encore à dire.

Quand



Quand l'humeur pituiteux ab- II II I.  
breuant le corps, & saoulāt plai-  
samment les parties, est copieux,  
telle nourriture suffic long temps:  
quand il est en petite quantité, la  
matiere en brief estant consumée,  
soudain l'appetit reuiēt. or si l'hu-  
meur n'est pas seulemēt copieux,  
ains aussi gros & visqueux, qui  
doubtera encores, que la vie ne  
puisse estre prolōgee longuemēt,  
sans qu'ō y adioustē aucun alimēt?  
Soit en outre, la chaleur petite &  
languissante, ou de nature, ou par  
accidēt: elle ne pourra pas dissiper  
beaucoup d'humeur: & pourtant  
il luy resistera fort long-temps.  
En vn vieillard, vne fille, vn pre-  
stre, la chaleur est moindre & plus  
remise, à cause de l'aage, du sexe,  
& du repos: Et l'abondance des  
humeurs gluans, peut-estre si grā-  
de en iceux, que la chaleur natu-



relle n'en sera moins agreable-  
ment entretenue de son accoin-  
tance, que de l'abord d'un autre  
alimēt nouveau & journalier. Ce-  
la cōtinuē, tant qu'on luy fournis-  
d'humeur en abondāce: & il en est  
fourny longuement, quand à rai-  
son de son espaisseur, viscosité &  
froideur, il en est fort peu dissipé  
de la chaleur, laquelle n'est vehe-  
mente ny acre. Et combien qu'elle  
ait esté quelque fois telle, au-  
moins elle est maintenāt rebous-  
chee. Ainsi nous auons esprouvé,  
la Salamandre (que lon croit vai-  
nement n'estre bruslee du feu, cō-  
me Dioscoride dict) mise sur le  
feu, pouuoir longuemēt resister à  
la bruslure, & estaindre le feu s'il  
estoit moindre: parce qu'elle est  
toute pleine d'humeur froid, es-  
pais & cōme lait, en lieu de sang.  
De semblable matiere (à mō auis)  
sont

Liu. 2.  
chap. 67.



ont farcis les corps, de ceux qui  
abstiennēt des viandes durāt quel-  
ques anneés. Et ie me doute aussi,  
que tel est le naturel du Chamœ-  
leon, si ce qu'en escript Plinē est *Lin. 8.*  
vray: que luy seul d'entre tous ani- *cha. 33.*  
maux, vit la bouche tousiours beā  
te, sans māger & sans boire, n'vser *Lin. 7.*  
d'autre aliment que de l'air. Car *chap. 2.*  
ce que luy mēme narre des Asto-  
mes (c'est à dire, gēs sans bouche)  
lesquels viuent de la seule exhala-  
tion, & des odeurs qu'ils tirēt par  
le nez, se faiēt par vn'autre moyen,  
si vous receuez le tres-ingenieux  
raisonnemēt de Marsile Ficin, qui *Lin. 2. de*  
est tel: On dit, qu'en certaines re- *la triple*  
gions chaudes, & qui flairent par *vic, c. 18.*  
tout de grand odeur, plusieurs de  
graisle statuē, & d'estomach debi-  
le, viuent quasi seulement des o-  
deurs. C'est (parauanture) d'autāt  
que la nature du lieu, reduit en  
odeur



400 De viure sans manger.

„ odeur presque tous les suc<sup>s</sup> des  
„ herbes, des grains, & des frui<sup>c</sup>ts  
„ mols : & la mesme nature resoulc  
„ en espris, les humeurs des corps  
„ humains. S'il est ainsi, que lempes-  
„ chement y a-il, qu'ils soyēt nour-  
„ ris seulement de vapeur, veu que  
„ tout semblable est nourry du sem-  
ble? Mais ceux qu'on a obseruez  
viuans sans viande en l'Europe, ont  
esté pleins de suc froid & visqueux.  
Nous pouuons adiouter aux sus-  
dictes conditions, le reserrement  
des pores de la peau, lequel Ale-  
xandre Beniuē a cognu, auoir grand  
poix en cecy: quand parlant d'un,  
qui à Venise ieusna quarante iours  
continuels, n'a pas seulement no-  
té, qu'il fut de membres froids, con-  
tenans au dedās du phlegme gros  
& cru, ains aussi que les pores du  
cuir estoient serrez. Or s'il m'est  
loisible de conduire cecy, des ani-  
maux



*De viure sans manger.* 401

aux plantes, i'ay en main plusieurs experiences. Car l'oignon, l'ail, & le froment, plusieurs mois apres qu'ils sont separez de la terre (qui leur fournissoit d'alimēt) non seulement vivent, ains germent aussi: parce qu'ils ont vn humeur gros & copieux, qui resiste beaucoup au flaistringement & seicheresse, entretenant la chaleur naturelle, mēme sans ayde d'aucun humeur nouvellement receu. Ainsi la Ioubarbe, herbe nommee *Semperuiue*, l'Aloë (dit *Perroquet*) & celle qu'on appelle vulgairement *Faba inuersa* (on pense que ce soit *Telephion*, des Latins nommē *Illecebra*, & des boutiques *Crassule maieur*) estans arrachees de terre & penduës (en l'air) vivent fort longuement: parce qu'elles ont du jus visqueux, & abondant en leurs fucilles bien espais. Et quel besoin ont-elles de



de frequent ou continuel aliment,  
puis qu'elles ont vn suc tât gluât,  
qu'à peine il peut finalement estre  
consumé par les grandes chaleurs?  
Et afin que persône ne se mocque  
de ce discours (par lequel ie com-  
pare les plantes aux animaux, en  
ce que concerne la facile abstiné-  
ce des viures) ie veux bien qu'on  
sçache, qu'il est beaucoup plus  
mal ayfé, que les plantes demeu-  
rét quelque tēps viues sans nour-  
riture, que les animaux. Car, pour-  
quoy faut-il que les plantes soyēt  
toufiours attachees à leurs raci-  
nes, sinon afin qu'elles attirēt con-  
tinuellement du suc, qui leur est  
nécessaire à tout moment de tēps?  
Nature a donné mouuement aux  
animaux, parce qu'il ne leur con-  
uenoit pas chercher des vian-  
des, sinon par quelques interual-  
les. Et pource vous voyez, que les  
ani



*De viure sans manger.* 403

riuez de viande, viuent aumoins  
quelque iours: & les plantes pres-  
que toutes se flétrissent, aussi tost  
que nourriture leur defaut: & sur-  
tout la race des herbes. toutesfois  
celles qui ont beaucoup d'hu-  
neur, & la substance serree & es-  
paissie, sont de plus grād' duree, &  
viuent quelque tēps apres qu'elles  
ont arrachées. Car elles retiennēt  
une portion de l'humeur gluāt, au-  
quel l'ame est conseruee, qui suffit  
pour plusieurs iours. Ainsi de plusieurs  
arbres les rameaux retranchez,  
neurent tard. Ainsi des bestes in-  
sectes, les parties descoupees se  
remuent: parce que l'humeur ter-  
reace est difficile à dissiper, retarde  
leur ame cōme enueloppee, & em-  
pestree, qu'elle ne s'en voise tost.  
Cela mesme fait, q̄ les bestes exā-  
gnes puissent (cōme cy deuāt no<sup>r</sup>  
uons remonstré) viure fort lon-  
gue



guement, sans l'usage des viandes.

**V** Je pense que rien n'empesche plus, que ie ne concludë estre vray (comme tres-bien preuue) que telle abondance d'humeur gros & gluant, se trouue quelque fois amassée en vn corps froid, que la chaleur naturelle ne fera autre chose durant plusieurs années, sinon le consumer. Cependant le corps n'a besoin de nouveau aliment dequoy le signe est, qu'il n'a point d'appetit. L'experience nous l'a premierement enseigné: la raison preuue cela mesme, avec la comparaison de plusieurs choses semblables. S'il vous plaist examiner cecy plus attentiuement, tres-renommé P A P O N, vous n'y pourrez plus contredire, ains soubscrivrez à nostre aduis: & vous esmerueillerez (comme il est bien seâ  
à tou



tout homme d'esprit ) cumment  
 les principes les plus petis, & vul-  
 gairement notoires, ie vous ay ti-  
 é à l'opinion que vous iugiez tant  
 ejectable. C'est la force des de-  
 monstrations desquelles les Geo-  
 mettriens ( beaucoup plus certai-  
 nement que les autres ) inferent  
 leurs conclusions , de supposition  
 confessees & cogneuës du vulgai-  
 re. Car ils ne parlent premiere-  
 ment que de linges, de poincts, de  
 superficies, quarrés, englets, cer-  
 cles, & semblables : puis soudain  
 ils desduisent tellement l'un de  
 l'autre, qu'en fin sans aucune ca-  
 ption ou habilité sophistique, ains  
 de necessaire consequence , ils  
 conduisent de main en main leur  
 disciple, à mesurer la grandeur des  
 cieux, la distance des astres, la ma-  
 niere des eclipfes, & autres cho-  
 ses fort cachees. Pareillement ce-



luy qui est expert en Physique, & és choses naturelles, scachât trouver par certaine methode les principes & causes de tout, peut facilement affirmer des propositions paradoxes ( tres-veritables toutesfois ) & les prouver de ce que le sens & l'usage confirment. Cecy suffira à vous, qui estes bien versé en toute discipline, & non tardif, pour confirmation de mon propos : lequel du commencement vous avez pensé, n'estre pas seulement vray semblable. I'en debatroy avec vn autre plus au long, si ces demonstrations ne luy faisoient rien : mais vous y consentez desia ( ie le scay bien ) & y adioustez vostre suffrage.

Ayant paracheué cecy, j'ay rencontré fortuitement vn lieu d'Auicenne l'Arabe, qui confirme nostre opinion par le phlegme :  
lequel



De viure sans manger. 407

lequel estant plus copieux, il  
pense pouuoir aduenir, que nous  
viuions longuement sans man-  
ger, parce que telle matiere  
tient place de viande. Il ne nie  
pas aussi, que cela ne puisse ad-  
uenir aux hommes sains. Je suis  
bien aise, de ce qu'un si grand  
auteur approuue mon opinion,  
laquelle ie pense n'auoir esté  
traittée de personne.

*Ce qui s'ensuit est traduit de la se-  
conde partie des Opusculs de M.*

*IOVBERT. pag. 136 : où  
il est noté, pour adiou-  
ster à ce para-  
doxe.*

**O**R ie preuoy facilement, que  
deux sortes de gens se peu-  
uent esmouuoir, ou du seul subiect  
de ce discours, ou de ses preuues.

G g 2 Les



408 De viure sans manger.

Les vns sont ignorans de la Philosophie naturelle, & de la Medecine, personnes venerables pour leur simplicité & pieté: comme le menu peuple, & tous ceux qui n'appliquent leur estude à examiner les causes de chasque chose. Les autres sont diaboliques, qui pourfayuent de calomnie tres-impudente, ce qu'ils scauent estre biē dit. Je ne m'arreteray point à ceux cy, parce qu'ils n'attendent pas l'explication [de mō dire] & qu'ils desprant & infectent de leur poison, tout ce qui est receu de leur penſee impure. Aux autres il me semble qu'il conuient satisfaire benignement & syncerement. Je voy qu'on me pourroit obiecter

*Obiection.* cecy: Les ieunes de quarāte iours entiers, lesquels IESVS CHRIST, Elie & Moysē ont soustenu (ainsi que tesmoignent les sainctes Escri-  
tures,



tures, dictées par le saint Esprit) ne seroient plus tenus pour miracles, si par quelque raison naturelle on peut endurer le ieusne, voire par plusieurs mois & ans. Certainement il seroit vray, si on ne reconnoissoit, que cela eust esté donné totalement contre les loix de Nature, à des hommes parfaictement sains, par certain priuilege, come nous croyons piement. Car il leur fut diuinement ottroyée, exemption de l'infirmité de la chair pour vn temps: de sorte que leur condition estoit pour lors, autre que celle du genre humain. Mais ceux que nous auons appris des histoires prophanes, auoir vescu durant quelques années sans manger (si elles disent vray) il faut qu'ils ayent tous esté mal sains, & pleins de beaucoup de suc froid, duquel le corps a peu estre nourry



410 De viure sans manger.

longuement? comme i'ay demon-  
stré amplement par ce Discours.  
Ainsi nous apprenons de ce qui  
aduiuent iournellement, que plu-  
sieurs malades n'ont point d'ap-  
petit, à cause que leur ventricule  
est farcy de mauuais humeurs: &  
ils prennent moins de viande en  
vne sepmaine, qu'ils ne pren-  
noient chascue iour quand ils se  
portoyent bien. Mais qu'un hom-  
me de cœur tressainct, puisse pas-  
ser seulement vn iour [ ou deux ]  
sans viande, & n'auoir pas faim,  
cela excède les bornes de Nature,  
& est vn miracle diuin. Combien  
plus est il admirable, qu'un tel  
homme iusne quarante iours en-  
tiers, de sorte qu'il ne sente point  
de faim, n'ait à combattre la con-  
uoitise de manger, & n'appete la  
viande ou le breuuage, non plus  
que l'un des anges? Nous croyons  
que



que IESVS CHRIST a eu le corps  
xtremement temperé & pur, ja-  
oit qu'il fut subiect à maladies,  
elon la condition de sa nature hu-  
maine. Nous recognoissons sem-  
blablement, que Moysé & Elie,  
quand ils s'abstindrent durât qua-  
rante iours de manger & de boire,  
estoyent parfaictement saincts,  
pour lors (par certaine prerogati-  
ue) exempts de la cōmune vie des  
hommes. Dequoy il s'ensuit, qu'à  
bon droit on estime cela illustres  
miracles, par lesquels l'autorité  
de ces Prophetes, & de IESVS  
CHRIST, fust establie. Or ce n'est  
pas chose nouuelle, que sēblables  
effets aduiēent, par l'ordre des  
ehoses que Dieu tres-bon & tres-  
grād a prescrit à Nature, & par vn  
miracle euidēt cōtre les loix de la  
mesme nature. Car telles fieures,  
& plusieurs autres maladies, que  
les Saincts ont guery, les medecins



oster aussi. Mais les moyens desquels ils vsent, y apportent tresgrande difference. Car les Saints de leur seule parolle, ou de leur attouchement, desfaisoient (moyenant la grace de Dieu) les causes de tels effects, avec la necessité imposee à Nature. Les medecins ne font autre chose, que opposer aux causes naturelles d'autres semblablement naturelles: par lesquelles, si la vertu des remedes donnée du Createur, est plus puissante, & qu'il ne vueille que pour lors elle soit vaine, la cause qui fait le mal est effacee. **IESVS CHRIST** guerit parfaictement le sang menstrual inueteré, du seul attouchement de la frange de sa robbe. Nous par art medicinal, duquel luy-mesme (comme pere benin, ayant pitié de la condition humaine) est auteur & vray instituteur, reme-



remedions à semblable mal par  
certains medicamens. Ainsi cer-  
tainement, l'humeur phlegmatic  
plus copieux, peut induire [ natu-  
rellement] le ieusne, comme il a  
esté aux sus-nommés se portans  
bien, de la seule volonté du tres-  
haut Dieu. Mais outre ceux-cy, il  
y a infinis miracles qui excedent  
nostre entendement, lesquels ne  
l'art humain, ne la Nature mesme  
sçait imiter en aucune maniere.  
Telle est la guerison de l'aueugle-  
ment naturel: de chasser les esprits  
immondes du corps humain: res-  
susciter les mors ja à demy pour-  
ris, & semblables, qui confirment  
l'authorité de Dieu Tout-puissant.  
Je pense qu'il appert de cecy, que  
les choses qu'on dit aduenir par  
certaine loy de Nature (iaçoit que  
rarement) ne prouuent point les  
vrais miracles, ou ne diminuent à



414 *De viure sans manget.*

la foy chrestienne, qui examine diligemment les causes de tels euenemens. Ains plustost : n'en confirme l'on pas mieux, la verité des miracles nō feints: en ostant quād & quand l'occasion des impostures, afin qu'elles n'abusent facilement le peuple mal expert. Car si quelque vn de ceux qui viuent sans manger, à cause de leur intemperature froide, & l'abondance de phlegme, vouloit contrefaire le Prophete inspiré de Dieu, combien de mille hommes precipiteroit-il en tres-graues erreurs, & ruine? Certainement celuy est impie, & ignorāt de la vraye (c'est la diuine) philosophie, quiconque pensant à ces choses, & les estimant, prononcera estre impie & tres-irreligieux, de vouloir distinguer par raisons non fardees, les œuures & (comme les nostres  
par-



*De viure sans manger.* 415

parlent) miracles de Nature, des  
miracles diuins. Ce que tous  
gens de bien & de pieté confesse-  
ront librement, conuenir fort  
à vn homme de bien, reli-  
gieux & notamment  
charita-  
ble.

F I N.







P. REVEILLES, SUIV

LE TRAICTE DES ER-  
reurs populaires, expliqués  
ou refutés par M. IOV-  
BERT.

**T**u as fait, mon IOVBERT, que tou  
le monde honoré,  
Faisant preuve de toy, tes si doctes escrits  
Et mesme as estonné les plus rares esprits  
Dont le lustre divin nostre siecle decore  
Icy, tousiours plus grād, ainsi cōme l' Auror  
Dissipe de son teinct les bronillars ob-  
scurcis,  
Tu chasses les erreurs dōi le vulgaire esprit  
Populaire ignorant, cōme vn Oracle adore  
Tu fais que maintenāt on voit à descouuert,  
Ce qu'vn masque trompeur auoit pieçā  
couuert,  
Embroüillé dās l'obscur de mille resueries  
Couragedōc, IOVBERT, tu rabbatras l'effort  
Du tēps qui rōge tout, tu rabbatras l'ēuie  
Et, hōste du tōbeau, viuras apres la mort

AV



## DV MESME.

E louangeroy bien le cours d'une riuiere,  
 Qui d'un calme sourcil, douce se va roulât.  
 Mais ie m'embroüille alors que ie vay  
 louangeant,

Le reply mutiné de l'onde mariniere.  
 loüeroy bien aussi la science ordinaire,  
 Qu'il faict que le cōmun est estimé scauât:  
 Mais la riennne qui va les autres surpassât,  
 Me fait demeurer court, accablé de matie-  
 re.

ay qui pourroit loüer le scauoir si exquis,  
 Et les granes discours qui ornēt tes escrits,  
 Et font qu'un seul LOVBERT soy-mesme  
 se surpasse? (bler  
 l vaut d'oc mieux me taire, afin de ne sem-  
 Vouloir de tes hōneurs les loüanges embler,  
 Par un chāt trop submis de maritime si basse.

P. REVEILLES.



# QVATRAIN.

**V**oz plumes desormais (ingenieux e-  
sprits)

N'vsex, pour enrichir d'une eternelle gloire,  
Le nom de mon IOVBERT. Il l'a par ses  
escripts

Gravé au haut du cœur du temple de me-  
moire.

I. HEROARD.

CATA-





CATALOGVE DE PLV-  
sieurs diuers propos vulgaires, &  
erreurs populaires, colligez de  
plusieurs, & donnez à M.

IOVBERT, par M.

Barthelémy

Cabrol.

\* \*

\*

CATA- 1. **S**oupe deuant & soupe a-  
pres, fait viure l'homme cēt  
ans, ou pres.

2. Quand la fucille monte & re-  
tombe, l'homme aussi tombe &  
retombe.

3. Il ne se garde pas bien, qui ne se  
garde tousiours.

4. Les gourmans font leur fosse à  
belles dents.

5. Il



5. Il faut mourir avec son sang.

6. Boire apres la soupe, faict voir trouble.

7. Il conuient donner à boire à ceux qui ont le poulmon roty, de peur que la chair ne tienne au pot.

8. Bien venant, bien iectant. Il vaut mieux fourmage que bouillie.

9. Homme goutteux, signe d'argent.

10. D'un pauvre sang il en faut plus tirer.

11. Hachis, geles, & perdus, sont carlate d'estomach.

12. Gens delicats, sont le pont aux asnes de santé.

13. Femme maigre, tauerne de sang.

14. Le serain espais engendre catarrhes.

15. Il n'est que vieille fille, pour  
fain



aire force enfans.

6. Ni en froid ni en chaud, tirer  
du sang il ne faut.

7. Dormir sur la bouillie, engrais-  
se les enfans : & endormir sur le  
coton, les fait leuer matin : & dor-  
mir sur le lait, c'est souhait.

8. Clystere de lait nul mal ne  
fait.

9. Le iour de la medecine est  
un grand feste : car il faut ieus-  
ser la veille.

10. Vn œuf frais nettoye le  
cœur.

11. Gasteau, charge d'estomac :  
& vinaigre ennemy de Nature.

12. En flux de ventre, ne faut  
que l'eau y entre.

13. Qui boit verjus pisse vinai-  
gre.

14. Mal de cœur veut dormir.

15. Les pieds chauds, & la teste,  
au demeurant vivez en beste.

Hh 26. Les



26. Les maladies *antique*, font aux medecins la nique.

27. S'il est vray, qu'un ladre ne fente rien : & qu'il ait force sang.

28. S'il est vray que reuerences fort basses & contraintes, avec la compression du corps, sont cause de la gibbosité à plusieurs filles : & que les enfans l'ayent plus du costé droit, à cause des nourrices.

29. Qu'il n'est pas bon, de tenir longuement les enfans bandez & garroutez dedans leurs linges, & sur tout en Esté : que cela les peut rendre subjects à la pierre & autres maux.

30. Que l'impatience des malades, rend quelque fois les maladies longues, & quelquefois mortelles.

31. D'où vient que la continuation du poisson, est plu fascheuse,



, que de la chair.

2. Pourquoy dit-on, les aposte-  
mes sont apozemes?

3. Si c'est bien dict, que de pren-  
re tous les iours chemise blāche,  
maigrit: & le filer des femmes,  
l'usage d'huile de noix.

4. S'il est vray que d'estre sou-  
vent tondū, & fort raiz, on est  
lustost chenu, & le poil en de-  
vient plus espais.

5. Contre ceux qui tiennent,  
que le cœur croit d'une dragme  
sous les ans, iusques au cinquā-  
esme: & que puis il decroit.

6. S'il est vray, que des gemeaux  
vn est inepte à engendrer: &  
semblablement des gemelles,  
vne est inepte à concevoir: & si  
es gemeaux n'en peuent faire  
autres.

7. Est-il vray, que les enfans nais-  
sent sept mois, ou autrement avant

Hh 2 leur



leur terme, sont tousiours malades, & en danger de mourir, iusques à tant qu'ils ayent atteint le terme qu'ils deuoyent seshourner dans le ventre.

38. Est-il vray que les enfans de sept mois, naissent sans ongles: & ceux desquels la maire grosse a mangé force sel.

39. Si se peigner le Vendredy, fait mal de teste: & si c'est mal-heure de prendre chemise blanche ce iour là.

40. Le Vendredy est le plus beau, ou le plus laid iour de toute la sepmaine: & iamaïs ne fut

Sabmedy qu'on ne vit le Soleil.

41. D'où vient qu'une piece de fer, ou de verre mise parmy le charbon ardent, empesche d'enlourdir la teste?

42. Pourquoi est ce que tous les enfans sont nains: c'est à dire, courts



bras & de iambes, à proportion  
du corps?

43. D'où vient que la toux s'es-  
meut, si on touche vn peu auant  
le dedans de l'oreille: & l'este-  
nuement, si on pique le nez?

44. Pourquoy se monstrent plus  
grands, ceux qui releuent d'vne  
grand' maladie: mesme ayant faict  
grande abstinence?

45. Contre ceux qui estiment,  
que c'est signe de santé, d'auoir  
froid apres le repas.

46. Comment peut causer les  
opilations, d'estre fort ferré de  
corps.

47. D'où vient que la culiere de  
fer empesche les poids & le ris de  
cuire.

48. Qui nourrit plus la chair  
froide, ou la chaude?

49. Peut-on ouyr crier l'enfant,  
dans le ventre de sa maire?

Hh 3 50. Pour-



50. Pourquoy est estimé mauuais  
le laiët caillhé dans l'estomach,  
veu que l'on digere bien le caillhé  
& le fromage ?

51. Est il vray, qu'une heure de  
dormir auât minuiët, vaut mieux  
que trois apres ?

52. Qui veut estre long temps  
vieux, faut qu'il commence de  
bonne heure.

53. Assez faiët qui rien ne faiët,  
és maladies perilleuses.

54. La medecine, & la guerre  
font à l'œil.

55. Pourquoy dit-on que les beu-  
ueurs d'eau n'ont iamaïs besoin  
des pieds d'autrui ?

56. Pourquoy dit-on, que le vin  
est de melancholie leuain ?

57. De guerir auoir volonté, est  
partie de la santé.

58. Où il y a & ieunesse & riches-  
se, là il y a maladie à largesse.

59. Est



59. Est-il vray que durant la fa-  
mine commune on ait plus de  
faim, qu'en autre saison, iacoit  
que particulieremēt on n'ait fau-  
te de viures?

60. Contre ceux qui conseillent  
& ordonnent l'acte venerien, cō-  
tre la grauelle, pierre, & autres  
maux de reins.

61. S'il y a raison de dire, qu'il ne  
faut verser de l'eau, en la chābre  
de celuy, qu'on a taillé pour la  
pierre.

62. Comment vne femme peut  
viure sans matrice, aussi bien que  
vn homme sans mentule & geni-  
toires.

63. Du grand abus que l'on com-  
met, en l'absorde vsage de le Mu-  
mie faullement appelée.

64. Que les Myrobolans ne sont  
de telle, ne si excellente vertu, que  
le vulgaire les estime.

Hh 4 65. S'il



65. S'il est bon, que les enfans commencent bien tost à manger du pain bouilly, de la soupe, de la chair, & autres viandes solides.

66. Quelle chair rostie est plus saine, & plus savoureuse, lardee, bardee, flambee, ou graissée?

67. D'où vient que les beuveurs d'eaux sont grands mangeurs?

68. S'il est possible de cognoistre par la couleur, scaueur, tenacité, ou autres qualités manifestes (que la terre lemnie & sellee, soit legitime & bonne.

69. Est-il vray, ce que plusieurs femmes soustiennent, que la saignée du iarret faict plus rude la peau, & le teind plus grossier?

70. Que la consequence n'est pas certaine, du foye chaud l'estomac froid: & qu'on accuse souvent à tort le foye, d'estre chaud  
intem-



intemperamment.

71. Contre ceux qui iugent estre signe de grand' santé, de ne cracher, ou moucher point.

72. Qui est meilleur contre le rheume & catharre, de coucher haut ou bas de teste?

73. Erreur de ceux qui disent, le Medecin deuoit tout au malade, & le malade au Medecin rien qu'un peu d'argent.

74. Pourquoi dit-on, qu'un bon Medecin est tousiours mauuais, & un bon homme est mauuais medecin?

75. D'où vient que ceux guerissent plus aisement, de leurs playes, vlceres, ou autres maladies, desquels les tasches des linceuls ou autres linges s'effacent aisement à la lèxiue?

76. Estant un mesme passage des viandes & des breuuages, un

Hh 5 mes-



mesme receptacle, & vne mesme raison ou cause du goust d'iceux, d'où vient que on trouue cōmune-ment meilleur le brouet chaud, & le boire frais: & tant des chairs que des fruiçts, les vns sont trouuez meilleurs chauds, les autres froids.

77. Comment peut le salpêtre rafraischir l'eau, veu qu'il est chaud, & aisement se conuertit en feu?

78. D'où vient que sur la mer on a si grand appetit?

79. S'il est vray, qu'un clystère laxatif puisse exciter au coït: ce que plusieurs disent auoir senty quelque fois?

80. Comment les pucelles peuuent estre subiectes au mal de maire, voire auant leur puberté.

81. Que plusieurs gouvernēt beaucoup mieux leurs cheuaux, que leurs  
leurs



eurs personnes, dont c'est bien  
dict, qui veut viure sainement, ait  
pour soy tel pensement, que de  
son cheval ou iument.

82. Si les palles couleurs des filles  
sont contagieuses, & qu'une autre  
les puisse prendre, pour coucher  
ou se baigner ensemble.

83. Qu'un estomac debile &  
froid portera mieux l'eau pure,  
que le vin verd ou aigre.

84. Pourquoi dit-on, que le  
mouton nous fait enuieillir sur  
toutes viandes: & que le fromma-  
ge nous en garde?

85. S'il est vray que les aigrais ou  
verius pochés en l'œil esclarcif-  
sent la veüe?

86. Quelc'est bien dict, qu'il ne  
faut toucher aux yeux & au nez  
malades que du coude.

87. Contre ceux qui croient, la  
dou-



douleur des des dents reuenir plus forte qu'au parauant, si on iette au feu la dent arrachee: ou que l'on mette sur le sang qu'on en a rendu, de la braise ou des cendres chaudes.

88. Que les choses grasses n'engraissent pas, comme l'on pense.

89. D'où vient que d'une poullaille noire, le bouillon en est plus blanc? & d'une chieure noire le laict en est meilleur?

90. Pourquoi est-ce, que les personnes blanches sont plus delicates?

91. Qui est plus sain, l'huile ou le beurre?

92. Pourquoi dit-on, que le feu est bon en tout temps: & s'il est sain de se chauffer?

93. Pourquoi dit-on, faire iambes de vin: & que les cheuaux en  
vont



90. ntmieux, quand les cheuau-  
cheurs ont bien beu.

94. D'où vient qu'on pese plus  
à iun, que apres le repas, & mort  
que vif?

95. Si c'est estre bon compagnon,  
que d'auoir vn boyau vuide pour  
ses amys.

96. S'il est vray, que le coït  
soit dangereux, au coït de la Lu-  
ne.

97. Est-il vray que les gras & les  
bossus viuent moins que les au-  
tres, & ceux qui ont les dents cler-  
semees, & les genoux pointus?

98. Est-il vray, que morte la be-  
ste, son venin est mort aussi?

99. D'où vient que les petis sont  
communement plus coleres que  
les grands, & ont volontiers plus  
d'esprit?

100. Si la fumee de la chandelle  
ou lampe estainte fait deuenir la-  
dre:



dre: & si elle peut faire auorter  
vne femme.

101. D'où vient que l'eau du puits  
deuient meilleure, si on y iette des  
petis poissons?

202. S'il est possible, que l'homme  
exerce l'acte venerien, dans le bain  
chaud ou froid: & que la femme  
conçoie du bain auquel l'hom-  
me ait spermatisé.

103. Est-ce bon signe, quand vn  
malade s'amaigrit fort, & dès le  
commencement de sa maladie?

104. Peut-on cognoistre, si vn  
homme est puceau?

105. Est-il vray, que si vne femme  
enceinte porte vn enfant à Ba-  
ptême, bien tost mourra, ou cest  
enfant, ou celny qu'elle a dans le  
ventre?

106. Si celle qui a faict des ge-  
meaux, peut guerir de la des-  
noüeure, comme l'on dit: & si  
le



Le septiesme enfant masle guerit  
des escruelles, tant qu'il est pu-  
eau.

107. D'où vient, que les vns se  
mortent mieux en hyuer, les autres  
en Esté : & que l'on engraisse plus  
en hyuer ?

108. Pourquoy est ce, que d'auoir  
peu, on chante mieux ?

109. S'il est vray, que l'argent &  
le pain ne donnent ou apportent  
jamais la peste.

110. Qui bien mange, fiente &  
olort, ne doit auoir peur de la  
mort.

111. Des Polognois malades, voi-  
sant à l'extremité, qui se leuent &  
vestent, à l'heure que les medecins  
les doyuent visiter.

112. Si les bouches enleuees, ou  
entamees, denotent que le mal  
s'en va.

113. Pourquoy est-ce, que com-  
mu-



munement chascun obserue ce  
qu'il a mousché, & non pas les  
autres excremens: si ce n'est pa-  
rauanture quelque melancoli-  
que?

114. Par où faut-il entamer l'œuf  
par la pointe, le gros bout, ou le  
milieu?

115. Faut-il boire à chascue œuf  
vne fois, ou d'auantage?

116. Est-il plus sain, de se faire  
tondre le premier Mardy de Mars,  
qu'un autre iour dudit mois, ou  
d'un autre mois.

117. Qui moins en faict, trompe  
son compagnon.

118. On ne s'enyure pas volon-  
tiers de son vin.

119. Qui peu mange, prou man-  
ge: & qui prou mange, peu man-  
ge.

120. Comment se peut-on mor-  
fondre par les yeux, par le nez, la  
bou-



bouche, & les oreilles.

21. S'il est vray, que ceux qui  
ont esté taillés à cause de l'hernie,  
ne peuuent despuis engendrer.

22. Pourquoy dit-on, qui ne  
peut manger qu'il boiue.

23. Est il vray, que les bains  
naturels ne valent rien, ou qu'ils  
sont dommageables, à ceux qui  
ont eu la verolle.

## II INDICE








# INDICE

## DES CHAPITRES

## ET MATIERES,

CONTENUES EN  
*ceste seconde partie des Erreurs  
 populaires, & propos vulgaires.*

1.  VE l'on se peut & doit souuent passer du  
 in : dont il n'est tant  
 necessaire, que cuide  
 le vulgaire. pag. I

II. Contre ceux qui pensent, toute  
 fièvre estre de froid, hors-mis  
 celle qu'on nomme *chaude*. D'où  
 procede le frisson, & le retour des  
 fie



meieures terminees.

19

iii. Du morfondement, & larfondement: & commēt le peuple s'abuse, cuidant que tous les maux des trauailleurs (ou la pluspart) soit de morfondement.

38

iiii. Pourquoi ordōne l'on de boire du vin pur, à ceux qui sont fort eschauffez: & de pisser auant que se mettre au repos, quād on a fort trauillé.

47

v. Qu'il faut souuent changer de linge aux febricitans.

63

vi. Que les femmes tuent les febricitans d'abstinence de boire, abondce de viures, & ennuyeuse couuerture. Et quel regime il cōuient obseruer aux febricitans.

73

vii. Contre ceux qui ne permettent aux febricitās, de boire durāt leur accez: & les autres, qui veulent qu'ils boient chaud, pour suer plustost & mieux.

203

Ii 2

viii.



- viii. Des bouillons & orge-mon-  
dez qu'on baille à minuit, ou le  
matin, fort indiscrettement. 106
- ix. Si c'est mal faict de boire à  
l'heure du coucher. 116
- x. S'il faut boire aussi chaud qu'on  
a le sang, mesmement en esté: &  
s'il est mauuais de raffraischir le  
vin. 126
- xi. Contre ceux qui se plaignent  
en esté de la chaleur des nuicts,  
& cependant ils couchent sur la  
plume, les fenestres fermées. 135
- xii. Que les boudins ne valent  
rien gardez: & que de là est ve-  
nuë la coustume d'ẽ faire des pre-  
sens. 142
- xiii. Contre ceux qui craignent  
par trop la saignée, & opinion que  
la premiere sauue la vie. 150
- xiiii. Qu'on peut saigner les  
femmes grosses, les enfans, & les  
vieux. 164
- xv.



r. Contre ceux qui temerairement & trop souuent vsent de la saignée. 176

xvi. Que la purgation peut conuenir à toute saison, voire durant les iours caniculiers. 183

xvii. Comment il se faut gouuer-  
le iour qu'on prend medecine. Si  
on peut dormir apres. De l'heure  
du bouillon lauatif Des repas qui  
cōuiennēt a ce iour la pourquoy  
on ne doit sortir de la chābre. 194  
xviii. D'oū aduient cōmunement,  
que les plus cheris meurēt le plus  
souuent. 221

xix. Contre ceux qui disent, que  
mort ne fut iamais sans regret.

229

xx. Contre ceux, qui pour auoir  
le ventre lasche, marchent pieds  
nuds sur vn lieu froid, ou boient  
de l'huile en quantité: & qu'est-ce  
qu'auoir bon ventre. 234

Ii 3

xxi.



xxi. Sçauoir-mon, si les huitres & les truffes randent l'homme plus gaillard à l'acte Venerien. 142

xxii. Contre ceux qui iugent de la suffisance des Medecins, par le succez, qui est deu souuent à l'heur, plus qu'au sçauoir. 258

xxiii. Que le vulgaire n'estime riē, si on ne guerit contre son opiniō: que les derniers remedes ont tout l'honneur, & bien-heureux le Medecin qui vient à la declination du mal. 262

xxiiii. Des importuns & soupçonneux, qui calomnient les procedures du Medecin. Des outrecuidez & presumptueux, dangereux aupres d'un malade. 269

xxv. Que ce n'est le profit des malades, d'auoir plusieurs Medecins d'ordinaire. 281

R A M A S de propos vulgaires & Erreurs populaires, avec quelques problemes, enuoyez de plu-



& matieres. 443

eurs à M. I O V B E R T. 284

Explication de quelques phra-  
ses & mots vulgarres, touchant les  
maladies principalement. 333

leura, Flus, flus Menstrual, Mois,  
Menstrues, Perdement, Rhodais,  
Chemise, Doit auoir, cas, Mala-  
le, Male sepmaine, Temps, Car-  
dinal, Marquis. 191

Auorter, affouler, blesser, deffar-  
rier, gaster. 337

Des-uerdiat, des-entourat, des-  
ourat. 339

Retaillat. 340 Mal de Maire. 342

Dysanterie, Eprenfas, Seintegne,  
Caguefanguie. 343

Nephritique, Phrenetique, Coli-  
que venteuse, nephritique & pier-  
reuse. 344

Colique, Masclon, colique d'esto-  
mach. 346

Goutte, Dessente, Rheume, Ca-  
tarrhe, Goutte naturelle. 347

I i 4

Scia



444	<i>Indice des chap.</i>	
	Sciaticque.	34
	Squinance, Morceau d'Adam.	
349		
	<i>Noli me tangere.</i>	35
	Saigner du nez.	35
	Migraine.	35
	Lunatic, & tenir de la Lune.	35
	Mal caduc, Mau de terre, Ma	
	sainct Iean, Mau de las passeras.	
	Haut-mal.	354
	Mau-loubet.	356
	La male-bosse.	357
	Escannar.	357
	Aualisque, Esuanouyr, Spasme,	
	Pasmoison.	358
	Desieusner, Boire, Resner, Gou-	
	ster, Soupper.	359
	Grasse matinee.	362
	Penfer vn malade.	363
	Remedes Metaphoriques & ex-	
	trauagans.	364
	Pour la multiplication de semen-	
	ce, & la fecondité.	364
	Pour	



*& matieres.* 445

Pour enfanter plus aysement  
pour em pescher l'dauortisse-  
ment. 368

Pour rompre la pierre dans le  
corps. 370

Contre à la memoire. 373

Des remedes superstitieux ou  
malains, & ceremonieux. 374

Pour arrester tout flux de sang.

375

Contre la iaunisse. 376

Contre la goutte grampe. 376

Pour faire sortir plustost les dents

aux petits enfans. 377

Pour ne vomir point sur mer. 377

A faire perdre le laiçt. 377

Contre toute fieure. 377

Contre la fieure quatte. 377

Pour faire perdre les verruës. 378

Pour guerir de l'hydropisie. 379

Contre le masclon. 379

Contre le mal de maire. 379

Coniuration de l'amarry. 379

l i s P R O



446 *Indice des chap. & matieres.*

PROPOS Fabuleux. 38

De la Vipere. 36

Du Bieure, dit Castor. 36

De la Salamandre. 36

De l'Ours. 37

Deux Paradoxes de M. Iouber  
traduits par Isaac son fils.

Quelles poisons ne peuuent  
estre baillees à certain iour, ne fai  
re mourir à certain temps. 22

Qu'il y a raison, que quelque  
vns puissent viure sans manger  
durant plusieurs iours & annees:

362

E R





PREVRS POPVLAI-  
RES, ET PROPOS VVL-  
gaires, en langue Catala-  
ne, Espagnole, Ita-  
lienne, & La-  
tine.

CATALANS.

**Q** Vi mingeo porc , mingeo sa  
mort,

Dono e capon , es tousiours de se-  
son.

Qui non ha lou ventre dur, non pot  
dormir segur.

Entre la merdo, & lou pis, se nour-  
ris lou bel fils.

Non fais iamau kion, de ta bouche.

Assau fay, qui ren non fay.

Qui non flouris, non grano.

8. Qui



8. *Qui se va dormir en sed, se leuo e  
santad.*

9. *En Iun, & en Iulhet, ne fenno n  
caulet.*

---

## ESPAGNOLS.

*Vna azeituna es de oro, la dos es  
plata, la terzera es de plomo,  
quarta es de hierro.*

---

## ITALIENS.

1. *Salata ben salata, poco aceto, e  
ben ogliata.*

2. *Vesti caldo, mangia poco, beue a  
sai, & vineray.*

3. *Vegliar à la Luna, & dormir a  
Sole, non fa ne pro ne honore.*

4. *Per tutto April, no te discuprir.*

5. *Da sancto Luca, metti la main i  
bocca.*

6. *Bon vino, cattiva testa, & fanol  
longa*



longa.

in di fiasco, la matina buono, la  
sera guasto.

El pesce guasta l'acqua, la carne  
l'acconcia.

Chi non se gouuerna vn anno, e'  
cinque anni dapoì sēza allegressa.

Chi mal cena, peg gio inghiorisse.

Chi non fa come fa l'occa, la sua  
vita è triste & poca.

Frommaggio, pere, & pan, sonno  
pasto da vilan: sfrommaggio, pan  
& pere, son pasto da cauagliere.

Bisogna vn matto, e vn sauo, a  
tagliar del frommaggio.

El pan sutto, fa diuentar muto.

El vino à la sauer, & il pã al color.

Chi mangia el caualo, e lascia il  
brodo, piglia il carruo, e lascia  
il buono.

Tre cose buone fa la zouppe: fa  
patire, fa dormire, & la gangia  
rossa.

18. Chi



18. Chi vuol esser bene vna settimana  
laui se la testa: chi vn mese, ama  
Zi el porco: chi vn anno, tolga ma  
glie: chi sempre mai, si faccia pr  
te.

19. A mal mortal ne medico, ne med  
cina val.

20. Ad ogni cosa remedio, excetto a  
morte.

21. Chi va piano, va sano: & chi e s  
no, va lontano.

22. La mano al petto, la gamba a  
letto.

23. El maggior fastidio ch'habbia v  
vecchio, è di non cagar tenero.

24. Chi va al letto senZa cena, tut  
la notte si dimena.

25. Vn pasto buono, vn triste, è v  
mezano, mantiene l'huomo sano.

26. Chi fa quel fatto troppe, scola  
fageoli: & chi nol fa, non ha  
gliuoli.

27. Chi lo fa quanto ei puol, nol

qua



quando ei vuol : & chi piu lo fa,  
manco lo fa.

8. Chi mangia carne e pesce, la vita  
gli rincresce.

9. Vino amaro, tien lo caro.

10. Atauola non s'invecchia.

### LATINS.

1. A pane biscocto, à medico indocto,  
à fulgure & tempestate, defende  
nos Domine.

2. Caseus laudatur non albus, nec ar-  
gus, nec Magdalenus.

3. Ala mala, coxa, noxa, cropion du-  
bium, collum remora pelle bonum.

4. Vinum lymphatum, citò potatum,  
generat lepram.

5. Summa medicina est, nunquam vti  
medicina.

6. De caseo barcam, de pane Bartolo-  
meam.

### F I N.



